


МУНАВVAR ҚORI  
АБДУРАШИДХОНОВ  
ТУРКИСТОН  
ТАРАККИЙПАРVARЛАРИНИНГ  
САРДОРИ





ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИ  
ХУЗУРИДАГИ ҚАТАГОН ҚУРБОНЛАРИ ХОТИРАСИ  
ДАВЛАТ МУЗЕЙИ  
“ШАҲИДЛАР ХОТИРАСИ” ЖАМОАТ ФОНДИ

МУНАВВАР ҚОРИ  
АБДУРАШИДХОНОВ ТУРКИСТОН  
ТАРАҚҚИЙПАРVARЛАРИНИНГ  
САРДОРИ

“Мунаввар қори Абдурашидхоновнинг илмий-педагогик мероси  
ҳамда Ўзбекистонда таълим тизимини янгилаш ва  
ривоҷлантириши муаммолари” мавзуидаги Республика илмий-  
амалий анжумани материяллари,  
2018 йил 26 апрель

Тошкент  
“MUMTOZ SO‘Z”  
2018

УЎК: 821.512.133

КБК 82.3(5Ў)

Туркистон ўлкаси XIX аср охирин – XX аср бошларида мустамлакачилик сиёсати оқибатида сиёсий, маданий, иқтисодий таназзулга юз тутди. Ана шундай шароитда вужудга келган жадидчиллик ҳаракатининг етакчилиридан бўлган Мунаввар қори Абдурашидхонов ўз вақтида нафақат Тошкентда, балки бутун Туркистонда халқ маорифини тараққий эттиришида катта ютуқларни қўлга киритди. Мунаввар қори томонидан илгари суриган илгор гоялар, илмий-педагогик қарашлар минг йиллик ўзбек таълим-тарбия услугини анъанаclarini тиклашига хизмат қилди ва бу ютуқларни чукур илмий ўрганиши, шубҳасиз, бугунги кунда мамлакатимизда амалга оширилаётган таълим тизимидағи ислоҳотларда муҳим аҳамиятга молик ҳисобланади.

Мазкур тўпламга киритилган мақолаларда XX аср бошларида яратилган янги усул мактаблари, дарслеклари ва ўқув қўлланмаларининг янги ўзбек зиёлилари авлодининг шаклланишида М.Абдурашидхоновнинг роли, унинг Туркистонда миллий олий таълим тизимини барпо этиши, туркистонлик ёшлиларни олий таълим олиши учун Марказий Россия ва Европа мамлакатларига юбориши орқали олий маълумотли миллий кадрлар авлодини яратишидаги хизматлари, шунингдек, унинг “Турон” театри ва “Нашири маориф” жамиятидағи маърифатпарварлик фаолияти ҳамда адабий-публицистик асарларидаги меҳнатсеварлик, инсонпарварлик, ватанпарварлик, фидойилик гояларининг ҳозирги вақтдаги аҳамиятини ўрганиши назарда тутилган.

Китоб Ўзбекистон тарихининг ўта мураккаб ва зиддииятли даврини тарихчи, сиёсатшунос, адабиётшунос, файласуф ва бошқа соҳа мутахассислари томонидан олиб борилаётган тадқиқотларни тўлдиради ва тарихан тўғри хулосаларга келинга кўмак беради.

**Таҳrir ҳайъати:**

Наим КАРИМОВ, Рустам ШАМСУТДИНОВ,  
Мурод ЗИКРУЛЛАЕВ, Баҳром ИРЗАЕВ, Абдували ЙЎЛДАШЕВ

**Масъул мухаррир:**  
Бахтиёр ҲАСАНОВ,  
тарих фанлари доктори

**Тақризчи:**  
Сайдакбар АГЗАМХОДЖАЕВ

ISBN 978-9943-4718-9-2

© “MUMTOZ SO‘Z”, 2018

**Наим КАРИМОВ**  
академик

**МУНАВVAR ҚORI АБДУРАШИДХОНОV  
МИЛЛИЙ МУСТАҚИЛЛИК УЧУН КУРАШ  
ЙҮЛБОШЧИСИ СИФАТИДА**

1919 йилдаги январь воқеаси даврида Эски Жүвадаги босмахонанинг иккинчи қаватида ёшларнинг бирлашган йигилиши бўлди.

Бу йигилишида Саъдулла<sup>1</sup> Мунаввар қори билан ўтишиб сўрашади-да: “Мен эсерман, Ватан учун хизматга доимо тайёрман”, – деб айтади. Бу ерда Акмал Икромов раҳбарлигидаги “Изчилар” музика оркестри ҳам бор эди. Музикачилар унинг бошақарувида “Яшасин Мунаввар қори! Яшасин миллат!!” деб ашула айтади.

Тошкентда уни билмайдиган одам йўқ. У жадидларнинг буюк кишиларидан бири, “Шўрои Исломия”нинг асосий ташкилотчиси бўлган”.

*Тангириқули Мақсудов. Тергов пайтида берган кўрсатмасидан.*

Узоқ асрлар мобайнида миллий озодлик учун курашган қайси бир халқ тарихини варақламанг, унинг зобит давлатга қарши исён, галаён, кўзғолон ёрдамида курашиб келганлигини кўрамиз. XIX аср охири – XX аср бошларида Туркистон аҳолиси ҳам мустақиллик учун курашнинг шундай усулидан фойдаланиши мумкин эди. Аммо тарих бу усульнинг самара бермаслигини, аксинча, исён ёки кўзғолон кўтарган омманинг зобит давлат томонидан қаттиқ жазоланиши муқааррарлигини кўрсатди. Шу даврда Туркистонда вужудга келган жадидчилик ҳаракати раҳбарлари бу аччиқ ҳақиқатни яхши билганлар. Шунинг учун улар ҳали ижтимоий онги мудраб ётган, қадди мустамлакачилик зулми остида эзилган ва пароканда холда яшаб келаётган аҳолини, аввало, маърифат булоқларидан баҳраманд этиб, миллатини муайян уруғ, ватанини муайян қишлоқ ёки шаҳардан иборат деб келаётган аҳолини бирлаштириб, уни Ватан, эрк ва хуррият сингари қадрияtlарни эъзозловчи халқ

<sup>1</sup> Саъдулла – Саъдулла Турсунхўжаев (1891-1937) XX асрнинг биринчи чорагидаги таникли давлат ва жамоат арбоби.

даражасига күтариш лозимлигини яхши билганилар. Шу нарса уларни янги тарихий давр бошларида мактаб ва маориф тизимини ислоҳ қилиб, янги усул мактабларини очишга, миллий матбуот, адабиёт ва театрни яратишга даъват этди. Улар шу йўл билан Туркистон аҳолисини маърифатлаштириб, жаҳондаги илғор халқлар даражасига олиб чиқишини ўз олдиларига асосий мақсад қилиб кўйдилар.

Шу тарихий миссиянинг бошида Тошкент жадидлари раҳбари Мунаввар қори Абдурашидхонов турди. У Тошкентда дастлабки жадид мактаби ва жадид газетасини ташкил этибгина, жадид театри пардасини ilk бор очибгина қолмай, 1913 йилда Туркистондаги дастлабки маърифий ташкилотлардан бири “Турон” жамиятига, 1917 йилда эса “Турон” заминида “Шўрои Исломия” жамиятига тамал тошини кўйди. Кўп ўтмай, тарихий давр тақозоси билан унинг бевосита иштирокида “Турк адам марказият” партияси ҳамда “Иттиҳод ва тараққий” ташкилоти тузилди. Мунаввар қори Абдурашидхонов берган маълумотга қараганда, 1919 йили Тошкентнинг Қашқар маҳалласига якин боғларнинг бирида “Иттиҳод ва тараққий”нинг Умумтуркистон қурултойи ўтказилиб, унда “Миллий иттиҳод” ташкилотига пойдевор кўйилди.

Мустамлакачилик сиёсати гуллари чаман бўлиб очилган Туркистонда миллий ташкилотларни тузилиш осон кечмаган. 1917 йил февралидан кейин ҳокимият тепасига келган большевиклар чор охранкасининг кузатувчилик, тазиикчilik ва таҳдидчилик ишларини давом эттириб, шу ташкилот аъзоларининг ҳар бир хатти-ҳаракатини кузатибгина қолмай, Мунаввар қори ва у раҳбарлик қилган миллий ташкилотларга қарши маълумот тўплаш ва курашища улардан усталик билан фойдаландилар. Ўзлари ва оила аъзолари ҳаёти хавф остида колган миллий иттиҳодчилар ГПУ-ОГПУ органлари билан муросада яшашга мажбур бўлдилар. Мунаввар қори айрим миллий иттиҳодчиларнинг ГПУ-ОГПУ органлари тўмонидан ёлланганини уларнинг ўзларидан эшиттани учун маълум вақт уларни дезинформация - нотўғри маълумотлар билан таъминлаб турди. Аммо Февраль инқилобидан кейин ҳокимиятни кўлга олиш мақсадида тузилган “Шўрои Исломия”дан “Шўрои Уламо” жамияти ажralиб чиққач, “Уламо” ҳурриятга эришиш ўйлида харакат килишдан кўра Мунаввар қори ва унинг маслақдошларига қарши курашга зўр берди. Идораси Эски шаҳар-

да жойланинг “Шўрои Исломия” ҳатто “Уламо” тазийкидан қочиб, Янги шаҳардаги Дума биносига кўчиб боришга мажбур бўлди. Ҳозир дин ва дин арбобларига катта эътибор берилаётган вақтда айрим тарихчилар “Шўрои Уламо”нинг “Шўрои Исломия” ва унинг раҳбарига қарши олиб борган курашини совет даври тарихчиларининг уйдирмаси сифатида талқин қўлмоқдаларки, бу – тўғри эмас.

Мунаввар қори “Хотирадар”идан маълум бўлишича, “Уламо” жамияти таҳминаш 1919 йилда Нуриддинбек Худоёров билан Фози Олим Юнусовни Туркияга юбормоқчи бўлган. Бу хабарни эшигтган Мунаввар қори “Шўрои Исломия”нинг бир неча аъзолари иштирокида мажлис ўтказиб, Англиянинг Туркистонга кўз тикаётгани, “Уламо” жамиятида эса Англияга яқинлашиш истаги уйгона бошлиганини, агар Туркистон Англия тузогига илинса, ундан кутулиш мумкин эмаслигини айтади. Шу мажлисадан кейин “Шўрои Исломия”нинг икки аъзоси – Садриддинхон билан Садносир Миржалилов “Уламо” вакилларига карши ишлаш учун Туркияга юборилади. Бу ҳар икки жамият вакилларининг Истанбулга бориши Туркиядаги иттиходчилар хукумати йиқилиб, бошликлари ҳар томонга коча бошлиган ва Истанбул Европа давлатлари томонидан ишғол этилган даврга тўғри келади. Хуллас, “шўрои ислом”-чиларнинг ҳам, “Уламо” вакилларининг ҳам сафарлари натижасиз тугайди. Аммо орадан кўп ўтмай, “Шўрои Исломия” Тошкентдан Убайдулла Ҳўжаев билан Сандносир Миржалиловни, Самаркандан эса Маҳмудхўжа Беҳбудий билан Мардонқул Шоҳмуҳаммадзода ва Мухаммадқул Ўринбой ўғлини Туркияга юборади. Лекин бу делегация Беҳбудий бошлиқ гуруҳнинг Қаршида амир одамлари томонидан ушланиб, қатл этилиши сабаб Туркияга бора олмайди.

Бу икки воқеа ўзбек зиёлиларининг XX аср бошлирида мустақиллик йўлида олиб борган курашларида Туркияга маънавий ва амалий мадад бера олувчи бирдан-бир давлат сифатида кўз тикканларини кўрсатади.

Илмий адабиётда атокли маърифатпарварнинг сиёсат саҳнисига чикиб, 1917-1929 йилларда “Иттиҳоди тараққий” (1917-1920), “Шўрои Исломия” (1917-1918), “Миллий иттиҳод” (1921-1925), “Миллий истиқлол” (1926-1929) сиёсий-ижтимоий ташкилотларига раҳбарлик қилгани қайд этиб келинади. Шу ўн йилдан зиёдроқ вақт мобайнида Туркистоннинг ижтимоий-сиёсий ҳаётида қандай

воқеалар рўй берган бўлса, Мунаввар қори шу воқеаларнинг мөхиятига караб истиқлол учун кураш тактикасини ўзгартириб, янгилаb келди. 1918 йил февралида Туркистон Мухторияти большевиклар томонидан зўравонлик йўли билан тутатилган бўлса-да, шу йили совет давлатининг аҳволи мушкуллашган, ҳатто Туркия Озарбайжонга бостириб кириб, Боку шаҳрини эгаллаган эди. Музффар турк кўшинларининг Ўрта Осиёга келиб, мислий истиқлолчиларнинг Туркистонни большевиклар чангалидан қутқариб олишига ёрдам бериши эҳтимолдан холи эмас эди. Тарихий вазиятнинг истиқлолчилик харакатини давом эттириш учун қулай эканлигини сезган Мунаввар қори “Иттиҳоди тараққий” ташкилотини шакллантиришга катта эътибор берди. Унинг ГПУ Ўрта Осиё бўлими бошлиғи Бельский талаби билан ёзилган хотираларида шу ташкилотнинг тузилишига доир бундай маълумот берилган:

**“Иттифоқи тараққийпарварон” жамияти.** Бу жамиятнинг Февраль инкилоби даврида “Уламо” галабасидан сўнгра тараққий-парварларни бирлаштириш мақсади ила тузилғонлиги ва уларга бош мақсад қилиб ерлик халкни “жаҳолат ва асоратдан қуткармок” жумласини олғонлигини, турклар томонидан Боку олингоч, “парварон” сўзи ташланиб, жамиятнинг исми “Иттиҳоди тараққий” бўлиб кетғанини, 19-йил январь воқеаларидан сўнгра кераксиз топилиб, мутавваккил торқолишғонлиги ва бу миёнада ишлабон ишларни кисқача ёзмоқ ила баробар уставдан баъзи хотирада қолғон моддаларни ҳам ёзиб берғон эдим”.<sup>1</sup>

Мунаввар қори шу сўзлардан кейин жамият муассисларидан 2 таси тошкентлик, 2 таси самарқандлик, 2 таси турк, қолган 2 таси эса козоқ ва туркман бўлганини айтган. Яна унинг маълумот беришича, жамиятнинг “Маркази умумия” ва “Ҳайъати марказия” деган шўъбалари бўлиб, уларнинг биринчиси Тошкентда, иккинчиси вилоят марказларида фаолият кўрсатган; ўз навбатида уларнинг шаҳар ва қишлоқларда шўъба-ю шўъбачалари бўлган. “Иттиҳоди тараққий” яширин жамият бўлгани учун аъзолари жамият раисидан бошқа ходимларни шахсан билишмаган. Мунаввар қори жамиятнинг Тошкент, Беҳбудий – Самарқанд, Мирзоҳид – Фарғона, Хон Явмудский – Туркманистон, козоқ мұхаррири эса Еттисув бўлимларига раҳбарлик қилишган.

<sup>1</sup> Абдурашидхонов М. Таъланган асарлар. – Т.: Маънавият, 2003. – Б. 210-211.

Шу вақтда Россияда большевиклар хукуматини ағдариб, меньшевиклар хукуматини ўрнатиш учун “оклар” ҳаракати бошланған эди. Туркистоннинг икки ўт ўртасида қолганини кўрган Англия эса тарих берган имкониятдан фойдаланиб, Марказий Осиёни ҳам эгаллаш режасини ишлаб чиқаётган эди. Шундай мураккаб шароитда “Иттиҳоди тараққий” олдида турган вазифа, Мунаввар қори асл мақсадини яширини истагида ёзганидек, “Туркистонга шўролар томонидан берилган мухториятни кенгайтириш ва идораларни ерлаштира бориш” эмас, балки большевиклар чангалидан чиқиш учун, истиқлол учун курашни ташкил этиш эди.

1919 йил январида Осипов кўзғолонининг бостирилиши большиевикларнинг Туркистондаги ягона бирлашган сиёсий-ижтимоий куч эканлигини кўрсатди ва улар мавқеи бир неча бор кўтарилиди. Бу ҳол атрофига кенг ҳалқ оммасини бирлаштира олмаган “Иттиҳоди тараққий” жамиятининг тарқалиб кетишига сабаб бўлди.

“Иттиҳоди тараққий” ва ўша кезларда Мунаввар қори раҳбарлигида тузилган “Бирлик” жамиятлари тарқалғоч, – деб ёзади Мунаввар қори, – биздан айрим қолғон тўда бошлиқлари биз 8-курултойда “Миллий группа” тузиб, Казаковлар ила курашиб тургон чокларимизда бизга билдирамасдан “Миллий иттиҳод” жамиятини тузғонлар<sup>1</sup>.

Мунаввар қорининг маълумот беришича, “Миллий иттиҳод”-нинг ўз дастур ул-амали бўлмай, жамият “Иттиҳоди тараққий”нинг дастури асосида тузилган низомнома бўйича иш юритган.

Мунаввар қори Бельскийнинг талаби билан “Хотиралар”ида “Миллий иттиҳод” ташкилоти тўғрисида маълумот берар экан, бу ташкилотнинг совет давлатини ағдариб, миллий ўзбек давлатини куриш мақсадини яширмасдан ва турли масалалар билан Бельскийни чалғитмасдан бошқа иложи йўқ эди. Шунинг учун ҳам биз унинг барча сўзларини ҳақиқат сифатида кабул килмаслигимиз лозим. “Асосий мақсадимиз, – деб ёзган эди у “Миллий иттиҳод” ташкилотининг мақсадини назарда тутиб, – миллий истиқлолага эришмок учун ишни муташаккил тарзда олиб бориш мақсадимизда бор эди. Большевиклар эзилганларни озод килиш учун империализмга қарши курашни шиор қилиб олғон эдилар. Биз шундан келиб чикқан ҳолда шўро хукумати билан бирга бўлғондагина ўз мақсадимизга эришамиз, деб ўйлардик. Шул сабабли ёшларимизни

фақат шўро ҳукумати идораларида қатнаштириш йўли орқали уларни давлатни бошқаришга ўргатмакчи бўлдик. Шунинг учун ёшларимизни иложи борича қўпроқ давлат идоралариға жалб қилмоқчи бўлдик. Биз ана шу йўл билан асл мақсадимиз – миллий истиклолни қўлга киритиш мумкин, деб хисоблардик. Бу шўро ҳукумати билан муроса қилиш тактикаси эди”.<sup>2</sup>

Чиндан ҳам, “Миллий иттиход”нинг ўз мақсадига эришиш учун ташлаган асосий йўли ўз аъзоларини давлат идораларга жойлаштириш бўлган. Аммо бу – шўро давлати билан муроса қилиш ёки аъзоларини фаол меҳнатга жалб этиш эмас, балки давлат идораларида эгаллаган лавозимларидан ташкилот фойдасига ишлаш, шундай йўл билан якин келажакда давлатнинг барча муҳим соҳаларини ўз аъзолари билан тўлдириш ва “осуда” инкилоб йўли билан мустакилликка эришиш эди. Буни, шубҳасиз, ГПУ-ОГПУ ходимлари яхши билишган ва миллий иттиходчилар бўйнига тушмажак арқонни узун ташлаб қўйишган.

“Хотиралар”дан маълум бўлишича, 20-йилларнинг бошларида у ёки бу идорани ташкилотнинг таъсир доирасига олиш анча осон кечган. “Айниқса, – деб ёзган у, – маориф, адабиёт, матбуот-мағкурани шакллантириш, кадрлар тайёрлаши соҳасида у (ҳатто бўлажак ходимларни, миллатчи арбобларни етиштириш учун) мактабларда маҳсус бойскаут ўтрядлари<sup>1</sup> – тўдалар ташкил қилинди. Ташкилот ўз манфаати учун шўро ҳукуматининг мазлумларни озод қилиш, империализмга қарши кураш каби хитобномаларни ҳаётга тадбик этишдаги амалий фаолиятидан кенг фойдаланар эди. Ташкилот манфаати бор жойда ҳамкорлик қилинарди (кадрлар тайёрлаш ва бошқалар). Шул билан бирга ташкилот шўро ҳукуматига [карши] маҳфий кураш олиб бориб, айниқса, Фарғона, Самарқанд, Бухорода “босмачилик”нинг ривожланиши ва кучайишига таъсир кўрсатарди”.<sup>2</sup>

“Хотиралар”нинг шу вақтгача эълон қилинган қисми билан танишган киши, муаллифнинг ўзининг ҳам, “Иттиходи тараққий”, “Иттиходи миллий” (“Миллий иттиход”) ташқилотларининг ҳам шўроларга қарши олиб борган фаолиятини яшириш ва ГПУ-ОГПУ

<sup>2</sup> Кўрсатилган маъба. – Б. 228.

<sup>1</sup> Бойскаут ўтрядлари – ўтган асрнинг 20-йилларидаги ўқувчи болаларнинг ярим ҳарбийлашган отрядлари.

<sup>2</sup> Ўша жойда.

рахбарларини чалғитишига уринганини, айни пайтда шу ташкилотлар фаолияти билан боғлиқ айрим маҳфий ишларни ошкор килганини кўриб, хайратта тушиши мумкин. Масалан, у юкорида келтирилган парчада “Миллий иттиҳод” ташкилотининг Фарғона, Самарқанд ва Бухорода “босмачилик”нинг “ривожланиши ва кучайиши”га таъсир кўрсатганини очик айтган. Агар шу сўзлар билан бошланган лавханинг давомини ўқисак “миллатчилик фаолиятини бошқариши ишлари 1923 йилгача Али Расулов, Сайдносир ва Шомансуровлардан иборат “тройка” кўлида эди”, “Салимхон ва Азиззоданинг “Миллий истиқлол” “тройка”си” сингари иборалардаги “тройка” сўзи хар кандай кишини ҳам ўйлантириб кўяди. Шу сўзнинг ўзиёқ Мунаввар қори тузган ёки фаолиятида қатнашган ташкилотларнинг яширин равишда аксилин-килобий ва аксилишўровий ишларни олиб боргани хакида муайян тасаввур уйғотади. Аммо Мунаввар қори ҳам, ташкилотнинг бошқа фаоллари ҳам канчалик яширин харакат килган бўлмасинлар (ташкилотта аъзо бўлиб киришда Қуръон ва тўшонча билан қасам ичиш, ўзи аъзоси бўлган уч киши (“тройка”)дан бошка аъзоларни билмаслик, пароль ёрдамида бошка аъзолар билан алокада бўлиш каби), ГПУ-ОГПУ органлари уларни ўз айғоқчилари билан шу қадар чирмаб ташлаган ва уларнинг ҳар бир қадамидан хабардор эдиларки, “Хотиralар”да юкоридагидек “сирли” маълумотларни яширишга ҳожат йўқ эди.

Мунаввар қори раҳбарлигидаги “Миллий иттиҳод” ва “Миллий иттиҳод” ташкилотлари аъзоларининг тергов “иш”и билан танишган киши вилоятларда шу ташкилотларга аъзо бўлган кишиларга маҳсус ракам (номер)лар ва лақаблар берилганини кўради. Масалан, ташкилотнинг Наманган бўлими Абдулла ҳожига 116-А раками ва “Мулла Зариф” лақабини, Мунижон Ҳакимовга эса 117-М раками ва “Нурмат” лақабини берган. Бу ракамлардаги харфлар ташкилот аъзоси асл номининг бош ҳарфини англатган. Бундай конспирация унсурлари ташкилот раҳбарларининг, жумладан, Мунаввар корининг автономия ва бошка масалаларни ўрганиш учун Финляндияга ёки Россиянинг бошка шаҳарларига борганида яширин сиёсий кураш йўллари ва усуllibарини пухта ўрганганидан шаҳодат беради.

Мунаввар қорининг 1930 йил 2 июлда берган кўрсатмасига қараганда, “Миллий иттиҳод” ташкилоти қошида ҳарбий гурух

бўлган ва бу гурух ташкилотни “босмачилар” билан, шахсан, Раҳмонқул қўрбоши билан боғлаб турган.

СССР парчаланиб, Ўзбекистон мустақилликка эришганидан сўнг “босмачилик ҳаракати”га бўлган муносабат бир неча марта қарама-қарши томонларга ўзгарди. Агар бу ҳаракат Туркистон Мухториятининг совет давлати томонидан конга ботирилганига жавоб тарзида бошланганини эътиборга олсак, уни истиқлолчилик ҳаракати сифатида талқин килиш тўғри бўлади. Лекин кейинчалик бу ҳаракат айрим қўрбошиларнинг халқ ва ватан манфаатини унтиб, шахсий манфаати ва нафсониятини кондириш йўлидан кетганлиги, шунингдек, “босмачилар” либосида кишлоқларга бостириб кириб, аҳолини талаган, аёлларни зўрлаган қизил аскарларнинг хатти-ҳаракатлари билан бадном этилдики, ҳатто тарихчи олимлар ҳам бу ҳаракат ташаббускорлари орасида Мадаминбекдек ватанпарвар ва миллатпарвар халқ лашкарбошилари бўлганлигини эътиборга олмадилар. Совет давлатининг собиқ “босмачилар”га афв эълон қилиб, куролларини ташлаганларидан кейин уларни юзсизларча кириб ташлагани эса тамомила унтутилди.

Тарих фактлари шундан далолат берадики, Мунаввар кори раҳбарлик қилган сиёсий ташкилотлар Фарғона водийсидаги айрим қўрбошилар ва улар раҳбарлик қилган гурухлар билан якин алоқада бўлган. Тарих фанлари доктори Қаҳрамон Ражабов “Жадид ва уламолар – совет ҳокимиятига қарши қуролли курашнинг гоявий асосчилари ва ташкилотчилари” деган мақоласида шу масалага доир бундай маълумотни берган: “Туркистон Мухторияти хукуматининг халқ маорифи вазири, Намангандаги “Шўрои Исломия” ташкилотининг раҳбари Носирхон Тўра Сайд Камолхон Тўра ўғли (1874, Намангандаги – 1930, Тошкент), хукумат ғазначиси Сайдносир Миржалилов (1884, Туркистон – 1937, Тошкент), озик-овқат вазири Обиджон Маҳмудов (1871, Марғилон – 1936, Қўқон)... ва Садриддинхон муфтий (Садриддинхон Шарифхўжаев, 1878, Тошкент – 1946, Қандаҳор)лар совет тарихида “босмачилар” деб қораланган миллий-озодлик қўзғолончилари билан алоқа ўрнатишиди. Улар Фарғона водийсидаги аҳоли орасида ва қўрбошилардан Шермуҳаммадбек, Раҳмонқул ва Парпи қўрбошининг йигитлари ичида бўлиб, уларни совет ҳокимиятига қарши курашга сафарбар килишда муҳим ишларни амалга оширдилар”.<sup>1</sup>

<sup>1</sup> Туркистон жадидчилиги – миллий уйғониш даври тарихи (XIX аср охири – XX аср бошлари). – Намангандаги, 2012. – Б. 302-303.

Муалиф шу сўзлардан кейин китобхонларга қўйидаги маъба билан танишишини тавсия килган: “Фарғона ВДА<sup>2</sup>, 435-фонд, 1-рўйхат, 201-иши, 2-варак”.

“Миллий иттиход” ташкилотининг Фарғона водийсидаги “босмачилар” гуруҳига маҳсус топшириқ билан юборилган аъзоларидан бири Обид Сайдовдир. У 1929 йили “қосимовчилар” устидан ўтказилган суд жараёнида сўзга чиқиб, “босмачилар” ўртасида фаолият олиб борган юртдошлари ҳақида мукаммал маълумот берган. ГПУ айгоқчиси бўлмиш бу кимса ўша йил 27 ноябрда берган кўрсатмасида “босмачилар” қароргоҳига илк маротаба берган кунини эслаб, бундай деган:

“...Белгиланган жойда Истроилов билан учрашгач, Пискентга йўл олдик. Пискентда тунаб (кимнинг уйидалигини билмайман), эрталаб йўлга чиқдик. Мурот-Алининг Жаркишлогидан ўтиб, тоққа кўтарилидик. Панзор қишлоғида босмачилар билан илк бор учрашдик. У ерда Раҳмонуллининг укаси Турсунбой кўрбоши қўмандонлик қилган 200 кишидан иборат шайка бор экан. Менда шахсан шу кўрбошига берадиган ҳеч қандай топшириқ бўлмаган, аммо Истроилов у билан алоқа қандайдир музокарани олиб борди. Биз шу шайка жойлашган ерда тунаб, сўнг бир неча йигитлар ҳамроҳлигига йўлда давом этдик. Пайшанбе томонга караб юрдик. Ўша ерга кетишда Истроиловга қувиб етаман деб уни отдан йиқитиб юбордим...

...Кейинги кун эрталаб биз Раҳмонул қўмандонлик қилган босмачилар манзилига етиб бордик. Раҳмонқул Истроиловдан Толибжон Мусабоевнинг сиҳат-сломатлигини сўради. Истроилов унга зарур маълумотларни бериб: “Ҳамма қаҳрамонни дуо қилмоқда”, деди (Раҳмонқулни назарда тутиб). Кейин у яқинда Исфандиёрнинг Тошкентга келишини айтди. Исфандиёров МК<sup>3</sup> билан кўрбошилар ўртасида алоқачи бўлиб, босмачиларга қуролярог етказиб тураркан. Истроиловнинг сўзига караганда, Исфандиёров шу кунларда бир-икки киши билан бирга қурол олиб келаркан. Шундан кейин Истроилов совға-салом олиб, каергадир кетди. Маълум бўлишича, Истроилов Тангриқулхўжа билан Усмонхўжани олиб келиш учун Тошкентга жўнаган экан, кўп

<sup>2</sup> ВДА – вилоят давлат архиви.

<sup>3</sup> МК – Марказий Комитет. “Миллий иттиход” ташкилотининг марказий органи

ўтмай, улар Раҳмонқулнинг қароргохига келиб, бизга қўшилишди, кутилмаганда каердандир Садриддинхон ҳам етиб келди.

Садриддинхон Тангриқулхўжадан Тошкентда большевикларнинг XII курултойи ўтаётганини эшишиб, Раҳмонқулга Фарғона вилоятида мухториятни тузишни талаб килиб, курултойга ультиматум юборишни таклиф этди. Садриддинхон айтиб турди, “коммунист” Усмонхўжа Тўхтахўжаев эса шу ультиматумни ёзди. Шу пайт Исфандиёров МК номидан Раҳмонқулнинг болаларига бир хуржун совғалар билан курол-яроғларни олиб келди. Курол-яроғ Раҳмонқулнинг пулига сотиб олинган эди.

Ёзилган ультиматумни почта орқали партия курултойига юбориш Исфандиёровнинг зиммасига юкланди.

Орадан бир неча кун ўтгач, Раҳмонқул Тангриқулхўжа ва Усмонхўжани олиб, йигитлари билан Чафтонга бормоқчи бўлиб турганида, кутилмаганда Ислом қўрбоши (кўқонлик бандит)дан чопар келиб қолиши бизни йўлдан тўхтатиб қўйди: бу чопар большевиклар, шу жумладан, ўр. Зиновьев билан музокаралар белгилангани ҳакидаги хабарни олиб келган эди. Ислом қўрбоши [Раҳмонқулдан] ўз вакилларини юборишни сўрапти. Делегатларни юбориш ҳакидаги буйруқ аслида Кўршермат номидан келган экан. Мен, Садриддинхон, Раҳмонқулнинг акаси Муҳаммад Содик Холов ва отрядлардан бирининг бошлиги понсадбоши Сулаймонқул вакиллар этиб тайинландик.

Биз йўлга чиқиб, Кўкон орқали қўрбоши Ислом бойваччанинг Корадарё яқинидаги қароргохига бордик. Садриддинхон Ислом бойвачча билан бошка хонада музокара олиб борди...”

Обид Сайдовнинг шу қўрсатмаси билан танишган киши Мунаввар кори раҳбарлик қилган “Миллий иттиҳод” ташкилотининг “босмачилар” билан алоқа ўрнатганлиги ва имкон даражасида уларнинг хатти-харакатларини муайян ўзанга буришга ҳаракат килгандарига ишонч хосил қиласди.

Обид Сайдовнинг кўрсатмасидан яна шу нарса маълум бўладики, Раҳмонқул қўрбоши сингари “босмачилик ҳаракати” раҳбарлари Туркистон ҳукуматидаги айrim шахслар ва ташкилот МК ёрдамида курол-яроғ сотиб олишган ва маҳаллий ҳокимият томонидан қўллаб-қувватланган. О.Сайдовнинг айтишича, айrim маҳаллий раҳбарлар томонидан қўллаб-қувватланган Кўршермат

ҳатто бояги большевиклар билан музокарада қатнашишни ҳам ўзига эп кўрмаган.

Шу ўринда айтиши керакки, “Миллий иттиҳод” ташкилоти аъзоси Обид Сандовнинг “косимовчилар” устидан бўлиб ўтган судда хоинлик қилиб, “босмачилар” билан ҳамкорлик қилган “миллий иттиҳодчилар”ни фош этиб чикиши ва ГПУга уларнинг номманинг рўйхатини бериши Туркистон зиёлиларини ларзага келтирган.

“Миллий иттиҳод”нинг кўзга кўринган аъзоларидан бири Салимхон Тиллахонов 1930 йил июнида бўлиб ўтган терговда Турор Рискуловнинг Туркистон Халқ Комиссарлари Советига раис этиб тайинланган кунлар (1922-1924)ни назарда тутиб, бундай деган:

“Рискулов Туркистонга келганидан кейин Мунаввар кори Абдурашидов, Саъдулла Турсунхўжаев ва Туркистоннинг бошига кўзга кўринган, обрўли кишилари билан учрашган. Шу учрашувдан кейин жадид зиёлиларининг тактикаси мутлақо ўзгарган. Шу сұхбатдан кейин Мунаввар қорининг жадид зиёлиларининг айrim вакилларига берган топшириги, асосан, куйидагилардан иборат:

“ВКП(б) МК Рискуловнинг Халқ Комиссарлари Совети раиси этиб тайинланиши муносабати билан унга бир неча, жумладан: 1) Туркистонда давом этаётган босмачилик ҳаракатини тўхтатиш ва 2) яширин жадид ташкилоти фаолиятига нуқта кўйиш.

Чиндан ҳам (деган Мунаввар кори давом этиб), бундан кейин ташкилот фаолиятини ва босмачилик ҳаракатини давом эттириш аклдан эмас. Шунинг учун биз бу фаолиятга чек кўйиб, ақл-фаросат билан ишланимиз лозим. Туркистондаги барча жадидлар шундан келиб чиқсан ҳолда бугундан бошлаб босмачилик ҳаракатига қарши ҳаракат килишлари, бу ҳаракатни қўллаб-кувватлашдан воз кечиб, босмачиликка кўрсатаётган ёрдамни тўхтатишлари лозим. Шуни ҳамма жадидлар билишлари зарур. Зоро, Рискуловга буларнинг ҳаммасини бошловчилар қўли билан йўқотиш бекорга топширилмаган. Шунинг учун бу ишга жуда жиддий қараш ва бор куч билан фаоллик кўрсатиш лозим”.

Мунаввар кори берган шу топшириқдан кейин жадидлар ҳамма жойда “босмачилик ҳаракати”нинг давом эттирилишига қарши ҳаракат бошладилар. Чўлпоннинг 1923 йили Андижонга бориб, “босмачилик”ка қарши курашиш мақсадида ташкил этилган “Дархон” газетасида ишлани тасодифий эмас. Шу масалада, ай-

никса, фарғоналик жадидлар “Миллий иттиҳод”нинг Фарғона вилояти бўлими раиси Хусайнхон Ниёзий раҳбарлигига фаоллик кўрсатдилар. Бошқа шаҳар ва вилоятлардаги жадидлар эса “босмачилар” билан қарийб бевосита алоқада бўлмаганинг учун уларга қарши ташвиқот қилини билангина чекландилар.

Шундай тадбирлардан сўнг Фарғона водийсида “босмачилик ҳаракати”га чек кўйилади.

“Босмачилик ҳаракати”нинг тугатилиши ва ташкилотнинг расман тарқатилиши билан асосий мақсад кун тартибидан олиб ташланмади. Мунаввар қори ташаббуси билан “Шўрои ислом” ва “Миллий иттиҳод” ташкилотларида бошланган иш “Напри маориф” ва “Кўмак” жамиятлари, шунингдек, “Миллий истиқлол” ташкилоти томонидан давом эттирилди. Аммо шу тўғрида сўзлашдан аввал шуни алоҳида таъкидлаш керакки, ўша йилларда хорижда яшайдиган Мустафо Чўқаев, Садриддинхон сингари мухожирларга моддий ёрдам кўрсатиш, уларни Туркистонда кечётган сиёсий ҳаёт ҳақидаги аҳборот билан таъминлаш, умуман, Туркистоннинг маҳаллий аҳолисига хайриҳоҳ хорижий мамлакатлар билан алоқада бўлиш ташкилотнинг диққат марказида турган.

Мунаввар қори 1930 йил 15 июнда берган кўрсатмасида шу масалага денир бундай сўзларни айтган: “Биз советларга қарши фаолиятимизни Ўзбекистондан чет элга кўчиришни ва шу максадда Чўқаев, Заки Валиди, Садриддинхон мисолида хориждаги мухожирлар билан ҳамкорлик қилишни кўзда тутганмиз... Саидносир айтганидек, Чўқаевга 100-200 сўм пулни юборишдан кўра, газета ва журнал материалларини юбориш кўпроқ фойда келтиради. Чўқаев пулдан кўра биз юборган материаллардан ишнинг йўлга кўйилишида унумли фойдаланиши мумкин.

Шу билан бирга айтишим керакки, орамизда хориж билан алоқа қилиш ҳақида энг кўп гапирган одам Убайдулла Хўжаев билан Саидносирдир, мени кўпроқ маҳкамани ўз кўлимизга олиш, керакли одамларни тайёрлаш, маҳкамани ўз одамларимиз билан тўлдириш, Эсон афандини эса – мактабларда миллий тарбия масаласи кўпроқ қизиктирган. Матбуот, адабиёт масалалари ҳаммамизни бир хил даражада банд этган...

...Мухожирлар билан алоқани Афғонистон ва Эрон консулхоналари ёрдамида амалга ошириш керак. Дарвоке, менга афғон консулхонаси, Али Расулов ёки Саидносирга Эрон консулхонаси

билин алоқага кириши топширилган. Агар биз шу йўл билан хорижий алоқани ўрнатиш имконини топмасак, ахборотни етказиш вазифаси юкландиган маҳсус одамларни Эрон билан Афғонистонга юбориш ва Ўрта Осиёning ички сиёсий аҳволига доир ахборотни шу мамлакатлар матбуоти сахифаларида ёки уларни Чўкаевга юбориб, Фарбий Европа матбуотида эълон қилишини назарда тутганимиз”.

**Бахтиёр ҲАСАНОВ**  
ЎзР ВМ ҳузуридаги Қатагон  
қурбонлари хотираси дәвлат музейи  
директори, т.ф.д.,

## МУНАВVAR ҚОРИ АБДУРАШИДХОНОВНИНГ СИЁСИЙ ФАОЛИЯТИГА ДОИР

XX аср бошларида Туркistonда содир бўлган миллий уйғонишининг энг буюк даргаларидан бири шабҳасиз Мунаввар қори Абдурашидхон ўғлидир. Маълумки, мустабид шўро тузуми илк кунлариданоқ Мунаввар корини ўзининг асосий рақиби сифатида кўрди ва у билан курашга киришди. Ўлкада жокимиятини мустаҳкамлаб олгач эса, биринчи бўлиб амалга оширган оммавий қатагонларидан бири бу Мунаввар қори Абдурашидхонов бошлиқ 84 нафар ўзбек тараққийпарварларнининг миллий маҳв этилиши бўлди. Совет мағкурасида Мунаввар қори Абдурашидхонов жисмонан йўқ қилинганидан сўнг ҳам хотиржам бўла олмади. Унинг ўзбек халқи онгига сингдириб кетган миллий истиклол мағкурасининг илдиз отиб кетишидан кўркиб, 70 йилдан ортиқ ўзи мавжуд бўлган ҳаёти давомида сергаклик билан уни ошкора ва яширин холда таъкиб этди. Энг кизиғи шўро тарихида “илиқлик даври” деб ном олган ва кўплаб сталинча қатагон сиёсати қурбонлари оқланган вақтида ҳам Мунаввар қори масаласи ҳеч кимнинг ҳаёлига келмади. Фақатгина совет ҳокимиятининг сўнгги кунларига келиб, миллий зиёлиларнинг тинимсиз кураши эвазига Мунаввар қори Абдурашидхонов расман оқланди. Бугун орадан яна қарийиб 30 йил ўтиб, биз бу мўтабар зотнинг таваллудининг 140 йиллик санасини нишонлаш мақсадида тўпланиб турибмиз.

Анжумандада катнашаётган олимларимиз ичиде Мунаввар кори шахси, фаолияти ва ижодиёти билан халқимизни таништирган инсонларни кўришдан мамнунмиз. Айниқса, ёшларимиз, илмга эндиғина қадам қўяётган магистер ва юртимиздаги етакчи илм даргоҳларида дарс берадиган устозларни ҳам ушбу кутлуғ сана билан муборакбод этамиз.

Биз Мунаввар кори Абдурашидхоновнинг ҳаёти, сермахсул фаолияти ҳақидаги маълумотларни тақдим этишини маърузачиларимизга колдирган ҳолда бугунги кунда миллий тарих фанимиз олдида турган мухим вазифалар ҳақида тўхтамоқчимиз. Албатта, ўтган даврда Мунаввар кори Абдурашидхонов ҳақида олимларимиз томонидан катта ишлар амалга оширилган. У ҳақида кўплаб мақолалар ёзилган, ҳатто танланган асарлар тўплами ҳам чоп этилган. Бирок, муаммо шундаки, биз бу билан чекланиб қолсак Мунаввар корининг Ватанимиз тарихидаги улкан хизматларини тўлиқ тасаввур эта олмай қоламиз.

Биз бугун Мунаввар корининг маърифатчилик, театрчилик, матбуотчилик, педагогик ва ноширлик фаолияти бир қадар ўрганилган деб биламиз. Шунга қарамай бу борада ҳам қилинадиган ишлар етарли. Назаримизда унинг ёзган асарлари, маҳаллий матбуотдаги барча мақолаларини жамлаб, “Тўла асарлар тўпламини” тўлдирилган ҳолда қайта нашр этиш мақсадга мувофиқдир.

Энг мухими эса унинг сиёсий фаолиятидир. Мунаввар кори ўзининг ОГПУнинг Шарқ бўлими масъул муносими Агидуллинга аризасида “Иттиҳоди тараққий”нинг пайдо бўлишини қуидагича ёзади: “... 1917 йил феврал ишқилобидан сўнг “Уламо жамияти” билан кураш жараённада барча тараққийтарварларни бирлаштириш ўйлида “Иттиҳоди тараққийтарварон” ташкилоти тузилган эди. Уни дастлаб етти киши турклардан Усмонбек ва Ҳайдар Шавқий, Тошкентдан мен-Мунаввар қори ва муфти Садриддинхон, туркман Хон Явмудский, Самарқанддан Беҳбудий, Фарғонадан Мирзоҳид Мироқиловлар тузган эдик. Ташкилот “учлик” тизими асосида ишлаб, ташкилотнинг барча аъзоларини факатгина раис билган...”. Умуман, Туркистон Мухторияти қонли бостирилгач, Усмонбек қайта мажлис чақиради ва 1918 йилдан ташкилот фаолиятини янгидан ўйлга кўяди. Совет фитна усталари ташкилот ичига ўзларининг хуфяларини жойлаштиришининг олдини олиш мақсадида улар ташкилотга қабул қилиш тартибини ишлаб чиқа-

дилар. Бундан асосий мақсад ташкилот аъзоларнинг хавфсизлигини таъминлаш ва унинг махфийлигига эришиш эди. Қабул маросимиға кўра янги аъзо ташкилот низоми билан таништирилган, револьвер ва Куръони Карим билан қасам ичиши зарур бўлган. Бу гал ташкилот фаолиятида Саъдулла Турсунхўжаев, Отахон Назиров, Файзулла Хўжаев, Тангриқул ҳожи Мақсудий, Қаюм Рамазон, Салимхон Тиллахонов, Абдулла Авлоний, Сайд Аҳрорий, Эшонхўжа Хоний, Нажмииддин Шераҳмадбоев, Абдулҳай Тоҷиев, Садриддинхон муфти Шарифхўжаев кабилар фаол иш олиб борганилар. Ташкилот аъзолари тезлик билан кўпайиб боради.

Ташкилот 1918 йил баҳорида большевикларга қарши сиёсий курашда муваффакиятга эришини мақсадида сўл эсерлар партияси билан сиёсий блокка киришга қарор қиласди. Бонси, большевиклар мустамлакачи кайфиятдаги ҳар қандай кимсанни маҳаллий тараққий парварларга қарши ўз тарафига оғдириши мумкин эди. Ана шундай бир шароитда “Иттиҳоди тараққий” сиёсий курашда учинчи партия сифатида иштирок этмоқчи бўлади. Улар сўл эсерлар партиясининг барча тадбирларида фаол иштирок эта бошлияди. Мунаввар кори Абдурашидхонов ташаббуси билан кўилаб маҳаллий миллатлар вакиллари сўл эсерлар партиясига киради. Бу билан маҳаллий ёшларнинг улардан сиёсий кураш амалиётини ўзлашибдириш мақсади ҳам кўзланган эди. Бокунинг турк кўзинлари идорасига ўтиши билан ёшларда янги умид пайдо бўлди. Энди ташкилот “Иттиҳоди тараққий” номи билан иш кўра бошлияди. Бироқ, “Иттиҳоди тараққий” раҳбари Усмонбек советлар томонидан қамоққа олинади. “Иттиҳоди тараққий”нинг янги раис этиб Юсуф Зиёбек сайланади. У Истамбулга “Иттиҳоди тараққий” номидан муфти Садриддинхонни йўлайди. Садриддинхон старли муваффакият қозона олмагач, “Иттиҳоди тараққий” Туркияга янги бир гурӯҳни йўллашга қарор қиласди. Гурӯҳга Тошкентдан Убайдулла Хўжаев, Сайдносир Миржалиловлар, Самарқанддан Махмудхўжа Беҳбуди икки нафар йўлдоши билан бориши белгиланади. Бироқ, Беҳбудий сафар вактида Қаршида тутиб олинади ва гаҳшийларча катл этилади. Убайдулла Хўжаев Москвада, Сайдносир Тифлисда сарсон-саргардон бўлиб Тошкентга қайтадилар. Хуллас, уларнинг бироргаси кўзланган манзилига этиб бора олмадилар. Шу тарика тараққий парварларнинг режаси Туркистон Мухторияти бостирил-

ганидан сўнг иккинчи маротаба советлар томонидан барбол этилади.

Сўл эсерлар ва миллий тараққийпарварларнинг иттифоки хам заиф бўлиб чиқди. Большевиклар фитнаси туфайли сўл эсерлар маҳаллий тараққийпарварларга нисбатан ишончсизлик билдира бошлиди. 1919 йил январь ойида Осипов исёнидан сўнг большевиклар кирғин ва катагонни янада авж олдирди. Асосий сиёсий рақиби бўлган сўл эсерларнинг деярли барча раҳбарларини киличдан ўтказади. Шу жараёнда ўз ҳокимиятини Туркистонда анча мустаҳкамлаб олган совет хукумати энди асосий эътиборини маҳаллий тараққийпарварларни таъқиб этишга каратади.

Туркияда “Иттиход ва тараққий” ҳокимиятдан ағдарилгач, умидини узган Зиёбек Туркистон тараққийпарварларининг “Иттиходи тараққий” ташкилоти фаолиятини тўхтатиб қўйишга мажбур бўлади. Бироқ, маҳаллий ёшлиар умидини узмади ва “Бирлик” номи билан очиқ жамият тузади. Айни пайтда улар Мунаввар кори ташабbusи билан компартияга кириб, совет хукумати идораларига ишга ўта бошлидилар.

Мунаввар кори дастлаб Туркистон Республикаси Маориф комиссарлигида, сўнг Турор Рисқулов раҳбарлигидаги Мусбюро таркибида ишлайди. 1920 йил советларнинг VIII қурултойида маҳаллий тараққийпарварлар “Миллий гурух” тузиб, қурултой ишида қизил мустамлакачиларга қарши фаол кураш олиб боради. Мунаввар корининг эҳтимолига кўра ташкилотнинг “Миллий иттиход” деб номланишига қўйидаги сабаблар мавжуд. Биринчидан, советларнинг VIII қурултойида шаклланган “Миллий гурух” ўзагида бу ташкилот шаклланган ва бу ном остида Туркистоннинг маҳаллий миллатлари вакилларининг қизил империяга қарши ягона фронтга бирлашганлигининг ифодасидир. Иккинчидан барча мусулмонлар ўзбек, қозоқ, қирғиз, туркман, тоҷикларнинг миллий бирлигини назарда тутган. Учинчидан, Туркистонда яшаган уни ватаним деб билган барча миллатларнинг ягона иттифоқка бирлашганини англатади. Дарҳақиқат, қасамёд маросимида хам мусулмон бўлмаган янги вакил учун Куръони Карим бўлмаслиги кўрсатилган ҳоли хам мавжуд. Бу эса учинчи эҳтимол хам мавжуд бўлганлигини англатади.

Туркистон хукумати раҳбарлари Турор Рисқулов ва Саъдулла Турсунхўжаевлар асосан Туркистон Республикаси учун миллий

мухторият берилешини талаб қылади. Совет маъмури Кобозев 1920 йил советларнинг VIII қурултойи давомида ўзини маҳаллий тараккӣ парварлар томонида тутади. Бироқ, унинг асл мақсади ўзининг сиёсий ракиблари шовунистик кайфиятдаги Казаков ва Успенскийларга нисбатан позициясини мутаҳкамлаб олишдан иборат эди. Кобозев қурултойи давомида асосан совет ҳукуматининг Шарқ сиёсати ҳақида сўзлашдан нарига ўтмади. Туркистандаги ахволдан хабар тоиган Марказ мавжуд ахволни ўрганиш учун жуда катта ваколатлар билан ўлкага Элиава бошлиқ Турккомиссияни йўллайди. Натижада Туркистанда янада кенгроқ сикув ва зўравонликлар амалга оширилиб, маҳаллий ҳукуматининг деярли барча ваколатлари тортиб олиб қўйилиш даражасига бориб етади. Мавжуд вазиятдан норози бўлган Турор Рисқулов ва Низомиддин Хўжаевлар Турккомиссия фаолиятидан норози бўлиб, Москвага йўл оладилар. Бироқ, Марказ ҳеч қандай чора кўришни хоҳламайди. Шундан сўнг 1920 йил сентябрь ойида Боку конференциясида Т.Рисқулов бу масалада яна маъруза қылади. Конференцияни бошқарган Зиновев эса масалани Москвага ҳавола этади. Москва кўп ўтмай Турккомиссияга янги бошлиқ этиб Г.Сафаровни юборади. Г.Сафаров вазиятни ўрганиш жараёнида Т.Рисқуловга тўлиқ қарши чиқади. Ҳукуматни Назир Тўрақулов ва Султонбек Хўжановлар раҳбарлигидаги янги гурухга топширади. Туркистан Республикасида раҳбар лавозимларда бўлган Саъдулла Турсунхўжаев, Али Расулов, Юсуф Алиев, Отахон Назировлар қаторида Мунаввар кори Абдурашидхонов ҳам Бокудан қайтиши билан Тошкентдан Бухорога чиқариб юборилади. Бу пайтда “Миллий иттиҳод” ташкилотини Тошкентда муфти Садриддинхон, Муҳаммадбек, Сулаймон Сомийлар юрита бошлайди. Шу ўринда “Миллий иттиҳод”нинг истиқлол курашчилари билан алоқалари масаласи ҳам муҳимдир. Боку конференциясидан сўнг “қизил мустамлакачилар”нинг асл мақсадини англаб етган кўплаб ватанпарвар ёшлар совет идораларини ташлаб қўлига қурол тутиб она Ватан истиқлоли учун ҳаёт мамот курашига отланади. Туркистан ҳукумати раҳбарлари ҳамон кийин вазиятда совет ҳукумати билан сулҳ тузиш умидидан воз кечмаган эди. Садриддинхон улар билан яширин келишган ҳолда қўлига қурол тутган миллий озодлик харакати раҳнамолари билан алоқага киришади. Бироқ, душман яна бир қадам олдинда эди. Қўрбошилар орасида бўлган оқ офицерлар

ичида ҳам, оддий маҳаллий йигитлар ичида ҳам совет идоралари томонидан ёлланган чекистлар бўлиб, барча жараённи қизил армия қўмандонларига етказиб туришар эди.

Садриддинхон Раҳмонқул кўрбошининг олдига бориб барча кучларни бирлаштиришга чақиради. Раҳмонқул ва Ислом паҳлавонлар билан бирга Шермуҳаммадбек билан учрашади. Қувалик Бокижонбой, Рустам ҳожи, Камол қозилар иштирокида ўтган илк музокарада Бокижонбой Садриддинхондан большевикларга қўйиладиган шартларни сўрайди. Садриддинхон 1. Фарғонага муҳторият бериш 2. Ҳарбий бошқарувни русларнинг аралашувисиз маҳаллий аҳолига топшириш, хуллас 13 банддан иборат ультиматум шартларини ўқиб беради. Бокижонбой большевиклар ҳар қандай ҳолатда бу шартларни бажармаслигини айтади. Кейин улар бизга қандай шартларни кўяди деган мулоҳазалар билан Шермуҳаммадбек большевиклар билан алокадан бош торгади. Шермуҳаммадбек (бизнингча, бу ҳам қизиллар фитнаси) Авғон подшоҳидан ёрдам кутади. Уч кун Шермуҳаммадбек ёнида бўлиб ҳеч нарсаага эриша олмаган Садриддинхон қайтишда большевиклар томонидан кидирилаётганини эшитади...

Бухорода иш бошлигар Туркистон вакиллари учун ҳам вазият осон кечмади. Аввало, уларнинг ҳар бир қадами ЧК хуфялари томонидан назорат килинар эди. Бу ҳам етмаганидек маҳаллий аҳоли ўртасида Туркистондан борган вакилларга нисбатан турли фитна-фасодлар уюштирилади. Улар мана шундай сикув остида иш олиб борар эдилар. Ташкилотдан большевиклар таҳди迪 остида Мухаммадбек ва Сулаймонбек чиқиб кетади. Муфти Садриддинхон иложеиз Тошкентдан чиқиб, миллий озодлик курашчилари сафига қўшилади. Ўзининг устидан жинонӣ иш очилганини эшитган Садриддинхон 1921 йил қамоққа олиниши олдидан Туркистонни тарқ этиб Эронга чиқиб кетади. Мавжуд вазиятда Мунаввар кори Бухородан чакириб олиниб, 1921 йил 31 марта Тошкентда қамоққа ташланади ва 8 ой давомида қамоқда бўлади. Тошкентда Мунаввар кори Абдурашидхоновнинг қамоққа олиниши жуда катта норозиликларни келтириб чиқаради. Бир қатор намойишлар ташкил этилди. Ҳалқнинг оташин шоири сифатида эндиғина танила бошлигар Боту “Гулёр” шеърини битди. Ҳалқона оҳангта солинган шеър содда тили билан кўпчиликнинг эътиборини қозонди. Шеър кўплаб тарақкийпарвар ёшлар ва ўқувчилар томо-

нидан ёд олинган ва йиғлаб куйланган эди. Совет хукумати 1921 йил декабрь ойида Мунаввар қорини озодликка чиқаришига мажбур бўлади. Совет турмасидан оғир бир ҳолда қутилган Мунаввар кори бир муддат даволанганидан сўнг 1922 йил ўрталарида Тошкент шаҳрига келиб, Эски шаҳар ижтимоий тарбия бўлими мудири вазифасида иш бошлайди.

Обиджон Маҳмудов 1934 йил 22 сентябрь куни “Миллий иттиҳод” ташкилоти хусусида: “1919 йил Тошкент шаҳрида Қашқарлик маҳалласида “Иттиҳод ва тараққий”нинг таъсис съездига бўлди. Унда Бухородан Мусо Саиджонов, Фитрат, Абдуқодир Муҳиддинов, Қори Йўлдош Пўлотовлар, Самарқанддан Акобир Шомансуров, Муродхон Аълоҳўжаев, қози Ҳайдарбек Абдусаидов, Хивадан Бегижон ва яна бир киши, Ашхобод ва Марвдан З. киши, Тошкентдан Саъдулла Турсунхўжаев, Мунаввар кори Абдурашидхон, Салимхон Тиллахонов, Толиб Мусожонов, Эшонхўжа Хонхўжаев, Миёнбузрук Солихов, Саидносир Миржалилов, Кўқондан менин-Обиджон Маҳмудов, Муҳаммадхўжа Холиқий, Юнусжон Оғаликов, турклардан Маматбей, Ҳайдар Шавқий кабилар қатнашган эди. Улар “Иттиҳоди тараққий”ни “Миллий иттиҳод” номи билан алмаштириди ва янги бир ташкилот деб эълон қилдилар. Мажлиснинг якуний қарорига кўра Туркистон минтақасини тезлик билан равнақ топтириши учун камида 1 млн халқни Туркия ва Германияга ўқиши ва ишга йўллашни маъқул топдилар. Мазкур ташкилот ярим маҳфий ҳолида 1922 йилгача фаолият олиб борди”.

Обиджон Маҳмудовнинг фикрича 1922 йил сентябрда Тошкентнинг Шайхонтоҳур даҳасида Садриддинхон маҳдумнинг уйида яна бир йиғин ташкил этилади. Унда Мунаввар қори Қори Абдурашидхонов, Миён Бузрук Солихов, Отакон Назиров, Салимхон Тиллахонов, Толиб Мусажонов, Эшонхўжа Хонхўжаев, Тошпўлотбек Норбўтабеков, Саъдулла Турсунхўжаев, Юсуф Алиев ва бошқалар келади. Мажлисда Туркистонда совет ҳокимиятининг мустаҳкамланиб бориши ва вазиятнинг оғирлашиб бораётганлиги туфайли Обиджон Маҳмудов ташкилот фаолиятини тўхатишни талаб қилади. Шундан сўнг амалда “Миллий иттиҳод” тарқалиб кетади.

Ботунинг вариантида эса “Миллий иттиҳод” 1919 йил охирларида “Изчи тўдаси”дан ажralиб чиққан. Демак, бу масалани

Ёритиш ҳам алоҳида ва изчил тадқиқотга муҳтоҷ деб ўйлаймиз. Яна қабул маросими юзасидан 1934 йил 21 июл F.Ёкубовнинг чисткасидаги стенограммада ёзилишича Гулом Ёкубов 1918-21 йилларда “Миллий иттиҳод”да бўлган. Эски шаҳарлик доришунос, кейинчалик ЎССР наркомзздравида бўлим мудири бўлган Мусоҳон Миразимовнинг уйида икки одам оқ матога ўралгани ҳолда Куръон ва револьвер билан “Миллий иттиҳод”га қабул қилингани ҳакида қасам олганини айтади. Уларнинг бири унинг тахминича Ҳайдарбек (Шавқий-турк асири) бўлган ва иккинчинини таний олмаган. Гулом Ёкубов уларнинг ёнида истиқбол учун жон фидо бўлишга қасам бераганини айтади.

Мунаввар қорининг Афғонистон ҳукумати билан алоқалари ҳам мухим. Афғонистон сиёсий доиралари ҳам Туркистонда Мунаввар қэри ва унинг атрофида жамланган тараққийпарварлар ҳакида етарли даражада маълумотга эга эдилар. Бирок, ўлкада шўро ҳукуматининг мустаҳкамланиб бориши ва Афғонистонда ички бекарорлик, Буюк Британия хавфининг ортиб бориши ўртада расмий алоқаларнинг ўрнатишига имкон бермади. Шунга қарамай 1919 йил акаси Аъзамхон Абдурашидхоновнинг (1872-1919) вафоти муносабати билан Тошкентдаги авғон элчихонаси тўлиқ таркиби билан Мунаввар қорининг уйига ҳол сўраб келган. 1925 йилдан совет матбуоти Мунаввар корига нисбатан мафкуравий ҳужумни авж олдириди. У педагогик фаолиятини тўхтатиб иш сезиз қолдирилгач. 1928 йил афғон элчиси Гулом Жейлоний билан учрашади. Умуман бу масалада ҳам ўрганилиши зарур бўлган нуқталар кўп деб ҳисоблаймиз.

1928 йил бошида ОГПУ раҳбари Бельский Мунаввар қори билан учрашиб, ундан “Миллий иттиҳод” умуман ўзи раҳбарлик килган аксилиниқилобий ташкилотлар тарихини ёзид беришини сўраган. Мунаввар қори бу таклифга рози бўлади ва ўзи ёзадиган асарни тахминий З қисмга бўлади. Бу 1917 йил Февраль инқи lobigacha Turkistondagи siёsий ҳаракат; 2-кисми Fевраль инқи lobidan то Oктябрь инқilobigacha bўlgan davr; 3-кисми 1917 йил Oктябрь инқilobidan то 1928 йилгacha даврни ўз ичига қамраши керак эди. Афтидан Мунаввар қорида бу гоя аввалдан бўлган ва ўзи билан кўплаб материалларни олиб юрган. Бу таклиф баҳона эса жуда кўплаб собиқ сафдошлари билан қайта кўришиб, ҳатто Ф.Хўжаев билан ҳам бир неча маротаба учрашади.

Мунаввар кори кўлқоп тикиб рўзгор тебратиб, ўта оғир иктиносидий шароитда ёзган 1-даврни 1929 йилнинг бошида ОГПУга топширади. Албатта, у бу ишнинг Туркистон тарихи учун ҳам зарурлигини англарди. Бизнингча Мунаввар корининг мазкур асари ёхуд унга оид ҳужжатлар бугунги кунда қидирилса топилиши эҳтимоли мавжуд. Фикримизни 1930 йил 10 апрелдаги Мунаввар корининг ишончли шогирди Салимхон Тиллахоновнинг кўрсатмалари ҳам тасдиқлайди. Унда ёзилишича камоқка олиннишидан 2-3 ой аввал Мунаввар кори барча одамларига қимматли тарихий ҳужжатларни тўпланди, бу тарих учун керак бўлади. Уларни кўздан узоқ бирор қишлоққа юбориб, яшириб ташласинлар, деб кўрсатма беради.

Хуллас Мунаввар кори Абдурашидхоновнинг сиёсий кураш усули ниҳоятда мураккаб ва кўп қирралидир. Айтиш мумкин-ки, Мунаввар кори ўз даврида ривожланган Farb ва Шарқ мамлакатларидан бирортасидан нусха олмасдан маҳаллий шароитларга мос бўлган Туркистоннинг муҳолиф тараққиёт дастурини ишлаб чиқкан ва қанчалик оғир вазият бўлмасин уни амалга ошириш юзасидан катта ютукларни ҳам қўлга кирита олган. Унинг сиёсий кураш фаолиятини, илгари сурган буюк гояларини чуқур илмий таҳлилий ўрганиш бугунги кунда миллий тарих фанизмнинг олдида турган муҳим вазифадир.

Мунаввар кори фаолиятини англаш Туркистоннинг йирик сиёсий арబлари Маҳмудхўжа Беҳбудий, Убайдулло Хўжаев, Саидносир Миржалилов, Абдулла Авлоний, Обиджон Маҳмудов, Ашурали Зоҳрий, Ҳамза, Саъдулла Турсунхўжаев, Тошпўлот Норбўтабеков, Носирхон тўра, муфти Садриддинхон Шарифхўжаевлар фаолияти, умуман Туркистон Мухторияти тарихи билан уйғуниликда ўрганиш зарур. Қолаверса, Тошкентнинг йирик уламоларидан Хайриддинхон аълам Шарифхўжаев, Отахон Назирхўжаев, Салоҳиддин Муфтизода, Тошкентнинг энг машхур бойларидан Юсуфбек Қурбонбоев, Рустамбек Ниёзбеков, Шоисхок кори Шоҳмусаев, Толибжон Мусабоев, Истроилжон Иброҳимжонов, Абдуқаюм Мадолимов каби кўплаб инсонларни ўз атрофига бирлаштирган эди. Айниқса ёшлардан Асадулла Хўжахонов, Мирхалил Каримов, Гулом Икромов, Нажмиддин Шераҳмедов, Исмоил Шераҳмедовларнинг ҳар бирининг фаолиятини алоҳида ўрганиш, шубҳасиз, Мунаевар кори

Абдурашидхоновнинг сиёсий портретини, унинг Туркистон тараккӣ парварлари орасида тутган ўрнини аниқлашада ўта муҳим илмий аҳамият касб этади.

Дилором АЛИМОВА

ЎзР ФА тарих институти, т.ф.д., проф.

## “ЧИН ЭКАН АЙТГАН СЎЗИ” – МУНАВVAR ҚОРИНИНГ ТАРИХИЙ БАШОРАТИ

1914 йил Ислом Гаспринский ҳаётдан кўз юмгандада унинг Раджи исемли муҳлисларидан бири мадҳия ёзиб, уни фикр “Муджадиди” деб атаган экан. Ҳадисга кўра ҳар бир асрнинг бошида Яратган эгам мусулмонларга уларни ҳаётни сингиллаштириш йўлида хизмат қиласиган бир муджадидни тайинлар экан. Шунинг учун ҳам бу муҳлис ҳижрий бўйича XIV асрнинг бошида тугилиб, маърифат йўлида мусулмонларни янги интеллектуал киёфасини шаклланишида илгор ғояларни амалга оширгани учун Гаспринскийга шундай таъриф берган.

Мунаввар қори Абдурашидхоновни чин маънода нафақат маърифат йўлида, балки Туркистонда сиёсий ислоҳотлар йўлидаги “Ҳаракат муджадиди” деб аташ мумкин.

XX аср бошидаги тарихий воқеалар назарда тутилса, Мунаввар қори Абдурашидхоновни жадидчилик ҳаракатининг энг сиёсийлашган фаол катнашчиси ва раҳбари деб баҳолаш мумкин. Айтиш керак, жадидчилик ҳаракати Туркистон жамиятида тасодифий воқелик бўлмай, унинг фалсафий илдизлари чукур, максадлари замон талабларига мос, ғоялари эса Шарқ дунёсидаги ислоҳотчилик ҳаракатлари ғоялари таъсирида шаклланган эди.

Таникли Германия олимни Ингеборг Бальдауф Мунаввар қори Абдурашидхоновни сафдошларига қараганда ниҳоятда европалашган инсон бўлган, деб ёзади<sup>2</sup>. Бир қараганда бу ғалати таъриф кўринади. Чунки, унинг ташки кўриниши, диний маълумоти, ислом

<sup>2</sup> Бальдауф И. Джадидизм в Центральной Азии в плане реформизма и модернизма в мусульманском мире//Марказий Осиё XX аср бошида: ислоҳотлар, янгиланиш, тараккиёт ва мустакилик учун кураш (жадидчилик, муҳториятчилик, истиқлолчилик). Халкаро конференция материаллари. Тошкент, “Маънавият”, 2001. 47-бет.

дини фалсафасини таргиг қилишдаги роли ҳакида кўплаб маълумотлар берилган. Аммо бу сўзлар билан Бальдауф Мунаввар қорининг фикрлаш доираси, жаҳон таракқиётини, жумладан Европа мамлакатларини юксак маданияти намуналари ва тажрибасини ўзлаштириш тараффдори бўлганлигини назарда тутган эди.

И. Бальдауф фикри бўйича, Туркистонда Россия империяси таълим тизимига салбий муносабатда эди, чунки у маҳаллий ахоли учун бу ҳокимият ҳеч қачон тўлақонли таълим олишга имконият бермаслигини яхши англаған. Шунинг учун Мунаввар қори Абдурашидхонов Европадаги таълим тизими имкониятлари кенглигини англағаб, Туркистон ёшлиари учун бу ердаги ўкув муассасалалари энг энг афзали, деб ҳисоблаган эди. У масаланинг назарий жиҳатларини, хусусан, таълим, илм ва ислом маърифатини тартибга солини ва европача дунёвий маълумот афзалликларини асослаб беришга ҳаракат қилди.

Таракқиётга эришиш учун маърифатпарварлик гояларининг жамиятга амалий сингдирилиши муҳимлигини англаған Мунаввар қори Абдурашидхонов ўз фаолиятининг бошиданоқ маорифни ислоҳ этишга катта эътибор берди. Тошкентдаги янги усул мактаби бевосита унинг ташаббуси билан очилди. У шундай ёзган эди: “Туркистон муаллимлари ҳам усули савтия болаларига ҳарфларнинг овозлари илиа танитмоқ, ўқулғон сўзларни ёздириб маъносини билдирамак, Бедил, Хўжа Ҳофизлар каби форсий ва мушкул китобларнинг бадалига эътиқод, имло, ҳусниҳат, илми ҳол, ҳисоб, тарихи ислом, жуғрофия, ҳандаса, ҳайъат ва соирлар каби диний ва дунёвий илмларни ҳар кимнинг ўз тилида ёзилмиш китоблардан ўқитиб билдирамакдан иборат эканин билиб, ҳар бирларининг кўнгиллари усули савтияни қайтадан қабул этмак фикри тушиб”<sup>3</sup>.

Албатта ушбу ўкув муассасаларини тўлиқ равишда Европа намунасидаги мактаблар деб атаб бўлмаса-да, лекин ундаги ўқитиши методикаси, дарс машғулотлари ва тузилмалари уларга якинлаштирилганди. Эски мактаблардан фарқли ўлароқ, болалар бу ерда 40 кунда саводларини чиқарганлар. Шунинг учун тез орада жадид мактаблари ахоли орасида катта ишончга сазовор бўлди ва оммалашди. Ўқитувчилар таркиби асосан ёшлардан иборат эди. Мактабларда маҳаллий тил билан биргаликда рус тили ўқитиши

<sup>3</sup> Мунаввар қори Абдурашидхонов. Танланган асарлар. Тошкент, “Маънавият”, 2003 147-бет.

йўлга қўйилди. Бу янгилик Мунаввар Қори ва А.Шакурийлар томонидан киритилди. Тошкент мактабларида ўғил ва киз болаларнинг биргаликдаги ўқитишини киритилиши ўша давр учун том маънода инқилобий қадам эди. Дастребаки вактда ўқиш Россия, хусусан, татар дарслеклари асосида олиб борилди. Она тилядаги дарслекларга талабнинг ортиши билан ўқитувчиларнинг ўзи уларни яратишга киришдилар. М.Беҳбудий ва М.Абдурашидхоновлар 15дан ортиқ ўкув қўлланма ва дарслекларнинг муаллифи бўлдилар<sup>4</sup>.

Тошкентда тараккийпарварлар харакатининг етакчиларидан бирига айланган Мунаввар қори Абдурашидхонов ўзининг ўткир ижтимоий-сиёсий мақолаларида ҳар бир халқнинг миллат сифатида шаклланишининг биринчи белгиси мазкур халқда ўзликни англаш ва ўз хукукларини химоя қилиш туйгусининг уйғониши, миллий қадриятларни сақлаш ва тараккий эттириш, бу йўлда турли-туман жамият ва уюшмаларни ташкил этиш билан боғликлигини таъкидлаган эди<sup>5</sup>. 1909 йилда Мунаввар қори Абдурашидхонов маслакдош дўстлари билан ҳамкорликда тошкентлик бир бой раислигига “Жамияти хайрия” ташкил қилади.

Бу жамият орқали Россия ва Туркия шахарларидағи олий ўкув юртларига Туркистан ёшлиарини билим олишга юбориш иши билан ҳам жиддий шугулландилар. Тараккийпарвар бойлар ёшлиарни чет элларга юбориб, зарур касбларни эгаллаб фойдали хизмат қилишлари учун кайғурган жадидларни қўллаб-қувватладилар.

1913 йилда Мунаввар қори Абдурашидхонов Убайдуллахўжа Асадуллахўжаев, Абдулла Авлоний, Илҳомжон Иноғомов, Қобилбек Норбеков, Тўлаган Хўжамиёр (Тавалло), Муҳаммад Поншахўжаев, Тошпўлат Норбўтабеков ва Низомиддин Хўжаевлар билан биргаликда “Турон” жамиятини ташкил килди. Бу жамият низомига кўра унинг вазифаси “халқ орасида саҳна ишига ҳамда хайрияга қизикиш уйғотиш, санъат орқали жамиятни маърифатга чорлаш, Туркистан ҳудудида яшовчи муҳтож мусулмонларга моддий ёрдам бериб, маънавий ва моддий жиҳатини яхшилаш” эди.

<sup>4</sup> Худайкулов А.М. Просветительская деятельность джадидов Туркестана (конец XIX-начало XX вв.): Дис.на соискание ученой степени канд.ист.наук. –Ташкент, 1995. 7-бет

<sup>5</sup> Мунаввар қори Абдурашидхонов. Танланган асарлар... 151-бет.

Жадидлар, шу жумладан, Мунаввар кори Абдурашидхонов ҳам Россия маъмуриятининг Туркистондаги мустамлакачиликка асосланган бошқарув тизими нафақат миллий талиабларга жавоб бермаслиги, шу билан бирга, мамлакатга жуда катта ижтимоий-иқтисадий зарар етказаётганинги тушуниб етган эди. Шунинг учун ҳам уларниң янги усулдаги дунёвий таълим, миллий ўзига хосликнинг энг яхши жиҳатларини мустаҳкамлаш, маданиятни жадал ривожлантириш йўлида олиб борган курашлари охир-оқибатда сиёсий мустақиллик ва бошқарувнинг демократик шакллари учун курашга айланиб кетди. Бевосита Мунаввар кори Абдурашидхонов ва Убайдулла Хўжаевлар бошчилигига 1917 йил 16-23 февраль кунлари Умуттуркистон мусулмонлари съездига ўтказилди ва бу анжуманда илк маротаба миллий чекка ўлкаларга муҳторият бериш масаласи расмий равишда кўтарилиди. Тараккийпарвар демократик жараёнларда эволюцион йўл тарафдори эди.

Фикримизча, Абдурашидхонов ҳар бир масалада ҳақиқий вазиятдан келиб чиқиб иш тутган ва бунда рус халқи, миллати ва маданиятига чуқур хурмат билан қараган. У 1927 йилда Тошкент вилояти маданият ходимлари курултойида шундай деган эди: “Бир мажлиисда рус мустамлакачилари билан курашамиз деган эдим. Агар борди-ю, рус ўртоклар шу гапимга араз қилиб, “мамлакатингни ўзинг идора қил”, деса мен уларниң оғзиға ёпишиб, энг аввал айтар эдимки, биз сиз билан эмас, сизнинг бойларингиз, уламонингиз ва мустамлакачиларингиз билан курашамиз, дер эдим”<sup>6</sup>. Давр руҳини назарда тутсак, бу сўзлар унинг моҳир сиёсатчи сифатларини намоён қилган, деб баҳолаш мумкин. Буни яна бир мисол тасдиқлаши мумкин. Мълумки, у Компартия аъзоси бўлган. У хотираларида буни очиқ сўз билан шундай изоҳлайди: “Мен ўзимни ўзбек халқим учун фойдали ҳисоблаганим учун кирдим, агар менинг халқим фойдаси учун қайси бир партияга кириш лозим бўлса, мен ўшанга ўтавераман”<sup>7</sup>.

Мунаввар қори Абдурашидхоновнинг асарларини кузатсан, нафақат ўз замони, балки келажакни ўз Ватани тақдирни қандай бўлиши эканлигини кўп ўйлаган ва унинг айрим фикрлари, Ўзбекистоннинг хозирги замон ҳолатига тааллуқлидек кўринади.

<sup>6</sup> Мунаввар кори Абдурашидхонов. Хотираларимдан. Тошкент, “Шарқ”, 2001. 9-бет.

<sup>7</sup> Ўша ерда.

Хозир Ўзбекистонда амалга оширилаётган ижтимоий, сиёсий, маданий ислоҳотларда мутаффаккирнинг айрим гоялари амалга оширилганини кўриш мумкин. Масалан, Ўзбекистон Республикасида олиб борилган диний сиёсат, ислом дини ва унинг фалсафий меросига муносабат, таълим соҳасидаги ўтказилаётган ислоҳотлар, Европа ва АҚШда таълим олаётган ва ишлаётган ёшларга давлат томонидан кўреатилаётган ғамхўрлик масалалари шулар жумласидандир.

Мунаввар қори Абдурашидхоновнинг юз йил илгари айтган “Юрт обрўсин ёшлар сақлар” деган сўзлари ҳозир бизга шиор бўлиши мумкин. Ҳақиқатдан ҳам шундай. Қайси соҳани олмайлик, фан, маданият, спорт ёшлар Ўзбекистонни халқаро майдонга олиб чикмоқда.

Албатта, Мунаввар қори ўз қарашларида жамиятда мавжуд салбий иллатларни кўп тақиқид қилиган. Шулардан бири ялқовлик ва танбалликни у энг хунук сўз билан “ёв”деб атаган. Бу нарса нима ўзи. У шундай ёзади:

“Танбалликдир бизга душман, ишламоқнинг замонидир,  
Тиниб турмас “ёшман” деган, иш инсоннинг бир жонидир...  
...Ёвинг кимдир, биласанми? Нодонликдир, ялқовликдир,  
Ёвга қарши курашмаслик – қўрқокликдир, анқовликдир”<sup>8</sup>.

Ағсууски уларнинг аксарияти ҳозир ҳам бор. Бу иллатлар мана бир асрдан бери ҳам йўқ бўлмаган.

Бу бир кичкина мисол. Маъруза номида акс этган масалани тўлиқ ёритиш учун, Абдурашидхоновни асарларини чуқур тарихий изчиллик билан ўрганиш керак. Айниқса, ислом дини масалалари, ахлоқ-одоб, миллий маданият ривожи муаммоларига бағишлиланган асарларида бизнинг замонавий жамиятимиздаги мавжуд муаммоларни ечишга амалий ёрдам берадиган фикрлар оз эмас.

Хулоса килиб, шуни таъкидлаш керакки, Мунаввар қори Абдурашидхонов, умуман жадидчилик ва унинг бошқа намоёндалари ҳамда раҳнамолари ҳақида кўплаб тадқиқотлар яратилган, ҳам адабиётшунослар, ҳам тарихчилар бу мавзуни даврнинг ижтимоий-сиёсий ҳодисалари билан узвий боғлаб ўрганишга улкан хисса қўшганлар. Нафақат Ўзбекистонда, балки хорижда ҳам. Аммо бу харакат бутун Шарқ, қолаверса, Ер юзининг жанубида бир вақтда содир бўлган улкан ижтимоий-сиёсий, маърифий-маданий

<sup>8</sup> Мунаввар кора Абдурашидхонов. Таъланган асарлар....63-64-бетлар.

күзгалиш эди. Демак, унинг жаҳон тарихида ҳам ўрни бор. Энди тарихчилар учун бу мавзуни жаҳон тарихи контекстида компаратив асосда ўрганиш вакти келди, деб ўйлайман.

*Сайдакбар АГЗАМХОДЖАЕВ  
тарих фанлари доктори, профессор*

## МУНАВВАР ҚОРИНИНГ ЁШЛИГИ ЎТГАН МАҲАЛЛА

Маълумки, XX-аср бошларидаги Туркистонда жадидчилик ҳаракатининг йирик раҳбари, янги усулдаги миллий мактаб ва матбуот асосчиси, янги миллий театр ташкилотчиларидан бири, адаб ва шоир, сиёсат ва маърифат арбоби Мунаввар қори Абдурашидхонов 1878 йилда Тошкентнинг Шайхонтахур даҳасидаги “Дархон” маҳалласида зиёли оиласида туғилган.

Дархон номли маҳалла Тошкентнинг қайси срида жойлашган эди, деган савол берилганда, жавоб берувчининг ҳаёли Мирзо Улуғбек тумани худудида Хамид Олимжон номли метро бекатидан Мустақиллик шоҳ кўчасидан ўтиб, Салор каналининг ўнг қирғоги бўйидаги Тамара Хонум ва Дархон кўчасига кетади. Хозирги кунда бу ерда “Дархон” номли кафе ва мини –маркет ҳам бор. Бирок бу жой Мунаввар қори туғилган маҳалла эмас.

Дархон маҳалласи ўтмишда Тошкент шаҳрининг шарқий қисмидаги (хозирги Шайхонтахур тумани худудининг бир қисми) Шайхонтахур даҳасида жойлашган. Тошкентнинг 4 даҳасидан

бири бўлган Шайхонтахур худуд жиҳатдан энг катта, шу билан бирга энг ёш даҳа хисобланган.


Шимолдан Себзор, жанубий-гарбдан Бешёғоч, гарб ва шимолий-гарбдан Кўкча даҳалари билан чегараланган.

Шайхонтахур даҳаси Яссавия тариқати шайхларидан Шайх Хованд Тахур номидан олинган. Шайхонтахур даҳаси



даҳаси дастлаб Шайх Хованд Тахур мажмуаси атрофида шакллана бошлаган. XVIII асрнинг 80-йиларида Юнусхўжа ҳокимлиги даврида Шайхонтахур даҳасидан янги мудофаа деворлари билан ўралган кичик ўрда қурилган. XIX аср бошида Кўкон хони Олимхон Тошкентни эгаллаган пайтида бу ўрда бузулиб, XIX асрнинг 30-йиларида даҳа худудидан ўтган Анҳор канали чап соҳилида янги ўрда бунёд этилган.

Даҳа ерлари Анҳордан бош олган ариклардан сугорилган. Тошкентнинг XIX аср ўрталаридағи 12 дарвозасидан 3 таси (Кўймас, Кўкон ва Қашқар) Шайхонтахурда жойлашган. Айрим маълумотларга кўра Шайхонтахур даҳасида 48 дан ортиқ маҳалла бўлган. Бироқ уларнинг сони турли йилларда ўзгариб турган. Бу худудда 70 масжид, 3 мадраса, кўплаб карвонсаройлар, тегирмонлар бўлган<sup>9</sup>.



Шайхонтахур даҳасидаги қадимги **Дархон** маҳалласи Дархон (хозирги Абай) кўчасининг икки томонида жойлашган. XIX асрда Дархон маҳалласи **Оқмасжид**, **Пуштибог**, **Орқа** кўча, **Зангжарлик** маҳаллалари билан чегарадош ва жанубдан аввалига **Тошкӯча**, кейин эса **Шайхонтахур** деб ном олган (**хозирги Навоий**) кўчасига туташган.

Дархон маҳалласида **120** хонадон бўлган. Аҳолиси асосан ўзбеклар бўлиб, ҳунармадчилик, дехқончилик (шаҳар ташқарисидағи далаларида), савдо-сотиқ билан шуғулланган. XX аср бошларида масжид, чойхона, бир неча дўкон, устахоналар бўлган. Шайхонтахур ариғидан сув ичилган<sup>10</sup>.

<sup>9</sup> Исломов З., Максудов Д. Шайх Хованд Тахур ёдгорлик мажмуаси. “Тошкент ислом университети” нашриёт-матбаа бирлашмаси. 2005.19 б.

<sup>10</sup> Тадқикотда келтирилган чизма ҳариталар таникли архитектор Абдуманноп Зияевнинг 2008 йилда “Санъат” нашриётида чоп этилган “Шайхонтахур в прошлом и настоящем. Историко-архитектурный очерк” номли рисоладан фойдаланилган.

Мен Мунаввар қори Абдурашидхоновнинг биографияси ва хаёт йўлига бағишлиланган адабиётларни<sup>11</sup> қайтадан кўриб чикиб, қиёсий таҳлил асосида айрим тузатишлар билан буюк маърифатпарварининг ёшлиқ йилларида диний, маънавий, маданий, ижтимоий ва сиёсий дунёқарашига таъсир этган Дархон маҳалласидаги маънавий ва маърифий мухитни ҳамда у срдаги тарихий ёдгорлик ва зиёратгоҳларни кўрсатиб бернишга ҳаракат қилдим.

1878 йилда Тошкентнинг Шайхонтохур даҳасидаги Дархон маҳалласида мударрис Абдурашидхон Сотиболдиҳон Олимхон ўғли ва Хосиятхон отин оиласида фарзанд туғилди. Аъзамхон (1872-1919) ва Муслимхон (1875-1954) исмли икки фарзанддан кейин туғилган ўғилга яхши ният билан Мунаввар, яъни нурга тўлган ва нур билан ёритилган даган маъниони англатувчи исм қўйилади.

1885 йилда Мунаввархон 7 ёшлигида отаси Абдурашидхон вафот этади. Шунда Мунаввархон дастлабки таълим-тарбияни онаси Хосиятхон отиидан олади. Хосиятхон ўз даврининг ўқимишли ва фозила аёлларидан бўлиб, фарзандларига дастлабки савод ва бошлангич таълимдан сабоқ беради. Шунингдек ўз ховлисида маҳалладаги хотин-қизларни ўқитади.

Сўнг Мунаввархон Дархон маҳалласида яшовчи ўз даврининг машхур ўқитувчиси Усмон домладан илми кироат ва тажвидни ўрганиб, хофизи Куръон бўлади. Шундан кейин Куръони каримни ёқимли кироат билан ўқиганлиги учун атрофдагилар уни Мунаввар қори деб аташади.

Куръони каримни хатм қилиб, “кори” унвонини олгач, ҳали илмга яхши кириб бора олмаганини фаҳмлаган Мунаввар қори кейин Юнусхон мақбарасини олдида курилган Юнусхон мадрасасида ўқишини давом эттиради.

**Юнусхон Мадрасаси** – XV аср охирида курилган мезморий ёдгорлик. Шайхонтаҳурдаги Юнусхон мақбараси гарбидаги пишиқ

<sup>11</sup> Малицкий Н.Г. Ташкентские махалля и мауза. Ташкент, 1927; Мунаввар Қори Абдурашидхонов. Хотираларимдан (жадидчилик тарихидан хотиралар).–Ташкент, “Шарқ”, 2001; Мунаввар қори Абдурашидхонов. Таилантан асарлар.–Ташкент, “Маънавият”, 2003; Исломов З., Максудов Д. Шайх Хованд Тахур ёдгорлик мажмуаси.–Ташкент, “Ташкент ислом университети”, 2005; Зияев А.А. Комплекс Шайхонтаҳур в прошлом и настоящем. Историко-архитектурный очерк.–Ташкент, “Санъат”, 2008; Ташкент. Энциклопедия. Ташкент, “Ўзбекистон миллый энциклопедияси” давлат илмий нашриёти, 2009.



ғиштдан, 12 хужрали қилиб қурилган. Тарихчи Мұхаммад Солиххўжанинг ёзишича, 1485-1502 йилларда Шарқий Мўгулистон хони Султон Аҳмадхон (Олчахон) мухри босилган вакфномасида Пулемас деган жойда мадрасанинг вакф ери бўлганлиги кайд этилган.

**1898 йилда** Мунаввар кори ёшлигидан ўткир зехнли, илмга чанқоқ бўлганлигини учун, у 20 ёшида ҳадис, фикҳ, илми тафсир ва бошқа соҳалар бўйича олий диний таҳсилни давом эттириш мақсадида Бухородаги Мир Араб мадрасасига ўқишига киради. Лекин молиявий кийинчиликлар туфайли у ўқишини битирмай туриб, Тошкентга кайтиб келишга мажбур бўлади. Тошкентда у Дархон маҳалла масжидида (айрим манбаларда Саидазимбой масжиди деб аталган) имомлик қиласи ва муаллимлик билан шугуланади.

У диний, дунёвий ва ижтимоий-сиёсий мазмундаги китобларни севиб ўқиуди. Айникса, Кримда Исмаил Гаспринский томонидан чоп этилган “Таржумон” газетаси Мунаввар корининг миллатпарвар ва ҳалқпарвар бўлиб этишига катта таъсир этди.

**1900 йилда**, тарихий маълумотларга кўра, 22 ёшга киргунга кадар Мунаввар кори Дархон (ҳозирги Абай) кўчаси билан кесишган Тошкўча (ҳозирги Навоий) кўчасида жойлашган Эшонкул доддоҳ мадрасасида таҳсилни давом эттиради ва жадидчилик тўғрисида хабарни дастлаб шу ерда тонади.<sup>12</sup>

**Эшонкул доддоҳ мадрасаси** (рус манбаларида Шайхонтаҳур мадрасаси) Шайх Хованди Таҳур мажмуаси таркибидағи йирик мадраса **1840 йилда** Тошкент ҳокимининг Лашкар бекларбегининг ўғли Эшонкул доддоҳ томонидан Юнусхон мадрасасининг жануби-шарқида, Тошкўча (ҳозирги Навоий кўчаси)га туташ ерда 34 хужрали қилиб қурдирилган.



<sup>12</sup> Тошкент. Энциклопедия. Тошкент, “Ўзбекистон миллий энциклопедияси” давлат илмий нашриёти, 2009. Б.366.

Мадраса Шайх Хованд Тахур мажмуасининг Зангжарлик масжиди ёнида, қадимги Лангар ҳовузи атрофида тўрт тарафдан бир-бирига каратиб солинган бинолардан таркиб топган. Ўртада қолган Лангар ҳовузи эса Эшонқул доддоҳ буйруги билан тўлдирилиб, мадраса саҳнига айлантирилган ва эвазига Юнусхон мақбараси гарбида бир таноблик янги ҳовуз барпо этилган.

Мадраса шаҳардаги иктисадий жиҳатдан энг яхши таъминланган мадрасалардан бири бўлиб, унга кўплаб дўконлар, тегирмонлар, ерлар ва бошка кўчмас мулклар вакф килинган. XX асрнинг 60-йилларигача турли муассасалар ихтиёрида бўлиб келган. 1884 йилда рус-тузем мактаби, советлар даврида киностудия сифатида фойдаланилган ва 1924 йилда умуман ёпиб кўйилган. Кейинчалик қаровсиз колиб харобага айланган, унинг охирги колдиклари 1964 йилга келиб бутунлай бузиб ташланган.



**1901** йилда 23 ёшлик Мунаввар кори аввалига таъмирдан чиккан Эшонқул доддоҳ мадрасасида, кейинчалик ўз уйида “Намуна” номли янги усулда ўқитадиган жадид мактабини очади ва бундай мактаблар учун маҳсус ўкув дастурини тузади ва дарслеклар ёзади. Лекин Мунаввар кори фақат битта мактаб мамлакатдаги таълим тизимини бутунлай ўзгартира олмаслигини яхши тушунар эди. Шунинг учун хам у янада кўпроқ имкониятлар қидиришга харакат киласи. Кўп ўтмай Мунаввар кори туркистонлик ёшларни хорижий мамлакатларда ўқишга юбориш ва шу билан Туркистоннинг таълим тизимининг ривожланишига хисса кўшиш максадида хайрия жамиятини ташкил этади.

**1905-1907** йилларда Россияда демократик инқилобий харакатлар авж олганда 27-30 ёшлик Мунаввар корининг маданий-маърифий ва ижтимоий-сиёсий фаолияти янада кўтарилади. Бу даврда у Тошкент маҳаллаларида фақат жадид мактабларини ташкил этиш ва уларда ёшларни ўқитиш билан чекланмай, фаол адаб, журна-

лист, ношир ва сиёсий раҳбар сифатида нафақат Туркистон, балки Марказий Осиё ва Россия мусулмонлари орасида танилади.

1906 йилда “Ўрта Осиёнинг умргузаронлиги”, “Тараккий” газеталарида адабий ходим бўлиб ишлайди. Шу йили ношир ва мухаррир сифатида “Хуршид” газетасини ташкил этади. 1907 йилда “Шухрат” ва “Тужжор”, 1908 йилда эса “Осиё” газеталарини гоявий бошкаради ва адабий ходим вазифасини бажаради.

Мунаввар кори 29 ёшидан бошлаб бир қанча дарсликларни яратади. Унинг “Адиби аввал”(1907 й.), “Адиб ус-соний”, “Усули хисоб”, “Тарихи қавм турк”, “Таждид” (1911 й.), “Ҳавойижи диния”, “Тарихи анбиё”, “Тарихи исломия” (1912 й.), “Ер юзи” (1916 й.) дарслеклари бир неча марта нашр этилган.

**1909–1916 йилларда** 38 ёшга еткунга кадар Мунаввар кори Тошкентда турли жамият ва уюшмаларни ташкил этади. У 1909 йилда “Жамият Имдодия”, 1913 йилда “Турон”, 1914 йилда “Туркистон кутубхонаси” ва “Умид” деб номланган жамият, ташкилот, ширкат ва уюшмаларида муассис, раис, муовин ва аъзо бўлиб фаолият кўрсатади. 1914-1915 йилларда “Садойи Туркистон” газетасида масъул мухаррир муовини, “Ал-Ислоҳ” журналида маҳфий мухаррир вазифасини бажаради.

**1917 йилда** Россияда чор ҳукумати агдарилгандан кейин Туркистонда демократик ҳаракатлар бошланиши билан Мунаввар кори миллий-озодлик ҳаракатининг раҳнамоларидан бирига айланади. У 1917 йил 14 март куни Дархон маҳалласида Абдували хожи хонадонида ҳалқ сайлаган вакилларининг биринчи йигилишида қатнашади ва 61 кишидан иборат бошқарув орган “Шўрои Ислом” номини олган ташкилотга аъзо бўлади<sup>13</sup>. 1917 йилда Мунаввар корининг матбуот соҳасидаги фаолияти кўзга алоҳида ташланади. Унинг масъул мухаррирлиги остида “Нажот” ва “Кенгаш” газеталари нашр этилади.

**1917-1924 йилларда** Чор ва совет ҳукуматлари олиб борган мустамлакачилик сиёсатига қарши изчил кураш олиб бориб, Мунаввар кори “Шўрои Ислом”, “Турк адами марказияти”, “Иттиҳоди Тараккий”, “Миллий иттиҳод”, “Нашри маориф” каби жамият, фирмка ва ташкилотлар фаолиятига раҳбарлик қилади. У виждан эркинлигини инкор этмаган дунёвий демократик давлат

<sup>13</sup> Аъзамхўжаев С. Туркистон Мухторияти. Миллий-демократик давлатчилик курилиши тажрибаси. Тошкент. “Маънавият”, 2000. Б.34-36.

тарафдори бўлган. Шу сабабли 1917 йил 27 ноябрда Кўқон шахрида ташкил топган Туркистон Мухториятини қўллаб-қувватлаган.

1918 йилда у советлар хукумати даврида Халқ дорилғунунни Кенгашининг раиси, Туркистон Маориф халқ комиссарлиги туркшуъбасининг иш юритувчиси, Тошкент шаҳар маориф нозири вазифасини бажаради.

**1920-1928 йилларда** Мунаввар қори ижтимоий-педагогик фаолият Бухоро Халқ Совет Республикаси Маориф нозирлиги вақф бўлими бошлиги (1920-1921 йй.), Тошкент шаҳар ижтимоий тарбия бўлими мудири (1921 й.), Академмарказ раиси (1922 й.), Навоий номидаги мактаб, Наримонов номидаги пед.техникуми, аёллар педагогика Институтида муаллим, Самарқанд шаҳри музейида илмий ходим, Ўзбекистон осори атиқаларни сақлаш кўмитасининг Тошкент-Фарғона бўлимида масъул котиб (1927-1928 й.).

Умр бўйи ўз ватанини мустақил кўришни истаган Мунаввар қори 1929 йил 6 ноябрда қамоққа олиниб, Москва шаҳридаги Бутирка қамоқхонасида **1931 йил 23 апрель** куни қатл қилинган ва Ваганькова кабристонига дафи этилган.

Халқ озодлиги ва Ватан тараққиёти йўлида 35 йил давомида изчил кураш олиб борган Мунаввар қори 53 йиллик қисқа умри ичида нафакат ислоҳотчи, ёзувчи, жамоат ва сиёsat арбоби балки халқ озодлиги йўлида ўз жонини фидо қилган содик курашчи сифатида ном қолдириди.

Ўзбекистон мустакилликка эришгандан кейин 1991 йилда Мунаввар қори Абдурашидхонов расман оқланди. Бугунги кунда Тошкентдаги кўчалардан бири, Мирзо Улуғбек туманидаги маҳалла, Шайхонтахур тумани “Илгор” маҳалласидаги жоме масжиди Мунаввар қори номи билан аталган.

**Нурбой ЖАББОРОВ**  
филология фанлари доктори, профессор

## **МУНАВVAR ҚОРИ ВА МИЛЛИЙ МАЪРИФАТ**

Ватанини мутараққий, миллатни маърифатли кўрмок – Туркистон жадидчилигининг эътироф этилган йўлбошчиларидан ҳисобланган Мунаввар қори Абдурашидхонов учун шунчаки орзу

эмас, хаёт-мамот масаласи эди. Буюк маърифатпарварнинг бу борадаги карашлари шунчаки фикрлар мажмуи эмас, миллий маърифатни юксалтириш концепцияси даражасига кўтарилиган эди. Бу концепция мукаммал тизимга асосланган бўлиб, қуйидаги шакларда намоён бўлди:

Жадидларнинг ўзлари эътироф этганидек, “миллатнинг латофатини ҳам, қабоҳатини ҳам кўрсатувчи ойна” ҳисобланган миллий матбуотни йўлга кўйини.

Наинки ўша давр, балки келар замон илмларини ҳам эгаллаган янги авлодни тарбиялаш. Бунинг учун ўқитиш усусларини тубдан ислоҳ килиши.

Истеъоддли ёшларни мутараққий мамлакатлар олий таълим муассасаларига юбориш ва уларнинг тараққиёт тажрибасини миллий манфаатларга мослаб ҳаётга татбик этиши.

Замонавий олий таълим муассасаларини ташкил этиши оркали Ватан ва миллатнинг нурли истиқболига хизмат қиласиган салоҳиятли кадрларни етиштириши.

Таъкидлаш керакки, миллий маърифатни юксалтиришга қаратилиган бу концепциянинг мазкур йўналишлари бир-бири билан чамбарчас боғлиқ ва бир-бирини тақозо этади.

Мунаввар корининг бу борадаги фаолияти қизғин ва самарали кечди. Миллий матбуотни йўлга кўйиш, такомил босқичига кўтариш ишига Самарқандда Беҳбудий раҳнамолик қилган бўлса, Тошкентда ташаббускорлик ва ташкилотчилик вазифаси Мунаввар кори зиммасига тушибди. Мунаввар корининг матбуот ишларига аралашуви 1906 йилнинг бошларидан чиқа бошлаган “Ўрта Осиёning умргузорлиги газетаси Таракқий” билан боғлиқ. Мустамлакачилар манфаатига хизмат қилган бу газета 1-сониданок “Манифест” сарлавҳали мақолада: “Русия давлатида зиндагорлик қилиб тургувчи фуқароларнинг ҳаммаси Русия подшоҳига тобедурлар. Масалан, рус ва сарт ва нўғой ва қозоқ ва яхудий ва арманидурлар, ва бу халқнинг ҳаммаси подшоҳ императур аъзам ҳазратлариға тобударлур ва бул жаноб ушбу фуқароларнинг хайрҳоҳи ва парвариш қилғувчисидурлар” тарзидағи фикрларни эълон қиласиди. Газета асосан мустабид Русия хукмронлигини мустахкамлаш позициясида турди. Ана шу газетада кисқа муддат ишлаб, матбуот сирларини ўргангандан Мунаввар кори Ватан ва миллат манфаатига хизмат қилувчи илк миллий газета бўлган “Таракқий”га асос солди.

Газетага мұхаррирлік қилиш учун Мұнавварқори ташаббуси билан маҳаллій тишин, айни кезде рус тишин яхши биладиган Исмоил Обидий таклиф этилди. “Газетамиз “Тарақкий” исмиңда ўлуб, – деб ёзилади газетанинг 1-сонида таҳририят номидан эълон қилинган мақолада – бора-бора жисми ҳам исміга мувоғиқ ўлуб, миллатимизни кейин қолмогига, жаҳолат ва гафлати олийда ўлуб, бошка миллатлардан кам даражада қолмогига асло рози эмасмиз... Биноан алайҳ газетамизнинг нажотимизга, дунё ва охиратда масъуд ўлмокимизга ёлгуз илм бобидир, демак биринчи вазифасидур”.

Мұнаввар корининг катта шов-шувларга сабаб бўлган “Бизнинг жаҳолат – жаҳли мураккаб” мақоласи ана шу газетанинг 1- ва 2-сонларида босилган. Унда ўқитишининг эски усули – “усули хижко” замон талабларига жавоб бермаслиги айтилади. Жоҳил бўлишига қарамай, ўзини билимдан кўрсатишга интигувчи мударрислар кескин танқид остига олинади. Ўқитиши усулини ислоҳ этиш хаётий эҳтиёж экани масаласи кўтарилади.

“Тарақкий”да миллатининг жаҳолат гирдобига тушиш сабабларидан миллій зулм ва истибдоднинг моҳиятигача, мактаб-маориф масалаларидан эскича қарашдаги мударрис ва қозилар танқидигача, Николай иккинчи эълон қилган сўз, матбуот ва виждон эркинлиги, инсон хукуқлари дахлсизлиги тўғрисидаги манифестнинг мусулмонлар хаётига татбиқ этилишидаги монеликлардан Давлат думаси, унинг вазифаси нималардан иборат эканингача, ундан мавжуд тутумларни ислоҳ этиш заруратигача бўлган кенг қамровли масалаларни қатъият билан ёритди<sup>14</sup>.

1906 йил 27 июнда чиқа бошлаган “Тарақкий”нинг Ватан ва миллат манфаатларига хизмат қилиши Русия хукуматига ёқмади. Ўша йили 21 августда газета таҳририятида тинтув ўтказилиб, мұхаррир Исмоил Обидий қамоққа олинди. Газетанинг бор-йўғи 19 тасони чикқан, нашр этишга тайёрланган 20-сони мусодара этилган, атиги икки ойга яқин вақтда унинг фаолиятига барҳам берилган бўлса-да, “Тарақкий” миллат қалбини маърифат учқунлари билан

<sup>14</sup> Бу хақда караңг: Жалолов А., Ўзганбоев Ҳ. Ўзбек маърифатпарварлик адабиётининг тараққиётида вактли матбуотнинг ўрни. – Т.: “Фан”, 1993, 60-81-бетлар; Қосимов Б. Миллій уйғониш: жасорат, маърифат, фидойилик. – Т.: “Маънавият”, 2002, 58-64-бетлар; Дўстқораев Б. Ўзбекистон журналистикаси тарихи. – Т.: Faafur Fudom номидаги НМИУ, 2009, 108-120-бетлар; Каримов Н. Адабиёт ва тарихий жараён. – Т.: “Мумтоз сўз”, 2013, 89-97-бетлар.

Ёритишига мұваффак бўлди. Бунда Мунаввар қорининг хизматлари диккатта сазовор эди.

Матбуотнинг кучи нечоғлик катта эканини теран ҳис этган Мунаввар қори энди ортга қайтиши мүмкін эмас эди. 1906 йил 6 сентябрдан у ўз ноширилиги ва мұхаррирлигига “Хуршид” газетасини ташкил этди. Тахририят ишига Худоёрхоннинг кенжә фарзанди Фансуруллобек, шунингдек, Мұхаммадраҳимхўжа Нуридинхўжаев ва Мулла Зиё Охундлар жалб қилинди. Газета куйидаги масалаларни ёритиши мақсадини қўйди: 1) мактаб-мадрасалар ислохи бўйича уламолар ва илм толиблари билан маслаҳатлапув, 2) ахли Туркистонни иттифоқ ва иттиҳодга чакириш, 3) Петербург, Оренбург, Боку, Қозон ва Бокчасаройда чоп этилган мўъгабар газеталардаги эътиборга молик мақолаларни чигатой туркласига таржима қилиб босиш ва бу орқали миллат маърифатини юксалтириш, 4) жамиятнинг барча тоифаларни шариатга номувофиқ, диндошларга зарап бўладиган ишлардан қайтаришига эришмоқ ҳамда 5) миллатни дунё ва охират саодатига эриштирувчи илм ва маорифга тарғиб этиши.

“Хуршид” ўз олдига қўйган мақсадлардан оғишмади. Бироқ Мунаввар қори мұхаррирлигига нашр этилган бу газета ҳам мустамлака маъмуриятига маъқул келмади. Газетанинг бор-йўғи 10 та сони чиқди холос. 1906 йил 16 ноябрида ҳукумат унинг фаолиятини тўхтатди.

Мунаввар қори “Садойи Туркистон” (1914)ни ташкил этишида фаоллик кўрсатди. 1915 йилдан бошлиб бир муддат “Ал-Ислоҳ” журналида фаолият олиб борди. 1917 йилнинг мартаидан эса ўз мұхаррирлигига “Нажот” газетасини чиқара бошлади. Шу йилнинг июнидан Заки Валидий таъсис этган “Кенгаш” журналига мұхаррирлик килди. Умуман, миллий матбуотининг шаклланиши ва тараққиёти воситасида миллий маърифатни юксалтириш ишига муносиб ҳисса қўшиш Мунаввар қорининг фаолиятининг асосини ташкил этади.

“Миллий матбуотимиз Отабеги” мақоласида академик Наим Каримов Мунаввар қорининг матбуотга доир фаолияти билан боғлиқ бир қанча маълумотларга ойдинлик киритади. Хусусан, устоз олим Мунаввар қорининг “Шуҳрат”, “Тужжор”, “Осиё”, “Ҳақиқат” газеталарини Абдулла Авлоний ва бошқа сафдошари

номидан нашр эттиргани ҳақидаги маълумотларнинг асосли эмас-лигини исботлаб берган<sup>15</sup>.

Мунаввар қорининг миллый маърифатни юксалтириш концепцияси жадидларимиз томонидан “ибратхона”, “таъзири адабий” дея таърифланган театр билан ҳам чамбарчас боғлиқ эди. “Падаркуш” Тошкентдаги Колизейда саҳнага кўйилар экан, Мунаввар қори театр ва унинг аҳамияти ҳақида нутқ сўзлади<sup>16</sup>. Бундан таъсирланган Тавалло шу ҳақда шеър ёзгани маълум. Шеърда улуғ маърифатпарварнинг исми ва фаолиятидаги уйгунилк, нутқидаги аччик, лекин очик ҳақикат, ёшиларга ибрат сабогини бергани алоҳида таъкидланган:

Чўқ мунаввар этти оламни Мунаввар қоримиз,  
Кўрдимиз равшанлигидин феълимиз, атворимиз.  
Ибрат олинг, ёшилар, деб тўқди кўздин ёшлиар,  
Нутқида таҳрир эдуб, бизларни йўқу боримиз.  
Чин кўнгулдан биз эшитдук, чин-ачиғ айтган сўзи,  
Шунча бидъатларни билдук,вой, биз икромиз.

Професор Бегали Қосимовнинг эътирофича: “Мунаввар қори гарчи театр асари ёзган бўлмаса-да, Туркистондаги театрчилик ишларининг йўлга кўйилишида Абдулла Авлоний ёчида турди. 1913 йилда тузилган 73 моддалик “Турон” жамияти уставида театрчилик ишлари алоҳида таъкидланган эди, унинг заминида “Театр ҳаваскорлари труппаси ташкил топгани бежиз эмас”.

Абдулла Авлоний билан бирга “Турон” жамияти ва унинг қошидаги театр труппаси фаолиятини йўлга кўяр экан, Мунаввар қори миллат маърифатини юксалтириш муддаосини кўзда тутди.

Жадидларимиз фикрича, Ватан ва миллат тараққийси учун наинки замонавий билимларни, балки келар замон илмини ҳам эгаллаш тақозо этилар эди. Махмудхўжа Беҳбудийнинг: “Эй мусулмонлар! Болаларинғизга келар замон илмини ўргатингиз! Зероки, аларни Худои таоло ҳалқ этди, сизларнинг замонингиздан бошқа, яъни келар замон учун”<sup>17</sup>, деган сўzlари бунинг исботидир. Мунаввар қори ҳам айни шу қараш тарафдори эди. Шу максадда у 1901 йили Тошкентда биринчилар каторида янги мактаб очади. Энг

<sup>15</sup> Каримов Н. Миллый матбуотимиз Отабеги. /Адабиёт ва тарихий жараён. – Т.: “Мумтоз сўз”, 2013, 96-97-бетлар.

<sup>16</sup> Бу ҳақда яна қаранг: Ризаев Ш. Жадид драмаси. – Т.: “Шарқ”, 1997, 64-бет.

<sup>17</sup> Махмудхўжа Беҳбудий. Таҳсил ва сафар замони ва таом. / Ойина. – Т. “Академия”, 2001, 56-бет.

аҳамиятлиси, Маҳмудхўжа Беҳбудийнинг эътирофича, Мунаввар қори мактабининг нуфузи баланд ва олий таълимга замин бўла оларли даражада бўлган. Шайхонтохурда очилган бу мактаб “Намуна” деб аталиб, ўқитиш усулларини янгилашда алоҳида ўрин тутган. Мунаввар қорининг ўзи “Туркестанские ведомости” газетасининг муҳбири Г.Андреев билан мулоқотида бу мактабдан кўзланган муддао кўйидагича эканини айтган эди: “...мадрасаларда йиллар давомида ўқитиладиганларни тез, осон ва сингил олиб борадиган яхши йўлни топиш ҳақидаги фикрга келдим. Мен янги кўлланмали, фундаментал замонавий педагогика асосида кичик мактаб-мадрасаларни ташкил этишни хоҳлардим”.

“Адиби аввал”, “Адиби соний” каби дарслер-мажмуаларни, “Тажвиду-л-Куръон”, “Ер юзи” сингари кўлланмаларни Мунаввар қори ана шу мактаблар учун тузди. Профессор Бегали Қосимовнинг аниқлашича, бу дарслерлар 1901 – 1917 йиллар оралигига энг ками икки-уч, кўпи тўққиз-ўн мартағача алоҳида-алоҳида ҳолда нашр этилган<sup>18</sup>. 1925 йилда Мунаввар қори Қаюм Рамазон ва Шорасул Зуннун билан ҳамкорликда уч бўлимли “Ўзбекча тил сабоқлиги” китобини чоп эттиради. Булар ҳаммаси миллат маърифатини юксалтириш, бунинг учун ўқитиш усулларини янгилаш, авлод тарбияси йўлига молу жонни тикиш туркистон жадидчилигининг раҳнамоларидан бўлган Мунаввар қори учун ҳаётий аъмол бўлганини кўрсатади.

Мадрасаларнинг том маънодаги олий таълим муассасалари бўлгани бугун исбот талаб қилмайдиган ҳакиқат. Шунинг баробарида, чинакам замонавий университетларни ҳам бизга кимлардир келиб барпо этиб берган эмас. Аждодларимиз кучи билан бунёд этилган. Табиийки, мустамлака шаронтида яшаган маърифатпарвар жадидларнинг бунга эришиши осон кечмаган. Уларнинг бу йўналишдаги фаолияти икки йўналишда олиб борилган:

1. Ёшларни Farb ва Шарқнинг тараққий қилган мамлакатларига ўқишига юбориши.

2. Миллий дорулфунунни – университетни ташкил этиш.

Узок муддатли мустамлака асорати сабаб тараққиётдан орқада колган Туркистонни ривожланган мамлакатлар даражасига олиб чиқиш – жадидларнинг бош максади бўлгани аён. Бунинг учун

<sup>18</sup> Каранг: Қосимов Б. Миллий уйғониш: жасорат, маърифат, фидойилик. – Т.: “Маънавият”, 2002, 237-бет.

ёшларни тараккӣ қилган мамлакатларга ўқишига юбориш, истиқболга замин хозирлаш керак эди. Бу ўз-ўзидан амалга ошмаслиги тайин эди. 1909 йил 12 майда Тошкент жадидлари очган “Жамияти хайрия” ана шу максадга қаратылди. Мунавваркори унинг муассисларидан бўлган. Бу хайрия жамияти фаолиятида таълимгага алоҳида диккат қаратилган эди. Унда, жумладан, Туркистон ёшлари учун ташкил этилган усули жадида мактаблари фаолиятини қўллабкувватлашдан олий таълим олишилари учун уларни хориждаги илғор таълим муассасаларига юборишгача эътиборга олинган эди.

Профессор Б.Қосимовнинг аниқлашича, 1909-1913 йиллари Абдурауф Фитрат, Усмонхўжа Пўлатхўжа ўғли, Ато Хўжа, Мазхар Бурхонов Истанбулда таҳсил олган. Ҳамза мазкур шаҳардаги дорулвоизинда, Фози Юнус дорулмуаллиминда ўқиган. Бундай харакат 1917 йил октябрь воксаларидан кейин ҳам муттасил давом этди. 1922 йили Туркистон Марказий Ижроия Қўмитаси ҳайъати ва Бухоро ҳукумати карорига кўра 60 дан ортиқ ўқувчи Германияга ўқишига юборилади. Бу ишларнинг бошида Мунаввар кори, Фитрат, Файзула Хўжаев, Турор Рискулов турди. Улар Германиядаги турли олий ўқув юртларида – Берлин Ҳумбольдт университети тиб, фалсафа, иқтисод, бинокорлик, электротехника, машиносозлик, кишлоқ ҳўжалиги факультетларида, Лейпциг матбаачилик мактабида, Дрезден, Билсфольд дорулмуаллимларида таҳсил олгани маълум. Улардан машҳур Тохир Шокир (Тохир Чигатой) Ҳайделберг университетининг иқтисод, Абдулаҳоб Исҳоқ (Ўқтой) шу университетнинг медицина факультетларида, Гулсум Музаффар Берлин ўқитувчилар институтида ўқиган<sup>19</sup>.

Большевиклар ҳукумати ўз мавқенини мустаҳкамлаб олгач, «чирик, реакцион буржуза мафкурасининг уяси» деб ҳисоблагани Германиядан ёшларни шошилинч чакириб ола бошлади. Дастлаб уларни салоҳиятига яраша иш билан таъминлаган шўролар ҳукумати «жосус», «Германия агенти» каби тавқи лаънатларни бўйнига осиб, қамоқ ва сургунга ҳукм қилди. Қатағон сиёсатини олиб борди. Шу тариқа маърифатпарвар жадидларнинг ёшларни ривожланган мамлакатларда ўқитиш орқали Ватан ва миллатни тараккӣ эттириш режаси амалга ошмай қолди.

<sup>19</sup> Бу ҳақда қаранг: Қосимов Б. Миллий уйгониш: жасорат, маърифат, фидойилик. – Т.: “Маънавият”, 2002, 30-33-бетлар.

Жадидлар бу ишнинг мувакқат эканини, ўз миллий университетимизни очмай туриб мақсадга эришиб бўлмаслигини тўлиқ тушуниб етдилар. Замонавий миллий университет гояси XX аср бошида тараккийпарвар зиёлиларимиз – жадидлар онгига туғилиб, умуммиллий гоя даражасига кўтарилган эди. Айни кезда чор хукумати ҳам университет ташкил этиш тараддуудида бўлди. Лекин бу гоя тамомила бошқа мақсадни – ўлканинг бой табиий иқтидордан мустамлака маъмурияти манфаатлари йўлида самаралироқ фойдаланишни, Туркистоннинг ер ости ва ер усти бойликларини тезрок ўзлаштиришни назарда тутар эди. Иккинчи томондан, бу ерда университет очиш жаҳон ҳамжамиятида гўё маданиятташувчилик борасидаги «буюк ҳиммат»дек таассурот колдирмоғи лозим эди.

Шундай бир шароитда Махмудхўжа Беҳбудий “Ойна” журналининг 1913 йили чоп этилган “Аъмолимиз ёинки муродимиз” мақоласида бизга чинакам миллий университет керак эканлигини, замонавий мутахассислар мазкур университетда тайёрланмоғи зарурлигини таъкидлайди. Бунинг учун биринчи навбатда маблаг зарур эди. Маблаг учун хайрия жамиятлари очмок, миллат бойлари бу йўлга мол ва жонларини бағищамоғи талаб этиларди. “Тики бул жамиятлар, – деб ёзди Беҳбудий, – халқдан оқча жамлаб, миллат болаларини ўқутиш ва миллатни ояндаси учун керак бўлатургон кози – яъни судья, закунчи – яъни ҳукукшунос, инженер – яъни муҳандис, муаллим, яъни замон мактабдори, миллатни хомийси ва ходими – яъни Давлат думасига депутат, миллий саноатхоналаримизни ислоҳ ва ихё этгувчи – яъни техник, тижоратхона ва бонкаларда бизга ёрдам бергувчи – яъни тижорат илмини ўқуғон коммисрант... етушдурмок керакдур”<sup>20</sup>.

1918 йил 9 апрелида Тошкент жадидларининг етакчиси Мунавварқори Абдурашидхоновнинг Дархондаги ҳовлисида 9 кишилик ҳайъат тузилиб, мусулмон халқ дорулфунуни, яъни миллий университетни ташкил этиш бўйича иш бошлайди. Уларнинг барчаси университетнинг миллат ҳаётида мухим ўрин тутишини яқдиллик билан тасдиқлайди. Кўп ўтмай, «Халқ дорулфунуни» номида газета нашр этила бошлайди. Мазкур газетанинг

<sup>20</sup> Махмудхўжа Беҳбудий. Танланган асарлар. Тузатилган ва тўлдирилган З-нашри (Нашрга тайёрловчи, тўпловчи, сўбоши ва изоҳлар муаллифи Б.Қосимов). – Т.: “Маънавият”, 2006, 161-бет.

1918 йил 31 май, 15 июнь, 21 июль сонларида эълон қилинган «Ташкилот комиссиясининг ҳисоботи»дан маълум бўлинича, 1918 йил 9 апрелидан 9 майига қадар роппа-роса тўккиз йигилиш ўтказилига. Бу йигилишларда бўлажак университетининг ташкилий тузилишидан тортиб, шўъба, факультетлари-ю энг муҳим соҳаларининг дастурларигача ишлаб чиқилди.

Уларга кўра университет уч – қуий, ўрта ва олий босқичли этиб белгиланди. Хорижий тилларга алоҳида эътибор берилди. Фарбдан – немис, инглиз, француз, Шарқдан – араб, форс тилларини ўрганиши шарт қилиб қўйилди.

Шу тариқа 1918 йил 12 майданда Тошкентнинг эски шаҳар кисмида Мунавварқори Абдурашидхонов раҳбарлигида Туркистон Мусулмон халқ дорулфунуни очилди. У чинакам миллий университет сифатида ўлка маънавий ҳаётида муҳим ҳодиса бўлди. Университет очилган куниёқ унда ўқиш истагида ёзилганилар сони 945 тага етгани ҳам бунинг далилидир. 15 майданда университет низоми кабул қилинди. Профессор Б.Қосимовнинг ёзишича, “Қисқа муддатда 23 мактаб ташкил топди, 299 муаллим жалб этилди. Улардан 22 киши олий диний мадрасаларни, 2 киши Россия университетларини битирган эдилар”<sup>21</sup>.

Машҳур драматург Гулом Зафарий, шоирлардан Мўминжон Тошқин, Шамсиддин Шарафиддинов (Хуршид), маърифатпарвар зиёлилар Қаюм Рамазон, Шокиржон ва Собиржон Раҳимиylар Туркистон Мусулмон халқ дорулфунунининг дастлабки педагогларидан эди. Дорулмуаллиминда Мунавварқорининг ўзи ахлоқдан дарс бергани унинг бутун салоҳиятини ушбу соҳага бағишлилаганидан далолат беради.

Самарқандда Маҳмудхўжа Беҳбудий раҳбарлигида дорулмуаллимин шўъбаси очилди. Унда Ҳожи Муин, Сиддикий-Ажзий сингари таниқли адиллар талабаларга сабоқ берди.

Лекин, табиийки, Мусулмон халқ дорулфунунининг миллийликка мойиллиги шўролар ҳукуматига ёқмади. У бор-йўғи 100 кунга яқин фаолият кўрсатди ва шўъба даражасига туширилиб, «рус» халқ дорулфунунига кўшиб юборилди. Шу тариқа миллат зиёлиларининг орзуси ушалмай колди. Лекин университетнинг биринчи ректори Мунавварқори Абдурашидхоновнинг миллий

<sup>21</sup> Қосимов Б. Миллий уйғониш: жасорат, маърифат, фидойилик. – Т.: “Маънавият”, 2002, 35-бет.

маърифатни юксалтиришга қаратилган бекиёс хизматлари олий таълим тарихидаги энг ёркин сахифалардандир.

1920 йили мустамлака маъмурияти манфаатларини кўзда тутган Туркистон халқ университети Давлат университетига айлантирилди. 1923 йили унинг беш факультетида ўқиётган 2453 талабанинг 50 тасигина ўзбек эди. Ҳолбуки, маҳаллий миллат вакиллари ўлка аҳолисининг 95 фоизини ташкил этар эди. Бундай хол узок йиллар давом этди.

Шунга қарамай, халқимиз миллатимиз илмга интилди. Шунчаки интилибгина қолмади, янги, замонавий илм-фани, маданият ва саноатни, таълим-маориф тизимини яратиш йўлида чинакам жонбозлик килди. Натижада университет биргина Ўзбекистон эмас, бугун мустакил давлатлар бўлиб қолган Марказий Осиёдаги беш республика учун ҳам илм-маърифат бешиги бўлди.

Хулоса қилиб айтганда, Мунаввар қорининг миллат маърифатини юксалтириш концепцияси катта натижалар берди. Ватан ва миллат тараққиётининг ойдин йўлига чиқиб олган бугунги кунда маърифатпарвар жадидлар ва уларнинг раҳнамоларидан бўлган Мунаввар кори Абдурашидхоновнинг тарихий хизматларини ёд этиш, асарларини чукур ўрганиш, замонамиз учун зарур сабоқлар олиш ҳар жиҳатдан баркамол авлодларни тарбиялашнинг муҳим шартидир.

*Сироғиiddин АҲМАД*

## **МУНАВВАР ҚОРИ АБДУРАШИДХОНОВНИНГ ЎРТА ОСИЁ МАДАНИЯТИДАГИ ТУТГАН ЎРНИ ВА РОЛИ**

Мунаввар кори Абдурашидхоновнинг XX аср Ўрта Осиё ижтимоий-сиёсий ва маданий ҳаётида тутган ўрни ва роли бекиёс. Буни англамоқ учун ўша давр матбуоти, адабиёти, маорифи ва сиёсий ҳаётига назар ташламоқ кифоя. Ҳаётнинг қайси бир жабхасини олманг, унинг ёркин сиймоси кўзга ташланади, ижтимоий дардларга даво нафаси сезилади.

Эски усулдаги мактаб ва мадраса таълимини кўрган бу ажойиб сиймонинг дунёқарашидаги томм маънодаги инқилобий ўзгариш

лар замини унинг оиласини тарбияси, ижтимоий муҳитига бориб тақалади.

Миллат фидойиси бўлган бу инсон Туркистонда биринчилардан бўлиб, миллат зиёлиларининг вазифаси ўз халқига миннатсиз хизмат қилиш, яъни ходимул миллат бўлиш кераклигини тушуниб етди ва шу йўлда сўнгги нафасигача хизмат қилди.

Мунаввар кори оддий муаллимлар оиласининг фарзанди эмас, балки ўз даври маътифати, адабиёти, маорифи ва унинг диний, ижтимоий ва сиёсий ҳамда маданий вазифасини англаб етган оила фарзандидир. Шу боис Тошкент мадрасаларида олган билимидан кониқиши ҳосил қилмай Бухорога бориб Мирараб мадрасасида таҳсил кўрди. Бу ерда бухоролик, ҳиндистонлик савдогарлар орқали мадраса ичига махфий кириб келаётган хорижий матбуот билан танишиди, адабиётларни муроалаа қилди, зеҳниятини дунё фалсафаси ва сиёсий карашлари билан чархлай олди. Бухородан кайтгач Тошкентда Исмоил Гаспралиниң “Таржумон” газетасининг ашаддий муҳлисига айланди.

XX аср бошига келиб анча тўқилиб қолган ўзбек жамиятини тиклаш кўп жиҳатдан халқ маориф тизимини янгиланишига боғлиқлиги тўғрисидаги бинокор ва олим Муҳаммад Қоратоший-Тошкандийнинг фикрларини тушуниб етди. Мунаввар қори Тошкент маътифий-адабий муҳитида вояга етган бўлса-да, ўзининг ўткир чангалини ботириб турган чор Русиясининг буюк давлатчилик - тор миллатчилик босимини ҳар нафасда таъсир килганини сезиш қийин эмас. Фикримизга Остроумов ва Мунаввар кори ўртасидаги муносабатлар мисол бўла олади. XX аср арафасида ислом дини ва миллий маданиятига тажовуз бошлаган босқинчилар ахолини насронийлаштириш масаласида катта тарғибот-ташвиқотни бошлаб, европалик ғайриислом адабиёти ва унинг намояндаларининг фаолиятини тарғибот қилиб, ўз зиёлиларини маҳаллий халқ дини ва маданиятига қарши қўйдилар. Ана шундай кураш ҳосиласи сифатида миссионер Остроумов “Инжил”ни ўзбек тилига таржима қилиб, Белгияда Исломга қарши кураш маркази ёрдамида нашр эттириб, маҳаллий халқ зиёлилари орасида таркатди.

Маътифий душманликка маътифат билан жавоб бериш йўналишини олган миллий зиёлилар душманга факат ислом маътифати билан эмас, балки сиёсий маътифат билан жавоб бериш лозимлигини англаб етдилар. Мунаввар қори Абдурашидхонов

“Туркестанские ведомости” газетасининг мухбири Г.Андреев билан бўлган сұхбат чоғида шундай дейди: “Шахсан менинг ўзим оғир хаёт йўлини босиб ўтдим. Бирон нарсани ўрганиш учун аввал Ташкент сўнг узоқ муддат Бухоро мадрасаларида таҳсил олишимга тўғри келди. Ҳар ҳолда, мадрасаларда фанларни узоқ йиллар мобайнида ўқишимга қарамай, мен ҳаёт учун зарур бўлган кўп нарсани ола олмадим.

Ана ўшанда мадрасаларда йиллар мобайнида ўқитиладиган билимга тез, осон ва енгил олиб борадиган яхши йўлни топиш ҳақидаги фикрга келдим. Мен янги қўлланмали, фундаментал замонавий педагогика асосида кичик мактаб-мадрасаларни ташкил этишини хоҳлардим”. Демак, Мунаввар қори ва унинг илгор сафдошлари юкорида айтилган тажовузга қарши курашмоқ учун “фундаментал замонавий педагогикани асос қил”дилар ва чуқур илм билан куролландилар. Улуғ педагог масалани комил мусулмон сифатида Куръондан топди, тафсир ва шарҳлар-у талқинларни, ҳадисларни пухта ўрганди. Анъанавий сабокнинг фақат ақоид томонига эмас, балки ижтимоий-сиёсий томонларига эътибор қаратди. Н.Остроумов, В.Наливкин, С.Грамениций, П.Азначеев каби маориф нозирларининг мактаб дастурлари, китобларини синчиклаб текширишларига қарамай, ўз дарслик ва ўқув дастурларини яратди ва бутун Туркистон бўйлаб тарқатди. Унинг дарсликлари 1917-1918 йилларга келиб 3-4 бор нашр этилди. Қадрдони ва сафдоши Маҳмудхўжа Бехбудий томонидан қўллаб-кувватланди.

Агар биз XX бошидаги мактаблар фаолиятига назар ташласак, Мунаввар қори ҳақиқатда ҳам маориф соҳасида инқилобий ўзгаришлар килганига иқрор бўламиз. Туркистондаги бошланғич ва ўрта мактаб таълим-тарбия тизимининг асосчиси эканига ишонч ҳосил қиласиз. Мунаввар қорининг ўз мақсад томон қатъий ва изчил интилиши ўз самарасини кўрсатди. Бошланғич ва ўрта мактабни ўз тилагича барпо этибгина қолмай, анъанавий услубда дарс бериб келаётган домлаларни ҳам ўз билим ва саъвияларини оширишга ундади ва унинг уҳдасидан чиқди. Ишлаб чиқкан дарс маромномаси Туркистонда фаолият олиб бораётган барча татар муаллимларининг программасидан кескин фарқ қиласиз. Мунаввар қори Абдурашидхонов том маънода миллий мактабни яратди, десак ҳато бўлмайди. Унинг мактабида ўқиган талабалар фақатгина ўзбек, араб, форс тилида эмас, ҳатто рус тилида ҳам эркин гапла-

шадиган ва фикр юритадиган бўлиб чиқдилар. Шу боис унинг таълим-тарбия тизими рус-тузем мактабларини синдириди. Буни кўриб ичи куйган миссионер Остроумов Мунаввар корига тиштириғи билан қарши туришига қарамай бир ҳақиқатни, яъни ўз сўзи билан айтганда “ўзбек мактабларининг ўқитувчилари олим кишилар бўлгани учун уларга таъсир ўтказа олма”ганини тан олишга мажбур бўлди. Мулоҳазани давом эттириб ушбу фактни таъкидлаш ўринли бўлса керак: Буюк ўзбек санъаткорлари Икром Акбаров, Малик Қаюмов, Манион Уйғур, Искандар Икромов, шоир ва санъатшунос Баҳром Ҳайдарий, ёзувчи Аъзам Аюб, тилицунос Қаюм Рамазон, шоир Элбек, ҳатто Ҳамза Ҳакимзода Ниёзий; Ўзбекистон давлат, жамоат ва фан арбоблари Абдулҳай Тожиев, Абдуваҳоб Муродий, Чўлпон, Акмал Икромов, Босит Қорисев, адид Ойбек, кимёғар олим, профессор Саттор Жаббор, Туркияда яшаган олимлардан: Тоҳир Шокирзода, Иброҳим Ориф ўғли Ёркин, Абдуваҳаб Исҳоқ ўғли Ўқтой, Собир Ёкуб, Аҳмаджон Иброҳимов, журналист Лутфулла Олимий, адабиётшунос Ҳамид Сулаймон ва бошқалар унинг шогирдлариdir.

Миллий мактаб учун узлуксиз кураш натижасида Мунаввар кори 1917 йил феврал инкилобидан сўнг Тошкент шаҳар ҳокимияти олдига том маънодаги миллий мактабни яратиш ва бунинг учун мактаблар давлат қарамогига олиниш масаласини қўндаланг кўйди. Аммо бу эзгу ишнинг амалга ошмогига большевикларнинг давлат тепасига келиши монеълик қилди.

Атоқли адид ва муаллим Мунаввар кори Абдурашидхонов бошлангич ва ўрта мактаб тизимида амалга оширган тарихий иш унинг ижтимоий фаолиятини чеклаб қўйган эмас. У дарслклар ёзиш даврида болалар адабиётга катта эътибор берди. Агар Ғулом Зафарий болалар драматургиясига асос солган бўлса, Мунаввар кори болалар адабиётига замин яратди. Улуғ мутафаккир мактаб, маданият соҳасини ривожлантериш, омманинг ижтимоий онгини, сиёсий қиёфасини шакллантириш учун матбуот, жамият ишларига жиддий эътибор қаратди ва 1909 йилда тошкентлик бойларнинг бошини қовуштирган ҳолда “Жамияти имдодия”, яъни хайрия жамиятини ташкил этди. Бойлар ёрдамида тийинни сўмга, сўмни миллионга айлантириш масаласида кўмак олиб, маҳфий “Нашри маориф” жамиятини ташкил этди. 1914 йилга келиб уни расмий “Турон” жамиятига айлантира олди. Натижада, “Тарақкий”,

“Хуршид”, “Шухрат”, “Турон” ва “Осиё”, “Шўройи ислом”, “Ал-Ислом” нашрларини дунёга келишига сабабчи бўлди. Тошкент бойларини маориф ва жамоат, матбуот ишига жалб килиш факатгина ташкилотга эмас, балки умумхалққа катта фойда келтириди. Ана шу таъсир натижасида совет адабиётида ноҳақ ёмон отлиқ килинган Мирзакаримбой Сайдазимбоев маблаги ҳисобига “Тужжор” газетаси нашр этилди.

Хофиз ва созанда, муҳркан Илҳом самаворчи Инъомжон ўғли воситасида “Грамзапис” студияси ташкил этилди. Туркистон ўлкасида турончилар, хоссатан Мунаввар қори Абдурашидхонов таъсири ва раҳнамолигида “Нашриёт”, “Туркистон”, “Умид” нашриётлари пайдо бўлди. “Турон” ва “Равнақ” кутубхоналари вузудга келиб, кенг ўқувчилар оммасига хизмат кўрсата бошлади. “Турон” труппаси ташкил топди. Миллий театр 1913 йилдан “Миллат қаҳрамонлари” спектакли билан фаолиятини бошлади. 1914 йил, 27 март куни расмий хукумат томонидан тан олинган мавсумини очди.

Мунаввар қори Абдурашидхонов матбуот ва миллий театр олдига айнан бир мақсад: миллатнинг ижтимоий-сиёсий онгини ошириш, ўз ҳаётига танқидий баҳо бериш, истибоддан кутулишнинг қонуний йўлларини излаш масаласини қўйди. Шу боис 1917 йилга келиб Н. Остроумов чангалидан “Туркистон вилоятининг газетини” тортиб олди ва унинг заминда “Нажот”ни нашр эттирди. “Кенгаш”га муҳаррирлик килди.

Миллий баркамол мутахассисларни тайёрлаш доимо улуг адибнинг эътиборида турган. Шу боис хорижий мамлакатларга талабалар юбориб, миллий давлатчилик манфаатига хизмат қилувчи етук кадрларни тайёрлаш масаласини эл акобирлари ва халқ олдига даврнинг долзарб масаласи сифати қўя олди. Замоннинг ўта қалтислиги, ўзига тўқ ва бой одамларнинг мулкига давлат томонидан тажовуз бошланганига қарамай, ўлка ва шаҳар бойларини хорижда ўқиётган ва чет элга жўнатилаётган моялар яъни кадрлар учун иктисодий ёрдам кўрсатиш масаласида бошини қовуштириди. Туркистон матбуотида босилган бир катор мақола ва хабарлар фикримизни ҳар жиҳатдан тасдиклайди.

1917 йил октябр ойида ўзининг иктиносид, давлатни бошқарув тизимида тугал илмий таълимотга эга бўлмагани боис сиёсий бошқарувни Бланки, Нечаев ва бошка террористлар фикри асосида

бошқараётган Владимир Ульянов давлати Туркистонни ҳар жиҳатдан пароканда аҳволга солиб кўйди. Парокандалик ва зулмнинг кучини Туркистоннинг кўпгина шаҳарларида, хоссатан Тошкент шаҳридан факат мусулмон бўлгани учунгина чет жойларга, хусусан Орол денгизидаги Возрождение оролига сургун килиниши туфайли талайгина маҳаллардаги ховли-жойларнинг хувилаб қолиши исбот талаб қилмайдиган далиллардир. Ана шундай шароитда мамлакат ҳалқини сақлаб қолиш учун Мунаввар қори Абдурашид-хонов давлатнинг реквизиция, экспроприация, мажбурий муҳожират масаласига қарши чиқди. Бундай оғир аҳволдан кутулишнинг йўли Туркистон учун автономия зарур эканлигини сафдошлиари ва уламолар орасида кенг тарқатди ва натижага ҳам эришиди. 1917 йил декабрда Кўқон шаҳрида Туркистон Мухторияти ташкил топди. Мунаввар қори Мухторият амал қилгувчи давлат программаси бўлмиш “Турк адам марказият фирмаси” программасини сафдошлиари билан бирга ишлаб чиқди ва унинг муаллифларидан бирига айланди.

Бироқ бу хукумат большевиклар томонидан милтиқ, пулемет ва тўпга тутилиб зўравонлик билан тарқатиб юборилди. Унинг ўрнига бутун раҳбарияти асосан мустамлакачи коммунистлардан иборат бўлган Туркистон совет автоном республикаси 1918 йил май ойида барпо этилди. Ҳокимиятни бу хилда барпо этиб бўлмаслигини сезган адаб Фози Олим Юнусов, Сайд Аҳорий, Ҳайдар Шавкий, Рожий каби ҳарбий малакали кишилар ёрдамида ўрта мактабларда бўлажак аскарларни тарбиялаш учун инглиз скаутинг мактаби усулидаги тарбияни жорий этди. 1918-1919 йилларда Тошкентдаги барча мактабларда бу тизим расмий программага киритилди. Бу тўдалар “Кучсизларга куч, маърифатсизларга маърифат бериш” шиори остида ишлади. “Изчи”, “Темур”, Турон кучи”, “Турк кучи” тўдалари уларнинг “Бобирхон кўли”, “Қойихон кўли” каби филиаллари факатгина Тошкентда эмас, балки Туркистоннинг Чимкент, Оқмасжид ва бошқа шаҳарларида ҳам фаолият олиб борди. Шуни афсус билан кайд этиш керакки бу тўдаларнинг факатгина биргина вакили Фатхулла Умаров 80-йилларгача республикадан ташқарида яшаб жон саклади. 1930-1937 йиллар катарони даврида бу тўдаларда ишлаган ўқитувчилар ва ўқувчилар изсиз йўқ килинди. Мунаввар қори ва сафдошлиарининг бу тўдаларни ташкил этилишидан муроди миллий қўшинни тайёр-

лапы әди. 1918-1919 йилларда бу ишни амалға ошириш учун атоказы жамоат арбоби Низомиддин Хўжаев ҳам бош кўшиди. Мунаввар кори Абдурашидхонов ва унинг маслакдошлари гайрат ва таргигботу қатъий талаблари билан тузилган миллий кизил кўшин такдири мутахассисларга аён деб ўйлайман.

Мунаввар қори ҳар жойдан миллат манфаати учун имконият излайдиган киши бўлгани учун собик асир турк зобитлари ёрдамида “Миллий иттиҳод” ташкилотини тузди ва бу ташкилотта Тошкент, Фарғона, Андижон, Самарқанд, Бухоро ва Хоразм зиёлиларини жалб қила олди. Ушбу ташкилотни мунтазам кўшинга эга бўлиши учун замин тайёрлаш мақсадида юқоридаги тўдалар фаолиятига умид билан қаради. Мухторият бостирилгач бош кўтарган истиклол харакати кўшинини ҳарб илми талабларига жавоб бериши учун, бу кўшинга ёрдам кўрсатиш учун собик турк асирлари ва миллий зиёлилардан маслаҳатчилар тайёрлади.

Туркистон ўлкасини бошқаришда маҳаллий аҳоли ҳак – хукукини тиклаш йўлида сафдошлари билан музокаралар олиб бориб, 1919 йилда Ленин ҳузурига ваколатли вакилларни юборишга эришиди. Аммо улар Низомиддин Хўжаев таъбири билан айтганда “мошинанинг иккита гилдирагига ҳам эга бўлмай” куруқ қўл билан қайтдилар. Булар иззиз кетмади. Ш.Элиава ва В.Куйбишев бошлиқ Ленин томонидан катта ваколатлар билан Туркистонга юборилган “Турккомиссия”га Туркистон ҳалқи талаб ва истакларини миллий турух номидан ёзма равишда топширди. 1919 йилда Турор Рискулов ўлка раҳбарияти лавозимига келиши билан “Туркмусулмонбюроси”ни ташкил этиш масаласини сафдошлари билан муҳокама қилди. Бироқ бу ноёб ҳодиса Ленин ва унинг сафдошларини кўркитиб юборди. Туркレスпублика маориф бўлнимининг “Турк шуъбаси”ни бошқараётган Мунаввар қори рискуловчиликдан айбланиб, ишдан четлаштирилди ва 1920 йилда Бухоро Ҳалқ Республикасига сафарбар килинди.

Аммо бу ҳодисалар, иктисадий қийин шароит адибни синдира олмади. У инқиlobий фаолиятини Бухоро Ҳалқ Республикаси арбоблари билан ҳамкорликда давом эттириди. Бухорада ўтган тўрт ойлик фаолияти даврида жумҳурият вақф тизимини ишга солиш билан бирга ёш мамлакатнинг вақф ҳакидаги қонун лойиҳасини ишлаб чиқди ва Бухоро ҳукуматига топширди. Бироқ 1921 йилда Туркистон Марказий ижроия қўмитаси томонидан Тошкентга

чакириб олинди ва орадан 10-15 кун ўтмай қамоққа олинди. Шу сабаб 1923 йилда шўролар олиб бораётган гайримиллий маккорона сиёсат туфайли маҳфий ташкилот ишини тўхтатди ва уни тарқатиб юборишга эришди. Лекин 1923 йилда “Нашири маориф” жамиятини кайта оёққа қўйди. Ўз курашини маориф жабҳасида олиб бормоқчи бўлди. Бироқ миллатнинг ҳар жиҳатдан қучайиб кетишини хоҳла-маган ва бунга кўнглига сикқанча тўскенилик қиласан босқинчилар ҳокимияти куч билан жамиятни тарқатишга эришди. Аммо Мунаввар кори Абдурашидхонов ва унинг сафдошлиари сепган уругни йўқота олмади.

Улуг педагог, инклибчи ва олим Мунаввар кори Абдурашидхонов фақатгина ўзбек зиёлиларининг бошини қовуштириди десак, унинг фаолиятига тегишили баҳо бера олмаган бўламиз. У “Алаш” газетасининг муҳаррири Тўғусов, қозоқ ва ўзбек халқининг фарзанди Назир Тўракулов, Турор Рисқулов, тожиклардан Мўмин Хўжаев, татарлардан Бурҳон Шараф, Мусо Бегиев, туркманлардан Хан Явмудский каби шахсларнинг фаолиятини доимо қўллаб-кувватлади. Туркистон халқлари манфаати учун хизмат қўлувчи барча ҳаракатларда бор кучини аямай хизмат килди. Ўзбек, туркман, қозоқ ёшлиарини хорижга ўқишига юборишда жонбозлик қилибгина қолмай ўзининг иқтисодий иочор ахволдалигига карамай “Кўмак”ни ташкил этиб, уларга иқтисодий ёрдам килди.

Таваллудининг 140 йиллиги нишонлананаётган буюк ходумул миллат, улуг педагог, истиқлолнинг жасоратли курашчиси Мунаввар кори Абдурашидхоновнинг Ўрга Осиё, хоссатан Туркистон минтакасидаги ўрни ва роли ҳакида кўп яхши гапларни айтиш ва мисолларни келтириш мумкин, аммо бу фикрлар, мисоллар беназир инсон ва мутафаккирнинг сиймосини тўлиқ ёрита олмайди. Шу боис биз унинг сиймойи тажаллисига эътибор қаратдик, холос. Зеро, мутафаккирлар фаолияти битмас-туганмас бир хазинадир; бу хазиндан хамма насибасига яраша дурри гавҳарларни теради. Бунга шак-шубҳа йўқ.

Нодира МУСТАФАЕВА  
ЎзР ФА Тарих институти  
етакчи шлмий ходими, т.ф.д.

ТУРКИСТОН ЖАМИЯТИНИНГ МАДАНИЙ  
ТАРАҚҚИЁТИДА МУНАВVAR ҚОРИ  
АБДУРАШИДХОНОВНИНГ ТУТГАН ЎРНИ

Ҳаётда шундай инсонлар бўладики, уларнинг умр йўллари мазмунан серкирра, жўшқин воқеаларга бой бўлиб, тарих сахифаларида муҳим ўрин эгаллайдилар. Бундай баҳо юксалишлар-у кулашлар, тараккиёт, янгиланишларни, турли воқеаларни бошидан кечирган XX аср бошлари ва 20-йиллар Туркистонда янги маърифат ва маданият, миллий истиқлол учун фидокорона курашган, Тошкент жадидчилигининг отаси – Мунаввар кори Абдурашидхоновга ҳам тегишли. Бу улуғ шахс халқни маърифатли қилишни, савиясини кўтариб, оқ-корани танийдиган қилишни янгиланишнинг бирламчи шарти деб билди ва бу олий жаноб ниятни амалга ошириш учун фидойилик билан ишга киришди. У турли такиб ва таъкикларга қарамай, моддий қийинчилекларни енгиб, мактаблар очди, дарсликлар яратди, газета саҳифаларида фаол қатнашди, китоблар чоп этди, маданий-маърифий тўгараклар очди. Хуллас, Мунаввар кори ўзбек миллатининг садоқатли ва фидокор фарзаандлари сифатида танилди.

Маълумки, ижтимоий онгниинг ўсиши хат-савод ўргатиш усулини ҳам ислоҳ қилинишини талаб қилган эди. XX аср бошлари турк ва татар халклари маънавий ҳаётида кескин бурилиш ясаган Исмоил Гаспринскийнинг ўқиши ва ўқитиши, мактаб ва мадраса ислоҳотига оид фикрларидан руҳланган Мунаввар кори мактабларни ислоҳот қилмай туриб, одамларнинг онгига ўзгариш ясад бўлмаслигини яхши тушуниб етди ва Тошкентда 1901 йили биринчи бўлиб, янги усуздаги жадид мактабини ташкил этди. Ўз даври учун инқилобий ислоҳ ҳисобланган бу ишга Туркистонда ҳаммадан аввал Саид Расул Саидазизий (1866-1933 йиллар) ва Мунаввар кори Абдурашидхоновлар киришдилар. Улар ўз йўл-йўриклиарини “усули-савтия” деб номлаб, бу усуулни ҳаётга тадбик этишга рус, татар илғор педагогларининг тажрибасидан фойдаланганлар.

Сандрасул Саидазизий “Устоди аввал” (1902 йил), Мунаввар кори Абдурашидхоновнинг “Адиби аввал” (1907 йил) деб номланган ўзбекча алифбо китоблари Тошкентда нашр қилинади. Иккала дарслекнинг кўл ёзмаси деярли бир вақтда тайёрланган бўлишига қарамай, иккинчиси беш йил кейин нашр этилади. Бунинг асосий сабабларидан бири мазкур муаллифларнинг ўша даврда тутган мавқелари эди. Чунки, С.Саидазизий мадрасани ва рус-тузем мактабини битиргач, 1900 йили ўзи ўқиган рус-тузем мактабида “мусулмонча синф” ўқитувчisi бўлган ва унга Сирдарё вилояти халқ мактаблари директори лавозимида кўп йиллар ишлаган педагог С.М.Граменицкий кўллаб-кувватлаб, ёрдам беради<sup>22</sup>.

Мунаввар кори Абдурашидхоновни эса аксинча чор амалдорлари ёқтиргмаганлар, тарақкийпарвар маҳаллий зиёлилар ташаббуси туфайли, қийинчиликлар билан фаолият кўрсатган усули жадид мактаби муаллим эди. Бу мактаблар муаллимлари ўзбекча алифбо китоблари бўлмаганлиги учун татарча китоблардан, 1902 йилдан “Устоди аввал”дан фойдаланганлар.

1905-1907 йиллардаги инқиlobдан кейин маҳаллий халқларга сўз ва матбуот эркинлиги берилгач, Мунаввар қори бундан фойдаланиб, 1907 йили “Адиби аввал”, “Адиби соний” каби дарслекларини чоп эттиришга муваффақ бўлди. Мунаввар қорининг бу дарслеклари ўзининг қизикарлилиги, дунёвий билимлардан парчалар келтирилганлиги билан, дунёвий билимлар асосида шархланганлиги билан қимматлидир. Бу қорихона, мадрасаларнинг таъсири кучли бўлган бир даврда, ёшлиарни, болаларни дунёвий илmlар сари қизиктириш катта жасорат эди. Бу китобда ҳар соҳадан бир шингил мисоллар келтирилган бўлишига қарамай, ўз даври учун бу жуда ноёб, бебаҳо нашрлар хисобланади. “Адиби Соний” китобида ахлоқ, одоб дарслари эртак ва ривоятлар орқали, жўғрофия, ҳайвонлар дунёси (зоология) каби фанлар хикоя тарзида баён этилган эди<sup>23</sup>. Дарслекдаги панд насиҳат қисмида айтилган “яхши муомалани дўсту-душманга баробар қилмоқ лозимдир. Чунки, дўстларнинг дўстликларин ортиур, душманларни дўстларга

<sup>22</sup> Абдуллаев И. Биринчи ўзбек алифбоси // Ўзбекистон адабиёти ва санъати. 1991 йил 8 февраль. №6.

<sup>23</sup> “Адиби Соний” тузувчи Мунаввар Қори бин Абдурашидхонов. Т. 1914. (Г.Я.Яковлев типографиясида).

айлантирур”<sup>24</sup> – деган сўзлари муаллифнинг эзгуликка интилувчи шаҳс эканлитини яна бир карра исботлайди.

Бундан ташкири бу зот ислом дини тарихининг етук билимдони эди. Архив хужжатларидан олинган маълумотларга кўра Фарғона хусусан Кўкондаги янги усул мактабларида илоҳиёт фани бўйича Мунаввар қори Абдурашидхонов томонидан тузилган бир канча китоблардан фойдаланилган эди. Булардан: “Хавойжи диния” (Тошкент. 1912) З қисм, “Тарихи анбиё” (Тошкент. 1912), “Тарихи Исломия” (Мусулмончиликнинг тарқалиши ва унинг таркатувчилари) (Тошкент. 1912), “Тарихи қавми туркӣ” (Қозон. 1911)<sup>25</sup> ва “Сабзазор” (Ўқиш китоби) “Ер юзи” (Жўғрофия)<sup>26</sup> кабилар маълум.

Мунаввар қори Абдурашидхонов жамиятда ечилиши лозим бўлган муаммоларни, таклифларини баён қилишда матбуотдан кенг фойдаланди. У айниқса ёшлиарнинг халқ орасидаги ижтимоий силжишларига сабаб бўлган ишларни бажариб, обрў топаётганларидан фаҳрланган. Жумладан, “Тошкентда мусулмон жамияти” мақоласида у шундай деб ёзади: “Тошкент жамиятининг исмини унутган ёки ҳеч бир жамият деган сўзни эшитмаган Тошкент мусулмонларининг етти яшаридан етмиш ёшаригача жамиятнинг вужудидан хабардор бўлди, рус, яхудий ва арманлар фойдаланиб юрган ўринларидан фойдаланмак мусулмонларга ҳам мумкин эканлиги очиқ билинди, бу эса Тошкент мусулмонларининг хийла рухларини кўтармоғиға ва жамиятга муҳаббат ила қаромокларига сабаб ўлди”<sup>27</sup>. Шу билан бирга муаллиф бу жамият тараккӣпарвар ёшлиарни ўз атрофига тўплаганлиги, улар томонидан бир неча хайрли ишлар килинганини алоҳида таъкидлайди. “Жамиятнинг янги аъзолари ...пул топмакка ҳам янги йўллар излади, бошлаб “Грамафон общество” сила сўйлашиб, ҳар бир пластинкадан 10 тийин олмоқ шарти ила бир неча хофизларни ва ўз тарбиясидаги мактаб шогирдларини товушини сотди”<sup>28</sup>. Бу эса халкнинг ўзлигини таниши ва ўзини химоя килиш туйгусини уйгониши, миллӣй

<sup>24</sup>“Адаби Соний”... 9 бет.

<sup>25</sup>ЎзРМДА. Ф-Р-34. 1- рўйхат, 1194-иши. 165- варак.

<sup>26</sup>Ўша ерда.

<sup>27</sup>Мунаввар Қори. Тошкентда Мусулмон жамияти //Самарканӣ газетаси. 1913 йил 20 август. 37 сон.

<sup>28</sup>“Самарканӣ” газетаси. 1913 йил 20 август. №37.

қадриятларини сақлаш ва тарақкй эттиришдаги илк қадамларидан эканлигидан далолатдир.

Мұхтож мусулмонларга ёрдам бериш, уларни маънавий ва моддий жиҳатдан яхшилаш, халқ орасыда сахна ишига ва хайрия тадбирларига муҳаббат уйғотиши мақсадида М.Абдурашидхонов ва Абдулла Авлоний бошчилигида Тошкентде “Турон” театр жамоаси ташкил этилади. 1914 йил 27 февралда ушбу театр жамоаси томонодин саҳналаштирилған М.Беҳбудийнинг “Падаркуш” спектаклининг биринчи пардасини очиш Мунаввар қори Абдурашидхоновга тоширилди. У мазкур тантанали маросимда шундай дейди: “Түркистон тилида хануз бир тиятр ўйнамағонлиги барчандызга маълумдир. Шул сабабли баъзи кишиларимиз тиятрға, эҳтимолки ўйинбозлик ёки масхарабозлик күзлари ила бокурлар. Ҳолбуки, тиятрнинг асл маъноси ибратхона ёки улуглар мактаби, деган сўздур. Театр саҳнаси ҳар тарафи ойнабанд қилинган бир уйга ўхшайдурки, унга ҳар ким кирса ўзининг хусн ва қабихини, айб ва нуқсонини кўриб ибрат олур”<sup>29</sup>. Албатта ёшлиқдан ислом дини қонун ва кўрсатмалари билан тарбияланган, ундан руҳланган кишининг театр санъатига бундай катта баҳо бериши улкан воқеа эди. Бу унинг дунёқарашининг ниҳоятда кенглигини, билимдонлигини билдиради. Маданият дарғаси ўзбек томошобинларига: “биз бу зотларга (яъни артистларга) ва театрларга қандай кўз ила боқмогимиз керак?”-деган савол билан мурожаат қилас экан, ўзи бу саволга қўйидагича жавоб беради: “Муни ўрганмак учун биз ўзимиздан бошқа мутараккий мамлакатларга боқайлик. Мисли устимизга ҳоким бўлиб турган русларга, туркларга, немисларга, француzlарга, яхудийларга ва бошқаларга кўб узок кетмайлук, янг яқин қўшиларимиз бўлғон татарларга ва қафқаз мусулмонларига”<sup>30</sup>. У айниска, Мирза Фатҳали Охундовга фаолиятига тўхталиб “халқининг нуқсонини кўрсатган, миллат тарақкйсига ва мамлакат озодлигига хизмат қилган” шахс сифатида баҳолайди. Бу Мунаввар қорини ўзга миллат халқларининг турмушили, маданиятини чуқур билғанлигини, улар ҳаётида театр санъати қандай ўрин тутишини ҳар томонлама ўрганганилигини билдиради. Бу инсон миллат обрўсини юксалтиришни, ривожлантиришни ўзининг умр

<sup>29</sup> М.Қори Абдурашидхонов. Биринчи миллий театр//Ўзбекистон адабиёти ва санъати. 1997 йил 21 март №12.

<sup>30</sup> Ўша ерда.

мақсади деб билған. Ҳатто театр саҳнасида туриб, ўз нутқида у ўлкасининг қолоклиги сабабини ахтарар экан, “Бизим Туркистон мамлакати туфроғ, сув ва ҳаво жиҳатидан энг бой мамлакатлардин бўла туриб, на учун ўзимиз бундан фойдалана олмаймиз!” деган ҳақли эътиrozига ҳалқимизнинг “нодонлик ва дунёдин хабарсизлик балосидандир” деб жавоб беради. Ва бу иллатлардан кутилишнинг бирдан – бир йўли “театр саҳнasi, яна жамият ва тиятр воситасида очилган мактаб ва мадарасаларимиздир” дейди. Биргина шу маколанинг ўзиёқ Мунаввар қори Абдурашидхоновни мадания ва маънавият йўлида тинимсиз курашган шахс эканлигида далолатдир.

Мунаввар қори инсоннинг маърифатли бўлиб, кўзи очилмагунча вижданни уйғонмаслигини, виждан уйғонмаса на ўзининг, на ҳалқнинг эркани муҳофаза қила олишини чукур англаган. Шунинг учун ҳам Октябрь тўнтаринидан сўнг у ўз ҳаётини бутунлай маориф ва маданият ишларига бағишлади. “Сўнги икки йил ичинда, – деб ёзган эди у, – Туркистон ҳалқининг бошина келган фалокатлар ҳар бири ёлғиз нодонлик ва маорифсизлик орқасиндагина бўлғонлиги ҳар кимга маълумдир. Келажакда бундай фалокатлардан кутулмок ва Туркистон ҳалқи тилаган равишда идора қилмоқ ва душманлардан сакламоқ ёлғиз санои ва маориф воситаси илагина мумкиндир”<sup>31</sup>.

Мунаввар қори Абдурашидхонов 1918 йил ташкил топган Туркистон Маориф Ҳалқ Комиссарлиги қошида очилган “туркий шўбаб”нинг ташаббускорларидан бўлди<sup>32</sup>. Шўъбанинг вазифаси маҳаллий аҳоли учун мактаблар тузиш, ўқитувчи мутахассислар, дарслик ва ўкув қуролларини етказилишини назорат килиш билан бирга, омма орасида маданий-маърифий тадбирларни ўтказищдан иборат эди. Бу ташкилот ўз даврининг энг буюк маърифатчиларини ўз атрофига тўплади. Мунаввар қори ва унинг сафдошлари биргина бу иш билан чекланиб қолмадилар. Улар Мусулмон дорилфунуни очиш гояси билан чиқдилар ва иш олиб бордилар. Маълумки, 1918 йил 21 апрелда ўз фаолиятини бошлиган Ҳалқ Дорилфунуни оврўполиклар учун бўлиб, мусулмон вакиллари учун

<sup>31</sup> Мунаввар Қори. Ўқитувчилар курултойига хозирлик//Иштирокион. 1919йил. 23 июль. №139.

<sup>32</sup> Черняевский Е. История возникновения, структура и деятельность ГУСа//наука и просвещение. 1922. №2. Стр. 165.

анча йироқ бўлган ўкув маскани эди<sup>33</sup>. Шунинг учун хам маърифатпарвар жадидлар томонидан маҳсус мусулмон халқ дорилғу нунин очиши мақсадида маҳсус комиссия тузилади, унинг таркибига Мунаввар қори Абдурашидхонов –раис, Бурхон Хабиб, Исо Тўхтабоев, Содик Абдусаттаров, Муродбек Муродхўжа, Мухтор Бакиров, Абдусами қори Зиёбоев ва бошқалар кирган бўлиб, улар томонидан маҳаллий миллат орасида бу ўкув юртига қизикиш уйғотиш, унга яқинлаштириш, дастурлар тузиши каби ишлар амалга оширилди<sup>34</sup>. Шундай килиб, 1918 йилнинг 13 майида, Тошкентда мусулмон аҳоли учун “Халқ дорилғунун” нинг тантанали очилиши маросими бўлиб ўтади. Тез орада бу даргоҳ ўзига хос йирик билим масканига айланади. Дорилғунун қошида ўзбеклар учун маҳсус ўқитувчилар тайёрловчи бўлим – “Дорилмуаллимин”нинг очилишида хам Мунаввар корининг меҳнатлари бекиёсdir. Бу ерда мудирлик вазифасини ўташ билан бирга Мунаввар қори этикадан, Фитрат она тилидан, Камол Шамсий арифметика ва геометриядан, Абдурахмон Исмоилов санъат, меҳнат, мусиқадан, Ризаев жўргония, маданият тарихи ва сиёсий иқтисоддан, Ҳайдар Шакурий гигиена, немис тили каби фанлардан маърузалар ўқиганлар<sup>35</sup>.

Совет тарихшунослигига совет хукумати ўриятилгач дин мактаб-маориф ишларига аралашибонлиги уқтириб келинди. Аслида эса, В.И.Лениннинг “Мактабларни черковдан ажратиш” декрети амалга оширилган бир вактда Туркистондаги маҳаллий шартшароитлар инобатга олиниб, совет мусулмон мактабларида дин дарсларининг ўқитилишига рухсат берилган эди. Таассуфки, шундай бўлишига қарамай халқ орасида бу мактабларга шубҳа кучли бўлган ва ўз болаларини бу мактабларга юбормай кўйғанлар. Бундай холат табиийки, инкилобдан кейин маориф соҳасида фаолият кўрсатаётган жадидларни эътиборсиз қолдирмади. Улар ўлқадаги вазият, халқнинг кайфиятини яхши билганлар ва “янги мактабга халқнинг муҳаббатин жон этув учун дин биринчи кучли восита”<sup>36</sup>, – деб хисоблаганлар. Жумладан, Мунаввар қори Абдурашидхонов ва ўша вактларда ўлка маориф комиссари вазифасини ўтаган

<sup>33</sup> Тўхтабоев И.К. Открытию мусульманского народного университета//Наша газета. 1918 йил 12 май. №92.

<sup>34</sup> Еникесев А. Краткая история возникновения в Ташкенте мусульманской секции народного университета//Народный университет. 1918. 9 июнь. №31.

<sup>35</sup> ЎзРМДА. Ф-34, 1-рўйхат, 110-иш, 327 варак.

<sup>36</sup> Халил Завкий. Халқ мактабларида дин дарси //Иштирокион. 1919 йил 11 июл. №131.

Мажид Амин Афандизодаларнинг халқка қаратга “Мусулмон мактабларида дин дарслари” номли хитобнома билан мурожаат килишлари ҳам фикримизнинг яққол далилидир. Муаллифлар мусулмон мактабларида дин дарсларининг ўқитилиши ўлка маориф комиссариатининг махсус 1918 йил 9 ноябрь 38 ракамли бўйруқ, 4-моддасида қайд этилганини ва бўйруқка кўра “мусулмон мактабларинан шогирдларига (Имомлар тарафиидан ўқитулмок шартила) таҳорат ва шунга ўхшаш ҳавоиж динияларин ўргатмакка муаллимларга ихтиёр берилди”<sup>37</sup>, – деб қайд этган эдилар. Улар дин дарсларига тўлик тавсиф берар эканлар, “муаллим ўзининг дарс жадвалини лаокал хафтада уч-тўрт соат дин дарслари киритиб (бошка фанларнинг соатига зарар эткармаслик шартила) ул соатларини ибодат, эътиқодият, Куръон ва ахлоқ каби кисмларга бўлиб ўқитмокга виждансан ўлса керак”<sup>38</sup> деб ишонч билдирадилар. Мунаввар қори ва Афандизода эски мактаблар хусусида тўхталиб, уларда на илм, на дин бор, улар ёш болаларнинг рухини, ҳамда жисмоний жиҳатдан ҳароб этувчи танбал хоналардир, деб таъриф берадилар ва бундай мактабларнинг даромадларини текшириб, баъзиларини ислоҳ килиш фикрини ўргатга ташлайдилар.

Афсуски, М.Абдурашидхоновни арзимаган баҳоналар топиб қоралаш, уни матбуот саҳифаларида танқид килиш ҳоллари тўхтамаган эди. Масалан, “Мусоғир” деб имзоланган талаба “Эсингиздан чиқдиму?” номли маколасида Мунаввар қорини Маориф комиссарига карши бўлғанликда, талабаларни унга карши қўйишда айблайди<sup>39</sup>. Аслида эса воқеа эски шаҳар талабаларининг янги шаҳардаги ўлка курсларига кўчириш хусусида бўлиб, Мунаввар қори бу масалаларни ўлка Маориф комиссари билан маслаҳатлашган ва бу хабарни талабаларга устознинг ўзи етказган эди. Шунинг учун ҳам у юқоридаги мақоланинг ёлғонлиги исботлаш максадида ўзининг “Ҳақсиз ҳужум” мақоласини бўлиб ўтган мажлиснинг тавсифига бағишилади<sup>40</sup>. Муаллиф нима сабабдан талабаларнинг унинг шахсига бундай баҳо берганликларига куюнади ва “ҳақсиз ҳужумлар етилмишdir!” дея киноя қиласи. “Обинамак”<sup>41</sup> имзоли муаллиф имло масаласи хусусида “Инкилоб” журналида фельетон

<sup>37</sup> Мусулмон мактабларида дин дарслари// Иштирокион. 1919 йил 27 декабрь. №251.

<sup>38</sup> Ўша ерда.

<sup>39</sup> Мусоғир. Эсингиздан чиқдиму? // Иштирокион, 1919 йил 9 июль. №129.

<sup>40</sup> Мунаввар Қори. Ҳақсиз ҳужум//Иштирокион, 1919 йил 11 июль. №131.

<sup>41</sup> Бизнингча бу Назир Тўракуловнинг тахаллуси бўлса керак.

ёзіб, адібни имлога карши чикканлигини күлгүлик тарзда баён этади, уни йиглеки деб мазах қылады<sup>42</sup>. Бироқ, хар қандай ҳақсиз хужумлар, тазйиклар, киноялар буюк инсонни чүчтіга олмади. У таңлаган йўлдан бораверди, 1922 йилда Туркистон Маориф нозири, кейин эски шаҳар маориф бўлими нозири бўлиб ишлади. Ўша йили 23-25 марта ўтган II УмумТуркистон маориф ходимлари курултойида иштирок этиб, мактаб бўлимига аъзоликка сайданди. Кейинчалик Навоий номидаги техникумда ва турли мактабларда ўзбек тили ва адабиётидан дарс берди. Дўстлари ва шогирди Қаюм Рамазон ва Шорасул Зуннун билан ҳамкорликда уч бўлимдан иборат “Ўзбекча тил сабоклари” китобларини (1925 йил) нашр эттириди<sup>43</sup>.

Миллат мураббийиси Мунаввар корининг маориф ва маданият муаммоларига бағишлиланган “Нашри маориф” юшмасининг аҳамияти” номли мақоласи эътиборга молик бўлиб, унга алоҳида тўхтатмок зарур. Унда маданий мамлакатларда маориф маданият ишларини оддий халқ бошқариши, хукумат эса ёлгиз раҳбарлик ва ёрдамчилик вазифасини ўтаганлиги сабабли онгли миллат ўзаро илмий, фанний, адабий, ижтимоий, уюшмалар, нашри маориф жамоатлари тузуб миллат ва халқни маориф ва маданият жиҳатдан юксалтиришга хизмат қилаётганилигига алоҳида урғу берилади. Бизнингча устознинг бу фикрлари “коса тагида ним коса” кабилида бўлиб, совет хукуматининг ҳар бир ишга аралашуви унинг жонига текканлигига истеҳзоли пичинг бўлган бўлса керак. “Мана, бу йўллар билан, – деб ёзади Мунаввар қори, – бугун Оврупа ва Амриқо халқлари ҳавода учар, деңгиз остида сузар, дунёнинг энг нарги бурчаклари билан воситасиз хабарлашар бир ҳолға, бир маданиятга етишдилар”<sup>44</sup>. У жадидлар – тараққийпарварлар амалга оширган ишларни бирма-бир санаб ўтар экан: “Мана бу юқорида саналган ва бу кунда тарих сахифаларига топширилган миллий-маданий хизмат ва харакатларнинг ҳеч бири хукумат усталларида эмас, ёлгиз жамоат усталларида ишланган ишлардир”<sup>45</sup> – деган эди. Мақолада “Устал” учун, яъни амал учун ўз виждонини сотувчилар каттиқ танқид остига олинади. Инқилобдан аввал (Октябрь

<sup>42</sup> Имло масаласи тўгрисида ким нима фикрда?//Инқилоб, 1922 йил. №2. 43-44 бетлар.

<sup>43</sup> С.Ахмад.Мунаввар Қори. Эссе//Шарқ юлдзузи, 1992 йил №5, 116 бет.

<sup>44</sup> Мунаввар. “Нашри Маориф” уюшмасининг аҳамияти //Туркистон 1923 йил 4 март.

№79.

<sup>45</sup> Ўша ерда.

тўнтириши – Н.М.) ва ундан кейин ҳам мана шундай амал-парастларнинг таъсири кучли эканлигини эътиборга олиб муаллиф: “Агарда биз аввалдан бир неча инқилобларни кўриб тажриба ҳосил килғон бўлсак, табиий бу беш йиллик инқилоб даврида маориф ва маданият йўлида жуда ўйлаб ишлаган, қора халқни тамом қўлга олиб тарақкий ва таомил йўлига ўзимиз билан бирга олиб кетган ва бу восита билан инқилоб давридан кора халқни фикр, маориф жихатидан кўп, жуда кўп фойдаладирғон бўлар эдик”<sup>46</sup>, - деб ёзди.

Мунаввар кори маориф ва маданий ишларда факат халқга суюнадигангина, халқнинг фикри ва руҳияти билан хисоблашган-дагина, халқни маориф ва маданият ишларига жалб этилгандагина амалий ютукларга эришиш мумкинлигини тушунган. “Табиийки, деб ёзди у, – бундай ишларни энди ёлғиз ҳукумат кабинетларида ўлтириб эмас, жамоат устулларида ва қора халқ орасида ишламак лозимdir. Бунинг учун ҳар ерда нашр маориф уюшмалари очмок ва бутун маорифиарварларни, ёшларни, чолларни шул уюшма атрофига тўпламоқ керадур”<sup>47</sup>. Муаллиф Туркистон халқини маданий миглатлар қаторида кўришини, маданият дунёсида ўз ҳуқуқини танишини орзу қиласи ва биз ҳакли равишда ушбу маколани тарихшунослик нуқтаи назаридан бебаҳо нашрлар сафига киритамиз.

1923 йилда Мунаввар кори Абдурашидхонов Бош Вақф Бошқармасининг аъзолигига сайланади<sup>48</sup>. Бу вазифани ҳам сидки-дилдан бажарган Мунаввар кори вақф бошқармасининг асосий эътибори асосан маориф ва маданият ишларига қаратилганини ўзининг “Бош вақф идорасининг бир йиллик ҳисоби”да аник кўрсатиб ўтган эди. Унда кўрсатилишича, “бош вақф идораси ўзининг таъминоти учун маҳаллий шўйбаларнинг умумий даромадидан “10 фоиз” олиб, колган “90 фоизини маҳаллаларнинг ўзида маориф ва маданият ишларига сарф бўладир”<sup>49</sup> (Вақф идорасининг 1923 йилдаги бутун даромади 6.529.652 сўмни ташкил этган эди). Муаллиф, вақф идоралари киска вакт ичida халқнинг маориф ва маданияти йўлида яхшигина натижаларга эришганини Тошкент вақф шўйбалари фаолиятида аниқ кўрсатиб беради. Улар томонидан очилган маданий-маърифий муассасалар сонини аниқ санаб ўтар экан, бу

<sup>46</sup> Ўша ерда.

<sup>47</sup> Ўша ерда.

<sup>48</sup> ЎзР МДА. ФР-25, 1-рўйхат, 1142- иш, 7 вараж.

<sup>49</sup> Фарғона газетаси. 1924 йил 7 февраль. № 144.

тадбирлар фактат шаҳарликлар учун эмас, балки чекка “уезд” ларда ҳам амалга оширилиши лозимлигини тилаб қолади. Бунинг учун у бош вақф идораларини “вақф ерларини налогдан озод қилиши” таклифини ўртага ташлайди ва бу тадбир амалга оширилса, “уезд ҳалқи ҳам яхшигина бир маориф ва маданият сармоясига молик бўлиб, бу сармоя воситаси билан ўзини босиб ётган жаҳолатларига қарши курашган бўлур эди”, деб ишонади. Бундан кўринадики, маърифаатпарвар зот ҳар қандай вазиятда, ҳар қандай вазифани бажармасин, унинг ўй-фикри, қалби, вужуди ўз ҳалқини маданиятли, маърифатли кўришдан иборат бўлди. Афсуски, бундай ўзлигини таниган, ҳалқига оқ-корани танита оладиган инсонлар совет хукумати учун “заарли” хисоблана бошлидилар. Шунинг учун ҳам бундай шахсларни қандай бўлмасин йўқ қилиш, уларни турли баҳоналар билан сикқиб чиқариш, “ғоявий душман” сифатида йўқ қилиш совет хукуматининг асосий вазифасига айланди.

Мунаввар кори жисман йўқ қилинсада, маъниавий йўқ қилина олмади. Чунки, эл учун умрини баҳшида қилиган, маърифат ва озодликка тинмай интилган бу улуғ шахснинг номи тарихда ўчмас из қолдирган эди. Биз уни ҳақли равишда маърифатпарвар, етук публицист, ижтимоий-сиёсий ва маданий ҳаёт ўзгаришларининг шоҳиди бўлган ва бу жараёнларни ўткир қалами орқали ҳалқка етказа олган журналист, бадиий асарлар яратган адаб сифатида баҳолаймиз. У тарихчи бўлмаса-да, аммо унинг қолдирган мероси мукаррар тарзда тарихшунослик нуқтаи – назаридан бебаҳо кимматга эга.

Зеро, ўтмишда битилган ҳар бир сатр тарих учун ўзига хос эканлиги билан кимматли бўлиб, тўла равишда тарихийликка даъвогардир. Шунинг учун ҳам тарихчининг асосий вазифаси улардан ўз ўрнида фойдалана олиш, улардаги маълумотларни илмий муомалага киритиб, тарихийлигини белгилапши, ҳаққоний ва ҳалол баҳолаши ғоятда муҳимдир.

## МИЛЛАТ ФИДОЙИСИ ВА РАҲНАМОСИ

(Мунаввар қори Абдурашидхонов таваллудининг 140 йиллигига)

Миллатимизнинг фидойи маънавий отаси, буюк Миллий Уйғониш – Ренессанс даврига асос солган миллий жадидчилик ҳаракатининг бош етакчиларидан бири Мунаввар қори Абдурашидхонов мустабид коммунистик мустамлаканинг аксилийсоний сиёсати асосида бундан 87 йил мұқаддам “халқ душмани” деган ноҳақ уйдирма билан қатағонлик қурбони бўлди. Буюк ва мұқаддас мустақиллик ила унинг ҳам номи қайта тикланди.

Мунаввар қоридан совет даврида мутлоқ таъқиқланган жуда катта адабий-бадиий, маданий-маърифий, ижтимоий-сиёсий ёзма мерос қолди. Бунинг каттагина қисмини биринчи бўлиб излаб топиб, халқка етказган таникли олим Сирожиддин Ахмедов бўлди. Шунингдек, Холида Ахророва ҳам бунга салмоқли ҳисса қўшиди. Камина ҳам Мунаввар кори ҳозирғм Мирзо Улугбек номидаги Ўзбекистон Миллий университетининг асосчиси бўлгани ҳамда унинг қамоқхонада ёзган хотирасини учдан бир қисмини баҳоли курдат ёритишга муваффақ бўлди.

Булар дарёдан бир томчи мисолдир. Мунаввар қорининг Ватан ва Миллат олдидағи тарихий хизматлари, мустамлака халқимизнинг дардига дармон бўлгани барча мероси, ижтимоий-сиёсий фаолияти ҳали тўла-тўқис ўрганилгани йўқ. Ушбу унинг 140 йиллик юбилейи муносабати билан ўтказилаётган биринчи илмий-амалий тадбир жуда мухим тарихий аҳамиятга эга.

Мунаввар кори Абдурашидхонов Тошкенти азимнинг энг нуфузли, эл-юртга таниқли зиёли оиласидан бирида 1878 йилда дунёга келди. Унга падари бузруквори – мадраса мударриси Абдурашидхон ва волидаю меҳрибони отинойи Хосиятхон яхши ниятлар билан Мунаввар-“нурга тўлган”, “нур билан ёритилган”, “нурли” деган маънони англатувчи исм кўйдилар. Мунаввар ёшли гидан ўз исми шарифига монанд диний-дунёвий илм-фанларнинг инсон қалбини ёритувчи нурларидан тўла баҳманд бўлди. Аввал онасидан, сўнг Тошкентдаги Юнусхон ва Бухородаги мадрасалардан бирида таълим-таҳсил олиб корилик мартабасига эришди.

Тошкентта кайтиб, ўз маҳалласи Дархондаги масҷидда имом-қорилик лавозимида илк бор фаолият юритиб ҳалққа илм нурини ёди.

Мана шу мукаддас даргоҳ – Аллоҳ Таолонинг уйида унинг онги-тафаккури такомил тоиди, миллат дарди-адам, ҳол-аҳволидан тўла хабардор бўлди. Маълумки, тарихан шу даврда ҳалқимизда чор Россиясининг мустабид мустамлакачилик зулми кучайини эвазига иқтисодий-сиёсий, маданий-маънавий қашшоқлик, мутаассиблик, илмезлик кучайган эди. Шунингдек, қадим анъанавий бошлангич мактаб ва олий мадраса таълими ўз тараққиёт йўлидан чикиб, давр талабидан орқада қолган эди.

Буларнинг устига-устак, яна нала-паргини, тарқоқ ҳалқ ғалабини ва қўзғолонлари тобора кучайиб, бехуда қонлар тўкиляшино азоб-уқубатлар авж олаётган жуда ҳам аянчли сиёсий вазият пайдо бўлганди. Буларга жавобан нафакат Туркистон балки, бутун Россия мусулмон зиёлилари орасида янгича ижтимоий-сиёсий, маданий-маърифий дунёкараш, уйғониш, яъни жадидчилик харакати пайдо бўлиб, жаҳолатта қарши маърифат шиори остида ривожлана бошлади.

Мунавваркори Абдурашидхонов бу янги диний-дунёвийликка асосланган харакатнинг мазмун моҳияти ва мақсад-вазифаларини жуда эрта англаб, 1901 йили 23 ёшида ўз ховлисида Тошкентда биринчи бўлиб, “савтия”-оҳанг яъни куръоний усулга асосланган, анъанавий эски мактабларга мутлок ракобатда бўлган, янги тўрт йиллик (синфлик), пуллик жадид мактабини очди. Шу ўринда жадидчилик хозирги тушунчадаги ислоҳотчилик, ишбилармонлик ва янгиланиш ҳамда тадбиркорликдан бошланди десак, хато бўлмас.

Мунавваркорининг мактабида диний ва дунёвий илмлар ўзаро уйғунликда, ёнма-ён ўқитилди. Ўқувчилар олти ойда савод чиқариб, равон ўқиш ва ёзиш қобилиятига эга бўлдилар. Бунинг учун мутаассиблашган анъанавий эски мактабларда беш йил вакт керак бўлган эди. Мунавваркори мактабидан андоза олган жадид мактаблари нафакат Тошкент балки, бутун Туркистон ҳатто, ундан ташқарида ҳам бирин-кетин очилиб, тез кўпая бошлади.

Мунавваркори биргина мактаб билан чекланмай яна бир-икки жойда мактаб очди. У янада олдинга кадам ташлаб, биринчи бўлиб, пуллик икки йиллик “Руштия” жадид мактабини очиб, хозирги

миллий дунёвий ўрта махсус таълимига асос солди. Бу мактаб ҳам жуда кенг миқёсда бошка жойларда тез ривожланиб, ҳатто совет даврида ҳам аскотди.

Яна бир тарихий янгилик. Мунавварқори Абдурашидхонов “Руштия” мактабида рус тилини ўқитиш учун жуда ҳам қийинчилик билан мустамлака Туркистон генерал-губернаторлигидан рухсат олади. Рус тили билан бирга, диний ва дунёвий таълим яъни ижтимоий-туманитар ва табиий билимлар анча чукур ўқитилди. Мазкур мактабни битирғанлар хорижий олий ўқув юртларида ўқиши, маҳалла масчитларида имом бўлиш, ўша даврдаги корхона ва ташкилотларда иш юритувчи бўлиб ишлаш қобилиятига эга бўлдилар.

Мунавварқорининг икки босқичли мактаби ва бошка шу каби жадид мактабларини маърифатга муҳтож ҳалқ, айниқса, илғор руҳдаги янги замонавий ва муруватли бойлар кўллаб-куватлади. Улар ўз болаларига тегишли шулни бериши билан бирга камбагалларнинг фарзандларига ҳам каттагина микдорда маблагни хайрия қилидилар. Буларнинг эвазига камбагалларнинг болалари текин ўқитилиб, текин дарслек ва ўқув куроллари билан таъминланди.

Хуллас, жадид маорифининг моддий асосини ҳалқнинг ўзи таъминлади. Мунавварқори ўз ва бошка жадид мактаблари учун дастур ва дарслекларни ҳам илк бор дунёга келтирғанлардан бири бўлди. Масалан, “Адиби аввал” (Алифбо) дарслиги (1907 й.), “Адibus-соний” (1907 й.) ўқиши китоби, “Ер юзи” (1908 й.) 3-4 синжалар учун - география ва “Ҳавойижи” (хисоб), “Тил сабоклари” (1925 й.) дарслеклари, “Тажвид” Қуръони Каримни ўқиши ва “Сабзазор” (адабий тўплам) каби кўлланмалар шулар жумласидандир. Булар қайта-қайта чоп этилиб жуда кенг географик худуд бўйлаб тарқалди.

Аммо, бу осонликча юз бермади. Мунавварқори ва умуман жадидлар иккита ўта жиiddий қарама-қарши ижтимоий-сиёсий кучлар билан тўқнаш келди. Биринчиси – мустамлакачилик сиёсати бўлса, иккинчиси – шу сиёсатга итоатда бўлган маҳаллий мусулмон уламо ва зиёлилари орасидаги жаҳолатпастлик (мутаассиблик) бўлди. Мустамлакачилар иккинчи ҳолатдан жуда усталик билан фойдаланиб, ички мусулмонлараро вазиятни янада оғирлаштириди.

Мутаассиб дин пешволари Мунавварқорини дахрийликада айблагани, жадид Мирмуҳсин Шермуҳамедовни тутиб, калтаклаб,

юзига қоракуя суртиб, Эски жува бозорида халқ орасида сазойи қылғани ва бошқа ҳолатлар маълум. Мана яна бир тарихий мисол. 1914 йилда Самарқанддаги Мирзо Улуғбек мадрасасида беш минг мусулмон жума намозини ўқиб бўлгач, уларга Аббос ислами муаззин мутаассибларнинг ушбу фатвосини эълон қиласди: “Жадидлар кофир, ўлса жаноза ўқилмасин, уларниңг сақол мўйловларини сартарошилар олмасин, уларниңг хотинлари талоқ”.

Бу албатта, динимизга хилоф фатво эди. Аслида Мунавваркори ва бошқа жадидлар Ислом динининг соғлиғи, у маърифат ва илм-фан дини эканлигини ҳимоя қилиб, очиқ танқидий фикрлар билан жадид матбуотида мақолалар эълон қиласди. Масалан, Мунавваркори Абдурашидхонов 1906 йил 14 июндан “Тараққий” газетасида босилган “Бизни жаҳолат – жаҳли муракқаб” маколасида “Кўн диндошларимизни кўрамизки, ўз фарзандларини асло мактабга бермай, ... дунёни ва охирати саодати ўлған илм ва маорифдин маҳрум қилмоқдан хеч бир ибо қилмаслар”<sup>50</sup> дейди.

Маълумки, жадидларнинг асосий мақсадларидан бири мутаасиблашган эски олий мусулмон мадраса таълими тизимини ислоҳ қилиб, халқаро тажрибага асосланган янги дунёвий олий таълим тизимини яратиш бўлган эди. Бунинг учун улар аввало, иктидорли ёшларни хорижга ташкилий асосда ўқишга юбориш билан машғул бўлди. Мунавварқорининг ташаббуси ва етакчилигида 1909 йилда Тошкентда биринчи бор жадидларининг йирик намоёндлари “Кўмак” номли хайрия жамиятини расман ташкил эди. Унинг “Низоми”да ёшларни чет мамлакатларга ўқишга юбориш ва уларни стипендиялар билан таъминлаш жуда аник кўрсатилди.<sup>51</sup>

Бундан ибрат олиб, 1910 йилда Бухоро жадидлари ҳам “Тарбияи атфол”ни тузди. Буларнинг ёрдамида Туркияда 1910 йилда 50 та, 1911 йилда 15 та, 1912 йилда 30 та, Германияда 1922 йилда 70 дан ортиқ ёшлар ўқигани маълум.<sup>52</sup> Жадидчилик харакатининг буюк етакчisi Маҳмудхўжа Беҳбудий 1913 йилда “Эҳтиёжи

<sup>50</sup> Абдурашидхонов М. Хотраларимдан (Жадидчилик тарихидан лавхалар). –Тошкент: “Шарқ”, 2011, 79-бет.

<sup>51</sup> Қаранг: Холбоев С. Ва бошқалар. Туркистон жадидчилиги – Миллий уйгониш даври тархи (XIX аср охри – XX аср бошлари). -Наманган: “Наманган” нашриёти, 2012, 70-71 бетлар.

<sup>52</sup> Холбоев С. Миллий университетнинг тарихий илдизлари ва ташкил топиши. – Тошкент: “Шарқ”, 2003, 42-43 бетлар.

миллат” номли мақоласида ёзади: “...Дунёда турмоқ учун дунёвий фан ва илм лозимдир. Замона илми ва фанидан бебаҳра миллат бошқаларга поймол бўлур”.<sup>53</sup>

Миллат фидойиси ва раҳнамоси Мунавваркори Абдурашидхонов “Кўмак” фаолиятини жонлантириш учун амалий сайъи-харакатлар билан жуда жиддий машғул бўлди. Бу тўғрида Абдураҳмон Акбаров кейинчалик эслаб ёзади: “Тўда”даги жадидларининг бош раҳбари бўлган Мунавваркори... 1916 йил охирлари эди... Каттакхўжа Хўжаевнинг уйида иккинчи марта бўлган катта йигинда (50-60 та кишилар олдида – С.Х.) “Ўзбек зиёлиларини Германияга юбориб ўқитишга жуда муҳтоҷмиз, болалар ўқиб, илм таҳсил олиб келсалар, миллатга катта хизмат қила оладилар” деган сўзлар билан узок нутқ сўзлади”.<sup>54</sup>

Мунавваркори Абдурашидхонов Тошкент шаҳар Думасига аъзо бўлиб сайлангач, унинг рус зиёли ва олимлари билан ҳамкорликдаги харакати билан Тошкентда университет ташкил этиш харакати амалда жонланди. Дума 1917 йил 21 августда Тошкентда университет ташкил этиш ҳакида қарор қабул қилиб, унинг Ташкилий комиссиясини тузади. Бу комиссияга Мунавваркорининг таклифи билан Саратовда ўқиган олий маълумотли адвокат Убайдуллаҳўжа Асадуллаҳўжаев ва Содик Абдусатторов киритилади. Шунинг билан бирга у университет ўкув дастурини ишлаб чиқицда мусулмонлар учун тарих ва шарқшунослик факультетлари мослаштирилишини талаб этади.<sup>55</sup>

Тадқиқотчи олим Сирожиддин Ахмедов аниқлашича Мунавваркори бундан олдин 1910 йил ноябрда Россия Давлат Думасига Тошкент шаҳар ахолиси номидан “Илтимоснома” ёзиб, мактабларда ўқиши ва ўқитиш усусларини ислоҳ килиш зарурлигини кўрсатган экан.<sup>56</sup>

Рус феврал инқилобидан сўнг Туркистонда маълум маънода юз берган демократик ўзгаришлар сабабли университет ташкил этиши

<sup>53</sup> Бехбудий М. Таиланган асарлар. Тузатилган ва тўлдирилган 2-нашри, – Тошкент: “Маънавият”, 1999, 201-бет

<sup>54</sup> Сирожиддин Ахмат. Мунавваркори//Шарқ юлдози, 1992 й., 5-сон, 107-108-бетлар.

<sup>55</sup> Каранг: Шамсутдинов Р.Т.Первенец высшей школы (Краткий очерк истории Андижанского государственного педагогического института). –Ташкент: “Ўзбекистон”, 1998, стр.13.

<sup>56</sup> Каранг: Абдурашидхонов М. Таиланган асарлар. –Тошкент: МАҶНАВИЯТ” нашриёти, 2003, 29-бет.

харакати олдин хар икки томондан ўзларича алохида бошланган бўлса-да, энди ўзаро ҳамкорлик ва демократик асосга эга бўлди. Шаҳар Думасининг қарорига асосан Россия пойтахтига университет ташкил этилишига ёрдам сўраб маҳсус комиссия юборилди. Санк-Петербург ва Москва олий ўқув юртлари ning олимларидан иборат Тошкентда очилажак университетнинг Ташкилий кўмитаси тузилиб амалий ҳаракат бошлайди.

Бирок, таркибига бирорта ҳам маҳаллий ҳалқ вакили киритилмаган мустамлака совет ҳукумати – Туркистон ўлка автоном совет ҳалқ комиссарлари советини ташкил этгач, университет ташкил этиш борасидаги демократик ҳаракат тубдан ўзгарди. У 1918 йил 16 марта “Халқ маорифи комиссариатига тезлик билан Тошкентда Халқ университетини ташкил этиш ва Олий политехника институтини очиш учун ҳамма чораларни ишга солиш топширилсиз”,<sup>57</sup> деган маҳсус буйруқ қабул қилиб, унда маҳаллий ҳалқ асло эътиборга олинмади.

Бундан хабар топган Мунавваркори Абдурашидхонов тезлик билан 1918 йил 9 апрелда ўз уйида “Турон”, “Муаллимлар жамияти”, “Гулистан” ва бошқа жадидларнинг ташабbusи билан ташкил этилган мусулмон жамиятлари вакилларини йиғиб, Мусулмон ҳалқ дорилфунуни очиш ҳақида музокара ўтказади. Йиғилганлар буни маъкуллаб, Мунавваркори Абдурашидхонов раҳбарлигида 9 кишидан иборат “Мусулмон Халқ дорилфунунининг ташкилот комиссияси”ни тузади.

Комиссия Туркистон ўлка маориф шўроси Ижроия кўмитасига ўз мақсадини билдириб, икки вакил орқали дорилфунун ибтидоий (бошлангич), ўрта ва олий боскичлардан иборат бўлиши ҳақидаги карорни юборади.<sup>58</sup> Мунавваркори бошлиқ ташкилот комиссияси жуда жадал иш олиб боради. Унинг 7- мажлиси (2 май)да Мусулмон Халқ дорилфунуни ташкил этилишини Туркистон Халқ университети совети ва Туркистон Халқ Маорифи русча комиссариати томонидан расман тан олинганлиги маълум бўлди. Мана шундан сўнг совет ҳукумати маблағ ажратиб, Ташкилот комиссияси аъзоларига 9-апрелдан бошлаб бажарган ишларининг кўламига қараб, 200 дан 450 рубл(сўм)гача маош беради.

<sup>57</sup> “Народный университет” газетаси. 1918, 12 май.

<sup>58</sup> Абдурашидхонов М. Танланган асарлар. -Тошкент: “Маънавият” нашриёти, 2003, 24-бет.

З май куни Ташкилот комиссиясининг навбатдан ташкари кенгайтирилган мажлиси бўлиб, унда Мусулмон Халқ дорилфунуни раҳбарияти (“идораси ҳайъати”)га сайлов бўлади. Мунавваркори Абдурашидхонов 20 овоз билан раис (ректор), Исо Тўхтабоев 21 овоз билан раиснинг биринчи муовини, Бурхон Ҳабиб 18 овоз билан иккинчи муовини, Абдусамикори Зиёбоев 16 овоз билан хазинадор, Мухтор Бакир 18 овоз билан саркотиб этиб сайланади.<sup>59</sup>

Мунавваркори раҳбарлигидаги миллий олий таълим фидойи-ларининг меҳнати самараси ўлароқ, 1918 йил 12 май шанба куни Мусулмон Халқ дорилфунунининг “расми кушоди” – расмий тантанали очилиш маросими бўлди. Эски шаҳардаги Викула Морозовнинг собиқ дўкони (ҳозир бузулиб кетган) биносидаги бу тантана ҳайъатидан ҳукумат аъзолари – Халқ комиссарлари, мусулмон ва рус халқ дорилфунунлари раислари (ректорлари) ва бошқалар жой оладилар.

Мунавваркори қисқа нутқ билан йиғлишни очиб, мусулмонлар чоризм даврида рус ўйқисиллари билан биргаликда ярим аср кулликда яшаганини, озодлик катта талофатлар эвазига кўлга киритилганини алоҳида таъкидлайди. Щу билан бирга, у “Халқнинг илмга кўп зиёда муҳтожлиги...қонларини тўкиб олгон ҳурриятидан сўнг туркистонликларга ҳам ўқимоққа имкон топилгани” ҳақида тўхталди.

Шундан кейин Мунавваркори ҳарбийларга хос усулда йигилганларни ҳуррият шаҳидларини хотирлаб бир неча дақика оёққа туриб, сукут сақлашга чақиради. Аскарий мусиқа марши чалинади. Сўнгра мусулмон ҳуррият шаҳидлари учун Самифкори афанди тарафиндан Каломи Шарифдан суралар ўқилиб фотиха тортилади. Туркистон Жумхурияти Халқ комиссарлари дорилфунунининг вазифалари ва унинг умуммиллий табиати ҳақида оташин нутқ сўзладилар.

Ташки ишлар комиссари, эсер фирмаси аъзоси П.А.Домагатский руслар ва маҳаллий миллат ўртасидаги муносабатга тўхталиб шундай дейди: “Менинг ишончим комилки, бундан бошлаб катта оға тушунчаси ҳам, кичик оға тушунчаси ҳам бўлмайди, энди ягона демократия ҳукмрон бўлади...”<sup>60</sup> Халқ

<sup>59</sup> “Халқ дорилфунун” газетаси, 1918 йил, 15 май, 3-сон.

<sup>60</sup> “Наша газета”, 1918 йил, 15 май.

маорифи комиссари Успенский шовинистик нуқтаи назардан шундай дейди: “Бизни бекорга катта оға деб айтмайдилар, чунки бизга маълум вазифа юкланган. Катта оғага қийин бўлди, сабаби, ўн миллионлик Туркистон халқи биз олиб бораётган ишларга рози бўлмаяпти. Сизлар ҳокимиятни босиб олдингиз, бизга мустабидликни жорий қиласизлар, деб айтмоқдасиз. Бироқ, шундай бўлса-да, биз кичик ишиларимизнинг бизга хайриҳоҳ бўлишларига ишонардик... Биз автомобилда Эски шаҳарга юборган ўша (октябр кўзголони вақтидаги – С.Х.) милтиқлар ўзимизга қарши қаратилмади. Буни биз хеч қачон унумтмаймиз”<sup>61</sup>.

Хулоса шуки, 1918 йил 12 майда кўп йилдан бери тарихий эҳтиёжга айланган миллий олий таълимга асос солинди, аниқроғи, ҳозирги Мирзо Улугбек номидаги Ўзбекистон Миллий университетининг миллий асоси яратилди. Бу кун муборак кун бўлиб тарихга кирди. Миллат ва маориф фидойиси, буюк аллома Маҳмудхўжа Бехбудий 1914 йилда “Ойна” журналида муштарийлар Туркистонда олий миллий таълим истиқболи ҳақида берган саволига жвоб бериб, “Тошкентдаги Мунавварқори мактаби мана шундай олий таҳсилга замин бўла олиши мумкин”<sup>62</sup> дейди.

Бу шунчаки яхши истак ва ният бўлмай, реал имконият эди. Шунинг учун ҳам орадан тўрт йилгина вақт ўтиб, ўтмай Мусулмон Халқ дорилфунунин тарихан Мунавварқори ташкил этди. Бу воқеликнинг гувоҳларидан бири бўлган, таниқли олим А.А.Диваев қувонч билан шундай дейди: “Мана, бугун Тошкентда Мусулмон дорилфунуни очилиши тантанасида қатнашишга мұяссар бўлдик. Туркистон учун тонг отди, ёруғ қўёш балқиди... Яшасин Туркистон ҳалқининг таянчи ва умиди бўлган ўкув юрти”<sup>63</sup>.

Мусулмон Халқ дорилфунуни ҳақиқатан ҳам тарихимиздаги давтлабки дунёвий илм-фан ва усулларга асосланган ҳозирги замон университетининг дастлабки миллий асоси ва таянчи сифатида фаолият юритди. У ўша даврдаги 15 та мусулмон илмий-

<sup>61</sup> “Народный университет» газетаси, 1918 йил 94-сон. Бу ерда нотиқ совет ҳукумати таркибига дастлаб мусулмонларнинг вакиллари киритилмаганлиги ва октябр воқеалари пайтида Эски шаҳарга юборилган қуроллар кайтариб юборилгандигини назарда туғмокда.

<sup>62</sup> Косимов Б. Миллий уйгониши: жасорат, маърифат, фидойилик. – Тошкент: “Маънавият”, 2002, 237-бет.

<sup>63</sup> “Народный университет» газетаси, 1918 йил 94-сон. Бу ва бошка русча манбалардан олинган кўчирмаларнинг таржимаси бизники – С.Х.

ижодий, маданий-маърифий ва демократик уюшма ҳамда ташкилотларининг вакилларидан иборат 45 кишилик кенгаш томонидан бошқарилади. Дорилфунуннинг илмий-ижодий муаллимлари жамоаси тез орада 299 кишига етади. Шундан 22 таси олий диний мадрасаларни, 2 таси Россия университетларини битирган эдилар. Буларнинг орасида ўнлаб таникли жадид шоир ва адиблари, жадид мактаби ва унинг дарслеклари асосчилари, 20 га яқин турли хил соҳа вакиллари бор эди.<sup>64</sup>

Мусулмон Халқ дорилфунуни қуидаги олий, ўрта-махсус ва қуий таълим боскичларидан иборат бўлди:

1. Олий боскич: дорилмуаллимин (ўқитувчилар институти).
2. Ўрта боскич: қасб-хунар ўргатувчи ҳар хил маҳсус курс ва тўғараклар. Қуий боскич: “Ибтидоий шўъба” (бўлим). Бунинг ўзи 15 ёшдан кичик бўлмаганларни қабул қиласиган уч гурухга бўлинди: 1) саводи бўлмаганлар; 2) олдин эски мактабда ўқиб саводи чиккан, аммо дунёвий илм-фанлардан хабари бўлмаганлар; 3) жадид ибтидоий (бошланғич) ва “руштия” мактабини битириб, янада чукурроқ билим олмоқчи бўлганлар.

Мусулмон Халқ дорилфунуни Ташкилот комиссиясининг 8-мажлиси кенгайтирилган ҳолда (6 майда) чиқарилди. Унда Туркистон Халқ университети раиси профессор О.В.Попов ҳам катнашади. У сўзга чиқиб, Мусулмон Халқ дорилфунуни учун ўзбек тилида газета ташкил этилишини таклиф этади. Шу билан бирга яна у мусулмон ва рус халқ дорилфунунларини бирлаштириш ҳакида шундай дейди: “Халқ дорилфунуннинг рус ва мусулмон шўъбалари қўл(ни) қўлга бериб ва бир-бирларига ёрдам(да)... бўлсалар керак ва ҳам бундан кейин дорилфунуннинг икки деб эмас, балки иккиси ҳам бир мақсадга хизмат килгани учун бир дорилфунун деб атамоқ керакдир”.<sup>65</sup>

Ташкилот комиссиясининг шу 6 майдаги мажлисида Бурхон Хабиб маҳсус комиссия томонидан тайёрланган дорилмуаллимин дастури ҳакида маъруза қиласи. Мажлис ахли “Дорилмуаллимин комиссиясининг лойиҳаси бўйича 5 йиллик дорилмуаллимин очмоқ ва ҳам программани шунга мувофиқ қилиб ҳозирламоқ иши

<sup>64</sup> Касимов Б. Кўрсатилган асар, 35-бет.

<sup>65</sup> “Халқ дорилфунуни” газетаси. 1918 йил, 31 май, 1-сон.

шул аввалги комиссияга топширилиши ҳақида карор қабул килади”.<sup>66</sup>

Дорилмуаллимин дастури түғрисида бундан олдиероқ, Бурхон Хабиб бошқа катта бир мажлисда ҳам маъруза қилиб, шундай деганди: “Маълумки, Тошкентда мусулмонлар учун ўқитувчилар институти ташкил этиш фикри аввалдан пайдо бўлган... Шу боисдан ҳам институт учун дастури амал ишлаб чиқилади. Унда ўқиш беш йилга мўлжаллануб, шундан бир йили тайёрлов курсига, колган тўрт йили эса асосий курсларга ажратилади”.

Ушбу сатрлар гувохлик бериб турибди, тўла маънодаги Оврупо тажрибасига асосланган дастлабки миллий олий ўқув юртининг мукаммал дастури биринчи марта 1918 йилда Мунавваркори Абдурашидхоновнинг ташабbusи ва етакчилигига пайдо бўлди. Бунинг учун Тошкентда имконият, яъни мусулмон илмий-педагогик кучлари етарлик эди. Акс ҳолда беш йиллик олий ўқув юртининг дастури ишлаб чиқилмаган бўлур эди. Афсуски, бу дастур коммунистик мустамлака сиёсати сабабли ҳаётга тадбик этилмай, когозда қолди.

Буни “Халқ дорилфунуни” газетасида ўша пайтда босилган “Тошкентда мусулмон дорилфунуни курслари ҳақида” деган хабар ҳам исботлаб туриди. Унда ўқиймиз: “Мусулмон Халқ дорилфунуни шўроси ташабbusи билан Тошкентда 5 йиллик муддат билан Мусулмон дорилмуаллимини очилурга карор берилган эди. Лекин сўнгига хукумат арбоби билан англашқач (сухбатлашгач – С.Х.) ҳозирча факат мусулмон муаллим ва муршидлар (инструкторлар – С.Х.) ҳозирлов учун 4 ойлик курслар... очмоқ мувофиқ кўринади”.<sup>67</sup>

Мана шу қаршиликлар сабабли дорилмуаллимин 4 ойлик курслар мажмуидан иборат бўлиб очилади. Унинг “расми кушоди” – очилиш маросими 1918 йил 31 майда бўлиб ўтади. Биринчи бўлиб дорилмуаллиминнинг якинда сайланган раиси (ректори) Мунавваркори Абдурашидхоновга сўз берилади. У жамоатчиликни табриклаб, ўз шодлигини изҳор қилиб, “Битсун жаҳслат, яшасун илм ва маърифат”<sup>68</sup> деб сўзини якунлайди.

<sup>66</sup> “Халқ дорилфунуни” газетаси. 1918 йил, 31 май, 3-сон.

<sup>67</sup> “Халқ дорилфунуни” газетаси. 1918 йил, 31 май, 1-сон.

<sup>68</sup> “Халқ дорилфунуни” газетаси. 1918 йил, 31 май, 2-сон.

Дорилмуаллимин илмий-педагогик жамоаси ўша даврдаги етук педагог ва дунёвий илмларнинг билимдонларидан ташкил топади. Абдурауф Фитрат она тилидан, Камол Шамси арифметика ва геометриядан, Ҳайдар Шавқий гигиена, гимнастика ва олмон тилидан, Абдулла Раҳимбоев арифметикадан, Абдураҳмон Исмоилов санъатдан, Мунавварқори она тилидан, Эфендиев она тили ва жўғрофия ва этнографиядан, Иброҳи Исмоилов дидактика ва табиатшуносликдан, А.Пройкова рус тилидан дарс беради.

1918 йил сентябр ойига келиб, дорилмуаллимин ўкувчи (талаба)ларнинг сони тез кўпайди. Буларнинг орасида илгаридан эски анъанавий мактабда ишлаб келган 36 та муаллим, жадид мактабларини тутгатганлардан 56 та, рус-тузем ва анъанавий “кадим” мактабларини шу 1918 йилда битирганлардан 78 та ўкувчи бор эди.<sup>69</sup> Илк бор унга Андижон шаҳар думаси 10.000 сўм пул ўтказиб, 30 кишини ўқишга юборгани маълум.<sup>70</sup>

Мусулмон Халқ дорилфунунининг тармоқлари тез орада кўпайиб, уларнинг илмий-маърифий нуфузи ортиб борди. 1918 йил 31 майдан дорилфунунининг маҳсус газетаси “Халқ дорилфунуни” чоп этилиб, бутун Туркистонга тарқалда. Унинг асосий шиори “Яшасин илмий инқиlob, яшасин халқ маорифи” бўлди.

Шуни алоҳида таъкидлаш лозим. Таркибига бирорта ҳам мусулмон вакили киритилмаган Туркистон совет ҳукумати дастлабки кунданоқ маҳаллий халққа нисбатан шавинистик мустамлака сиёсатини олиб борди. У беш йиллик дорилмуаллимин очилишига қарши бўлиш билангина чекланмай, 1919 йилнинг кузига келиб, бутунлай тутгатди. Русча Туркистон Халқ университетига эса давлат мақомини бериб, уни Туркистон Давлат университети деб қайта номлади.

Хуллас, Мунавварқори Абдурашидхонов ташабbusи ва етакчилигида ташкил топган дорилфунун замонавий миллий олий таълимнинг дастлабки тарихий намунаси, яъни ҳозирги 100 йиллик таваллуди нишонланишига катта тайёргарлик кетаётган Мирзо Улугбек номидаги Ўзбекистон миллий университетининг миллий асоси бўлиб тарихга кирди. Мана шу миллий тарихий воқелик, умуман жадидларнинг, айниқса Мунавварқорининг ўта буюк ва фидокорона тарихий хизматларини жуда тўғри англаган мухтарам

<sup>69</sup> ЎзМДА, 368-Ф.Р., 1-рўйхат, 34-иш, 12-в.

<sup>70</sup> “Народный университет» газетаси, 1918 йил. 11 июнь. 32-сон.

биринчи Президентимиз Ислом Каримов 2000 йил 28 январдаги ўзининг маҳсус олий фармони билан Тошкент Давлат университетига энг шарафли ҳамда юксак масъулиятли Миллий маком берди. **Фармонда бу миллий университетнинг “асосчилари жадид зиёлларни, унинг ташкил этилган санааси эса 1918 йил 12 май деб белгилансан ва у Мирзо Улугбек номидаги Ўзбекистон миллий университети деб аталсин”** деб алоҳида таъкидлаб кўрсатилди.

Бу тарихий фармонга имзо чекишдан миллатнинг буюк йўлбошчиси бўлган Ислом Каримов ўша йили 6 январда Тошкент шаҳар сайловчилари билан бўлган учрашувда Тошкент Давлат университетига Миллий университет мақоми берилишини шахсан таклиф қилиб, шундай деган эди: **“Тошкент университети 1920 йилда Россиядан келган “большевик” вакиллари томонидан эмас, балки 1918 йилда фидойи маърифатшарвар Мунавварқори Абдурашидхонов ташабbusи билан Туркистон Xalq миллий дорилғунуни сифатида фаолият бошлаган. Бу ҳақиқатни бутун жамиятимиз, айниқса ёшлиаримиз билиши керак, деб ўйлайман. Бу тарихий воқеа университет пештоқига алоҳида лавҳа қилиб ёзиб қўйишга муносиб”**.<sup>71</sup>

Нега, 1918 йил 12 май Миллий университетнинг таваллуд куни деб белгиланди? Чунки, бу сана юкорида таъкидланганидек, Миллий университетнинг ҳақиқий миллий асоси бўлди. Бундан 22 кун олдин 21 апрелда ташкил этилган Туркистон халқ университети эса миллий университетнинг русча номиллий, аммо жуда ҳам мухим тарихий асоси бўлди. Албатта, бу рус олимларининг тарихий хизмати беҳад катта бўлганлигидан далолат бераб, ҳозирги ўзаро самимий дўстона алоқа ва ҳамкорлик тарихий асоси бўлиб турибди.

Хулоса шундан иборат. Юкорида баҳоли кудрат кўрсатиб ўтилганлар ўзини унитиб, Миллат, Ватан дея шаҳид бўлган ва фидойи бобомиз буюк Мунавварқори Абдурашидхонов ҳозирги дунёвий бошланғич, ўрта маҳсус ва олий таълимдан иборат уч босқичли миллий халқ маорифи тизимиға асос солганлигидан далолат бераб турибди. Бу ўта оғир тарихий мухитда амалга оширилди.

<sup>71</sup> Холбос С. Миллий университетнинг тарихий илдизлари ва ташкил топиши. – Тошкент: “Шарқ”, 2003, 3-4 бетлар.

Аммо бу унинг ижтимоий-сиёсий, маданий-маърифий миллати парварлик фаолиятининг бир жиҳати холос.

Мунавварқори Абдурашидхоновнинг кўп кирралик фаолияти бевосита чоризм ва коммунистик босқинга карши кўтарилиган халқ миллий-озодлик курашига раҳнамолик билан ҳам бевосита боғлик бўлди.

Бу 1916 йилдаги мардикорликка олишга қарши қўзғолон, дастлабки миллий демократик муҳтор ҳукумат – “Туркистон муҳторияти”, коммунистик босқичгага “Босмачилик уруши”, ва бир қатор маҳфий аксилишӯравий сиёсий уюшмалар, шунингдек, кўпгина маданий-маърифий ташкилотлар унинг раҳбарлигидага фаолият юритиб тарихга кирди.

Мунавварқори Абдурашидхонов ҳакида жамоатчилик аҳли жўр бўлиб “Яшасин Мунавварқори, яшасин миллат!” деб ашула айтгани маълум. Истеъододли жадид шоири Таваллонинг ушбу қалб сўзлари Мунавварқори Абдурашидхонов нафакат миллий таълим, илм-фан ва маърифатнинг билки, бутун миллат ва халқимизнинг тарихан маънавий отаси ва йўлбошчиси бўлганлигидан далолат бериб турибди.

Чўх мунааввар этди оламни Мунаввар Қоримиз,  
Кўрдимиз равшанилигидин феълимиз, авторимиз,  
Ибрат олинг ёшлиар, деб тўқди қўздин ёшлиари,  
Нуткида таҳрир этиб, бизларни йўқу боримиз.  
Чин кўнгилдан биз эшитдук, чин экан айған сўзи,  
Шунча бидъатларни билдук,вой, биз икроримиз.

Буюк йўлбошчи Мунавварқори ва унинг ҳаммаслакларига аксилинесоний коммунистик мағкуравий хужум ва таъқиб биринчи бўлиб бошланди. Бу тўғрида унинг ўзи ёзди: “Менинг ёзган китобларим ва мағкурамга нисбатан 1925 йилдан бошлаб матбуотда жуда кучли хужум бошланди. Табиий равишда мен уларга токат қилолмадим”.<sup>72</sup>

Мунавварқорининг ўз халқига килган буюк хизматларини коммунистик мустамлака мағкурачилари томонидан “Халқ душмани” деб талкин қилинди. У 1929 йилда 87 та “халқ душмани”-нинг раҳнамоси сифатида улар билан биргалиқда катагонлик камоқхонасига олинди. 1931 йилда эса шулрдан 15 таси

<sup>72</sup> Абдурашидхонов М. Хотираларимдан (Жадидчилик тарихидан лавҳалар). – Тошкент: “Шарқ”, 2001, 16-бет.

Мунавваркори билан бирга отувга, қолғанлари эса узок муддат билан борса-келмас жойларга сургун қилинди.

Якуний хулоса шуки, Мунавваркорининг номи тикланган бўлса-да, уни ҳали давлат миқёсида жиддий эътибор берилани йўқ. Мана шунинг учун Сиз анжуман катнашчиларига айтмоқчиман. Мухтарам Президентимиз Шавкат Мирзиёевга ушбу анжуман номидан мурожаат қилиб, Улардан Мунавваркори Абдурашидхонов хотирасини абадийлаштириш ҳакида маҳсус Фармон кабул қилишини илтимос қисқақ айни муддао бўлар эди.

Мунавваркори Абдурашидхоновнинг Ватан ва Миллат олдиғаги тарихий хизматлари беҳад катта. У буюк тарихий шахс сифатида мустамлака истибододига қарши Миллий Уйғониш (Ренессанс) даврига асос соглан Миллий жадидчилик ҳаракатининг йирик етакчиси ва раҳнамоси, ҳозирги миллий демократик давлат-чилигимиз тарихий илдизи – “Туркистон Мухторияти”нинг гоявий-назарий асосчиси ва ташкилотчиларидан бири, коммунистик босқинга қарши миллий-озодлик кураши – “Босмачилик уруши (партизанчилик уруши), кўпгина миллий маҳфий сиёсий уюшма ва ташкилотларнинг раҳбати, миллий матбуот ва адабиёт, миллий замонавий уч босқичли ҳалиқ маорифи тизими, Мусулмон Халқ дорилфунуни – Ўзбекистон Миллий университетининг асосчиси ва биринчи раҳбари бўлди. Булар ҳали мукаммал ўрганилиб ҳалқимиз ва айниқса ёшларимизга тўла-тўқис етказилгани йўқ.

*Абдуҳамид ХОЛМУРОДОВ  
филология фанлари доктори. Навоий давлат  
педагогика институти профессори.*

## МИЛЛАТНИНГ БУЮК ФИДОЙСИ

XX аср бошларида жадид маърифатпарварларининг мустақилликка эришиш йўлида олиб борган курашлари тарихимизнинг энг ёрқин саҳифаларини ташкил этади. Истибодод исканжасида азоб чекаётган ҳалқни уйготиш, маърифат зиёси билан миллий ғурурни нурлантириш, ўзликни англашга даъват этишда жадид маърифатчилари чинакам қаҳрамонлик, эл-юрт, миллат шаъни учун фидоийлик кўрсатдилар. Маҳмудхўжа Бехбудий, Сўфизода, Тавалло,

Фитрат, Чўлпон, Мунавваркори сингари жадидчилар қийин ва мураккаб шароитда Туркистоннинг озод бўлишини, мустамлака-чилик кишинларини парчалаб, мустакил тараккиёт йўлини барпо этишни орзу қилдилар ва қизғин маърифатпарварлик фаолиятини олиб бордилар. Ана шулар сафида Мунавваркори Абдурашидхоновнинг ҳам алэхига ўрни бор.

Президентимиз Ш.М.Мирзиёев Тошкент шахри сайловчилар вакиллари билан учрашувдаги “Тошкент-барчамиз учун онадек улуг ва мўътабардир” мавзусидаги нутқида шундай деган эди:

“Ўтган аср бошларида бутун Туркистон ўлкасини камраб олган жадидчилик ҳаракатининг маркази ҳам айнан Тошкент шахри эди. Бу ҳаракатнинг кўзга кўринган намояндлари Мунавваркори, Абдулла Авлоний, Тавалло, Убайдулла Хўжаев, Фози Юнус, Ғулом Зафарий, Ҳуршид каби зиёлилар ўзларининг эзгу гоялари, маърифий асарлари билан тарихимизда ўчмас из қолдирдилар”<sup>73</sup>.

Мунавваркори Абдурашидхонов 1878 йилда Тошкентда Шайҳантохур (Шайх Хованди Тахур) даҳасининг Дархон маҳалласида туғилади. Ота-онаси зиёли кишилар бўлишган. Оилада уч ўғил бўлиб, Мунавваркори энг кичиги бўлган. Акалари Аъзамхон ва Муслимхонлар педагогик фаолият билан шуғулланишган. Аммо ҳаётлари доимо таҳликада ўтган, қамоқ азобларини чекишган. Мунавваркори ҳам ота-онаси, акалари йўлидан борди, халқни илмли, маърифатли қилиш учун жон куйдирди. Чунки у болалик чоғларидан эрксизлик фожеаларини кўриб улгайди, мустамлакачиларнинг зулм ва зўравонликлари миллатни ўзлигидан айришга қаратилгандигини хис этди. Дукчи Эшон бошлилигида халқ кўзғолони бўлганида у 14 ёшда эди. Кўзғолон қандай бостирилгани, кўзғолончилар қандай шафқатсиз жазолангандиларини кўрди ва бу конли воеа қалбida ўчмас бўлиб муҳрланиб қолди. Шунинг учун у ўзининг бутун онгли ҳаётини халқи ва миллатининг озодлиги, маърифатли бўлиши учун бағишилади. Ўзи мактаблар очди, уларга дарсликлар ёзди. У яратган дарсликлар янгилиги, ўқитишида осонлиги туфайли тез шуҳрат қозонди, улардан рус-тузем мактабларида ҳам фойдаланишга рухсат берилди. Рус мустамлакачилари Туркистон аҳолисининг маърифатли бўлишига тиши-тирноғи билан қаршилик кўрсатарди. Н.Остроумов, В.Наливкин, С.Граменицкий,

<sup>73</sup> Шавкат Мирзиёев, Буюк келажагимизни мард ва олижаноб халқимиз билан бирга курамиз, Тошкент, “Ўзбейистон” нашриёти, 2017 й. Б.444.

П.Азничаев сингари нозирлар мактаб дарслеклари ва китобларни синчилаб назоратдан ўтказишиш ва ўзлари щубҳаланган фикрлар ва ғояларни улардан олиб ташлардилар. Шундай бўлса-да Мунавварқори “Адиби аввал”, “Адибус-соний” дарслекларини яратди ва улардан ўша йиллардаги усули жадид мактаблари ва рус-тузем мактабларида фойдаланилди. Шундан кейин у маърифат-парварлик фаолиятини авж олдириб, рус-тузем мактабларини янги миллий мактабларга айлантириш ташаббуси билан ҳам чиқади. Н.Остроумов уни “Миллий мактаблар асосчиси”, деб таърифлайди ва “Маҳаллий ахоли уни Тошкентнинг Эски шаҳар қисмидаги мактабларнинг ҳақиқий директори деб хисоблайди”<sup>74</sup>, деб ёзди хотираларида.

Мунавварқори педагогик фаолияти билан ўзининг ҳақиқий ватанпарвар, миллатпарвар, фидойи инсон эканлигини намоён этди. Бу унинг адабий ижодий фаолиятида, бадиий-публицистик мақолаларида яна ҳам ёрқин акс этади. Шеър билан доим машғул бўлмаса ҳам, панд-насиҳат руҳидаги шеърлари ёш авлодни меҳнатсеварлик, инсонпарварлик, ватанипарварлик руҳида тарбиялашда катта аҳамиятга эга. “Танланган асарлар”га киритилган саккизта шеърнинг барчаси ана шу руҳда. “Ялқовлик ёвимиздир” шеъри меҳнатсеварликка ундаиди. Дангасалик, ялқовлик энг хатарли ёв. Ундан кутилиш учун киши меҳнатни севиши, доим иш билан машғул бўлиши лозим. Ишлаган одам юртни обод, ҳаётни гўзал қиласи. “Ёвинг кимдир, биласанми? Нодонликдир, ялқовликдир, Ёвга қарши курашмаслик-кўрқоқликдир, анқовликдир”<sup>75</sup>, деган мисралар меҳнатсеварликка даъват этади.

“Ҳар ким экканин ўтар” шеъри “Отангта қилганинг болангдан қайтади” деган ҳалқ нақлининг талкинига бағиланган. Воқеабанд шеърда бир чолнинг ўғиллари ва келинлари ўзаро кенгашиб, чолни бир саҳрора адаштириб келишга қарор қилишади. Ўғил ва невара отасини бир кеч кўтариб йўлга тушишади. Чол шунда уларнинг муддаосини сезиб, ўғлига бир пайтлар мен ҳам отамни шундай қилгандим, мана энди сен, ўғлимдан бу қайтаяпти. Эртага бир кун сенинг ўғлинг ҳам сени шундай қиласи. Бундан ўғил сергак

<sup>74</sup> Мунаввар Қори Абдурашидхонов, Танланган асарлар. Тошкент, “Маънавият”, 2003, Б.21.

<sup>75</sup> Ўша асар, Б.64.

тортади ва хатога йўл кўяётганини англаб етади. Отасидан узр сўраб, доим унинг хизматида бўлишга аҳд қиласди.

“Ҳимматли факир” шеъри ҳам “Ҳайрат ул-аброр”даги “Хотами Той ҳикояти”даги сюжетта ҳамоҳанг воқеабанд шеър. Сахийнинг эҳсонидан киши ўзи меҳнат билан топган ион, ризқ-рўз ҳалоллиги улуғланади. Бунда ҳам асосий ғоя меҳнатсеварликка даъватдир.

Мунавварқорининг ҳикоялари, бадиий-публицистик мақолалари ҳалқ, миллат, Ватан тақдиди учун фидойи инсоннинг жасоратли бўлганини, келажакка зўр умидлар билан бокиб, шу келажакни барпо этишига ўз ҳиссасини қўшишга иктидорини аямай сафарбар эта олганинин кўрамиз. 1915 йил 6 февралдаги “Садойи Туркистон” газетасида босилган “Ҳамият” ҳикоясида чин ватан-парвар, ҳакиқий зиёли кишининг фидойилиги акс этган. Ҳикоя килинишича, бир неча зиёли йўлда кетаётгандарида бир кўзи ожиз бола ҳасса билан зўрга келаётганига дуч келишади. Қиши фасли, совук, йўллар лой, балчиқ бўлиб кетганидан соғ одамнинг ҳам юриши қийин. Кўзи ожиз бола уларга қорни очлигини, унга ёрдам беришларини сўрайди. А.афанди болани ўки, мардикорлик кил, деб жеркиб ташлайди. Бола кўзи кўрмаслиги, ўқий олмаслигидан шикоят қиласди. Аммо А. афандининг музлаган юраги эримайди, сўзида қатъий туриб олади ва унга ёрдам бермаслигини билдиради. Шунда ҳикояни сўзловчи(муаллиф) А.афандига сўзлаганлари нотўгри эканлигини, зиёли одам бундай фикр юритмаслигини, ҳамиятли бўлиши лозимлигини айтади. Аммо у ўз фикрида туриб олади. Н. ва Й.афандилар эса бу фикрга қўшилишади ва болага ёрдам бериш зарурлигини таъкидлашади. Шунда ҳикоя қилувчи А.афандига юзланиб шундай дейди:

“—...Зиёли Миллат, Ватан нима эдигини билур ва зиёли миллат учун жонини, молини фидо этар ва миллатнинг тараққийси учун доимо ҳаракат этар. Вакти келганда, миллат учун ўзини ҳалокат вартасина ташламакга муҳайё бўлур. Сизнинг билмағингиз лозимдирки, бизнинг миллатимиззга садо ва сўз бирлан зиёли номини олғон инсонлар лозим эмас. Балки, хизмати, ҳаракати, ёрдами ва ҳиммати бирлан зиёли номини олғон инсонлар лозимдир. Йўқ эса,

“Миллат”, “Ватан”, “Маданият”–шунга ўхшаш сўзларни билмак билан инсон зиёли бўлмайдир”.<sup>76</sup>

Келтирилган парчада ҳакикий зиёли қандай бўлиши керак, деган саволга Мунавварқорининг муносабати аниқ ва ёрқин ифодаланган.

“Девпечак” ҳикоясида меҳнатсеварлик улуғланади. Оддий бир воқеа асосида меҳнатсеварликнинг аҳамияти, унинг замирида яратувчилик, бунёдкорлик ётиши уқтирилади. Болаларни жуда ёш чоғидан меҳнаттага ўргатиш, уларнинг қалбида ўзи бажарган ишдан кониқиши хиссини туйишга ўргатиш каттаарнинг бурчи, вазифаси эканлиги таъкидланади. Ҳикояда бир ота саккиз яшар ўғлини боғта олиб киради. Боғдаги бир ўрик дарахтига бола кизиқиб колади, унинг меваларидан териб сайди. Отаси бу дарахтни ўғли туғилган йили экканини, энди унга ўзи караши, парвариш қизиши зарурлигини айтади. Дарахтнинг остидан бир девпечак деган ўт ўсиб чиқаётганини кўрган бола отасидан бунинг нима эканлигини сўрайди. Ота бу ўт дарахтнинг ривожланишига халал беришини, уни кўрган заҳоти юлиб ташлаш лозимлигини уқтиради. Бола ўтни юлиб ташлайди, кейин ота-бола боғдан чиқишади. Бола ўйин билан бўлиб, дарров ўрикни унутади. Бир неча кундан кейин у ёдига тушиб, боғга кирса, дарахтни девпечак ўраб олган, меваларининг сарғайишишига сабаб бўлганди. Бу болага сабок бўлади.

Ҳажман кичик ҳикояларда катта ғоялар, улкан орзу-умидлар ифодаланиши, панд-насиҳат, муҳим ҳаётий хуносалар берилиши Мунаввар Корининг ёзувчи сифатида улкан истеъдод эгаси эканлигидан далолат беради. Бадиий-публицистик мақолаларида бу истеъдоднинг яна янги қирралари намоён бўлади. Миллат учун куйиниши, ўтли дард, маърифатга, маданиятга даъват унинг нутқ ва мақолаларида қалбларни ларзага соладиган даражада ўз ифодасини топган. “Тарақкий” газетасининг 1906 йил 14 июнядаги сонида бо-силган “Бизни жаҳолат-жаҳли мураккаб” маколаси айни шу фикримизни исботлайди. Мана унинг миллат маърифатли бўлиши учун қилган жонкуярлиги:

“Эй қардошлар,вой миллатдошлар!!! Кўзимиз гафлат уйкусидин очиб, атрофимизга назар солмоғимиз лозимдир. Ҳар миллат ўз саодат ҳол ва истиқболини муҳофазатига биринчи восита илм

<sup>76</sup>Мунаввар Кори Абдурашидхонов, Ташланган асарлар. Тошкент, “Маънавият”, 2003, Б.71.

ўлмакиға қаноат ҳосил қилиб, илм ва маорифга ортиқ даражада күшиш қылған бу замонда бизлар бу гафлат ва жаҳолатимизда давом этсак, истиқболимиз ниҳоятда хавфлик ўлуб ҳамма оламға масхара ва кулгу ўлмоғимизда ҳеч шубҳа йўқдир. Балки, бу жаҳолат зулматида саодати ухравиядин ҳам маҳрум қолмоқ хавфлидир. Бу жаҳолат натижасидурки, ўзимиз ерлик мусулмонлардан ўлдиғимиз ҳолда мусоғир рус ва яхудийлар эшигига мардикор ва хизматчи ўлдук. Бу жаҳолат хохишидурки, миллат фойдаси учун жонни қурбон қымоққа лойиқ арслон каби йигитларимиз бутун миллатни ёдларидан чикариб, истеъдод ва ғайратларини чойхона ва пивохоналарға сарф этмакдадурлар”<sup>77</sup>.

Турон театрининг очилиш маросимида сўзланган нутқ жанговар публицистиканинг энг ёрқин намунаси, десак хато бўлмайди. Бу нутқ “Туркистон вилоятининг газети”да 1914 йил 2 марта куни эълон қилинган. Миллат учун чинакам фидойи инсон М.Абдурашидхонов ўз нуткида театр очилишини табриклиш билан бирга дилида тўпланиб қолган туйгуларини, фикр-мулоҳазаларини нуткида очиқ баён этади. Театрининг халқ маънавиятини юксалтиришда, дунёқарашини кенгайтиришдаги аҳамиятига алоҳида ургу беради. Татарлар ва кавказ хақлари театр туфайли тараққиётда анча илгарилаб кетганликларини Мирза Фатали Охундов тақдири мисолида далиллаб кўрсатади. Охундов хотирасига багишланган тантана ҳеч бир мусулмон мамлакатида бўлмаганлигини, бунга Озарбайжоннинг буюк драматургининг миллатпарварлиги боис бўлганлигини таъкидлайди. Аммо Туркистон ўлкасида театрга шу пайтгача масахарабозлик, шунчаки бир кўнгил эрмаги сифатидаги қарашлар ҳукмронлигини танқид килади. Бойларни театрларга ёрдам беришга, театр фидойиларини рағбатлантиришга даъват этади. Театр тарбия воситаси сифатида мактаблар бажараётган ишдан ҳам катта, масъулиятили ишни бажаришини таъкидлайди.

Мунавваркорининг журналистик фаолиятини шартли равища уч қисмга бўлиш мумкин. Аср бошларидан 1917 йил октябригача бўлган даврда у маърифатчилик фаолияти билан қизғин шуғулланди. Бу даврда ўзи мактаблар очди, дарслеклар, қўлланмалар яратди. 1906 йилда Исломий Обидий ташкил этган “Тараққий” газетаси чикишида ташаббускор бўлди. Ўша йили ўзи ҳам “Хуршид”

<sup>77</sup> Мунаввар Кори Абдурашидхонов, Танланган асарлар. Тошкент, “Маънавият”, 2003, б.145-146.

газетасига асос солди. Мактаблар учун яратган “Адибус-соний” дарселиги, география фанини ўқитишига багишиланган “Ер юзи” рисоласи унинг мохир педагог, чукур билимга эга маърифатчи бўлганилигини тасдиклайди.

Россиядаги сиёсий ўзгаришлар, большевикларнинг ҳокимиятни эгаллашлари Туркистонни озод мамлакат сифатида кўришни истаган жадидчиларнинг сиёсий ва ижтимоий фаолиятиларига катта таъсир кўрсатди. Бу даврда Мунаввар Қори сиёсий позицияни ўзгаришини, большевиклар сиёсатидан мамлакат манфаатлари учун кўпроқ фойдаланиш лозимлигини, авж олиб кетган шовинистик сиёсатни юмшатишига ҳаракат қилиш зарурлигини жадидлар орасида биринчи бўлиб англаб етди ва бутун куч-гайратини эзгу-орзу ниятларини рўёбга чиқаришга сафарбар этди. Бутун 20-йиллар давомида унинг матбуотда эълон қилинган маколаларида жорий этилаётган янгиликларнинг яхши ва ёмон жиҳатларини кўркмасдан кўрсатиб беришга ҳаракат қилди. Ҳатто жадидларнинг сиёсий қараашлари ва маслакларида 1917 йилнинг октябриндан кейин жиҳдий ўзгаришлар юз берганлигини, уларнинг сабабларини, бундан бўён миллий озодликка эришиш орзусига қандай эришиш мумкинлигини кўркмасдан баён этди. “Нашри маориф” уюшмасининг аҳамияти” маколаси 1923 йилнинг 4 марта “Туркистон” газетасида босилган. Унда “Туркистоннинг хаёти, Туркистоннинг најоти ёлғиз маорифга ва маданиятнинг тараққийси эса бутун халқнинг “Нашри маориф” уюшмалари атрофига тўпланмоғига боғлиқдир. Шундагина биз маданий миллатлар қаторига кира оламиз, шундагина маданият дунёсида ўз ҳукуқимизни ола оламиз”,<sup>78</sup> дейди. Албатта, ўша пайтда бундай журъатли гаплар шовинистик кайфиятдаги ҳукуматга ёқмасди. “Қоралаш яхши эмас” нутки(Тошкент округ маория ходимлари қурултойи, 1927 йил)да жадидларнинг мустамлакачилар билан курашиш максади бўлгани, аммо большевиклар ҳукмронлик кила бошлигач, уларнинг йўлини жадидлар ҳам қувватлашганларини айтади.

20-йилларнинг ўргаларидан бошлаб большевиклар халқ орасидан душман қидириш, қандай қилиб бўлмасин ерли халқларни кўркувда ушлаб туришга ҳаракат қилишлари авж олиб кетди. Бунда, энг аввало, жадидлар нишонга олинди. Мунаввар Қорига ҳам

<sup>78</sup> Мунаввар Қори Абдурашидхонов, Танланган асарлар. Тошкент, “Маънавият”, 2003, Б.177.

янги тузум душмани сифатида қаралиб, унинг эркин илмий, изждий, адабий фаолият олиб боришига тиш-тириклари билан қарши туришиди. 1922 йилда қамоққа олинганды унга асосли айблар кўя олишмагач, озод қилишга мажбур бўлишади. Аммо тъъкиқ ва тазийиклар багтар авж олади. 1930 йилда уни яна қамоққа олишади. 1929 йилда “Мунаввар Қори тўдаси” деган иш очилади ва 87 киши терговга тортилади. Ана шу даврдан бошлаб у ўзини ҳимоя қилиш мақсадида кўплаб мақолалар билан матбуотда чиқишилар қилди. “Хотиралар”га киритилган мақолаларда у ўз бошига келаётган кора булатларни ҳайдашга ҳаракат қилғанлигини кўрамиз. Уларда буюк мутафаккир ишонган кишиларидан озор чекканини, бир маслак, бир мақсад йўлида қурашишга аҳд қилғанлар ўз жонлари қайғусида сотқинлик қилғанларини ҳам яширмайди. Ўзини барча ҳолатларда миллат фидойиси, халқининг маърифатли бўлишини орзу қилған шахс сифатида намоён этади, Ватанга муҳаббати чексизлиги, ана шу Ватанини озод ва обод кўриш ниятидалигини баён этади.

1930 йилининг 30 майида қамоқда пайтида туриб Шарқий бўлим вакили Агидуллинга ёзган аризасида ҳам маърифатчилик фаолиятида миллат қайғусида ёнғанлигини, айни пайтда большевиклар сиёсатини маъкуллашини айтиб, унинг сиёсий фаолиятигаadolat билан баҳо беришни сўрайди. Халқини, миллатини севган фидойи инсон ҳали Ватан равнақи учун хизмати зарурлигини хис этиб, иғво ва бўхтондан иборат “айб”ларни бўйнига олишга мажбур бўлади. “Энди ихтиёrim сизнинг қўлингизда, ўлдирсангиз, мана бошим, агарда ўз ҳимоячангизга олиб ишлатаман, десангиз, қолғон умримни фирқанинг ва шўроларнинг сиёсат манфаатигагина сарф этиб, эски гунохларимни ўз қўлим билан тозаламокка тайёрман”, дейди. Аммо бу тавба-тазаррулар эътиборга олинмайди.

Мунаввар Қорининг миллий уйғониш даврининг буюк кишиси бўлғанлигини бир шогирдининг 1934 йил январь ойидаги “Ёш Туркистон” журналида босилган мақоласидаги эътирофдан яхши англаш мумкин:

“Тарихни шахслар яратади, Тарих таржимаи ҳоллардан, айникса, атоқли кишиларнинг таржимаи ҳолларидан иборатdir, дейдилар. Менимча, биз ҳам Туркистон тарихининг ўтган аср сўнгидан бошланган уйғониш даврини бошлаб Мунавварқори яратди ва Туркистон тарихининг жадидчилар даври бошдан

охиригача Мунавварқорининг таржимаи ҳолидан иборатдир, десак янглишмаймиз”<sup>79</sup>.

Миллатнинг буюк фидойиси авлодиарга колдирган илмий-адабий мероси, ижтимоий-сиёсий фаолиятдаги жасорати билан халқимиз калбida абадий яшаб қолади.

*Бахром ИРЗАЕВ*

Қатагон курбонлари хотираси давлат  
музейи, тарих фанлари бўйича фалсафа доктори

## МУНАВVAR ҚORI АБДУРАШИДХОНОВ ВА УНИНГ ПЕДАГОГИК МАКТАБИ ТАРИХИДАН

Мунаввар кори Абдурашидхонов 1878 йил Тошкентнинг обрўли хонадонларидан мактабдор ва мударрис Абдурашидхон Сотиболдикон ўғли оиласида учинчи, кенжা фарзанд бўлиб дунёга келган. У отасидан эрта айрилиб, илк сабоқни онаси Хосият отин Хонхўжа эшон кизидан олган. Унинг болалиги Чор мустамлакачи маъмурларининг маҳаллий халққа жабру-зулми кундан кун ортган, миллий қадриятлар оёқ-ости бўла бошлаган бир даврга тўғри келди. Мунаввар кори бошлангич таълимни замонасининг етук муаллимларидан Усмонхон домладан олди ва қисқа мuddатда Куръони Каримни тўлиқ ёд олиб, кори сифатида элнинг эъзозига муносиб бўлди. У олий таълимни Тошкентдаги Юнусхон мадрасасида бошлаган ва 1895 йилдан Бухорои Шарифдаги машхур Мир Араб мадрасасида давом эттирган.

Мунаввар кори Тошкентда яшаган давридаёқ, татар тараққий-парвари Исмоилбек Фаспиралининг жадидчилик гоялари ҳақида бир қадар маълумотга эга бўлган. Бироқ, унинг узил-кесил тараққийпарварлар сафига киришида, жадидларнинг пешкадамига айланнишида айнан “ислом динининг қуббаси” деб таърифланган Бухорои Шарифда кечган талабалик даврининг ўзига хос ўрни бор десак хато бўлмайди. Аввало, Мунаввар кори Абдурашидхонов борган ярим мустамлака Бухоро билан унинг тасавуридаги “Бухорои Шариф” бир бирига умуман мос келмасди. Боиси, бу даврга келиб, устозлари “илмнинг машъали” деб таърифлаган

<sup>79</sup> Бегали Қосимов, Миллий уйғониш, Жасорат, Маърифат, Фидойилик, Тошкент, “Маънавият”, 2002 й. Б.234-235.

Бухоро мадрасаларида аллақачон таълим сифати пасайган, тала-балар китоб қолиб, унинг ҳошиясини ўкиш билан чекланишар эди. Халқ эса ҳар куни бир бидъатга гирифтор бўлиб, фиску фужур авжига чиқкан эди. Бухорода турли Шарқ давлатларидан келган талабалар, жаҳонгашта сайёхлар-у савдо аҳли билан кечган сухбатлари давомида ёш Мунаввар қори яна бир карра англади-ки, бу замонга келиб, бутун Шарқ ғафлат уйқусига кетган, бундан фойдаланган мустамлакачилар унинг мулкига эга, эркига ҳоким бўлиб олган экан. Мунаввар қори бу шаҳарга келиб, ўзига ҳамфирк инсонлар билан ҳам танишиди. Зеро, мугафакир Аҳмади Дониш, домла Икромиддин Ўроқ, Садри Зиёдек етук уламолар ўз асарларида, маърузаларида ўлкада юз бераётган миллый таназзулнинг бош сабаби айнан халқнинг илм-у маърифатдан узоқлашгани ва жаҳолат боткогига ботганида деб кўрсатишар эдилар. Шундан сўнг Мунаввар қори Абдурашидхонов факат маърифат билан миллат таназзулнинг олдини олиш мумкин деган қатъий хуносага келади. Табиатан мулоҳозакор, ўта зукко бўлган Мунаввархон шахсининг шаклланишида юқоридаги омиллар муҳим аҳамият касб этган.

Ҳақикатан ҳам ўтган асрнинг бошларига келиб Туркистон дунёнинг энг қолоқ минтақаларидан бирига айланиб колган эди. Қарийб, ярим асрдан буён давом этаётган Чор империяси мустамлакачилиги шароитида ўлкада иқтисодий талон-тарожликлар, ижтимоий зулм ва таҳкирларнинг кети узилмади. Натижада миллый иқтисод бутунлай инқирозга юз тутди. Ҳунармандлар касодга учради. Туркистонда вакфларнинг давлат томонидан мусодара этилиши билан асрлар давомида шаклланган маориф тизими издан чиқди. Халқнинг майший турмуши ночор, мадраса ва мактаблар аброр ҳолга тушди.

Бир замонлар жаҳон илм-фанининг маркази бўлган ўлкада XX аср бошларига келиб, яъни айрим ривожланган мамлакатларда саводхонлик юз фоизга яқинлашаётган бир пайтда Туркистонда мавжуд мактаблар худди ўрта асрлардагидек масжидлар айвонида, хужраларида, мозор ва кориҳоналар кошида, айрим ҳолларда эса ўқитувчиларнинг ховлисида маҳалла аҳли томонидан ҳашар йўли билан курилган пастқам биноларда фаолият олиб борар эди. Мактаблар учун маҳсус дарслик ва дастурлар бўлмасдан, ўқитувчилар ўз билимлари ва тажрибалари таяниб иш кўрар эдилар. Ўқувчилар одатда похол, бўйра, олача ёки кигизлар ташланган ерда

чўкка тушиб ўтирган ҳолда дарс олишарди. Бир гурухда турли ёшдаги, билим даражаси турли бўлган ўқувчилар “тахтахон”лар, “абжадхон”лар, “ҳафтиякхон”лар биргаликда ўқир эдилар. Тўрда кўрпода ўтирган муаллим тонгдан пешингача вазифани тинимсиз тақрорлаётган ўқувчиларни назорат қиласр эди. Ўқувчилар пешинда овқатланишиб, кейин яна дарсни давом эттирганлар. Албатта, бу хил таълим ўқувчиларнинг тез ҷарчашига, безорланишига олиб келарди. Танаффусиз муттасил олиб борилган дарслар жуда оғир бўлиб, кўпчилик ўқувчилар мактабни деярли саводсиз ҳолда битириб чикар, ёдлаб олганларни ҳам тақрорламагани, амалиётта жорий этолмагани учун кўп ўтмаедан унугашга маҳкум эдилар. Мавжуд рус-тузем мактаблари ҳам миллий тарбия тизимиға зид бўлиб, ўлкани зимдан руслаштиришга қаратилган эди. Бу эса оддий ҳалқнинг маорифга нисбатан ишончининг йўқолишига, уларнинг мактабдан безиншига сабаб бўлиб қолаётган эди. Мавжуд вазият кўпчилик зиёлиларнинг жиддий норозилигига олиб келди. Ана шундай бир оғир тарихий шароитда Мунаввар кори Абдурашидхонов Исмоилбек Гаспиали жорий этган “усули савтия”ни қўллаган ҳолда ўзининг тўрт йиллик таълим дастурини ишлаб чиқади. У 1901 йил Шайх Ҳованди Тоҳур даҳасида Мирдодаҳожининг меҳмонхонасида биринчи босқич ибтидоий жадид мактабини очиб, унда Абдусомеъ кори Зиёбоев билан 15-20 ўқувчидан иборат гурухга дарс бера бошлайди. Мунаввар кори Абдурашидхонов бундай янги усулдаги мактаблар тажрибасини кенг ёйиш мақсадида ўзи яшаётган маҳаллада жойлашган Эшонкули додҳо мадрасасида яна бир мактаб очиб, унга Тошкентнинг энг машҳур муаллимларидан Тарновбоши маҳалласидан бўлган Муродхўжа домла Солиҳхўжа ўғлини таклиф этади. 1907 йил Мунаввар корининг тогалари Ҳасанхўжа ва Эшонхўжа Хонийларнинг “Хония” мактабида бўладиган имтиҳонга наманганлик маърифатпарвар қози Исҳоқхон Ибрат таклиф этилади. Эндиғина фаолиятини бошлаган жадид матбуоти ҳам маҳаллий жадид мактабларининг тарғибот минбариға айлантирилди. Натижада 1909 йилга келиб, бундай мактаблар сони Тошкент шаҳрининг ўзида 9-10 тага стади ва уларда Рустамбек Юсуфбеков, Саъдулла кори Абдуллаев, Абдулла Авлоний, Мунаввар корининг акалари Аъзамхон (1872-1919) ва Муслимхон (1875-1954) каби етук муаллимлар иш олиб бора бошлайдилар. Мунаввар кори ўз фаолият

қўламининг факат Тошкент билан чегараланиб қолмаслиги учун Туркистоннинг бошқа шаҳарларида фаолият олиб бораётган фидойи ўқитувчилар билан ҳам тинимсиз алоқада бўлди. Уларнинг тажрибаларини ўрганди ва барча тараққийпарварларни жадид мактаблари учун дарслерлар ёзишга чорлайди.

Мунаввар кори шу йиллар ўзининг икки босқичли таълим дастурини яратади. Унга кўра биринчи босқич беш синфлик бўлиб, унда ижтимоий фанлар билан бирга, табиий ва аниқ фанларни ўргатиш ҳам кўзда тутилган эди. Хусусан, мазкур дастурга кўра тил ва адабиёт фанидан 1-синф ўқувчилари учун дастлаб, Саидрасул Саидазизийнинг 1902 йил чоп этилган “Устоди аввал”, Калининнинг “Муаллими соний” китоблари асосий дарслерлик вазифасини ўтаган. 1907 йилдан Мунаввар кори Абдурашидхонов томонидан нашр этилган “Адиби аввал” ва “Адиби соний” китоблари пайдо бўлди. Шунингдек, кейинги синфларда ўқувчиларга Авлонийнинг “Иккинчи муаллим”, Мухаммаджон Мўминовнинг “Насойих ул-атфол”, Мулло Аҳмадхўжа Эшоннинг “Насойих ул-атфол” ва Мунаввар қорининг топшириғи билан Абдулла Авлоний томонидан тузилган “Адабиёт ёхуд миллий шеърлар” китоблари ўқитилган. 5-синфга келиб ўқувчилар Мунаввар кори томонидан тартибланган “Сабзазор” тўплами, шунингдек миллий матбуотда эълон қилинган шеърлар ва замондош шоирларнинг ижодий намуналарини ўрганар эдилар.

Мунаввар кори Абдурашидхоновнинг бевосита ўзи раҳбарлик килган мактабларда кўпинча камбағал оиласарнинг фарзандлари таълим олар эди. Ўқувчилар учун дарслерлик ва зарурий жиҳозлар Мунаввар қери ташаббуси билан ташкил этилган маорифга ҳомийлик қилувчи “Жамияти имдодия” томонидан берилар эди.

1914 йилдан икки йиллик иккинчи босқич (рушдий) “Намуна” мактаби иш бошлайди. Номидан кўриниб турибдики, мактаб бутун минтақа учун намуна бўлиб хизмат қилиши керак эди. Уни битириб чиккан талабалар асосан кейинги босқични хориж билим масканларида давом эттириши кўзда тутилди. Мунаввар қорининг педагогик маҳоратини кўрган Маҳмудхўжа Бесҳудий “Ойина” журналининг 1914 йил 41-сонида “Мухтарам ёшларга мурожаатнома” номли мақоласида муаллимликка ҳавасманд кишиларни Тошкентта Мунаввар корига боришларини тавсия этган эди.

“Намуна”ни битирган ўкувчилар махсус дастур асосида илм олиб, бу ёшлар хар қандай давлатда ўқиб кета олиши шарт бўлган. Бунинг учун ўкувчиларга рус тили ва бошка ҳориж тилларидан бири мукаммал ўргатилар, уларнинг илмий салоҳияти, уздаабуронлиги ва психологик тайёргарлиги учун алоҳида аҳамият қаратилар эди. Мунаввар қорининг “Намуна” мактабининг ilk қалдиргочлари Абдулҳай Тоҷий, Мирмуҳсин Шермуҳаммедов, Лутфулла Олимий, Файзула Усмоновлар Уфадаги Олия мадрасасида ўқишини давом эттирганлар. Кейинроқ “Намуна” мактаби битириувчилари Боку, Туркия, Миср олий таълим даргоҳларига йўналтирила бошланди. Шунингдек, Германияга йўлланган ёшлар орасида ҳам улар етакчилик қилди. Жумладан, Абдуваҳҳоб Муродий, Аҳмаджон Иброҳимов, Вали Қаюмхон, Тўлаган Мўмин, Тоҳир Шокир, Собир Иброҳимов каби “Намуна” ўкувчилари узок ҳорижда қисқа муддатда ўзларини тиклаб олиб, илм ва амалиёт соҳаларида катта ютуқларни қўлга кирита олдилар.

Мунаввар кори Абдурашидхонов февраль инқилебидан сўнг фаол сиёсий курашга киришади, бироқ, айни пайтда азалий мақсади бўлган маориф соҳасидан ҳам чекинмади. У хар қандай улуғ мақсадга фақат ва факат етук кадрлар орқали етишин мумкинлигини чукур ҳис этар эди. 1917 йил август ойида Мунаввар кори Абдурашидхонов ташаббуси билан Тошкент шаҳрида саккиз ойлик муаллимлар курси очилди. Муродхўжа домла Солиҳхўжаев мудир бўлган бу таълим даргоҳи ўлкада олий таълим сари қўйилган ilk қадам эди. Унда табиатшунослик фанидан Америкада олий маълумот олган Бурхон Ҳабиб, тарихчи Заки Валидий Тўғон, жаҳон тарихидан озарбайжонлик Мухаммад Амин Афандизода каби кўпгина ўз даврининг етук олим ва мударрислари дарс бериш учун жалб этилади. Бироқ, курс фаолиятини бошлиши билан катор иктисадий муаммолар бўй кўрсатади. Мазкур таълим муассасасининг изчил фаолиятини йўлга қўйиш, унинг иктисадий таъминоти, энг муҳими ўқитувчиларни доимий маош билан таъминлаш учун яхшигина дастмоя зарур эди. Мунаввар кори Абдурашидхонов 1917 йил 24 сентябрь куни мажлис чакириб, унга Тошкентнинг иирик бойлари ва таъсири кучли инсонларини таклиф этади. Шу кунинг ўзида 45 кишидан каттагина пул тўпланади ва мажлис якунида янги бир жамоат ташкилоти “Муаллимлар жамияти” тузилганлиги эълон қилинади. Мазкур жамиятга биринчилардан

бўлиб Муродхўжа Солиҳхўжаев, Рустамбек Юсуфбек хожи ўғли, Абдусомеъ Зиёбоев, Шокиржон Раҳимий, Абдулла Авлоний, Мунаввар кори Абдурашидхоновлар кирган эдилар<sup>80</sup>.

1918 йил 12 май куни Мунаввар кори раҳбарлигида Туркистон халқ Дорулфунуни очилгани расман эълон килинади. Уч боскичли таълимга асосланган Дорулфунун қошида яна беш йиллик Дорулмуаллимин ҳам иш бошлаган. Дорулмуаллиминга Мунаввар корининг шогирди Шокиржон Раҳимий раҳбар этиб тайинланади. “Улутбек”, “Турон”, “Ватан”, “Зебу Нисо”, “Навоий”, “Ҳаёт”, “Урфон”, “Учқун”, “Мухторият”, “Машраб” каби ўнлаб мактаблар Дорулмуаллимин тасарруфига олиниб, уларга Сайдрасул Сайдазизов, Илҳом Одилов, Муҳаммадрасул Расулов каби кўп йиллар рус-тузем мактабларида тажриба орттирган педагоглар жалб этилди. Айни пайтда аниқ ва табиий фанларни ўтишда, миллий мактабларда жисмоний тарбия ва ҳарбий таълим фанларини жорий этишда ўлкага келган турк зобитларининг хизматидан ҳам кенг фойдаланилди.

Дастлаб, Мунаввар кори Абдурашидхонов асос солган “Намуна” мактабига турк зобитларидан Ҳайдар Шавкий ўқитувчи сифатида қабул килинган эди. Мактаб қошида Ҳайдар Шавкий раҳбарлигида “Темур” тўдасига ташкил этилади. “Темур” тўдасига Тошкентнинг йирик бойларидан Саъдулла Турсунхўжаев ҳомийлик килиб, унга Низомиддин Хўжаев, Муҳиддин Турсунхўжаев, Қайюм Рамазон, Машриқ Юнусов (Элбек), Ҳамдам Тожиев, Зиё Сайд, Комилжон Алимов, Акбар Аскарий, Тўлаган Мўмин каби иктидорли ёшлар аъзо бўлиб кирган эдилар. Шунингдек, “Темур” тўдаси қошида катталар учун бухгалтерия курси очилди. Курсда Ҳайдар Шавкий, Муҳаммад Одилий, Усмонхон домулла каби Тошкентнинг машҳур муаллимлари дарс бера бошладилар.

1918 йил март-апрель ойларида Туркияда тахсил олган ва ўша ерда ҳарбий хизматга кириб, зобит унвонини олган асли хўжандлик Сайд Аҳорий ҳам Тошкентга кайтиб келади. У “Турон” мактабига ишга киради ва шундан сўнг бу мактаб Абдуваҳҳоб Муродий таклифи билан “Ватан” мактаби деб атала бошлаган. Мактаб ўқувчиларига турк зобитлари гимнастика ва ҳарбий тайёргарликдан таълим берар эдилар. Мактаб қошида катта ёшлилар учун олти ойлик муаллимлар курси ташкил этилади. Унда Сайд

<sup>80</sup> “Турк эли”, 1917 йил 4 октябрь.

Ахрорий, Акмал Икромов, Абдулваҳҳоб Муродий, Салимхон Тиллахоновлар дарс берганлар. Шунингдек, тўда ҳузурида “Қаюхон” номли театр тўгараги ҳам ташкил этилди. Тошкентнинг Эски шаҳар қисмида жойлашган труппа сахнасида Маннон Рамзийнинг “Туркистон хонлиги” каби ватанпарварлик руҳида ёзилган бир нечта пьессалар қўйилди. Тўда аъзолари Тошкент кўчаларида қўлига кизил қийиқча боғлаган ҳолда юрар эдилар.

Шокиржон Раҳимий мудирлигига иш бошлаган “Улуғбек” мактаби Тангриқул ҳожи Мақсудий, Усмонхўжа Тўхтахўжаев каби ном қозонган ўқитувчиларга эга эди. Тошкентнинг Себзор даҳасида жойлашган бу мактабга Шукрибей мудир бўлгач, харбий тайёргарлик дарслари ҳам жорий этилади. “Улуғбек” ва “Мухторият” мактаблари кошида Талъатбек раҳбарлигига “Турк кучи” тўдаси иш бошилади. Мактаб тезда машхур бўлиб, ўқувчилар сони 300 дан ортиб кетди. Ҳаваскор ўқувчилардан иборат мактаб труппаси мактаб сахнасида пуллик театрлар қўяр эди. Мактаб ўқувчилари ҳар куни муаллим Тангриқул ҳожи ёзган турли ватанпарварлик руҳидаги шеърларни ёд айтиб, дарсни бошлашар эдилар. Улар Тошкент кўчаларида маршлар уюштириб, намойишкорона юришлар ташкил этишарди. Мактаб қошида катта ёшли кишилар учун почта-телеграф курси ҳам очилади. “Турк кучи” тўдаси аъзоси, Туркистон почта-телеграф комиссари Гулом Икромовнинг шахсан ўзи курсга раҳбарлик қиласи ва мазкур соҳа учун миллий кадрлар тайёрлашга киришади. Курс тингловчиларига Обид Сайд, тарих фанидан Тангриқул ҳожи Мақсудий, она тили ва адабиёти фанидан Усмонхўжа Тўхтахўжаев, табиатшунослик фанидан Усмонхўжа Эшонхўжаев, аниқ фанлардан турк зобити Чакирӯз Рожий ва бошқалар дарс беришар эди. Шунингдек, Мажид Қодирий дарс берган “Турон” мактаби қошида турк зобити Голиббей раҳбарлигига “Турон тўдаси”, Фози Олимнинг “Турк ўчоги” тўдаси, “Ирфон” мактабида “Тараққиёт дернаги” тўгараклари ташкил этилди. Эшонхўжа Хонийнинг “Ҳаёт” мактабида Камол Шамсибей мудир бўлиб, унда ҳам турк зобитлари дарс берганлар. Тошкент шаҳри ҳудудида мавжуд еттита тўданинг ҳаммаси ўзига мустакил бўлган ва уларнинг ҳар кайсиси ўз мадхияларига эга эди. Умуман, Тошкент шаҳрида бу вақтда мавжуд бўлган 72 та жадид мактабининг кўпчилигига турк зобитлари муаллимлик қилганилар. Бирок, 1919 йилнинг охирига келиб

Туркбюро томонидан бу тўдаларнинг фаолиятига кескин каршилик кўрсатилиб, 1920 йил охирига келиб барча турк зобитлари “харбий асиirlарнинг қайтарилиши” деган баҳона билан советлар мамлакатидан чиқариб юборилади. Факат “Изчилар тўдаси” Ақмал Икромовнинг раҳбарлиги остида 1921 йил сўнгигача ишлашга эришади.

1920 йил сентябрь ойида Боку конференциясига борган Мунаввар кори Абдурашидхонов Тошкентта қайтгач, совет хукумати маъмурлари томонидан Бухорога “йўлланади”. Бухорода вакфидорасида бор йўғи икки ой чамаси ишлагач, яна Тошкентта қайтарилади. 1921 йил март-октябрь ойларида эса муфти Садриддинхон Шарифхўжаев “иши” билан боғлиқ деган баҳона билан совет турмасида сакланади. Мунаввар кори Абдурашидхонов камоқдан озод бўлгач яна бир муддат даволанишга тўғри келади.

1922 йил май ойида талаба ёшлар ташаббуси билан тузилган “Кўмак” уюшмасида Мунаввар кори Абдурашидхоновнинг шоғирди Салимхон Тиллахонов раис бўлди. Уюшманинг асосан чет эл таълим даргоҳларига талабалар йўллаш ва уларга ахолидан пул ва мадад тўплаш билан шугулланар эди. Бироқ, совет маъмурларининг жиддий каршилигига дуч келган уюшма кўп ўтмай амалда ўз фаолиятини тўхтатишга мажбур бўлади. Шундан сўнг 1923 йил январда Мунаввар кори Абдурашидхонов ташаббуси билан Маннон Рамзий, Шокиржон Раҳимий, Захириддин Аълам, Элбек, Шоҳид Эсон, Салимхон Тиллахонов, Абдулҳамид Сулаймон Чўлпон, Холмуҳаммад Охундийлар Тошкентнинг Эски шаҳар ҳалқ маорифи бўлимида “Нашри маориф” ташкилотининг уставини қабул қиласи ва унинг тузилганини эълон қиласидар. 1923 йил 18 январь куни бу хабар “Туркистон” газетасида эълон килинади. “Нашри маориф”га раис этиб, Тошкентнинг Эски шаҳар ҳалқ таълими бўлими мудири бўлган Шокиржон Раҳимий, унинг ўринбосари этиб Мунаввар кори, котиби Миркомил Алиев, газиначи сифатида Сайдносир Миржалиловлар тайинланадилар.

“Нашри маориф” нафакат миллий жадид таракқий парварларини, балки, ўз даврида совет хукуматининг юкори лавозимларида ишлаган Абдулҳай Тожиев, Фани Ҳамидхонов, Абдулла Раҳимбоев, Инъомжон Хидиралиев, Усмонхўжаевларни хам ўз атрофида бирлаштирган эди. Жамиятнинг бевосита аъзо-

лари бўлган Чўлпон, Холмуҳаммад Охундий, Толибжон Мусобоев, Абдулла Авлоний, Салимхон Тиллахонов, Зуфар Носирий, Салоҳиддин Муфтизодалар “Нашри маориф” томонидан амалга оширилган тадбирларда фаол иштирок этадилар. “Нашри маориф” қиска муддатда Туркистоннинг кўплаб шаҳар ва қишлоқларида мактаб ва билим юртлар фаолиятини изчил йўлга қўяди. Ўқувчи ва талабалар учун моддий ва маънавий кўмак беради. Қатор кутубхоналар очди, китоб ва дарслеклар нашр этди. “Ҳақиқат” журнали чоп этишни йўлга қўйди. Шундай хайрли мақсадлар йўлида “Маҳкамай шаърия” билан ҳамкорлик қиласди. Бирок, кўп ўтмай унинг фаолиятига ҳам совет маъмурлари томонидан жиҳдий тўсқинликлар амалга оширилди ва аъзолари очиқчасига таъкиб этила бошлади. 1924 йил январь ойига келиб ташкилотда раис Мунаввар қори Абдурашидхонов ва котиби Гози Олим Юнусовдан ташқари ҳеч ким қолмаган эди. 1924 йил 30 январда “Нашри маориф” ва “Кўмак” бирлашади деган баҳона билан чакирилган мажлисда Шокиржон Раҳимийнинг ташаббуси орқали “Нашри маориф”нинг тагатилғанлиги расман эълон қилинади.

Мунаввар қори томонидан 1914 йилда ташкил этилган “Намуна” мактаби шўролар даврига келиб, 1925 йилгача ҳам минтақадаги энг мавқеи баланд мактаб сифатида фаолият олиб борарди. Унда ҳамон Мунаввар қори Абдурашидхонов, Шоҳид Эсон Мусаев, Шорасул Зуннун, собиқ мударрислар, миллий куй ва қўшиқлардан Али Ардобус каби фидойи муаллимлар дарс берар эдилар. Тоталитар тузум қатағонларидан омон қолган Ойбек, Иззат Султон каби мактабнинг юзлаб ўқувчилари кейинчалик совет даври Ўзбекистонининг барча соҳаларида энг илғор инсонларига олиму мухандисларига айланганлар.

1925 йилдан Мунаввар қори Абдурашидхонов фаолиятига қарши шўро матбуоти қаттиқ ҳужумга ўтади. У 1924-28 йилларда фақат ўқитувчилик фаолияти билан чекланади. 1928 йил совет матбуоти жадид тараққий парварларига қарши ҳужумнинг янги тўлқинини ташкил этади. Шундан сўнг Мунаввар қори педагогик фаолиятини умуман тўхтатишга қарор қиласди. Таъкиб ва тайзиқлар натижасида қолган Мунаввар қори Абдурашидхонов 1929 йил 5 ноябрь куни кўхна Тошкентнинг Шайхонтохур даҳа, Дархон маҳалласи 17-йдан қамоқقا олинди...

Мунаввар қори Абдурашидхоновнинг педагогик фаолиятининг бу кадар самарали бўлишини таъминлаган омилларнинг энг муҳими бу унинг шогирдлари дидир. Шу ўринда уларнинг айримлари ҳакида қисқача тўхталиб ўтишни жоиз деб билди.

**Салимхон Тиллахонов** 1899 Тошкентнинг Девонбеги маҳалласида ҳунарманд оиласида туғилган. Дастраб эски мактабда, сўнг Абдуваҳҳоб Муродий билан бирга Эшонхўжа Хонийнинг жадид мактабида ўқиган. Шундан кейин Мунаввар қорининг иккинчи босқич “Намуна” мактабига ўқишига кириб, 1914-17 йилларда мактабнинг кинчик синфларида ўқитувчилик ҳам қиласи. 1917 йил охирида Салимхон дўстлари Абдуваҳҳоб Муродий, Қаюм Рамазон каби бир неча йигитлар билан бирга Боку орқали Туркияда ўқишини давом эттириш учун йўл оладилар. Бирок, ҳокимиятга келган большевиклар уларни чегарадан ўтишда қўлга олиб, ортга қайтаради. Улар бир муддат Бокудаги зироат мактабида ўқиб, иктисадий муаммолар туфайли 1918 йил бошида ватанга қайтишига мажбур бўладилар. Шундан сўнг Салимхон Тиллахонов Кўкон Мухторияти тугатилиши билан миллий тараққий парварлар томонидан ташкил этилган “Миллий иттиҳод” ташкилотига аъзо бўлиб киради ва устози Мунаввар кори Абдурашидхоновнинг энг ишончли одами сифатида фаолият юрита бошлайди.

1920 йил С.Тиллахонов Бокуда Анвар пошшо билан учрашувда иштирок этади. 1921 йил Бухорога борган Салимхон шўролар мамлакатининг қудратини, унинг нақадар хийлакор ва золимлигини ўз кўзи билан кўради. Тошкентта қайтгач, сиёсий фаолиятига бутунлай чек кўяди ва фақат маориф соҳасида иш олиб бора бошлайди. У 1922 йил Туркистон ҳукумати расмийларининг розилиги билан “Кўмак” уюшмасига етакчилик киласи. 1922 йил С.Тиллахонов “Кўмак” уюшмаси орқали 30 дан ортиқ ўзбек ёшлиарни Бокудаги ҳарбий, зироат, архитектура ва педагогика билим юртларига ўқишига юборади. Уларнинг ичидан кейинчалик машҳур генерал бўлиб этишган Собир Раҳимов, зиёлилар Носир Сайд, Баҳром Ҳайдарий, Абдумажид Иброҳимов кабилар бор эди.



1923-25 йиллар “Нашри маориф” тадбирларида фаол иштирок этади. Бирок, Салимхоннинг бу харакати яна ГПУнинг таъкибига учрайди. Хатто, 1925-26 йилларда у “Туркистанлик” лақаби билан ГПУга ёлланишга мажбур бўлади. С.Тиллахонов 1927-28 йиллар Тошкентдаги молия курсида мудир бўлди. Айни пайтда САГУнинг З-курс талабаси бўлган Салимхон Тиллахонов 1929 йил 6 ноябрь куни Девонбеки маҳалла, 169 уйдан қамоққа олинади...

**Усмонхўжа Тўхтахўжаев** 1886 йил Тошкентнинг Эгарчи маҳалласида эгар ясовчи хунарманд Тўхтахўжа Рафеъхўжаев хона-донида туғилган. У дастлаб ўз маҳалласидаги эски мактабда савод чикарди. Сўнг беш синфлик рус-тузем мактабини ўқиган Усмонхўжа Тўхтахўжаев Тошкент мадрасаларидан бирида тах-сили давом эттиради. У мадраса талабалиги давридаёқ, Эгарчи маҳалласида мактаб муаллими сифатида танилди. У.Тўхтахўжаев 1914 йилдан Мунаввар қори Абдурашидхоновнинг “Намуна” мактабида таҳсил олади ва Муродхўжа Солихов, Самир қори Зиёбоевлардан муаллимлик касби маҳоратини ўрганади. Усмонхўжа Тўхтахўжаевдан кейинчалик СССР МИК раисининг ўринbosари бўлиб етишган Абдулҳай Тожиев, ЎзССР Олий Суди раиси бўлган Саъдулла Қосимов, ўзбек романчилиги мактаби асосчиси Абдулла Қодирийлар ҳам илм сирларини ўргатган эдилар.

Усмонхўжа Тўхтахўжаев 1917-21 йилларда Обидхўжа Шарифхўжаев, Тангрикул ҳожи Мақсадовлар билан жадид тарак-кийпарварларининг “Улуғбек” мактабида ўқитувчилик қиласди. 1918 йил Саид Афанди Ахрорийнинг “Ватан” мактабида “Изчилар” тўдаси томонидан ташкил этилган икки йиллик педагогика курсда ҳам дарс беради. 1918 йил Усмонхўжа Тўхтахўжаев ўзи дарс берадиган “Улуғбек” мактабида “Арман ваҳшийлиги” пьесасини ёзил, ўқувчилар билан саҳналаштиради. 1919 йил 25 сентябрь куни ўзи ёзган “Қаҳрамон чавуш” фожиасини мактаб ўқитувчилари ва ўқувчилари ижросида Тошкентнинг Эски шаҳар кисмидаги жадидларнинг “Қаюхон” театри саҳнасига олиб чиқади. Ватанпарварлик туйгулари билан тўлиб тошган бу асарнинг дунёга келишида, албатта, мактаб мудири Турди Шукрибек ва бошқа турк ҳарбий офицерларининг ҳам таъсири катта бўлган.

1921 йил Усмонхўжа Тўхтахўжаев, Обидхўжа Шарифхўжаев ва Тангрикул ҳожи Мақсадийлар Тошкентда совет маъмурлари томонидан маълум тазийкларга дуч келгач, Мунаввар қори таклифи

билан Бухорога йўл олади. Усмонхўжа Тўхтахўжаев Бухоро Ҳалқ Республикаси Маориф Нозирлигига мактаблар бўлимида услубият бўйича мудир бўлиб иш бошлайди. Бироқ, касалликка чалингани туфайли кўп ўтмай Тошкентга қайтишга маъжбур бўлади. Усмонхўжа Тўхтахўжаев 1921-22 йиллар Тошкентдаги хотин-қизлар билим юртида директор, 1922-24 йилларда Тошкент шахар ижроқўмининг сиёсий оқартув бўлимида мудир, Тошкент уезд вақф бўлими кошида ташкил этилган қишлоқ ишчилар тайёрлов курсида мудир ўринбосари ва муаллим вазифаларида иш олиб боради. Айни пайтда 1923 йил Мунаввар қори Абдурашидхонов томонидан ташкил этилган “Нашри маориф” жамиятидаги ҳам фаол иштирок этади. Жамият қисқа муддатда катта ишларни амалга оширади. У.Тўхтахўжаевга Германияда ўқиётган собиқ ўкувчи Абдуваҳҳоб Муродий кўплаб хатлар ёзади. Унда Туркистонда маорифни ривожлантириш юзасидан ўз мулоҳазаларини баён этади.

Усмонхўжа Тўхтахўжаев 1926 йил ноябрь ойидан Сирдарё вилоятининг Ховос туманида ижроқўм раисининг ўринбосари лавозимида ишлаб, компартияга аъзо бўлди. Бироқ, унинг партия соҳасида ишлаб кетишига ҳам маълум тўсқинликлар бўлади. У 1927 йил август ойи бошларида Тошкентга келиб, яна хотин-қизлар педагогика билим юртида жамиятшунослик фанидан дарс бера бошлайди. 1929 йил 28 сентябрь куни Эгарчи маҳалласи №42 ўйдан Мунаввар қори Абдурашидхоновнинг шогирди, сафдоши Усмонхўжа Тўхтахўжаев қамоққа олинди...

**Шорасул Зуннун** 1899 йил Тошкентнинг Себзор даҳаси, З-Кадиобод маҳалласида савдогар оиласида таваллуд тоғган. У дастлаб эски мактабда савод чикарган, сўнг рус-тузем мактабида ўқиган. У Мунаввар қори Абдурашидхоновнинг “Намуна” мактабини битириши билан муаллимлик фаолиятини бошлаган. Ўкувчиларда миллий рухни оширишга интилган Ш.Зуннун дарсларида Ҷиё Кўкалпининг “Туркчилик асослари”, Купрулизоданинг “Турк әдабиёти тарихи” китобларидан, Чўлпон, Фитрат, Элбек, Ойбек, Жулқунбойларнинг ижодидан кенг фойдаланган. Унинг ҳар бир дарси баҳсу-мунозараларга бой бўлиб, ўкувчиларнинг бир умрга ёдида қолар эди. Шорасул Зуннун тишлишунос сифатида 1925 – 1926 йилларда Мунаввар қори Абдурашидхонов, Шоҳид Эсон Афандилар билан бирга “Тил қоидалари” асарини чоп эттирадилар.

Тошкент тараққийпарварларининг фаол вакили Ш.Зуннуннинг 1928 йил Эски шаҳар комсомол конференциясида чиқиши жиддий мунозарага сабаб бўлди. Совет хукумати унинг тўғри танкидини қабул қила олмади, аксинча матбуотда уни миллатчиликда айблаб кўплаб мақолалар ташкил этилди. Ҳеч бир айбловсиз, тушунтиришсиз Ш.Зуннун мактабдан четлаштирилди.

1929 йил 5 ноябрь куни фидой ўқитувчи ва ватанипарвар инсон Шорасул Зуннун қамоққа олинди...

**Тангриқул ҳожи Максудий** 1991 йил Тошкентда туғилган. Тангриқул 6 ёшида отасидан етим қолиб, тогаси Мухиддинхўжа Мирзабеков кўлида тарбия топди. Аввал эски мактабда, сўнг Бегларбеки ва Кўкалдош мадрасаларида таҳсил олди. У 1911 йил Афғонистон, Ҳиндистон орқали ҳажга бориб, қайтиша Ҳиндистон олий таълим даргоҳларидан бирида ўқишини давом эттироқчи бўлади. Бироқ, унинг иқтисодий томонини ҳал этишда имкон топилмайди. Тошкентга қайтгач, Содик Абдусатторовнинг жадид мактабида, сўнг Мунаввар корининг “Намуна” мактабида ўқиб, жадид тараққийпарварлари сафига кўшилади. 1916 йил “Ислож” журналида “Европалашув керак” деган мақоласи билан кўпчиликнинг тилига тушди. Тангриқул ҳожи 1917 йилдан Усмонхўжа Тўхтахўжаев, Қаюмхўжа Алиевлар билан “Улуғбек” мактабида дарс бера бошлиди. Фитратнинг “Чигатой гурунги”да ҳам фаол иштирок этиб, кўплаб шеърлар битди, “Эски мактаб” номли пьесса ёзди.

Тангриқул ҳожи Максудов факат ўқитувчилик фаолияти билан чекланмади. У ватанипарвар инсон сифатида Туркистоннинг ҳом ашё базаси бўлиб колаётганига чидай олмади. Айника, 1925 йил муаллимлар институтининг умумтаълим курсида ўқиши жараённида шўро хукуматининг Ўзбекистонда амалга ошираётган қизил мустамлакачилик сиёсатига карши кескин мулоҳазаларини илгари суради. Шу жараёнда Тангриқул ҳожи Максудий ҳам совет хукумати маъмурларининг “душман”лари рўйхатидан жой олди. С.Тиллахоновнинг қайд этишича, жадид тараққийпарварлари орасида Тангриқул ҳожи ўзининг ҳар жиҳатдан комиллиги билан факат Мунаввар қоридан кейинги иккинчи ўринда турар эди...

Тангриқул ҳожи Максудов 1929 йил 6 ноябрь куни Шайхонтохур даҳаси, Раис кўча 63-йдан қамоққа олинади...

**Абдуваҳҳоб Муродий** 1901 йил 29 май куни Тошкентнинг Эгарчи маҳалласида таваллуд топган. Дастреб Эшонхўжа Хонийнинг “Хония” (кейинчалик “Ҳаёт”) мактабида, сўнг Мунаввар корининг “Намуна” мактабида ўқиган. Мунаввар қори томонидан Абдуваҳҳоб Муродий 1915 йил Наманган шаҳрига ўқитувчи сифатида йўлланади ва бир йил у ерда ўқитувчи бўлиб ишлайди. 1916 йил мардикорликка карши ҳалқ қўзғалонида тарғибот ишларида иштирок этади. Муродий 1917-18 йилларда Тошкент мактабларида ўқитувчилик қилиган. У 1919-20 йиллар “Машраб” мактабида мудир бўлиб ишлайди. Шундан сўнг “Муаллимлар жамияти” кўмагида хорижда таълим олиш учун йўлланади.



Абдуваҳҳоб Муродий 1920-21 йиллар Афғонистонда бўлиб, 1921 йил июлида Германияга етиб келади. Бу вактда Германияда на татар, на қозоқ, на ўзбек талабалари бор эди. 1922 йил Германияга Туркистондан талабалар етиб келадилар. А.Муродий 1921-26 йиллар Берлинда кишлоқ хўжалиги олий мактабида олий маълумот олади. Тўрт ой давомида Мисрда пахтачилик соҳасида амалиёт ўтаб, 1927 йилда Ватанга қайтиб келади.

Муродий Ўзбекистонга қайтгач, совет хукумати идоралари томонидан ишонсиз деб топилади ва бир ярим йилга якин деярли ишсиз қолади. Бу вактда “Ўздавнашр” раиси бўлган Сайд Аҳмад Назирий А.Муродийга ўз хизматини таклиф этади. Келишувга кўра А.Муродий нашриётга “Ботаника”, “Пахта етиштириш усуллари” каби бир нечта китоблар ёзиб беради. Нашриёт уларни чоп этиб, А.Муродийга Тошкентдаги дўконидан хоҳлаган китобини олиши учун имтиёз беради.

Муродий Германияда таҳсил олган Туркистон ўшларининг мақсади ҳакида ўзининг сўрок баённомасида: “... Биз Германияда фақат бир нарса ҳакида ўйлар эдик. Аввало хорижий тилларни ўрганиб, Оврўпо илм-фани ютукларини мамлакатимизга олиб кирамиз дер эдик. Шу мақсадда тил курсларини тутатиш билан тездан энг иқтидорли йигитларни имкон қадар турли-туман саноат ва илм-фан жабҳаларига кенгроқ тақсимладик. Шу билан бирга ўша илмларнинг асосларини мукаммал эгаллаш, туркий тилда

уларнинг терминологик лугатларини тайёрлаш, керак бўлганида ўзимизда янги авлодни етиштириш учун ўша фан ва ҳунарларнинг ўқитиш усулларини ўзлаштиридик. Китобларини тўплаб кенгроқ маълумотларни ўзлаштиришга, таржималар қилишга интилдик. Мақсад Ватанга катта илм билан қайтиш эди. Бироқ, бизга нисбатан тайзиқни кун сайин кучайтириб боришиди. Ҳатто, бир килем ёшлилар мамлакатга қайтиб бориш фикридан қайтиш даражасида кўрқиб колдилар..

Мен Туркияда кўплаб танишлар орттирганман, менга у мамлакатнинг паспорти берилган эди. Бироқ, Оврўпога Ватан равнаки учун хизмат қиласман деб йўл олган эдим. Мени Ватанга ҳам фақат унга фойдам тегади деган мақсад стаклаб келди. Ватанимда осон бўлмаслигини билганим ҳолда қайтдим. Тирик қолсам Ватанимда яшайман, акс ҳолда унга хизмат килиб ўласман ...” дейди. Албатта, ватанпарварликка бундан улуғ мисолни келтиришнинг бошқа имкони бўлмаса керак.

**Сайд Аҳмад Назиров** 1904 йил Тошкентнинг Занжирилик маҳалласида таваллуд топган. Сайд Аҳмад Мунаввар қори Абдурашидхоновнинг “Намуна” мактабининг энг иқтидорли ўқувчиларидан бири бўлган. У мактабни битиргач, акаси жадид тараккийпарварларининг фаолларидан Отахон Назировнинг савдо дўконларини юритиш учун Андижонга юборилади. У 1916-17 йилларда “Шўрои ислом”нинг Андижон бўлимига қарашли “Умид” кутубхонасида ишлаган. Бир муддат Кўқонда ўқитувчилик ҳам киласди.

Сайд Аҳмад Назирий 1918 йил Тошкентда Сайд Аҳрорий раҳбарлигидаги “Изчилар” тўдаси томонидан очилган муаллимлар курсида ўқиди. 1921 йил Тошкент ишчи факультетига кирди. Айни пайтда Усмонхон Эшонхўжаев раҳбарлигидаги фаол ёшлар гурӯҳида советларнинг “қизил империя”ча сиёсатига, нахта яккахокимлигига қарши чиқади ва кадрларни маҳаллийлаштириш масаласини илгари сурадилар. Бу пайтда Сайд Аҳмад Назирий мухарирлигига нашр этилган “Армуғон” журнали ҳамон кўпчиликка манзур.



1922 йил “Кўмак” уюшмасининг энг фаол ташаббускорларидан Саид Аҳмад Назиров Кўконда бўлиб, “Кўмак” уюшмаси фойдасига пул йигишида иштирок этади. Сентябрь ойига келиб, бошқа ёшлар катори ўзи ҳам Ленинграддаги Зиновев номидаги комуниверситетда ўқишни бошлайди. Бирок, кўп ўтмай дипломат бўлиш ниятида ўқишни Ленинград жонли Шарқ тиллари институтидаги давом эттиради. У 1924 йил таҳсилни якунлаб, Ўзбекистонга келади. Саид Аҳмад аввалига Маориф халқ комиссарлиги ҳузуринда Элбек раҳбарлик қилаётган билим кенгашида котиб бўлиб иш бошлади. Сўнг ГУСда коллегия аъзоси ва раис бўлади. Ўта шижаатли Саид Аҳмад Маориф халқ комиссари Раҳим Иноғомов томонидан коллегия аъзолигига қабул қилинади ва 1927 йилгача Ўзбекистон давлат наприётига раислик қиласди. У ўз атрофига Фитрат, Элбек, Санжар Сиддик, Қаюм Рамазон, Чўлпон, Абдулла Қодирий, Шорасул Зуннун, Бўлот Солиев каби стук мутахассисларни жамланган эди. Шу йилларда Чўлпоннинг “Ёрқиной”, “Тонг сирлари”, “Булоқлар” каби шеърий тўпламлари, Фитрат, Элбек А.Қодирий каби миллий зиёлиларимизнинг катор асарлари катта нусхада чоп этилади. У раҳбарлик қилган вақтни “Ўздавнашр”нинг “олтин даври” дейишар эди. Саид Аҳмад Назиров “Инкилоб”, “Маориф ва ўқитувчи” журналларининг таҳrir ҳайъатида бўлди, “Қизил қалам” уюшмасига кириб, унга Фитрат, Элбек, Чўлпонларни жалб этди. Бироқ, унинг авжи фаолияти “қизил мустамлакачи”ларнинг мақсадига мос келмас эди. Саид Аҳмад Назиров СредАзбюро раҳбарияти томонидан “Ўздавнашр” раислигидан ишдан олинниб, Москвадаги Плеханов институтига ўқишга юборилади. 1928 йил унинг Москвага келиши билан ўзбек талабаларининг илмий тўгараклари яна ривож топади. Саид Аҳмад Назиров барча ўзбек талабаларни уюштириб ўз йўлига солади.

Саид Аҳмад Назиров Москва текстил институтининг муҳандис-иктисодчи факультетининг 4-босқичини тугатиш арафасида Москва шаҳри, Большой Патриотский переулок, 4-уй, 15 хонадондан қамоққа олинади...

**Ходиев Махмуд Мақсадович Боту** 1904 йил Тошкент шаҳрида туғилган. Боту аввало жадид мактаби ва “Намуна”нинг ўқувчиси. Рус-тузем мактабида рус тилини ўрганди. XX асрнинг энг ёркин истеъодларидан бўлган Ботунинг шаклланишида қайноқ Тошкент мұхити, Мунаввар кори Абдурашидхонов мактаби

ва Фитратнинг адабий оламининг таъсири катта бўлди. 1919 йил комсомолга кириб, совет бошқарувига аралаши. Жуда ёш бўлишига қарамай, 1920 йил сўнгидан Бухоро компартиясида котиб ҳамда 1921 йилдан Тошкент туман ёшлиар қўмитасида мухаррир, 1921-22 йилларда Фарғона вилояти партия қўмитаси газетаси мухаррири вазифаларида иш олиб борди. 1922 йил, Туркистон Республикаси Миллатлар халқ комиссарлиги раёсати мурожаати билан Москвадаги Покровский номидаги ишчи факультетига ўқишига қабул қилинади. У рабфакни 1923 йил 6 июлда муддатидан аввал тутагиб, олий таълимни 1922-26 йилларда Москва давлат университетининг ижтимоий фанлар факультети иктисод бўлимида давом эттиради. 1926 йил 9 декабрда МДУ дан олий маълумот тўғрисидаги дипломни қўлга киритган Боту ишни 1927-28 йилларда Самарқанд шаҳрида ЎзССР компартияси Марказий кенгашининг нашриёт бўлими мудири вазифасидан давом эттиради. 1928-29 йиллар Самарқанд округ компартиясида ишлаб чиқариш маъмурияти мудири, 1929 йил февраль ойидан август ойигача “Аланга” журналиниң бош мухаррири ва 1929 йил август ойидан ЎзССР Маориф халқ комиссари ўринбосари лавозимларида фаолият кўрсатди.

**Собир Қодирий** 1900 йил Тошкент шаҳрида таваллуд топган. Мунаввар кори Абдурашидхоновнинг бевосита шогирди, аввалига унинг ибтидоий мактабида, сўнг “Намуна”да ўқиган. 1918-20 йилларда Тошкентда биринчи босқич ибтидоий мактабида ўқитувчи, сўнг мудир вазифаларида ишлаган. 1920-23 йиллар Тошкент муаллимлар институтида ўқиди. 1923-24 йиллар Москва-даги педагогик курсларни ўкиб келган. 1924-27 йилларда Тошкент муаллимлар институтиning директори, 1927 йилдан Самарқандда НКП профобразованияда бўлим мудири бўлди. 1929 йил апрелдан ЎзССР Маориф комиссар бўлиб фаолият олиб бора бошлайди. Бирок, 1929 йил июл ойида ишдан четлатилиб, қамоқقا олинди...



**Шокиржон Раҳимий** 1898 йил Тошкент шаҳрида туғилган. Отасидан жуда ёш айрилган Шокиржон ва Собиржонларни онаси Шарофат ая тикувчилик қилиб оёққа кўйди. Мунаввар қори Абдурашидхоновнинг беш синфлик биринчи босқич ва рушдий “Намуна” мактабларида таҳсил олган Шокиржон Тошкентнинг энг илғор ёшлидан бирига айланди. У дастлаб Муҳаммадхон Пашаҳўжаев раҳбарлик қилган тараққийтарварларнинг “Турон” жамияти тадбирларида фаол иштирок этди.



1917 йил “Турон” жамияти негизида Туркистондаги илк сиёсий партия “Турк адам марказияти” дунёга келди. Шокиржон Раҳимий 1917 йилнинг охиригина ойларидан Тошкент уламоларининг энг илғор қисмини ўзида бирлаштирган “Фуқаҳо” жамиятининг котиби сифатида иш олиб борди.

Жадид матбуотида ўз қалами билан танилиб улгурган Шокиржон “Туркистон мухторияти”ни жон жаҳди билан ҳимоя қиласди. Бироқ, у большевиклар томонидан қонли бостирилгач яна маорифга кўйтди. Мунаввар қори томонидан очилган Дорулфунун қошидаги Дорулмуаллиминга раҳбарлик қиласди. 1922 йил Тошкентда очилган маориф институтини битириб, олий маълумотли педагог, тишишунос дипломини кўлга киритди. Аввалига кўрлар мактабида ўқитувчи ва услубиятчи бўлган Шокиржон, 1923 йил Тошкент вилоят халқ таълими бошқармаси мудири лавозимига тайинланади. Айни пайтда Мунаввар қори Абдурашидхонов ташаббуси билан ташкил этилган “Нашри маориф” жамиятига ҳам раҳбарлик қиласди. Ш.Раҳимий 1927 йилдан Тошкент ишчи факультети директори, 1928 йилдан ўзи таҳсил олган муаллимлар институтида мудири, “Ўзбекистон” нашриётида мудир лавозимларида меҳнат қиласди.

Ш.Раҳимий 1924 йил биринчи миллий календар яратди. Мактаб ўқувчилари учун биринчи ўзбек алифбеси “Совға” ва “Ислом тарихи” китобларининг муаллифи бўлди. У ўлкада саводсизликни тутатиш мақсадида “Катталар йўлдоши”, “Яшасун Туркистон”, “Батраклар алифбоси” каби кўплаб тўпламларни нашр этди. Ш.Раҳимийнинг тишишунос сифатида ҳам каттагина илмий

мероси мавжуд. Жумладан, О.Хошимнинг таклифи билан ўзбек тилида сингормонизм ҳодисасини ўрганди, шунингдек, ўзбек тилининг терминлар лугатини яратиш устида катта ишларни олиб борди.

**Мусаев Шоҳид Эсон** 1884 йил Тошкентда оддий хунарманд оиласида дунёга келган. Эски мактаб ва мадраса таълимидан сўнг Шоҳид Эсон Мунаввар кори Абдурашидхоновнинг ёнига кириб, бевосита унинг раҳбарлиги остида унинг ибтидоний мактабида дарс бера бошлайди. Шоҳид Эсон олий таълимни давом эттириш мақсадида 1917-1922 йилларда Туркияда бўлиб, Истамбул университетининг педагогика факультетини битириб қайтади. Туркиядан қайтгач, дастлаб, Тошкент вилояти муаллимлар билим юргида ишлаб, “Кўмак” ва “Нашри маориф” ташкилотлари тадбирларида фаол иштирок этди. 1926 йилдан “Навоий” мактабида дарс бера бошлаган Шоҳид Эсон Мусаевга карши совет матбуотида уни миллатчиликда айблаб бир нечта мақолалар босилади. У муаллимлик фаолиятини умуман ташлаб Тошкент шаҳар кутубхонасида ишлай бошлайди. Бироқ, бу ҳам Шоҳид Эсонни қуткариб қола олмади. У 1928 йил 12 ноябрда “Миллий иттиҳод” ташкилоти аъзоси сифатида қамоққа олинади...

Биз юқорида номларини келтириб ўтган инсонларнинг барчаси Мунаввар кори Абдурашидхоновнинг илмий жамоасини юзага келтирган ва уларнинг ҳар бирининг алоҳида ва жамоавий ҳолда амалга оширган илмий-ижодий, педагогик фаолиятлари хақида афсуски ҳамон жуда кам ахборотга эгамиз. Албатта, бу биздан жиддий тадқикотни талаб қилади. Қуйида Шоҳид Эсоннинг Туркистон мабуотида нашр этилган айрим мақолаларини эътиборингизга тақдим этамиз. Унинг “Ҳақиқат” журналида чоп этилган “Тарбия” мақоласида “Наби муҳтарам ҳазратлари: “Ҳаммангиз чўпонсиз ҳаммангиз подаларингиздан масъулсиз” демак ила гоят кенг бир тарзда тарбия асосини ўн тўрт аср бурун қурғандирлар деб бўладир. Демакки, бир биримизнинг тарбияларимизга алоқадор, бир биримизнинг тарз ҳаракатимизнинг жасамият



аъмолига, умумий вижедонга түгрилаб ишламакка чақирилғанмиз” деб тарбиянинг нақадар мухим ишилигига тұхталағы. Фикрини давом әттириб, тарбияни таълим билан узвий ҳолда күради ва “Бу нұқтада мутафаккирларға әхтиёжс бордир. Мураббий ва муаллим-лар эрса мутафаккирларнинг күрсатған үйларидан юрмоқта мағжбурдирлар. Шундоқ бүлгандың умумий ва назарий қисмни мутафаккирларға, табдиқ жесіхаты эрса мураббий ва муаллим-ларға қолур. Муаллим ва мураббийларни бир құшинға үхшатсақ мутафаккирларни ҳам бу құшиннинг құмандонларига үхшата оламиз. Құшуннинг құмандонға әхтиёжсі қандай бўлса, мураббийларнинг ҳам мутафаккирларға әхтиёжсі шунчаликдир. Құшун фардлари ҳарбий қўзғолишни бошқаролмаганидек ҳар бир мураббий ва муаллим ҳам тарбия ва фикр ишларини тамоми билан идора қила олмас. Негаким тарбия масъаласи ижтимоий ва руҳий масъаладир. Биноалайҳ кўп кенг ва қоришиқдир. Бу йўлда аҳлият ва маҳорат әгоси бўлмоқ учун узун замон тиришимак лозимдир” дейди. Мавжуд вазиятни жаҳон билан таққослаб, “Бу кун маданий мамлакатларнинг ҳар бирисида тарбия түгрисида ҳисобсиз кўп китоб ва мајмуалар ёзилмоқда ва нашир этилмакда. Улуғ мутафаккир олимлар иш бошида ўтириб юрт ва элларида фойдалик үйларини күрсатмоқдадирлар. Сўз биз Туркистон турклари устига кўчирилғанида эрса тарбиявий ҳаракатларимизда раҳбарлик қила оладирган на бир мутафаккир ва на бу йўлда ёзилған бир асар бор. Шунинг ила баробар биз бугун тириклигимиз ва яшашимизнинг ўзгарыши түгрисида әхтиёжларимизни сеза бошладик. Лекин, қай ийсунда ўзгарышимиз, қайси йўлда ва қайси мақсадга қараб кетмагимиз керак? Мана бу масъалалар ҳануз бизга очиқ эмас, хейли мавхум ва маъжұлдир.

Уибу янги ҳаёт йўлида бизга ёрдам қиласидирган раҳбарликка әхтиёжимиз улугдур. Ажабо, бизга чин мутафаккирлик қайси ийсунда ва қайси муассасалардан етишур. Бу кунги мухим ишларимиздан биттаси уибуни ҳал қилимоқдир. Маҳкамай шаърияримиз ҳам мадрасалар ислоҳотига киришимасдан илгари бу масъалани текширмак ва қатъий бир натижага боғламоқ маజбуриятида бор. Ислоҳотининг самарали бўлиши бўлмаслиги ҳам бу түгрида берилатурғон қарорга боғлиқдур. Нима бўлса ҳам бир мақсадга келайлик (Таъқид бизники – муаллиф). Шундан сўнг муаллиф мақсадга кўчади ва Тарбия нимадир? Нима деган сўздир?

Ажабо? Тарбия демак одоб маширатни билган мутавозеъ, назокатлик, зариф киши демакмидир? Тарбия усулини тайин этмасдан шлари бу усулини турлик кимсалар қандай англадилар” деб савол күяди. Айни вактда жавоб топиш максадида инсоният тарихига юзланади. Бу нүктада олим сўзни ибтидоий эскимос қабилалари турмуш анъаналаридан бошлаб, унинг фан даражасигача кўтирилишигача эсга олади ҳамда мавжуд тарбия назарияларини таҳлил этиб, улар билан баҳс олиб боришга киришади: “Тарбия башарият билан баробар туғулгандир, башарият баробарида эскидир. Энг ибтидоий бир қавмдан бошлаб то маданий-сигача ҳаммасида ҳам тарбия иши мавжуддир. Эскимоларнинг ҳаёти ҳам бу фикрни тасдиқ этар... Тарбия иши кўп эски бўлса ҳам бу ҳодисалар ҳақида назария ва мулоҳазалари янги бўлиб юони қадим ҳикмасидан бошланадир. Масалан, Афлотун – “яхши тарбия бир вужсуд ва руҳ эътибори ша инсоннинг тақомшига қанча истеъододи бор эрса шунча тугаллаштиратурган нарсадир”, дейди. Афлотун ўзининг бу таърифи билан тарбиянинг нима эканлигини кўрсатмаса ҳам, лекин яхши тарбиянинг гоясини англатадир. “Тугаллаштирадурган” ёки мукаммаллаштирадурган нарса нима деган сўздир? Вужсудда мукаммаллашмакни вужсунинг томлиги десак ҳам руҳининг мукаммалиги нима деган сўздир? Сўнгра мукаммаллаштирадирган таъсирга тарбия деб мукаммаллаштирилайдирган таъсирга тарбия демайдир. Биноалайҳ, бу таъриф илмий эмасдир. Илман мукаммаллик берган ҳам нуқсонлик берган таъсирларнинг иккиси ҳам тарбиядир. Тарбия доимо мукаммал бўлмай нуқсонлик ҳам бўлур, яхиси бўлганидек ёмони ҳам бўлур.

Чичерин: “тарбия боланинг мукаммал инсон бўлишига хизмат қиласадирган қондаларнинг ҳайъат мажмуасидир” дейди. Бу ҳам етарлик таъриф эмас. “Мукаммал инсон” нима деган гап? Ҳар ким ўзининг сифати, маслаги, мавқеига қараб мукаммал инсонни бошқача англайдир. Масалан, ҳаммолнинг ўйлашича энг мукаммал инсон ботмон юк кўтарувчи кишидир.

Штейн: “тарбия малакаларни текис ва оҳангдор (уйғун) бир суръатда ўстирмоқдир” дейди. Штейннинг бу таърифига қараганда малакалар орасидаги оҳанг ва текисликни бузатирган нарсалар тарбиядан четда қолур. Ҳолбуки, тарбия малакаларнинг оҳанг ва текислиги билан эмас, балки оҳангсиз ва текис бўлма-

гаплигидан бўлур. Бир мусиқийшунос маслагида мувофиқ бўлмоқ учун эшитиши малакасини қутлантириб боиқа малакаларини заиф қолдирап. Демак, оҳангизлик ҳосил бўлади. Шунга ўхшаи бир рассомнинг ҳам кўриши малакаси кучланиб боиқа малакалари ила текислик ва оҳанг қолмас. Бу ҳоллар мусиқий ва ё расм тарбияси олмоқ учун мажбурийдир. Бу мисоллардан англашиладир ким тарбия учун текиссизлик оҳангизлик биринчи шартдир.

Энг юқоридаги таърифларнинг учтасини бирдан ўйласак, дикқат билан текширсан ҳар учтаси учун шу мулоҳаза ва шу васфлар бордир. Бу таърифларнинг уччови ҳам мусбат амалларнинг усувларига мувофиқ эмас. Яъни, жорий бўлиб турган ҳаётдаги тарбияни танитмайдир. Балки, муаллифларнинг ўз фикр ва тасовурларида хәёлий тарбияни кўрсатадир. Алҳосил, бу таърифлар тарбия қандай нарсадир деб эмас, қандай нарса бўлиши керак деб бошлагандир.

Шундан сўнг Шаҳид Эсон ўзининг фикрини юкоридаги мутафаккирлар ғоялари билан қиёсан таҳлил этади ва хулосалаб “... ҳар уч таърифда ҳам мукаммалик ва ё оҳанглик таъбирлари ила бирдек ва бир хил тарбия қабул қилинибдир. Бу тарбияни қайси мұхит, қайси жасиятда бўлса ҳам бутун инсонларга тадбиқи мумкіндир ва инсонларда ҳам бу навъ ва бир хил табиат ва қобилият бордир. Инсондаги бу табиат авсоф(сифатлар) ва қобилиятини ёлеуз таъсир ва тарбия майдонга чиқарур. Яъни, боланинг моддият ва маънавий узвиятида азалда бирлаштиришиб бу кунгача ёширип бир ҳолда турган қудратларни юзага чиқарур, дерлар. Бундан шу натижса чиқодур. Тарбия табиий, фитрий (туғма) истеъодога ўзидан ҳеч бир нарса қўша олмас, янеи ҳеч бир нарса ҳам яратса олмас. Ёлеуз ул фитрий қобилиятларни йўқолмаслигига, ахлоқи рангини ўзгармаслигига хизмат қилар, дейшидир. Шундоқ бўлгандан кейин замон, макон, жасият ила тарбиянинг алоқаси йўқ дейшидир. Яъни, тарбия ҳар вақт ва ҳар ерда бирдир, ўзгармас деган сўздир. Модомики, инсоннинг тараққий ва токомилининг мояси ўз фитрий қобилиятларида. Бу малаканинг табиат ва қонуни ўрганилса уни инкишиоф этдиришак йўли ҳам кашф этилди демакдир. Инсоннинг фарди (алоҳида) табиати маънавиясини эрса шимли руҳ текширадир. Биноалайҳ, бутун тарбия масъалаларида шимли руҳияга мурожсаат қўлмоқ кифоядир деган сўз чиқар” дейди. У фикрининг якунида тарбияга нисбатан ўзининг шахсий муносабати

батини илгари суриб, “Холбуки ҳеч бир замон ҳеч биң ерда бутуғын инсонларга қобили таңбық бир тарбияни таңқиқот ва тажрибелар шу вақтгача күрсатмади. Ҳар бир қавмнің тарбиясын бошқадир. Дұнёда қанча қавм бўлса, шунчага тарбия ҳам бордир. Бирининг ҳиссиёті иккинчисига ўхшамас. Мусулмонлар саллагас, христианлар шапкага ҳурмат этганидек иккى мазҳаб, иккى қабила, хос шаом ораларидаги тарбия фарқларини доимо кўриб турамиз.

Ҳеч қайсимиз тугулган вақтимизда бир ахлоқ бир бадиий ҳиссекелтирган эмасмиз. Буларнинг ҳаммасини муҳитимиздан, жасамиятимиздан олганидирмиз. Жасамиятимизнинг түгри деганини түгри, эгер деганини эгри, күҳлик (чиройли) деганини, күҳлик деб кетганимиз. Шубҳа йўқки ва бу жасамиятнинг ичида тугулмасдан бошқа бир жасамият ичида дунёга келган бўлса эдик, албатта, уларнинг тарбияларига ўрганар, уларнинг тамойилларини қабул қиласар эдик. Бу кунда кўриб турган одатларимиз, урфларимиз, ахлоқи ҳаётимиз, холоса тарбиямиз биз тугулмасдан бурун ҳам бизнинг жасамиятда бор эди. Биз уни муҳитнинг тасири, тарбияси билан кейин олғонмиз. Мана шу ҳолларнинг биздан бурун бор бўлғонлиги бизнинг фитратимизнинг, бизнинг ҳалиқимизнинг маҳсулни ва асори эмаслигини кўрсатмасми?

Агар тарбиямиз Афлотун, Штейн ва Чичериннинг деганларидек фитрий қобилиятимизнинг маҳсулни бўлса эди, шештаҳа, майл, газаб, хавф ва ўйқумиз ўхшаш, урф-одат, ахлоқ ва бошқалар ҳаётимиз ҳам ўз ўзидан ҳосил бўлар эди. Холбуки, бу ҳиссиёт биз муҳитнинг таъсири ила тарбия ила ҳосил бўлур. Савқ табиийларимизга ҳеч ўхшамас. Шу мулоҳазаларимизни тарбиянинг манба эътибори ила ижтимоий бир қайфият бўлиб, аммо фардий бир ҳодиса эмаслигига ишонтирадир<sup>81</sup> дейди. Шубҳасиз, бу холосалар жуда теран ва ҳамма замонлар учун ҳам алоҳида эътиборга моликдир.

Шахид Эсоннинг “Биз ва маориф” номли маколаси “Энг иссиқ, қизгин ва қумли бир чўлда тирикчилик қиласадирғон кишига сув, салқин ҳаво қанча керакли бўлса бу кунги миллатлар орасида яшайтурғон қавмлар учун мактаб ва маориф ҳам шунчалик керакдир” деб бошланади. “Асримиз ҳаёт йўли устинда юксак, ёрқин, қатор тозглар, кенг ва қутурған денгизлар яратди. Бизга ўхшаш заиф

<sup>81</sup> Шахид Эсон. Тарбия // Ҳақиқат, 1922 йил. 2-сон. 8-11 бетлар.

қавмлар – на бу тоғлардан ўта оладир, на у деңгизлардан ошуб мурод соҳиғига ета оладур. Балки, бир бечора япроқ ва ё сомон чүпидек қаттиқ ва оғир түлкүнларнинг забун ва асири бўлиб қоладур. Кўшиларимиз табиат ва ҳаёт ҳодисаларининг асрор ва қонунларини топтиб чиқордилар ва бу сояда табиатга ҳоким бўлдилар. Сувдан, ҳаводан, ўтдан тилаганларича фойдаланадилар. Кўкда қушлар сингари учуб юрмоқ унлар учун энг кичкина бир иш бўлиб қолди. Ижтимоий ва маънавий ҳодисаларнингда айни суръатда қонун ва асрорини қашф этдилар. Бундан сўнг йиллар ва асрларнинг орқасида бекиниб турган ижтимоий, сиёсий воқеаларни кўз олдида тургани каби кўрмакка ва унларни идора қилмоққа бошладилар. Бу суръатла унлар моддий ва маънавий табиат қонунларидан туганмас куч ва қудрат тондилар. Биз эсак ўз данкасалигимиздан сафолат ва мискинат (қашишоқлик) балчигига ботиб қолдиқ. Эмди ишқулган еримиздан турмоққа танамизда куч қолган эмас. Асрлардан бери кўкларимиз қуёшсиз ва юлдузсиз қолди. Қалин бир қоронгулиқ ичида йўлнимиздан аддишдик. Ҳар қадамимизда бошимиз қаттиқ бир тошига тегди. Кундузларимиз қоронгукечларга айланди.

Бир замонлар башариятнинг йўлбошчиси ва раҳбари эдик. Бутун дунё бизнинг ёқсан машияталаримиздан ёргулиқ олар эди. Бу кун эса башариятнинг шол (фалаж) бўлиб қолган бир қўлнимиз. Шу ҳолда фақат ўзимиз учун эмас, инсоният учун ҳам бу ҳолимиз буюк фалокат санаиса керак. Умумий ва инсоний гоя, амаллардан узоқда қолишмизга юрагида озгина башарият муҳаббати бўлган киши тида бура олмаса керак. Мана шининг шу ёгидан қараганда энг қонли яраларимиз билан қаршилашамиз ва ҳаёт ҳам белимишни буқкан оғир бир юкка, бошимизда айланган тегирмон тошига ўхшаб қоладир. Агар шунча замондан бери кўзларимизни ҳадсиз фалокат ичида очиб, бир оз сўнгра турли турли изтироб ва алам билан юмганимиз етишган бўлса, бундан кейин ўзимизга келмөгимиз ва ҳар нарсадан аввал бизни жаҳолат ва гафлат гирдобига судраб турган қўлларни қайириб синдиримогимиз керак эди. Шундан сўнг муаллиф мақсадга кўчиб, “Ҳайҳот! Бу шараф ва саодатдан ҳам кўп узоқдамиз. Масалан, шу вақтгача ҳам мактаб ва маорифга хурраклик ва шубҳа билан боқмоқдамиз. Бунлар – маънавият ҳиссиятимизни бузатурген нарсалардир, деб хаёл қиласмиз” дейди. Бу сўзлардан асосий муддао ўтган асрнинг 20-йилларида

ўлкада большевиклар хукуматининг мустаҳкамланиб бориши билан совет маорифи атайдиаб асрий қадриятларга, айникеа, динга карни кескин курашни бошлаб юборади. Маҳаллий халиқ эса совет мактабларидан умуман воз кечап бошлайди. Ҳатто, “бургага аччик килиб...” деганилариdek умуман таълимдан болаларини чиқариб ола бошлайди. Шундай бир шароитда Шоҳид Эсон халиқка мурожаат этиб, диндан ҳам асл мақсад илмдир деган фикрларни қуийдагича баён этади: *Бизнинг қаноатимизга қараганда ўрганимоқ билан инсоннинг иймони заифлашмас ва инсон динсизликка тушмас.* Чунки, улумнинг чин ва биринчи шии коинот ҳақида бир фикр *ва талқин* эгаси ўлмоқдир. Шу гоясига бормоқ учун энг кичик ҳодисоми табиатгача мукаташиф (кашф этиши) жиҳатидан тадқиқ қилинмоқдадир. Айни замонда улумнинг мавзуи тадқиқи бўлган ҳодисом билан бу ҳодисомининг тажжаллийгоҳи бўлган борлиқ, қиёси мутлақине бирор ояти тақвими(исботи)дир. Вужуд асрори алаиҳга тегшилил маънолар бу табиат саҳифасида мундариж (мавжуд)дур. Бу даъвони Шайх Саъдий ҳазратлари гоят яхши бир ифода билан кўп аввалдан сўзлаганилари ҳар кимга маълумдир:

“Барги дараҳтҳойи сабз дар назар хушиёр,

Ҳар варақаш дафтаришт маърифати коргар”... (*Тангрини танимоқ* учун ақилли кишиларга оғоч япроқлари бирор китоб манзиласинدادир).

Агар ҳақиқий диндорлик ҳиссиётни диния билан мутаҳсис ўлмоқ бўлса, азимати алаиҳни энг аъло ҳис этганилар улум билан шугул ва табиат саҳифаларини ўқимоқ билан машгул бўлганлар бўлса керак. Ҳолбуки, улумнинг бу дараҷаси аълоси ҳануз бизда вужудга келган эмас.

Мавжуд ибтидоий ва рушидий мактабларда эса диндорлик на да динсизлик асосли суръатда мавзуи баҳс ўлинмас. Зоро, отини “ҳақиқат қидирмоқ” деб қўйилган энг муҳим бир масъала марҳум Зиё пошонинг “бу кичкина торозу била у катта ва оғир юклар торттила олмас” деганидек, ибтидоий ва ўрта дараҷасали мактабнинг эшигидан киролмас. Ҳатто, бизнинг энг катта санъаткор ва доҳий шоуримиз Мирзо Бедил эса

“Ҳасти бетапии рафт ва асар ништ нафасро,

Фарёд аз ин қофила бурданд жасарасро” (Борлиқ ҳаяжон ила кетди аммо нафас асарини кўрсата олмади, эссиғина бу карвондан қўнгирогини олиб қўйшишлар) демак билан ҳеч ким боласига бу

салохияттун бермайдыр. Бунине учун ибтидоой маориф жасараёни ҳақидаги шубҳалар түгри эмасдиң деб фикрини хуласалайды. Шундан сүйг эса ҳолатдан чикиш йўлида ўзининг мутафаккирона тояларини илгари суриб, "... Эмди бизнинг маориф ташкилотининг асослари ҳақида ўйлаганларимизни қисқача сўзлаб ўтмоқчимиз. Бизда Гарб усули билан очилмоққа бошлаган янги мактаблар билан эскидан бери давом қилиб келган мадрасалар бордири. Мактаблар оврупога, мадрасаларимиз мозийимизга очилган бирор түйнук ва ё даричаларимиздир. Демак ки, мактаблар ташкилот эътибори ила кўпроқ ҳорижийдур. Тарих ва анъаналаримизга бир оз ёввойи кўринадур. Бу сабабдан шахсиятимизга энг лозим бичимни бермакдан ожиз қолса керакдир.

Бир минтақанинг ўт ва ё оғочлари бошқа минтақада кўкаролмаганидек машаъри (шариат) вижедонла муносабати бўлмаган, янги таомиллар ҳам кўпинча яшамас. Бу таомиллар яшаса ҳам тақлид махсулидир. Тақлид эса тараққийдан узоқ ва унинг зиддиидир. Бир қадам илгари кетолмай еринда саймоқ (тургунилик) демакдир. Тараққий ва тақомил деган нарса мозийга суюнмоқ тарихий пояларни босиб юқоријамоқ билан бўлур. Тарих пояларига илтифот қитмасдан юқорига сакраган кишилар аввалги ерларига қайтиб тушибакда кечикмаганлар (таъкид бизники - муаллиф).

Янглии англашилмасун, ижтимоий ҳодисаларда "ҳатлама" йўқдур демоқчи эмасмиз ... Балки тарих ва мозий, ҳаёт ва ҳолимизга бир шакл бермак учун бир воситадир демакчимиз. Дунёда ҳар бир киши учун шуур ва ҳофиза қанча керак бўлса бир миллат учун ҳам мозий ва тарих шунча керакдир. Ўз мозийсидан юз ўнгрган бир миллат билан ақл ва ҳофизасига алвидо деган бир киши ҳрасида ҳеч бир фарқ йўқдир. Чунки ақл ва ё мозий демак тажриба демакдир (таъкид бизники - муаллиф). У вазиятни қуйидаги мисол билан тушунтиради: "Бир ёй ўқи отадирган вақтингизда ишини кейинга қанча кўп тортиб сўнгра қўюб юборсангиз ўқ ҳам ўшанча узоққа кетар, суръати ҳам кўп ўлур. Бунга ўхшаши тақомил ва тараққий йўлчилигига мозийингизга қанча тисланиб, тарихингизга қанча орқа бериб сўнгра илгарига ҳатлассангиз, шунча кўп ва ҳам суръат билан йўл ола биласиз.

Эмди мадрасаларимизга келайлик, бу муассасамиз тарихнинг энг узоқ, энг манзуви гўшасига чекилган ҳаётдан ҳол ва истеъмолдан алоқасин узган жонсиз бир муассасадир. Бу муассаса ёлгуз

бозига бизим ҳаётимиз ва мұваффақиятимиз учун лозим бўлған яroe ва қуроллар билан бизни тажсиз (қуроллантириш) этмакдан ожиздур. Бизим ҳаёти маънавиятимизни на ёлгуз Farbdan келган, на да ёлгуз Sharқdan келган зиё ёргулата олур. Балки, ҳар иккисининг бирлашмоги билан ҳосил бўлған бир нур ёргулата олур деб ўйлаймиз. Бизнинг ҳақиқий мутафаккир ва муршиидларимиз мактаб ва мадрасанинг имтиҳонидан туғса керакдир. Шу муҳим нуқта ҳам унүтилмасун ким бизнинг бу мутолааларимиз ҳифс (культура) билан алоқадор улуми маънавия мадрасаларига оиддир. Йўқса маданиятга мутааллуқ улуми масбита ва моддия мадрасалари мавзуи баҳс эмасдир. Чунки, улуми моддия замон ва маконга тобеъ эмасдир. Масалан, ... икки карра икки мозийда ўлсун, ҳолда ўлсун истиқболда ўлсун тўртдур. Ҳеч бир вақт замон ва ё маконга кўра ўзгармас. Бўнинг учун моддий улумнинг таърих ва мозий билан муносабатлари йўқдур<sup>82</sup>. Шахид Эсоннинг юқоридаги фикрлари уни нафақат жадид тараққийпарварлари вакили, балки буюк бир тафаккур соҳиби ва жадид мағкурасининг шакллантирувчиларидан бири эди, деб англашимизга имкон беради.

Хуллас, юқоридаги рўйхатни яна узоқ давом эттириш мумкин. Дарҳақиқат, Мунаввар қори Абдурашидхоновнинг бевосита тарбияси остида Мажид Қодирий, Салимхон Тиллахонов, Қаюм Рамазон, Абдуваҳҳоб Муродий, Шорасул Зуннун, Шокиржон ва Собиржон Раҳимиylар каби кўплаб етуқ педагоглар етишиб чиқди. Шунингдек, Абдулҳай Тоҷиев, Боту, Сайд Аҳмад Назирий, Маннон Уйғур, Сайдулла Қосимовлардек кўпгина йирик сиёsat ва маданият арбобларни тарбиялаб етиштирди. Шу ўринда айтиб ўтиш керак Мунаввар қори Абдурашидхоновнинг илмий-ижодий мероси, педагог сифатидаги фаолияти, унинг маҳорат мактаби кўлами ҳам ниҳоятда кенг. Унинг “Адибус - соний” (Тошкент, 1907), “Ер юзи” (Тошкент, 1917) “Ҳавойижи диния” (Тошкент, 1912) дарслик китоблари бутун ўзбек ўқувчилари эътиборига ҳавола этилган. Бирок, “Адиби аввал” (Тошкент, 1907), “Усули хисоб” (Тошкент, 1911), Тажвид – (Оренбург, 1911), “Тарихи қавми турк” (Қозон, 1911), “Тарихи анбиё” (Тошкент, 1912), “Тарихи исломия” (Тошкент, 1912), “Даҳрун нажот” (Қозон, 1912), “Сабзазор” (Тошкент, 1914) каби дарслик ва тўпламлари ҳамон ўқувчиларимиз кўлига етиб борган эмас. Айниқса, унинг

<sup>82</sup> Абдушахид Эсон. Биз ва маориф // Ҳакикат. 1922 йил 10 август. № 1. 4-6 б.

Шокиржон Раҳимий, Шоҳид Эсон Мусаевлар билан бирга ёзган 4-жилдлик “Ўзбекча тил сабоклиғи” (Тошкент, 1925) дарслиги мухим. Ундаги Мунаввар кори томонидан ёзилган “Орзу”, “Куз”, “Киш”, “Ялқовлик ёвумиздир”, “Дев печак” каби кўплаб шеър ва хикоялар ўқувчиларнинг нафакат бадиий дидини, балки уларда мустақил тафаккурни шакллантиришга қаратилгани билан аҳамиятлидир. Шунингдек, Мунаввар корининг Туркистон миллий матбуоти саҳифаларида чоп этилган кўплаб мақолалари, нутқ ва хитобларини қайтадан тадқиқ ва тарғиб этиш ҳам жуда мухим хисобланади. Бугун тарих фани олдида Мунаввар кори Абдурашидхонов ва унинг педагогик мактабини янада чуқуррок ўрганиш зарурияти мавжуд.

*Бахтиёр ЭГАМОВ  
ЎзМУ, География факультети*

## МУНАВВАР ҚОРИ АБДУРАШИДХОНОВ – ЗАМОНАВИЙ ГЕОГРАФИЯ ДАРСЛИКЛАРИ МУАЛЛИФИ ВА МОҲИР ПЕДАГОГ

Туркистон жадидчилигининг марказий нуқтаси – Тошкентда туғилиб ўсган, Ватан ва миллат тараққиёти учун куйиб ёнган, ҳаётини шу муқаддас ишларга бахшида этган карvonбоши жадидларимиздан бири Мунавваркори Абдурашидхоновдир. У Исмоил Гаспиринский, Маҳмудхўжа Беҳбудий, Абдулла Авлоний каби ўз даври ҳаётидаги ижтимоий-сиёсий ва маданий ҳаракатда энг фаол иштирокчигина эмас, балки йўлбошчи бўлгани тарихдан маълум. Ўша даврда миллий ғоя ва мафкура ҳаётга чуқур сингишига Мунаввар кори бошқалардан-да кўпроқ ҳисса қўшгани ҳозирги илм аҳлига аён. У ҳам ўз даврида худди Маҳмудхўжа Беҳбудий каби жамият ҳаётининг деярли барча соҳаларида қизғин фаолият олиб борган педагог, адаб, шоир, географ олим ҳамда жамоат арбоби сифатида маълум ва машҳурдир.


Мунаввар кори Абдурашидхонов барча жадидлар қатори чоризм ва коммунистик мустамлакачилик зулмининг жуда оғир ва таҳликали сиёсий тазикини, шунингдек, маҳаллий мутаассиблар авж палласига чиқкан бир даврда яшаб-ижод қилди. У ўзининг

сўнгти имкони, сўнгти қони ва сўнгти ақлу заковатигача маърифат, илм-фан, озодлик ва эрк йўлидаги кураш харакатида фаол бўлди.

Мунаввар қори мактаб ва мадрасаларда толиби илмларга араб тилида эмас, балки, ўз она тилида сабоқ бериш, диний билимлар билан бирга ижтимоий-табиий фанларни (география, математика ва б.) ўқитиши масаласини кўндаланг қўяди. Сабаби, миллат та-факкурида, фикрлашида, маорифида ўзгариш, янгиланниш қилмай туриб, озод ва обод ҳаёт қуриб бўлмаслигини у жуда яхши англаган эди.

Мана шунинг учун ҳам, у мохир педагог ва географ олим сифатида жадид мактаблари учун ўз маслакдош ва сафдошлари каби бир катор, мутлако янги диний-дунёвийликка асосланган дарсликларни яратиб чоп эттириди. Булар “Адиби аввал” (алифбо, 1907), “Адип ус-соний” (ўкиш китоби, 1907), “Ер юзи” (1908) ва “Усули хисоб” (математика, 1911) ҳамда Шорасул Зуннун билан ҳаммуаллифликда “Ўзбекча тил сабоклифи” (тўрт қисм бўлиб, I-III қисмлари 1925 йилда, IV қисми 1926 йилда чоп этилган).

Буларнинг орасида Мунаввар кори Абдурашидхоновнинг географияга оид “Адип ус-соний” ва “Ер юзи” номли дарсликлари алоҳида аҳамият ва юксак қадр-кимматга эга.



Мунаввар ғори Абдурашидхоновнинг “Адип ус-соний” дарслиги биринчи бети фото пусхаси

Гап шундаки, умуман олганда жадидчилик харакати даврида юз берган миллий уйғонишнинг асосий кўринишларидан бири бўлиб, ўша пайтда география фани ва таълими шаклланди.

Хозиргача ҳам жадидшунос олим ва тадқиқотчилар “Адаб ус-соний”ни унинг ўзида таъкидланганидек, “Адиби аввал” алиф-бодан кейин ўқиладиган ўқиши китоби деб таъриф ва тавсиф бериб келишмоқда. Бу, албатта, тўғри. У биринчи синф болалари хат-саводи чикканидан сўнг ўқийдиган ўқиши китобининг жадидчилик харакати давридаги кўринишларидан биридир. Бу болалар ўқийдиган дастлабки ўқиши китобига тарихда биринчи бўлиб жадидлар асос солганилигидан далолатdir.

Шу ерда яна бир янги фикрни айтиш жоиз бўлмоқдаки, “Адаб ус-соний” географияни бошлангич синифлардаги “Атрофимиздаги олам”, “Табиатшунослик” фанларининг илк кўриниши десак ногўғри бўлмайди. Дарслернинг “Фанний дарслар” деб номланган бўлимида бошлангич табиий географияга оид билимлар, яъни йил (сана), ой йили ойлари, қуёш йили ойлари, асрлар, фасиллар, кунлар, ҳаво ва булут каби кичик мавзулар юзасидан билимлар баён қилинган. Дарслерда “Жўғрофия” деб номланган маҳсус мавзуда оддий тилда, аммо ўта чукур илмий маънони англатувчи география фанининг куйидаги илмий таърифи ва тавсифи берилган: “Ернинг аҳволини биладурғон илмни жўғрофия дейилур. Ер бизим кўзимизга текисга ўхшаб кўринса ҳам, аслида текис эмас. Балки пўртахолға (апельсинга – Б.Э.) ўхшаш юмалоқдир. Аввалларида “Ер ҳўқизнинг шохида турадур”, деган сўзларға ҳар ким ишонғон бўлса ҳам, ҳозирғи замонда андоғ сўзларнинг аслсизлиги ҳар кимга таълумдир. Ер хеч нарсанинг устида турмас. Балки ҳавонинг ртасида муаллақ турадур”.

“Пўртахол (апельсин)нинг юзи ўзининг пўсти ила коплонғониға ўхшаш ер юзининг ҳам тўртдан уч бўлаги шўр сувлар ила копланмиш, колғон бир бўлаги тош, кум ва туфроғлар ила копланмишдур.

Сув ила коплонғон ўринларини денгиз, кўл ва дарё дейилур. Тош, кум ва туфроғлар ила қопланмиш ўринларини куруғлик дейилур”<sup>83</sup>.

Мунавварқори “Адаб ус-соний” дарслигига сана тизимиға ҳам алоҳида тўхталиб ўтган. Йил, ой, ҳафта кунлари ҳақида аник

<sup>83</sup> Абдурашидхонов М. Танланган асарлар. - Т.: Маънавият, 2003, 76–77-бетлар.

билимлар манбани келтириб ўтади. Вакт ўлчови, тақвимларга тааллуқли билимлар тизими содда ва тушунарли тарзда баён қилинган. У тақвим ҳақида фикр юритар экан, шундай деб ёзади: “Йилнинг икки хил ҳисоби вордур. Бирин офтобнинг кўринишидан хисобланур, буни санаи шамсия (Қўёш йили) дейилур. Иккincinnси ойнинг кўринишидан хисобланур. Буни санаи қамарий (ой йили) дейилур”<sup>84</sup>.

Дарсликнинг “Асрлар”<sup>85</sup> деб номланган қисмида милодий ва хижрий тақвимлар ҳақида муфассал фикрлар баён этилган. Унда шундай илмий ҳақиқат кўрсатилган: “Ҳар юз йилни бир аср дейилур. Пайғамбаримиз (салаллоҳу алайхি васаллат)нинг Маккандан Мадинага ҳижрат қилған кунларидан бошлиб саналған асрни аспи ҳижрий дейилур.

Ҳазрати Ийсо алайҳиссаломнинг туғилгои кунларидан саналған аспи асрни милодий дейилур”<sup>86</sup>.

Мунаввар кори “Адиб ус-соний” ва “Ер юзи” дарслекларида бугунги кун география таълимидағи долзарб муаммолардан бири – дунё океани ва уни қисмларга ажратиш масаласига аниқ ва тўғри ёндашган. У дунё океани ҳақида тўхталиб, “Денгизлар беш бўлак бўлиб, Баҳри мұхити кабир (Тинч), Баҳри мұхити атлас (Атлантика), Баҳри мұхити хинд (Хинд), Баҳри мұхити мунжамиди шимолий (Шимолий муз) ва Баҳри мұхити жанубий (Жанубий Муз) деб аталур”<sup>87</sup>, – дейди. Зоро бу каби районлаштириш бугунги кунда жаҳоннинг ривожланган давлатлари география таълимида ўз аксини худди шундай топған.

Дарсликда 26 та топоним (географик ном)лар қўлланилган бўлиб, шулардан 11 тасини мақротопонимлар, 18 тасини гидронимлар ташкил этади.

Мунаввар қорининг “Адиб ус-соний” дарслигини яратишидан асосий мақсади болаларнинг саводи чиқиши биланоқ, уларга географик билим беришдан иборат бўлган. Бу унинг миллат болалари тезроқ табиий билимларни ўзлаштириб олишлари зарур деб билганлигидан, миллатни мутаассиблик ва ижтимоий

<sup>84</sup> Қаранг: ўша китоб, 84-бет.

<sup>85</sup> Мунавваркори бу ерда “аср” атамасини, ўз ўрнида, яъни юз йил маъносига қўллап билан бирга, тақвим маъносига ҳам қўллаган.

<sup>86</sup> Ўша асар, 86-бет.


<sup>87</sup> Ўша асар, 77-бет.

жахолатдан уйғотишига ахд килганилигидан ҳамда унинг юксак педагогик махоратидан, географ олимлигидан далолатдир.

Мунаввар кори Абдурашидхонов томонидан 1908 йилда ёзилган “Ер юзи” дарслиги маърифат ва, айникса, география фани ва таълими соҳасидаги харакатнинг йирик намуналаридан бири бўлди.

У жадид мактабларининг 3–4-синфлари учун география фанидан жадидлар тарихда биринчи бор яратган дарсликлардан бири бўлиб, илк маротаба 1908 йили нашрдан чиқкан. Дарслик Туркистондаги география ўқитувчилари ўртасида муҳокама қилиниб, ларнинг таклиф ва ҳулоҳазалари асосида гўлдирилиб ва тузатилиб, 1915 йилда қайта нашр этилган ҳамда барча мактаблар учун дастур ва дарслик сифатида кабул қилинган.

“Ер юзи” Ер ҳакидаги афсона ва уйдирмалардан холи бўлган, аниқ илмий асос, билим ва фактларга таяниб ёзилган. Унинг илмий-амалий жиҳатдан ўта мукаммал эканлиги ўз вақтида ва ундан кейин, ҳатто коммунистик мустабидлик йилларида ҳам Мунаввар корининг номи кўрсатилимай илмий кишилар томонидан тан олинган. “Умуман “Ер юзи” октябрь (1917) тўнтаришишигача



Мунаввар Ғори Абдурашидхоновнинг “Ер юзи”  
дарслиги фото нусхаси

янги усул мактаб дарслерлари ичида энг мукаммалидир<sup>88</sup>, – деб ёзди О.Мўминов. “Ер юзи”нинг нафақат жадид мактабларида, балки ўша пайтда ўзича илгор саналиб, аслида мусулмонларни руслаштириш максадида Туркистон генерал-губернаторлиги томонидан ташкил этилган рус-тузем мактабларида ҳам ўқитиленлигиги унинг киммати юқори бўлганлигини исботлаб турибди. Бу дарслер Ўзбекистон мактабларида 1928 йилгача ўқитиленлигиги ҳақида маълумотлар мавжуд<sup>89</sup>. Бу эса, уни кўп марта қайта-қайта нашр этилган ҳамда ўта кимматли ва тарихий аҳамиятга молик дарслердан бири бўлган, деган фикримизни яна бир бор исботлайди.

“Ер юзи” 88 дарс, яъни мавзудан иборат. Биринчи мавзуу она сайдерамиз Ер ҳамда география ўқимоқликнинг миллат маънавияти, маданиятини юксалтиришдаги ўрнига бағишланган. Мунаввар кори география илмини ўқиган миллат дунёнинг маданий миллатлари сафидан ўрин олишини алоҳида таъкидлайди<sup>90</sup>.

Иккинчи мавзуу “Ернинг суврат ва ҳаракати” деб номланган. Бунда Ернинг шакли, ҳаракатига доир билимлар оддий мисоллар ёрдамида берилган. Масалан, унда Ернинг “суврати” (шакли) ҳақида: “Ер тарвуз ёки апельсинга ўхшаш юмалоқдир. Ер ҳеч нарсанинг устида турмас, балки Аллоҳи таъолийнинг кудрати ила отилған тўй замбаракиға ўхшаш ҳаво орасида (муаллак) юруб туродур”,<sup>91</sup> – деб ёзилган. Географ олим бу билан ўзининг “Адаб ус-соний”да келтирилган Ер ҳақидағи фикрларини янада мукаммаллаштиради. Яъни, бунда Ернинг коинотда ўз орбитаси бўйлаб Күёш атрофида айлануб юришини болаларга жуда осон ва эсда коларли усулда тушунтиради.

Дарслерда Ер шарининг ҳаракатларига алоҳида тўхталиб, шундай дейилади: “Ернинг икки хил ҳаракати вор: бири – юмаланиш (ўз ўки атрофида – Б.Э.), иккинчиси – айлананиш (Күёш атрофида – Б.Э.). Юмаланғонда... бу ҳаракатни ҳар бир 24 соатда бир маротаба тамом килур. Бундан бир кеча-кундуз (сутка) ҳосил бўлур... Айлонғонда эса, Күёшнинг атрофида айланур. Бу ҳаракатни 365 кун ва олти соатда тамом килур. Бундан йил ҳосил бўлур”.<sup>92</sup>

<sup>88</sup> Мўминов О. Табиий география таълими методикаси. – Т.: Ўқитувчи, 1976, 14-бет.

<sup>89</sup> Қаранг: Шу китобнинг ўзи ва ўша бети.

<sup>90</sup> Абдурашидхонов М. Таинланган асарлар. – Т.: Маънавият, 2003, 97-бет.

<sup>91</sup> Ўша асар, 97-бет.

<sup>92</sup> Ўша асар, 97-98-бетлар.

“Асбоб ва атрофларнинг исмлари” деб номланган учинчи мавзуда география дарсларида фойдаланиладиган ўқув қуроллари ва дунёнинг томонлари ҳакида баён этилган. Унда глобус, харита, яримшарлар харитаси, атласлар ҳамда уфқнинг асосий тўрт томони: Шимол, Шарқ, Жануб ва Фарб тушунчалари ҳакидаги билимлар ўз ифодасини топган.

Мунаввар қори ушбу мавзуда атлас ҳакида: “Бир неча хариталарни йиғуб дафтар қилингон бўлса атлас дейилур”<sup>93</sup>, – дейди. Атласнинг ушбу қиска ва содда таърифи буғунги кунда ҳам мазмунан ва моҳияттан асло ўзгаргани йўқ.

Мавзуда уфқнинг тўртта асосий томонидан ташқари яна тўртта оралиқ томонларини ҳам кўрсатиб, таърифлаб ўтган. Уфқ томонлари ҳакида гап кетар экан, у шундай ёзади: “Ерининг кун ботғанга ўхшаб кўрингон тарафини Фарб, кун чикқанга ўхшаб кўрингон тарафини Шарқ дейилур. Фарб ила Шимол орасини Фарби-шимолий, Фарб ила Жануб орасини Фарби – Жанубий, Шарқ ила Шимол орасини Шарқи-шимолий, Шарқ ила Жануб орасини Шарқи-жанубий дейилур”<sup>94</sup>.

Шарқ ҳалклари учун қадимда уфқнинг асосий томони Куёшнинг чиқиши ва ботиши тарафи ҳисобланган. Бу эса, Шарқдаги илмий географик таълимотлар асосан Куёшнинг чиқиши ва ботишига асосланишидан далолат беради. Шунинг учун ҳам, Мунавваркори мўлжал (йўналиш)ни аниқлашда Шарқ ва Гарбни асос қилиб олган. Бироқ, буғунги кундаги география фани уфқ томонларини аниқлашда Шимол ва Жанубга таянмоқда. Аммо ҳар иккала асосда, яъни биринчиси Куёшнинг чиқиши ва ботиши ҳамда иккинчиси, Шимолий ва Жанубий кутбларга таянишда ҳам қакиқат бор. Чунки Куёшнинг чиқиши ва ботиши ҳамда Шимол ва Жануб ўзининг катта илмий-амалий аҳамиятига эга.

Дарсликнинг навбатдаги тўртинчи ва бешинчи мавзулари “Ер юзи” ва “Сувлар”га бағишлиланган. Уларда Ер юзининг тузилиши, яъни қуруқлик ва сувликка тааллукли фактик маълумотлар келтирилган. У “Ер юзининг тўртдан бир бўлаги қуруғлик ва уч бўлаги сув ила қопланмишдур” деб, буғунги кун ҳолатига жуда яқин маълумот беради. Аммо китъаларга тааллукли маълумоти бироз бошқачароқ. Яъни “Қуруғлик беш парчаға бўлинур: Оврўпо, Осиё,

<sup>93</sup> Ўша асар, 98-бет.

<sup>94</sup> Ўша асар, ўша бет.

Африко, Амриқо, Австралиә. Буларнинг ҳар бирини қитъа дейилур”,<sup>95</sup> – деб ёзади. Бироқ бугунги кун табиий географик районлаштиришида қитъалар олтита деб қабул қилинганд. Юкоридаги қитъалардан бошқа яна Антарктида қитъаси ҳам мавжуд.

Мунаввар кори ушбу мавзуни ёритишда қуруқликларни инсон яшаш-яшамаслигига, давлат ва жамият шаклланганлигига эътибор берган бўлиши керак. Зоро, Антарктида материги XIX асрнинг 20-йилларида сайёҳ олимлар Ф.Беллинсгаузен ва М.Лазеревлар томонидан қашф этилишига қарамай, унга етарли эътибор берилмаган. Антарктидада кенг кўламдаги мукаммал тадқиқотлар 1957–1959 йилларда Халиқаро геофизик дастурнинг жорий килиниши билан бошланди. Масаланинг яна бир томони шундаки, у пайтда араб, турк, форсий адабиётларда Антарктидага оид билим ва маълумотлар ҳали етарли даражада шаклланиб улгурмаган эди. Шу боисдан бўлса керакки, Мунаввар кори дарсликни яратиш вактида Антарктида қитъасига доир билимларга эга бўлмаган. Шунинг учун ҳам, Антарктида қитъаси дарсликка киритилмаган.

Ушбу мавзуда қуруқлик ва сувликнинг қисмлари бўлган: орол, ярим орол, бурун, деңгиз, кўл, дарё, бўғиз, кўлтиклар ҳақида ҳам кенг ва батафсил билимлар тизими акс этган. Шунингдек, дарсликда қуруқликдаги рельеф шакллари (тог, тепалик, вулкан ҳосил қилган шакллар, қир, дара, соҳил)га доир ҳамда ер юзасининг тузилиши, кўрининши (яйлов, чўл)га оид фикрлар ҳам баён этилган.

Умуман, дарсликнинг мазкур бешинчи мавзусигача бўлган қисмини шартли равиша биринчи қисм деб олса ҳам бўлади. Сабаби, уларда умумий ва бошлангич географик билимлар тизими акс этган. Дарсликнинг иккинчи қисми эса, қитъалар ва мамлакатшунослик географиясини ўз ичига олади. Бунда ҳар бир қитъа ва давлатларга алоҳида тўхталиб ўтилган. Ҳар бир қитъа ва давлатларнинг табиий, ижтимоий географияси ҳақидаги билимлар ўрин олган.

Олтинчи мавзудан бошланган дарсликнинг иккинчи қисми 83 мавзуни ўз ичига олган. “Оврўпо” мавзусида қитъанинг умумий географиясига оид билимлар жой олган бўлиб, унда қитъанинг географик ўрни, кенглиги, иқклими, рельефи, ўсимлик ва ҳайвонот олами ҳамда аҳолиси, давлатлари, ижтимоий соҳалари ёритилган. Бу ўринда жумладан, шундай сўзлар битилган: “Оврўпо қитъаси

<sup>95</sup> Ўша асар, 99-бет.

бошқа китъаларнинг кичиги бўлса ҳам, ўзининг ободлилиги ва халқининг маориф, хунар, саноат, тижорат, зироат ва сиёсатдағи тараккийсига қарағанда, энг биринчى (си) ва хокими (лидери)дир...

Ер юзидағи энг зўр ҳукуматлар, мадраса ва дорилфунунлар, фабрик ва завудлар, темир йўл ва паражўдлар, шаҳар ва мамлакатлар жумласи (хаммаси) бу қитъададур”<sup>96</sup>.

Ушбу мавзуда, бундан ташқари, китъанинг табиий ресурслари (олтин, кумуш, темир, кўмир ва дарёлар)га ҳам алоҳида эътибор берилган.

Мунаввар кори Европа ахолиси ҳақида гапирав экан, “...тўрт юз милёнга яқин ахолиси бордур. Ахолисининг барчаси оқ жинсдан (европоид) бўлиб, 25 милёнчаси мусулмон, қолғонлари христиан ва бир юзи яхудийдур”<sup>97</sup> – деб ёзди. Бу ерда китъага доир комплекс географик ёндашув ўз ифодасини топган.

Еттинчи “Русия императўрлиғи” мавзусида Мунаввар кори-нинг кўрсатишича, “Русия мамлакати ерининг кенглиги жиҳатидан Ер юзидағи мамлакатларнинг (Англатардан сўнгра) энг улуғидир”<sup>98</sup>.

Кейинги саккизинчи мавзу Россиянинг денгизи, кўрфази, кўл ва дарёлари ҳақида бўлиб, унда бу давлат атрофидаги хавзалар ҳам ажойиб тарзда баён этилган.

Тўққизинчи мавзу еттинчи ва саккизинчи мавзуларнинг мантикий давоми бўлиб, унда Россия империясининг маъмурӣ тузилиши ва бошқарув шакли ҳамда йирик, машҳур шаҳарлари тавсифи ўрин олган. Дарсликда Россия империясининг бошқарув шаклига оид шундай сўзлар битилган: “Мамлакат низомларини (қонун ва қоидларини – Б.Э.) қарамак (тартибга солиш, ишлаб чиқиш – Б.Э.) учун Государственный дума (Мажлиси мабъусон) ва Государственный совет (Мажлиси аъён) исмли маҳкамам (орган)-лари вор. Бунга караганда идораси машрута (парламентар)дур”<sup>99</sup>. Шунингдек, мазкур мавзуда Россиянинг давлат тили, дини, миллий таркиби, пойтахти, машҳур шаҳарлари ҳамда атрофидаги денгизларда жойлашган ороллари ҳам эътибордан четда қолмаган.

<sup>96</sup> Ўша асар, 100-бет.

<sup>97</sup> Ўша асар, ўша бет.

<sup>98</sup> Ўша асар, ўша бет.

<sup>99</sup> Ўша асар, 101-бет.

Россия давлатига учта мавзуу ажратылган. Бунинг сабаби оддий. Яни, ўша пайтда Туркестон Россия томонидан босиб олинган. Шу боис бўлса керакки, Мунаввар кори Россиянни чуқурроқ ўрганишнинг илмий – амалий аҳамияти катта эканлигини яхши билган. Қолаверса, рус ерларини ўрганиш ҳам давр, ҳам тақдир тақозоси эди.

Ўнинчи мавзуу “Финляндия” (Финляндия) бўлиб, унга ҳам комплекс географик ёндашув бўлган. Бунинг сабаби маълум, албатта. Чунки бу пайтда Финляндия Россиянинг автоном худуди бўлган. Шу сабабли, Мунаввар кори Абдурашидхонов бу давлатга ўз дўстлари Абдусамиғкори Ҳидоятов ва Ҳаким Саримсоқовлар билан бирга 1911 йилда бориб, унинг идора (бошқарув) усулини ўрганиб, тегишли хulosалар билан келган. Мунаввар кори ўз дарслигида Европа қитъасидаги 25 та давлат ҳакида жуда кизикарли, илмий – амалий географик маълумотлар келтиради. Бу маълумотлардан XIX аср охири - XX аср бошларидағи Европанинг геосиёси манзарасини билиб олиш мумкин. Жумладан, муаллиф Буюк Британия ҳакида “Шимолий Оврўпадағи хукуматларнинг тўртинчиси Англатара (Буюк Британия) кироллигидур. Бу мамлакат Бахри мухити атласда (Атлантика океани ҳавzasидаги – Б.Э.) Британиё, Ирландиё ва Шотландиё каби бир неча ата (орол)лардан иборатдур. Англатара хукумати мамлакатининг кенглиги (кўплаб мустамлака ерларининг мавжудлиги – Б.Э.) ва ахолисининг кўплиги уруш ва суро порохўдларининг кўплиги ила дунёнинг энг улуғ ва зўр хукуматидур. Беш қитъанинг ҳар бирида мустамлакаси вор...”<sup>100</sup>. – деб, ўша даврнинг энг курдатли давлати ҳакида анча мукаммал маълумотлар келтиради.

Дарсликнинг ўттиз биринчи мавзуси “Осиё қитъаси”га багишланган. Бунда ҳам худди юқоридагидек қитъанинг географик ўрни, майдони, иклими, рельефи каби билимлар ўрин олган. Кейинги ўттиз иккинчи мавзуда мазкур қитъанинг машҳур денгизлари, кўрфаз ва бўғизлари ёритилган бўлиб, унда Осиё қитъасини ўраб турувчи денгизлардан ташқари ички Каспий ва Орол денгизлари ҳам қайд килинган.

Осиё қитъасига багишланган ўттиз учинчи мавзуда қитъанинг табиий шароити, қишлоқ хўжалиги, ороллари ҳакида ҳам тўхталиб

<sup>100</sup> Ўша асар, 103-бет.

ўтилган. Нихоясида эса китъага хос ҳайвонот оламининг тавсифи келтирилган.

Ўттиз тўртинчи мавзуу “Осиёнинг саканаси” деб номланган. Бунда китъанинг сакана(аҳоли)си кенг ва батафсил ёритилган. Мавзуу матнида китъа аҳолисига доир шундай ёзувлар бор: “Осиёнинг бутун аҳолиси 900 милёнга яқиндур... Дин юзасидан буларнинг 180 милёнчаси мусулмон, бир ози христиан ва яхудий, колонияларининг жумласи маъжусий ва мушриклардир”<sup>101</sup>.

Ўттиз бешинчи мавзудан бошланиб китъа мамлакатлари тавсифи берилган. Бу мамлакатлар ичida мустакил ва мустамлакалари ҳам алоҳида-алоҳида баён килинган.

Дарсликнинг ўттиз саккизинчи мавзуси “Туркистон” (Ўрта Осиё) ҳакида. Туркистон ўлкасига яна учта мавзуу ажратилган бўлиб, “Туркистон идораси”, “Бухоро ва Хева хонликлари” ва “Туркистонда темир йўллар” деб номланган. Буларда Туркистон ўлкасининг барча географик жабҳалари аниқ ёритилади. Масалан, “Туркистонда темир йўллар” деган мавзуда шундай жумлалар бор: “Туркистонда темир йўлларнинг биринчиси Ўрта Осиё темир йўлидур. Бу йўл... узунлиғи 1748 чақиримдур. Бу йўлнинг икки бутоғи (тармоги) вордур. Кушка (Туркманистон) бутоғи ва Андижон бутоғи.. Иккинчиси Тошканд – Ўренбург темир йўлидур... Бунинг узунлиғи... 1736 чақиримдур”.

Бу фикрлар орқали Мунаввар кори транспорт географиясига ҳам маълум маънода катта эътибор берганлигини кўриш мумкин. У “Туркистон идораси” ҳакида тўхталар экан, Туркистонни “идора жиҳатидан беш областга бўлинадур” дейди-да, “Бу областларнинг жумласи бир генерал-губернатор ва ҳар бири бирор военный губернатор тарафидин идора килинур”<sup>102</sup>, – деб ёзади.

Бу ўринда буюк миллат ва Ватан фидойиси бўлган Мунаввар кори Абдурашидхонов Россиянинг мустамлакачилик ва ҳарбий диктаторлик, бошқарув тизимини болаларга аниқ ва равшан қилиб кўрсатмоқда. Бунда ўзликни англашга даъват этувчи сиёсий мақсад яширин баён этилганлигини англаш қийин эмас, албатта.

Ўша пайтда ярим мустамлака хисобланган Бухоро ва Хива хонликлари алоҳида бир мавзуда кўрсатилиб, уларнинг асосан ижтимоий-сиёсий аҳволи, аҳолиси ва миллий, диний таркибла-

<sup>101</sup> Ўша асар, 112-бет.

<sup>102</sup> Ўша асар, 114-бет.

ригина ёритилади. Мана шу тариқа кейинги мавзуларда Афғонистон, Эрон, Покистон, Ҳиндистон, Туркия, Хитой, Япония ҳамда Ҳиндихитой ярим оролидаги давлатлар түгрисидаги билим ва маълумотлар келтирилган.

Осиё китъасига бағишиланган мавзуларда қитъага тегинили машхур ороллар, төглар, кўллар ва дарёлар акс этган. Бу мавзуларда жами бўлиб 60 дан ортиқ орол, тоғ, кўл ва дарё номлари келтирилган.

Шу тариқа Африка, Америка, Австралия қитъалари ҳам биринкетин, алоҳида-алоҳида мавзуларда берилиган. Ҳар бир қитъа ва давлатларга катта эътибор берилиб, уларнинг сиёсий, ижтимоий, маданий, миллий ҳамда табиий хусусияти ва жиҳатлари кенг баён этилган.

Умуман олганда, ушбу дарсликда 720 га яқин жой (географик) номлари эътироф этилган. Шулардан 360 таси машхур шаҳарларга, 100 дан ортиғи давлатларга, яна 100 дан ортиғи оролларга, 26 таси төгларга, 56 таси денгизларга (кўлтиқ ва бўғизларни қўшганда), 38 таси дарёларга, 15 таси кўлларга тўғри келади. Макротопонимлар ҳам 20 тадан ошади.

Дарсликда жуда кўплаб географик ном ва атамалар ҳам мавжудки, уларни ўрганиш, таҳлил килиш бугунги кунда долзарб муаммо бўлиб турган топоним ва атамаларнинг ўзбекча мукобилини топишга ёрдам беради, деган умиддамиз.

Хуллас, “Ер юзи” дарслиги география фани ва таълимидағи ўта кимматли ва илмий меросимизнинг бир нодир намунасидир. У Туркистонда бундан роппа-роса бир аср олдин жадидчилик ҳаракати – Миллий уйғониш деб аталувчи ижтимоий ходиса юз берган бир пайтда география фани ва таълимига асос солинганлигини исботловчи ўзига хос илмий-маданий ва маърифий мерос бўлиб ҳисобланади. Чунки, тарихан миллат ва ижтимоий ҳаёт уйғонишида география илми ва таълимига ҳам эҳтиёж туғилиши табиий бир ҳолдир. Демак, “Ер юзи” дарслиги ҳозирда миллий уйғониш жараёни кучайган, ўзликни англаш, миллий гоя ва мафкура шаклланадиган Истиқлол даврида биз учун жуда фойдали манба. Ундан ҳозирда энг долзарб масала бўлиб турган “Ватан географияси”ни яратишда андоза олиш мумкин.

Шуни дадил айтиш мумкинки, Мунаввар қоридан қолган ўта мўътабар ва кимматли “Адиб ус-соний” ва “Ер юзи” дарсликлари

география фани ва таълими ўқитишишининг бошланишига манбавий асос бўлган, улар бу соҳанинг хозирги ривожланишига ҳам дастлабки туртки бўлиши мумкин.

Дилноза ЖАМОЛОВА

ЎзР ФА Тарих институти таянч докторантни

## МУНАВВАР ҚОРИ АБДУРАШИДХОНОВ: ВАҚФ МУЛКЛАРИ ҲАҚИДА

Туркистон минтақасида XX асрнинг дастлабки чорагида рўй берган мураккаб сиёсий жараёнлар, ҳарбий ҳаракатлар ва тарихий воқеалар силсиласида миллат озодлиги учун курашган юз минглаб фарзандлари бор. Ватан озодлиги ва тараққийси учун курашган ана шундай юргидарни ўтасида Туркистон жадидчилик ҳаракатининг таникли намоёндаси, миллий озодлик ҳаракатининг гоявий раҳнамоларидан бири Мунаввар қори Абдурашидхонов (1878-1931) мухим ўрин эгаллади.

Мунаввар корининг халқпарвар фаолияти ҳакида унинг янги мактабида таҳсил олиб, хорижда олий таълим олиш учун кетган шогирдлари Абдуваҳоб Исҳок (1904-1968) ва Тоҳир Чигатой (1902-1987)ларнинг “Ёш Туркистон” журналида устозларига берган таърифларини ўқишининг ўзи кифоя қиласди. Абдуваҳоб Исҳок “Ёш Туркистон” журналининг (1934) 50-сонида эълон килган “Устозимиз Мунаввар” маколасида: “Мунаввар қори бизнинг Туркистонда миллий маориф, миллий нашириёт ва миллий мағкурачиликнинг соғлом тухумларини сочган ва минг турлик оғирлик ва тўсқинликларга қарамасдан, буларни кўкартиришига муваффақ бўлган бир зотдир. Унинг очган миллий мактаблари Туркистоннинг мингларча болаларига миллий руҳ берган ва уларни юрг ҳам миллат севгисида қуроллантирган.

Мунаввар қори “жадидчилик даври” деб аталган уйғониш давримизнинг энг буюк сиймоси ва бизнинг Туркистонда миллий маориф, миллий нашириётимизнинг боисидир. У Туркистоннинг тараққийпарвар, миллатпарвар наслининг илк устози, илк моҳир газетачиси, илк мутафаккиридир. Мунаввар қори бизнинг Туркистоннинг энг ишилашиб бир жамоат ходимиидир.

Унинг фикрий заковатлигидан сочилган нурлар Туркистоннинг қора мұхитини күндан ёргулатыб, халқимизнинг уюшилқ күзларини күндан очмасадир. Үйғоник халқимиз үз йүлини ортиқ аниқ белгилаб, үз миңлий аымоли орқасидан югурмоқдадир”<sup>103</sup>, - деб ёзган.

Тохир Чигатой эса “Устозимиз Мунаввар кори” ва “Йўлбошчимиз Мунаввар қори” мақолаларида ушбу шахснинг Туркистондаги маърифатчилик ва миңлий истиклолчилик ҳаракати тарихидаги улкан ролини алоҳида қайд этган ҳамда: “1917 йил инқилоби билан ташкил топган “Шўрои исломия” ташкилотининг асосчиси Мунаввар қоридир. Большевик инқилобидан сўнг Туркистон миңлий бойлигини танитиш, ташвиқ қилиши йўлида босилган дастлабки қадамлар ва бажарилган бутун ишлар бошида Мунаввар қори тургандигини кўрамиз. У бошлаган ишларини умрининг охиригача муваффақият билан давом эттиради. Биз Мунаввар қорини сўнгги ўттиз йиллик миңлий ҳаракатимизнинг жонли ҳайкали, деб қадрламоқдамиз”<sup>104</sup>, – деб ёзган.

Ушбу мақолада жамиятнинг барча соҳаларини ислоҳ қилиш, ривожлантиришни үз олдига буюк мақсад қилиб қўйган Мунаввар қорининг вакф мулкларини қўллаб-куватлаши ва улар билан боғлиқ масалалар юзасидан даврий матбуотда эълон қилинган мақолалари ва хабарномалари таҳлил қилинади.

Вакф<sup>105</sup> мулклари ўрта асрлардан бошлаб Шарқ мамлакатларининг аграр, иқтисодий, илмий-маданий, диний-маърифий ривожида мухим ўрин эгаллаб келган. Туркистонда вакфлар 2 хил бўлиб, биринчиси диний вақфлар, иккинчиси маданий ва маърифий ишларга белгиланган вақфлар ҳисобланган<sup>106</sup>. Маориф ва маданиятнинг моддий таянчи бўлган вақфлар ватанипарвар ва маърифатпарвар бойлар инъоми ҳисобидан ошиб борган. Мунаввар қори вақфларни: “Туркистон илгари үз замонасига кўра маданиятга эга эди. Ўша даврда Туркистон ҳукмдорлари, уламолар ва зиёлилар маданий-маърифий ишга жиҳдий аҳамият берар эдилар, ҳар бир

<sup>103</sup> Бу ҳақда қаранг: Баҳодир Карим. Абдуваҳоб Ўқтойнинг “Устозим Мунаввар” мақоласи // “Гулистон”, № 1, 2001. – Б. 55.

<sup>104</sup> Тохир Чигатой. Устозимиз Мунаввар қори. // “Ёш Туркистон”, 1934, № 1. – Б. 17-18, 21.

<sup>105</sup> Вакф – арабча сўз бўлиб, “турмок”, “кўзгалмас”, деган маъноларни англатади. Вакф килинган мулк доимий бўлиб, уни сотиш, сотиб олиши, совға қилиш ёки бирор йўл билан эзалик қилиш таъкидланган.

<sup>106</sup> Хидир Алиев. Вакфлар тўғрисида // “Туркистон”, 1923 йил 1 февраль, № 53.

киши халқ маориғ шишига бор нарсаси билан ёрдам беришни сабоб деб биларди. Ана шунинг учун Туркистонда улкан мадрасалар, мактаблар, кутубхоналар ва корхоналар төгдек қад ростлаган эди. Ҳар бир киши ўқитувчи ва ўқувчиларни моддий таъминлаш учун вакф таъсис этар, бунинг учун ўз ерлари, саройлари, дўконлари ва умуман бериши мумкин бўлган барча нарсаларни ўқув юртларининг тўлиқ мулки қилиб берарди. Шу боис мударрис ва талабалар вакф томонидан таъминланганлиги сабабли ўша даврда ҳеч нарсага муҳтожслик сезимишмаган... Ўша пайтдаги тараққиётга вакфлар сабаб бўлган”<sup>107</sup>, – деб таърифлайди.

1920 йил 2 сентябрда Бухорода амирлик тузуми ағдарилиб, БХСР (Бухоро Халқ Совет Республикаси) ҳукумати ўрнатилгандан сўнг А.Фитрат ва Ф.Хўжаев Бухоро ҳукумати фаолиятини яхшилаш мақсадида Мунаввар қори<sup>108</sup>, Саид Ахорорий, Чўлпон, Манион Уйғур, Абдураҳмон Исмоилзода ва Гулом Зафарий каби зиёлиларни Бухорога чакириб олади. Улар зиммасига вакф ва миллий маданиятни тиклаш иши юкланди.

Амир Олимхон билан Бухорони тарк этишга мажбур бўлган кўплаб диндорлар ҳамда амалдорларга тегишли бўлган ер-мулк, мачит ва мадрасалар дастлабки кунларданоқ қаровсиз қолган эди. Мачит ва мадрасаларнинг кўпчилигига қизил армия аскарлари жойлашиб олиб, баъзилари отхоналарга айлантирилган эди.

Мунаввар қори ва Саид Ахорорий маслаҳати ҳамда тавсияси асосида тайёрланган, Бухоро Марказий Инқиlobий Кўмитасининг раиси Абдуқодир Муҳиддинов ва котиб Собир Юсупов имзоси билан 1920 йил 29 сентябрда эълон қилинган 13-рақамли буйруқда: “Бухоро жумҳуриятининг ичидаги ҳамма ҳукумат маҳкамалари ва бошлиқлари эски идоралар ва ҳарбий дасталарга амр қилинадурки, мамлакат ичинда бўлган мачитларнинг ҳеч бирини ўзларининг ишлари ва кишилари билан ишгол қиласинлар. Кимки шу буйруқнинг хилофинда мачитларни ишгол қиласа, қаттиқ жазо кўрадир”<sup>109</sup>, – қайд қилинган. Буйруқда диний муассасаларни ноқонуний эгаллаб олганларга, 48 соат муҳлат кўйилиб, агар кимки

<sup>107</sup> Мунаввар қори. Туркистон вакфлари ҳакида. Танланган асарлар. Тошкент: Маънавият, 2003. – Б. 161-162.

<sup>108</sup> Мунаввар қори Бухорога келгунга кадар Тошкентнинг Эски Шаҳар маориф бўлимида инспектор, кейинроқ Маориф халқ комиссарлиги кошидаги Вакф ишлари бўлими мудири вазифасида ишлаган.

<sup>109</sup> Буйруқ // “Бухоро ахбори”, № 3, 1920 йил 29 сентябрь.

унга риоя қилмаса, ҳукумат унга қарши қатъий чора кўриши таъкидланган.

Вакф ер мулкларини азалдан ишлаб турган деҳконлар қўлида қолдириш, уларни “хирож”, “амлок” солиқларидан халос этиш баробарида ижарачиларга ижара ҳакини тўлашдан ҳам озод этишига фармон берилган<sup>110</sup>. Зироат нозири зиммасига мавжуд ер фондларини ҳисобга олиш, вакф ерларини сотиш, совға килиш, гаровга қўйиншига йўл қўймаслик маъсумияти юклатилган. Махсус “Вакф шўроси” ташкилотини тузиш билан боғлиқ конун қабул қилинган<sup>111</sup>.

Мадрасалар илм даргоҳлари сифатида ҳукумат томонидан Маориф нозирлиги ихтиёрига берилган. Болаларни янги тартибда ўқитиши учун мадраса муаллимларига олти ойлик “Дорилтадрис” курси очилган. 40 кишилик бўлган бу курсда бирин-кетин барча эски мадрасаларда дарс берган мударрислар қайта тайёрловдан ўтган. Вилоят ва маҳаллаларда вакф идоралари ташкил этилган. “Мадрасаи тарбия”да вакф идораси томонидан курслар: кўзи оқизлар учун 45 кишилик корихона очилиб, ҳар 15 кишига 1 муаллим белгиланган.

Бухоро ҳукуматида иш бошлаган Мунаввар қори “Миллий иттиҳод”,<sup>112</sup> ташкилотининг марказини ҳам Бухорога қўчирган эди<sup>113</sup>. Бухорода йигилган маҳаллий зиёлилар ҳамда Фитрат ва Ф. Хўжаев гурухи фаолияти тинимсиз кузатув остида эди. Айрим кишилар ўлим билан қўрқитилиб, ГПУнинг “кулоги”га айлантирилган эди. Ҳар бир аниқланган ва аниқланмаган хабар Москва ГПУ (Шўронинг темир панжараси)сининг Шарқ бўлимига ва Тошкент ГПУсига етказиб турилар эди. Шу аснода “Миллий иттиҳод”нинг Бухоро бўлимидан Тошкентга юборилган Ориф Каримий Юсуфбек Курбонов ва Ниёзбеков Рустамлар билан хорижий

<sup>110</sup> Мухиддинов Абдуқодир. Фуқаро ҳукумати // “Бухоро ахбори”, № 8, 1920 йил 21 ноябрь.

<sup>111</sup> “Вакф шўроси”ни тузиш тўгрисинда қонун // “Бухоро ахбори”, № 12, 1920 йил 3 дескабрь.

<sup>112</sup> Миллий Иттиҳод (Иттиҳоди тараккӣ) – Туркистон жадидлари томонидан ташкил этилган яширин ташкилот бўлиб, Мунаввар қори ва Садриддин Шарифхўжаев ташаббуси билан 1920 йилда Тошкентда тузилган. Бу ташкилот большевиклар режимига карши курашда совет муассасаларида хизмат қилаётган миллий раҳбар ходимларга таянган ва ўз олдига Туркистонда миллий мустакил давлатни барпо этишини бош максад килиб қўйган. “Миллий иттиҳод” 1925 йилнинг бошларида ўзини тарқатилган, деб эълон килиган.

<sup>113</sup> Мунаввар қори Абдурашидхонов. Танланган асарлар. – Б. 51-52.

давлатлар билан алоқа ўрнатиш мақсадида ёзилган махфий хатни олиб, Қашкарга жўнайдилар. У ерда Англия ва Япония вакилларига Бухоро, Хоразм ва Туркистон хукуматлари номидан ёзилган хатни тошириши тайинланган эди. Аммо Алматага яқин жойда улар кўлга олинади ва Ориф Каримий махфий хатни ГПУчиларга берил, “Миллий иттиҳод” ташкилотининг хорижий давлатлар билан алоқа ўрнатмоқчи эканлигини фош килади. Тошкентда ўтказилган судда Ориф Каримий отувга, Юсуфбек Қурбонов ва Ниёзбеков Рустам турли муддат билан қамоқ жазосига ҳукм этилади. Бу жараёнга алоқадорликда гумон килинган, 1921 йил февралида Бухородан Тошкентта қайтган Мунаввар қори ҳам 30 марта 1 декабргача ҳисбда сақланади<sup>114</sup>. Мунаввар қори бу муддатда кўпгина миллий, ижтимоий, сиёсий масалаларни мулоҳаза килади. Давлатни бошқариш учун миллий кадрларни тайёрламасдан туриб, истиклолга эришиб бўлмаслигини англаб етади.

1923-1925 йилларда Навоий номидаги мактаб, Наримонов номидаги педагогика техникуми, аёллар педагогика институтида муаллимлик, 1927-1928 йилларда Самарқанд шаҳар музейида илмий ходим, Ўзбекистон осори-атиқаларини сақлаш қўмитасининг Тошкент-Фарғона бўлимида масъул котиб бўлиб ишлаб юрган вактида даврий нашрларда “Вақф масаласи”га бағишлиланган мақолалар ва хабарларни эълон қилиб турган.

“Ҳақиқат” журналининг (1922) 2-сонида Мунаввар қорининг “Туркистонда вақф ишлари” мақоласи чоп этилган бўлиб, унда Туркистондаги вақф ишлари билан боғлиқ муаммолар таҳлил килинади<sup>115</sup>. Муаллиф Туркистон хукумати олдида турган муҳим вазифалардан бири вақф ишлари бўлиб, 1917 йилдан бери юзларча комиссия тузилиб, турли лойиҳалар амалга оширилган бўлса-да, кутилган натижага эришилмаганлигини таъкидлайди.

Унинг ёзишишича, ТуркЦИК ташаббуси билан Самарқанд, Фарғона, Сирдарё вилояти ва Тошкент шаҳрида вақф шўролари тузилган. Аммо вақфларни сарф қилиш ва бошқариш тўғрисидаги фикрлар турлича экан, вақф шўролари кутилган натижага эриш маслиги, бешка тараққий этган ислом мамлакатлари бу масалада бир фикрга келганлигини айтгиб: “Вақф ишларини маълум бир йўлга қўйиб, маориф бюджетининг буюк бир қисмини вақфдан

<sup>114</sup> Мунаввар қори Абдурашидхонов. Танланган асрлар. – Б. 53.

<sup>115</sup> Бу ҳақда қаранг: Мунаввар қори Абдурашидхонов. Танланган асрлар. – Б. 169-172.

керагича истифода қылмок, вақфларнинг руҳларини шодлантирмоқ бўлсак, аввало бу тўғридаги ихтилофларни бир ёғлиқ қилиб, фикрларни бирлаштиришимиз керак”<sup>116</sup>, - деб уктиради.

Вақфнинг асл моҳиятини бузиб кўрсатувчиларни тўртга бўлиб, уларни: ҳасадчилар; тафритчилар; ифратчилар ва мўътадиллар деб атайди. Ҳасадчиларни “мусулмонлар тарафидан дин, маориф ва маданиятни ривожлантириши учун таъсис этилган хос ва холис миллий сармоя”ни бутунлай давлат ҳазинасига ўтказалиши тарафдорлари бўлиб, улар маҳаллий ҳалқнинг доимо жаҳолатда қолиб, кул бўлиб туришини истаган мустамлакачилардир”<sup>117</sup>, - деб таърифлайди.

Тафритчилар вақфларни илгаригидек ҳар бир мадрасанинг ўзига бериб, у ерда талаба ўқиса-ўқимаса, 2-3 мударрисга вақф хисобидан маош беришни ёқлаб чиқканлар. Мунаввар кори ислоҳотга карши бўлган бу гурухни “замондан ҳабарсиз, ҳалқни қоронгуда қолдирувчилар”<sup>118</sup>, - деб атайди.

Ифратчилар (узокни кўра олмайдиганлар) вақфларни мадрасалар сарфламасдан, ибтидоий мактабни ривожлантиришига сарфлаш тарафдорлари бўлиб, Мунаввар кори уларни “янги қилиб берам, деб уддасидан чиқа олмай, ҳалқни эскидан маҳрум этиб, ялангоч қолдирувчилардир”<sup>119</sup>, деб ёзади.

Мунаввар кори мўътадиллар гурухи ҳакида журналинг келгуси сонида маълумот беришини айтиб ўтган, аммо журналнинг бошқа сонлари чикмагани учун ушбу мақоланинг давоми босилмаган.

“Туркистон” газетасининг 345-сонида босилган “Вакф шўйбасининг ишлариндан” номли хабарида Мунаввар кори Тошкент вақф шўйбасининг фаолиятига тўхталиб ўтади. Тошкент муаллимларининг малакасини ошириш учун диний вақф шўйбаси томонидан Кўкаaldoш мадрасасида 60 кишилик таълим-тарбия курси очилгани ва ушбу шўйба ҳомийлигига таълим-тарбияга оид янги журнал чиқариш режалаштираётгани ҳакида маълумот беради<sup>120</sup>.

Ушбу газетанинг 346-сонида Мунаввар корининг “Ўрток Жексон билан мусоҳаба” номли мақоласи чоп этилган бўлиб, унда

<sup>116</sup> Мунаввар кори Абдурашидхонов. Танланган асарлар. – Б. 170.

<sup>117</sup> Мунаввар кори Абдурашидхонов. Танланган асарлар. – Б. 170.

<sup>118</sup> Мунаввар кори Абдурашидхонов. Танланган асарлар. – Б. 171.

<sup>119</sup> Мунаввар кори Абдурашидхонов. Танланган асарлар. – Б. 172.

<sup>120</sup> М. Кори. Вакф шўйбасининг ишлариндан // “Туркистон”, 1924 йил 7 сентябрь, № 345.

МОПР<sup>121</sup> (Инкилоб курашчиларга ёрдам халқаро ташкилоти) ташкилотининг вакили ўртоқ Жексоннинг вакф масаласида Тошкент вакф бўлими ходимлари билан сухбати ҳакида хабар беради. Мақолада ёзилишича, Ўртоқ Жексоннинг “Вақф нима?” деб берган саволига Тошкент вакф шўъбаси раиси Ҳожи Зуфарий “Вақф – илгари ҳам ҳозирги кунда маданият ва маорифнинг бойлиги”, – деб жавоб беради. Бош вакф идорасининг раиси муовини Алиевдан маориф ишлари бўйича; Зоҳириддин аъламдан Туркистон уламо-руҳонийлари тўғрисида маълумот олгач, “Ислом дунёсини биз Амириқо, Чикаго аҳолилари жуда севамиз, чунки биз мусулмон дунёсидан ҳеч вақт зарар кўрмадик. Мен Амириқо мусулмонлари томонидан сизга салом айтаман, ҳам Туркистон уламоларидан ўз фикрларини ёзив берни эзилган қардошлар учун инқилобий раҳбар бўшишларини сўрайман”<sup>122</sup>, – дейди.

“Туркистон” газетасининг 358-сонида Мунаввар қорининг “Эски Тошкент вакфи ҳакида” хабарномаси нашр қилинган бўлиб, унда ўзбекларнинг маорифи учун вакф мухим эканлигини тъкидлаб: “Эл учун зарур бўлган мактаб ва интернатларнинг таъминоти ва давоми учун давлат бюджетидан маъзалий бюджетга ўтгандан кейин даромадидан олинадурган 25 фоизлик ақча етмаслиги аниқ бўлди. Колган харажатлар вақф мулклари ҳисобидан қопланмоқда”<sup>123</sup>, – деб ёzáди. Тошкент вакф шўъбаси мустақил ташкилот сифатида фалият юритиши, маориф бўлими билан биргаликда бир мақсад йўлида ишлаши кераклигини уқтиради.

Мунаввар кори Бош вакф идораси<sup>124</sup> нинг фаолиятига танкидий муносабат билдирган мақолалари ҳам газетада чоп қилиб борилган. “Туркистон” газетасининг 366-сонида эълон қилинган “Тошкент вакф шўъбасининг кишим-чиқими” мақоласида Янги Тошкентда вакф мулклари борлиги, аммо ундан Янги Тошкент колхози

<sup>121</sup> МОПР - Международная организация помощи борцам революции.

<sup>122</sup> М. Кори. Ўрток Жексон билан мусоҳаба // Туркистон, 1924 йил 8 сентябрь, № 346.

<sup>123</sup> М. Кори. Эски Тошкент вакфи ҳакида // “Туркистон”, 1924 йил 23 сентябрь, № 358.

<sup>124</sup> Туркистон шўролар жумхуриятининг Ижроқуми томонидан чикарилган 173-сонли декретта мувофиқ 1923 йил 11 январда Маориф комиссарлигининг бир бўлими сифатида Бош вакф идораси ташкил килинган.

фойдаланиб келаётгани, шу пайтгача Бош вақф идораси у ерларни инвентарга ўтказмаганлигини айтиб ўтади<sup>125</sup>.

Бунга жавобан Бош вақф идорасининг мудири Охунов Янги Тошкентдаги Хўёжа Аҳрор мадрасасига қарашли ерларнинг борлиги, ҳатто унинг вақфномаси Бош вақф идорасида бўлса-да, у ерларни олишда кийинчиликлар юзага келаётганини ёзди<sup>126</sup>.

Мунаввар кори бу жавобга эътиборан ТуркЦИКнинг 1921 йил 28 декабрда қабул қилган 173-сонли қарорининг 3- ва 4-моддалари, Туркистон Бош вақф идорасининг 1923 йил майда қабул қилган декретининг 2- ва 3-моддаларини айнан келтириб, Бош вақф идораси ўз ишига нисбатан сусткашликка йўл кўяётганини таъкидлайди<sup>127</sup>.

“Қизил Ўзбекистон” газетасида (1924) нашр қилинган “Ўзбекистонда вақф” мақоласида Мунаввар кори Бош вақф идорасининг келгусидаги фаолияти билан боғлик масалалар ҳакида фикр юритади<sup>128</sup>. Миллий жумҳуриятларга бўлиниши муносабати билан Бош вақф идораси олдида муҳим ишлар турганини айтиб, идора Ўзбекистон доирасидаги вақф сармояларини хусусий фонdda сақлаш харакатида эканлигини таъкидлайди. Бош вақф идорасининг сармояси 700 минг бўлиб, мамлакат мулклари рўйхатга олиниб бўлинса, вақф даромади ўн марта ошиши мумкинлигини айтиб ўтади. Вақф таъминотида Хоразм ва Бухородан ташқари 85 та бошланғич мактаб, 6638 нафар ўқувчи, 2-3 босқич мактаб, 400 нафар ўқувчи, 10 та саводсизлар курси, 6 та таълим-тарбия курси, бундан ташқари клуб, қироатхона, хотин қизлар билим юрти ҳамда 25 нафар стипендия оловучи борлиги ҳакида маълумот бериб, Бош вақфнинг умумий даромадининг 89,5 фоизи илмий ишларга, 11,5 фоизи идора ишчиларига маош қилиб берилаётгани ҳакида маълумот беради<sup>129</sup>.

Бош вақф идораси томонидан келгусида бутун вақф мулклари инвертарга олинса, ундан келадиган даромадни Бухоро ва Хоразмда таълим-тарбия курслари очиш, янги мактаб бинолари куриш ва

<sup>125</sup> М. Кори. Тошкент вақф шўъбасининг кирим-чикими // “Туркистон”, 1924 йил 7 октябрь, № 366.

<sup>126</sup> “Туркистон”, 1924 йил 24 октябрь, № 381.

<sup>127</sup> М. Кори. Янги Тошкентдаги вақфга қарашлик мулклар // “Туркистон”, 1924 йил 21 ноябрь, № 402.

<sup>128</sup> М. Кори. Ўзбекистонда вақф // “Қизил Ўзбекистон”, 1924 йил 11 декабрь.

<sup>129</sup> М. Кори. Ўзбекистонда вақф // “Қизил Ўзбекистон”, 1924 йил 11 декабрь.

чет элдаги талабаларга кўпроқ ёрдам беришга сарфлаш мумкинлигини айтиб ўтади.

Аммо орадан 4 йил вакт ўтиб, 1928 йил кузида ЎзССР Марказий Ижроия Кўмитаси ва Халқ Комиссарлар Советининг “Вакф мулкларини бекор қилиш” тўғрисидаги карорнинг чиқарилиши билан Ўзбекистонда вакф мулклари тутатилган<sup>130</sup> ва Мунаввар кори сингари фидойи инсонларнинг маорифни ривожлантириш борасидаги саъй-харакатларига нуқта кўйилган.

Хулоса қилиб айтганда, Мунаввар кори Абдурашидхонов ўрга асрларда Мовороуннахрда илм-фаннинг ривожланишига ва мамлакатнинг тарақкий этишига вақфларнинг мавжудлигини сабаб қилиб кўрсатган. Ҳар қандай маданиятли халқнинг ҳукумати вақфларни оқиллик билан бошқарип орқали давлат хазинасига зарар келтирмай, мадраса ва маориф даражасини кўтариши ҳамда ўкув ишини тўғри йўлга қўйиши мумкин деб ҳисоблаб, даврий нашрлардаги чиқишлари орқали вакф мулкларидан таълим тизимини ривожлантириш учун фойдаланиш заруриятларини асослаб берган. Ҳақиқий миллатпарвар ва фидойи инсон Мунаввар кори Абдурашидхоновнинг бу хизматлари маълум маънода XX аср бошларида Туркистонда таълим соҳасидаги айрим ижобий ўзгаришларда муҳим аҳамият касб этгани шубҳасизdir.

<sup>130</sup> Алимов И.А. Ўзбекистонда вакф мулкларининг тутатилиши (1917-1929 йиллар). Тошкент: Фан, 2009. – 222 бет.

**НавДПИ “Тарих ўқитиши методикаси”  
кафедраси ўқитувчиси И.Кулдэсонов.  
НавДПИ тузилмасидаги Қатагон қурбонлари  
хотириаси музейи ходими Д.Саидов.**

## **НУРЛИ ИНСОННИНГ ПОРЛОҚ ХОТИРАСИ МАНГУ ҚАЛБИМИЗДА ЯШАЙДИ.**

**Жамият тараққиётининг асоси,  
уни муқаррар ҳалокатдан кутқариб  
қоладиган ягона куч-маърифатдир.**

Одамзод борки, авлод-аждоди кимлигини, насл-насабини, ўзи туғилиб вояга етган қишлоқ, шаҳар, хуласки, Ватанининг тарихини билишни истайди. Чунки, Мустақилликка эришганимиздан кейин ҳалқимизнинг ўз тарихини билишга, ўзлигини англашга қизиқиши том маънода янада ортиб бормоқда.

Муболагасиз шуни айтиш мумкинки, Ўзбек ҳалки тарихининг сўнги 130 йилига яқин даври “оқ” ва “қизил” салтанатлар таркибида кечган. Ўзбек диёрининг моддий ва маданий бойликларини талон-тарож этишини ўз олдига мақсад қилиб қўйган чор ва совет давлатлари ҳалқининг шу даврида яшаган пешкадам вакиллари-уни хур ва озод кўришни истаган, шу йўлда фаолият кўрсатган кишиларни услуксиз равишда маҳв этиб келган. Бундай мудхииш сиёsat оқибатида авлодлар ўзбек ҳалки ичидан XX асрда этишиб чиккан буюк сиймоларни узоқ йиллар мобайнида билмай-танимай келдилар.

“XX аср бошидаги маърифатчилик харакатининг намояндалари бойлик учун, шон-шухрат учун майдонга чиқишимади. Маҳмудхўжа Беҳбудий, Мунаввар қори, Фитрат, Тавалюларга мактаб очганлари, ҳалқни ўз ҳак-хукукларини танишга даъват этганлари учун бирор маош тўлаганими? Бирор уларга ойлик берганми? Албатта, йўқ! Улар ўт билан ўйнашаётганларини, истибдодга қарши курашаётганлари учун аёвсиз жазоланишларини олдиндан яхши билишган. Била туриб, онгли равишда мана шу йўлдан борганлар. Чунки виждонлари, иймонлари шунга даъват этган”,<sup>131</sup>.

<sup>131</sup> И.Каримов. Унтилмас сиймолар. “Жадидчилик харакатининг намояндалари”. Т. “Академия” 1999. 2-бет

Мунаввар қори Абдурашидхонов ўзбек халқининг машаққатли XX асрда дунёга келган Файзулла Хўжаев, Абдулла Қодирий, Чўлпон, Фитрат сингари буюк сиймоларидан биридир.

Адиб, мураббий, мухаррир, маърифатпарвар, жамоат арбоби Мунаввар қори Абдурашидхон ўғли 1878 йилда Тошкент шаҳрининг Шайх Хованд Тохур Даҳаси Дархон маҳалласида мударрис оиласида туғилиб, яъни “Мунаввар”- нур олган дегани. Туркияда ҳозир ҳам бу сўзни зиёли ўрнида қўллайдилар. “Кори” деб Куръонни маромига етказиб ўқийдиганни айтганлар<sup>132</sup>, Мунаввар қори Абдурашидхон ўғли Тошкентдаги Юнусхон мадрасасида ўқигач, сўнгра таҳсилини Бухорода давом эттиради ва кейинчалик Тошкентга қайтади ва Дархон масжидида имомлик вазифасида ишлай бошлайди.

“Мунаввар қори XIX асрнинг охиридан бошлаб жадидчилик харакактларида фаол иштирок эта бошлайди. 1901 йилда ўз ҳовлисида, кейинчалик Тошкентнинг турли даҳаларида жадид мактабларини очади.” Бу мактаблар учун 1907 йилда “Адиби аввал”, “Адиби соний” дарсликларини яратади. “Тажвид ал-Куръон”, “Ер юзи” сингари қўлланмаларни тузиб, нашр этади. Болалар учун қатор шеърий ва насрый ҳикоялар ёзади.

Мунаввар қори ва унинг яратган мактаби ўз даврида юксак нуфузга эга эди. Масалан, шундай бир далилни келтириш мумкин. “Ойна” журналининг 1914 йил сонларидан бирида муштариyllарнинг Туркистонда олий миллӣ таълим истиқболи ҳақида берган саволига Беҳбудийнинг жавоби босилган бўлиб, “Беҳбудий унда Тошкентдаги Мунаввар қори мактаби мана шундай олий таҳсилга замин бўла олиши мумкинлигини айтган эди. Дарҳақиқат, Мунаввар қори ташкил килган мактабида 1901-1904-йилларда Эшонхўжа ва Ҳасанхўжа Ҳонийлар, Абдусамиъ қори, кейинчалик Шокиржон ва Собиржон Раҳимиylар дарс берганлар, Салимхон Тиллахонов, Фузайл Жонбоев, Қайюм Рамазоновлар шу ерда ўқиганлар. Шайхонтохурда очган “Рушдия” (ўрта) мактаби “Намуна” аталиб, исмiga мос эди”<sup>133</sup>.

Ўзбек матбуотининг ривожланишида Мунаввар қорининг хизматлари жуда катта аҳамиятга эга. Чунки, ўзбек миллӣ матбуоти-

<sup>132</sup> Бегали Қосимов “Миллӣ уйғониш”Т. “Маънавият” 2002. 236-бет.

<sup>133</sup> Бегали Қосимов “Миллӣ уйғониш”Т. “Маънавият” 2002. 237-бет.

тининг илк намунаси 1906 йилда чикқан бўлиб, “Тарақкий” газетасининг ташкилотчиларидан ва муаллифларидан бири эди. Ўша йили Мунаввар қорининг ўзи ҳам “Хуршид” газетасини чиқарди. Газетанинг энг яқин муаллифларидан бири Худоёрхоннинг ўғли Фансуруллобек эди. Кейинчалик Мунаввар кори 1909 йили Тошкентда “Жамияти хайрия” уюшмасини тузади ва “Турон” номли жамиятни очади. Умуман, ўзбек матбуотининг майдонга келишини ҳам, тарихий тарақкиётини ҳам Мунаввар корисиз, унинг юзлаб эҳтиросли мақолаларисиз тасаввур қилиб бўлмайди.

Мунаввар қори XX аср бошидаги ижтимоий-сиёсий ҳаракатчанликнинг, миллый озодлик курашининг энг эътиборли вакилларидан биридир. 1921 йилда унинг номзоди яширин “Туркистон миллый бирлиги” ҳаракатининг раислигига кўйилгани бежиз эмас эди. Бирок, гап шундаки, у ҳеч қачон исёнга, қўзғалонга даъват килган эмас. Тўғри, у “Ҳақ олинур, берилмас”<sup>134</sup>, деб ёзган эди. Лекин у бу ҳакни илм-маърифатни, фан-техникани эгаллаш, маърифий-маданий воситаларни ишга солиш оркалигини кўлга киритишини ақлга мувофиқ деб топган. Мунаввар қори ёшларни ривожланган мамлакатларда ўқитиши, шу оркали миллат ва ватанини фарзандларига танитиш, дунёни англаш ишларига алоҳида эътибор берган. 1908 йилдан 1923 йилга қадар унинг ғайрат ва ташаббуси билан юздан ортиқ туркистонликлар четга ўқиб келишган. 1920-1923-йилларда бу ташаббусни Бухорода Фитрат ва Файзулла Хўжаев кўллаб-куватлаганлар. Маълумотларга қараганда, биргина 1922 йилда Германияда ўқиётганларнинг сони 60 нафарни ташкил этган. Шулардан бештаси - Абдулваҳоб муродий, Саттор Жаббор, Саидали Хўжаев, Аҳмад Шукурий, Вали Қаюмхон-тошкентлик эди.

Мунаввар қори илм-фан, маърифат ва маданиятимизнинг турли соҳаларида фаолият юритган бўлиб, гарчи у театр асарини ёзган бўлмаса-да, Туркистондаги театрчилик ишларининг йўлга кўйилишида Абдулла Авлоний ёнида туриб, 1913 йилда тузилган 73 моддадан иборат бўлган “Турон” жамияти уставида театрчилик ишлари алоҳида таъкидланган бўлиб, унинг заминида “Театр ҳаваскорлари труппаси” ташкил топгани бежизга эмас. 1914 йилнинг 27 февралида Тошкентдаги Колизейда мана шу труппа томонидан “Падаркуш” драмаси биринчи маротаба саҳнага

<sup>134</sup> Бегали Қосимов “Миллый уйгониш”Т. “Маънавият” 2002. 238-бет.

кўйилган бўлиб, томоша олдидан Мунаввар кори театр ва унинг аҳамияти ҳакида нутқ сўзлайди. Матбуот бу кунни “тарихий кун” деб эълон килади ва шоир Тавалло эса ушбу кун муносабати билан шеър ёзди. Унда шундай сатрлар бор эди:

Чўқ мунааввар этти оламни Мунаввар қоримиз,  
Кўрдимиз равшанилиғдан феълимиз, авторимиз.  
Ибрат олинг, ёшлар, деб тўқди кўздин ёшлар,  
Нутқда таҳрир эдуб, бизларни йўқу боримиз.  
Чин кўнгулдан биз эшигдук, чин-ачиг айтган сўзи  
Шунча бидъатларни билдук,вой, биз икромиз.

Мунаввар кори адаб сифатида ҳам маълум эътибор ва нуфузга эга бўлган бўлиб, хусусан унинг “Адиби аввал”, “Адиби соний” китоблари дарслик-мажмуа сифатида ёзилган бўлиб, кўплаб шеърий ва насрй ихчам ҳикояларини ўз ичига камраб олган. Ҳар Бирининг сўнггида “хисса” - холоса чиқарилган. Улар мавзуига кўра хилма-хил бўлиб, кўпчилиги тарихий мавзуда. Йўл-йўналишига кўра ибратомуз пандлардан ташкил топган, тили содда, ўқилиши қизикарли бўлиб, ҳикоялари орасида XX аср бошидаги тарихий воқеалар, ижтимоий-маний турмуш манзаралари ҳакида ёзилгандари ҳам мавжуд. Мунаввар кори Ватанимиз тарихида, миллатимиз тарихида, биринчи навбатда, жамоат ва сиёsat арбоби сифатида ўчмас из қолдирган. Адаб ўтган асрнинг 90-йиллари охиридан умрининг сўнгигача миллат ва ватан равнаки, озодлиги йўлида кураш олиб борган бўлиб, унинг бутун ижоди ва фаолияти мана шу икки муқаддас мавзу атрофида кечган.

Ўткан асрнинг 20-йиллари ўрталарига келиб жадидчиликка муносабат ўзгариб, Мунаввар корига ҳужум бошланган пайтда ҳам у ўз ўйлидан қайтмади. 1927 йилги Тошкент округ маданиятчиликарининг курултойида жадидчиликни ҳимоя қилиб чиқди. Мунаввар корини 1929 йилда иккинчи маротаба қамоқقا олишган бўлсада, Мунаввар кори сиёsat билан жиддий шуғулланган бўлиб, 1917 йилда тарих туркистонликларга мустакилликни ўз қўлига олиш ва муносиб идора усулини ўрнатишдек ноёб имкониятни берганида бир гурух кишилар хонликни тиклаш, олайлик, Худоёрхоннинг ўғли Муҳаммад Аминбекни хон қилиб кўтариш фикрида бўлсалар, иккинчи бир гурух ривожланган мамлакатлардан ўрганиш, андоза олиш йўлларини излайдилар.

ЎзР МХХ архивида сакланаётган ҳужжатларда яъни, “Мунаввар корининг 1917 йил воқеаларидан алча илгари Абдусамиъкори Зиёбоев ва Абдухакимбойвачча Икромовлар билан биргаликда Финляндияга бориб, идора усулини ўрганиб келгани тўғрисидаги”<sup>135</sup> маълумотлар кайд этиб ўтилган. 1917 йил феврал воқеаларидан кейин Тошкентда жамиятлар кўпайиб кетди: Муаллимлар жамияти, Эски муаллимлар жамияти, Рус-тузем мактаби муаллимлари жамияти, Қассоблар жамияти, Савдогарлар жамияти, Приказчилар жамияти, Бинокорлар жамияти, Ишчилар жамияти ва ҳоказо. Лекин улар орасида энг машҳурлари “Шўрайи Ислом” ва “Уламо” эди. Мутаасиб руҳонийлар Шерали Лапининг “Уламо”си атрофида уюшган бўлсалар, тараққийпарвар зиёлилар Мунаввар қори раҳбарлик килган “Шўрайи ислом”да тўпланганилар. Мунаввар қорининг фаолияти мазкур ташкилотлар билан чегараланиб қолган эмас, албатта. Унинг шўро матбуотида кенг муҳокама қилинган “Нашри маориф” (1923-1926) даги ишлари, Анвар Понишодан Мусо Бегиевгача, Афғон амири Омонуллохондан Заки Валидий, Қози Абдурашидгача бўлган шахсий алоқалари бунга мисол бўла олади.

Мунаевар қори ва бошқа жадидчиларимиз, жадидчиликнинг моҳиятини Миллат ва Ватанинги англашдан улар манфаати учун курашишгача бўлган қизғин ва хаяжонли жараёнли жараённи ташкил қиласди. Айни пайтда, бу харакат миллатни ҳам тарбиялаб борган. Уни ўз бошига ёғилган ҳар бир оғатни тақдир деб таъбир этишдан таҳлил қилиб, чорасини излай олиш даражасигача кўтарган. Хусусан, жадидчиларимиз миллатнинг яшамоги, тараққий топмоғи учун, биринчи навбатда, озод, мустақил бўлмоғи лозимлигини англаб етганлар ва кенг халқни ўйғотишга алоҳида эътибор берганилар.

<sup>135</sup> Бегали Косимов “Миллий уйғониш”Т. “Маънавият” 2002. 241-бет

## МИЛЛИЙ МАКТАБ АСОСЧИСИ

Ўзбекистон Республикаси Президенти Ш.М.Мирзиёев ўз нуткларида ўтмиш маданий меросимизни ўрганиши, истиклолимиз йўлида жонларини курбон қилган буюк сиймолар хотирасини эъзозлаш, улар яратган асарларни қайта-қайта нашр этиш ва мутолаа қилиш зарурлигини таъкидлаб келади. Шундай буюк сиймолардан бири атоқли журналист, педагог, жамоат арбоби, истиқтол учун толмас курашчи Мунаввар кори Абдурашидхоновдир.

Мунаввар кори халқимиз тарихининг ғоят мураккаб бир даврида яшади. У дунёга келган пайтда Туркистон истибодд исканжасида азоб чекарди. Мустамлакачилар маҳаллий халқни энг оддий хукуклардан ҳам маҳрум килиб, жаҳолатда тутиб келишга интиларди. Вояга етиб, ок-корани таний бошлигандан у бу фожеанинг сабаби халқнинг саводсизлиги, маърифатсизлигига деб билди. Зиёли оиласда туғилган, акалари Аъзамхон ва Муслимхонлар халқни саводли килиш учун жон куйдирадиган кишилардан бўлганликлари сабаб у ҳам ана шу йўлни танлади.

“Мунаввар кори илм-фан, маърифат ва маданиятимизнинг турли соҳаларида фаолият юритди. Унинг қаламига оид талайгина асарлар ҳали газета ва журнал саҳифаларида сочилиб, ноширларини кутиб ётиби”<sup>136</sup>, деб ёзади Наим Каримов. Дарҳакиқат, мустакиллик шарофати билан халқ ва миллат келажаги, озодлиги йўлида жонларини фидо қилган асил фарзандлар хотиралари тикланди, улар қолдирган илмий, адабий, маърифий мерос халқка қайтарилди, асарлари қайта-қайта нашр этила бошланди. Истиқтол фидойиларининг ҳаёти ва ижодига бағишлиланган кўплаб илмий тадқикотлар амалга оширилди. Аммо ҳали бу борада бажарилган ишлар тўлақонли эмас. Хусусан, Мунаввар кори Абдурашидхонов ҳаёти ва илмий-ижодий фаолияти ниҳоятда сермазмун ва жўшкин кечганки, фаолиятининг ҳар бир қирраси ҳали янада чуқур тадқиқ этишини талаб этади. Айниқса, унинг педагогик фаолияти ўзбек миллий педагогикаси тарихида алоҳида саҳифани ташкил этади ва

<sup>136</sup> Наим Каримов, Мухаррирдан, Мунавваркори Абдурашимхонов, Танланган асарлар, Тошкент, “Маънавият”, 2003 й. Бб.

уни ўрганиш, тадқик этиш замонавий илгор миллий педагогика ривожида мухим аҳамиятга эгадир.

Мустамлакачилар маҳаллий аҳоли орасидан саводли кишилар этишиб чиқишини истамаганлар. Чунки ҳалқ қанча саводсиз, дунёқараш тор бўлса, уни асоратда саклаб туриш осон бўлишини билганлар. Шунинг учун жадид маърифатпарварларининг ҳар кандай илгор карашларига тиштириноқлари билан қарши туришган. Бу эса маърифатпарварларни курашнинг турли усусларидан фойдаланишга, хатто бъази ўринларда ён беришга, мустамлакачилик сиёсатининг талабларига бўйсунишга мажбур этган. То 1917 йил воқеаларига қадар жадид маърифатпарварлари ана шундай шароитда фаолият олиб боришиб, миллий мактаблар ташкил этиш, ёшларни илм-фани эгаллашга қизиктиришида кўпгина эзгу ишларни амалга оширишга муваффак бўлишди. Уларнинг олдинги сафида Мунавваркори борди ва унинг шу йилларда олиб борган педагогик фаолиятини чинакам қаҳрамонлик деса бўлади.

Унинг педагогик фаолиятини ўрганишда мазмун-моҳиятига кўра шартли равишда икки қисмга ажратиш мумкин. Еулар:

1.Ижтимоий ҳаётдаги нохушликлар, миллатнинг оғир ҳаёт кечиришига илмсизлик, маърифатсизлик сабаб бўлаётганилигини англаб етган миллат фидойисининг усули савтия мактабларини ташкил этиш йўлида олиб борган амалий харакатлари.

2.Илмий педагогик фаолият. Мунаввар кори янги усулдаги мактабларда диний билимлар билан бирга ижтимоий фанлар ўқитилишини замон талаби деб билди ва бунинг учун ўзи дарсликлар ва қўлланмалар яратди.

Зиёли оиласда тарбия топган, Тошкент ва Бухоро мадрасаларида узоқ вақт ўқиб, Қуръони каримни хатм қилиб, қори унвонига сазовор бўлган Мунаввар кори факат диний билимлар билан киши маърифатли бўлолмаслигини, миллатни зулмат бағридан ёргулликса олиб чиқиш учун дунёвий илмларни ўрганиш зарурлигини теран англаб етди. Мадрасаларда дарсларнинг асосан араб тилида олиб борилиши, диний билимлар бериш билангина кифояланиш маърифатсизликни келтириб чиқараётганилигини хис этди ва янги усул мактабларини ташкил этиш, уларда дарсларни она тилида олиб бориш, диний билимлар билан бирга ижтимоий фанларни ҳам ўқитиш зарурлиги масаласини кун тартибиға чиқарди. Ҳақикатан ҳам у яшаган давр ҳалқ, миллат такдири учун ана шундай

фидойи шахсларни талаб қилганди. Чунки “онгда, фикрлашда, маорифда ўзгариш қилмай туриб, сиёсатда ўзгариш қилиб бўлмасди. Вижданни уйготмай туриб, гафлатдан кутилиб бўлмасди. Душманни енгиш, ўзини хар жиҳатдан химоя қилишининг энг асосий қуроли маърифатли одамлардан ташкил топган янги жамиятни ташкил қилиш эди. Бунга эса мактаб ва мадраса тизимида инқилоб ясамай туриб эришиш мумкин эмасди”<sup>137</sup>.

Буни чуқур англаған Мунавварқори 1901 йилда Тошкентда янги усули савтия мактабини очди. Ўша пайтда бундай мактабда ишлайдиган ўқитувчилар стицизмаслиги туфайли уларга татарлар ва қримлик муаллимлар жалб этилган. Мактаб ишини ислоҳ қилишга жиддий киришиб, ўзи ташкил қилган мактабда хусниҳат, жутрофия, турк қавмлари тарихи дарсларини ўқитади.

“Мунаввар қори ва унинг мактаби юксак нуфузга эга эди. Масалан, шундай бир далилни келтириш мумкин. “Ойна” журналининг 1914 йил сонларидан бирида муштарийларнинг Туркистонда олий миллӣ таълим истикబоли ҳақида берган саволига Беҳбудийнинг жавоби босилган. Беҳбудий уида Тошкентдаги Мунаввар қори мактаби мана шундай олий таҳсилга замин бўла олиши мумкинлигини айтган эди. Дарҳақиқат, унинг мактабида 1901-1904 йилларда Эшонхўжа ва Ҳасанхўжа Хонийлар, Абдусамиъ қори, сўнгроқ Шокиржон ва Собиржон Раҳимийлар дарс берганлар, Салимхон Тиллахонов, Фузайл Жонбоев, Қаюм Рамазонлар шу ерда ўқиганлар. Шайхонтоҳурда очган “Рушдия” (ўрга) мактаби “Намуна” аталиб, исмига мос эди”<sup>138</sup>, деб ёзди профессор Б.Қосимов.

Бу билан ҳам кифояланмасдан у Халқ ўкув юртлари директорига ўзи ишлайдиган Тошкентнинг Шайхонтоҳур даҳаси Тарновбоши маҳалласидаги мактаб муаллими сифатида талабнома билан чиқади. Унда у ўқувчиларга рус тилини ўқитишга рухсат берилишини сўрайди. Бунда у душманни енгмоқчи бўлсанг, уни ўрган, ақидасига амал қиласди. Аммо ўлжани руслаштириш сиёсатини олиб бораётганларга бу ёқмайди. Чунки уларга маҳаллий аҳоли орасидан рус тилини чала-чулпа биладиганлар бўлса кифоя

<sup>137</sup> Сирожиддин Ахмад, Йўлбошли(сўзбоши), Мунаввар қори Абдурашимхонов, Таиланган асарлар, Тошкент, “Маънавият”, 2003 й. Б15.

<sup>138</sup> Бегали Қосимов, Миллӣ уйғониш: жасорат, маърифат, фидойилик, Тошкент, “Маънавият”, 2002 й. Б.237.

эди. Шунинг учун Мунаввар корининг талабини рад этишади ва унга мантиқсиз жавоб беришади. Бироқ жавобдан қаноатланмаган Мунаввар кори бўш келмайди ва мактабида рус тилини ўқитишига нихоят рухсат олади. У педагогик фаолияти давомида том маънода миллий мактаб яратиш ниятидан асло қайтмайди. Тошкент шаҳар думасига аъзо этиб сайлангач, бу ниятини амалга оширишига яна ҳам қаттиқ киришади. У шу масалада шаҳар маъмурлари билан жикқамушт бўлади. Куропаткин хузурига болаларни бошлиб бориб, усули жадид мактабларига кенг йўл берилишини талаб этади. Бундай ҳаракатлар уни мактаб ишининг чинакам жонкуяри сифатида эл орасига танитди. Унинг астойдил ҳаракатлари натижасида 1917 йил 10 сентябрда дума мажлисида рус-тузем мактаблари ўрнида б синфлик миллий мусулмонлар мактаби ташкил этиш муҳокама этилади. Бу мажлисида Мунавваркори маъруза қиласди. Бу воқеалар хақида хотиралар ёзган Н.Остроумов Мунаввар қорининг амалий педагогик фаолиятига катта баҳо беради. Уни маҳаллий ахоли Тошкентнинг Эски шаҳар қисимидағи мактабларнинг ягона директори деб ҳисоблашлари, Мунаввар кори б синфлик янги миллий мусулмонлар мактаблари учун ўқув дастури тақдим этганини, унинг ҳалқни маърифатли қилиш учун олиб бораётган фаолияти самарали бўлаётганини қайд этади. Чунки Дума мажлисидаги муҳокамадан сўнг 1917/1918 ўқув йилида очилажак миллий мактаб учун кредит очишга ҳам рухсат берилади. Бу ҳаракатлари билан Мунаввар кори миллий мактабга асос солди.

Янги усулдаги мактаблар фаолиятини йўлга қўйиш учун унда ўқитиладиган дарсларнинг қандай фанлардан бўлишини, шу мақсадга мос дарсликлар зарур эди. Буни яхши англаган Мунаввар кори мадрасада олиб борилаётган факат диний мазмундаги дарслардан мутлақо коникмайди ва усули жадид мактаблари ташкил этиб, уларда кўпроқ ижтимоий фанларни ўқитишига эътиборни қаратиш лозимлиги мақсадини илгари сурди ва бунинг учун қатъий кураш олиб борди. Мустамлакачи маъмурлар мактаблар фаолиятини қаттиқ назоратга оладилар, уларда ўқитиладиган дарслар улар қўйган талабларга жавоб берishi лозим эди. Усули жадид мактабларида рус тилини ўқитиши, ўқув дастури ва дарсликлар номларини тақдим этиш шарт қилиб қўйилади. Шу каби чеклашлар бўлишига қарамай Мунаввар кори 1907 йилда “Адиби аввал” дарслигини яратди ва бу дарслик С.Азизийнинг

“Устоди аввал” китоби билан бир вактда рус-тузем мактабларида ўқитилган. Ўша йилнинг охирида “Адибус-соний” деб номланган иккинчи дарслигини нашр эттиради. Бу дарслик-мажмуалар унинг алиб сифатида ҳам катта истеъдод эгаси эканлигини кўрсатади. Улардан кўплаб шеърий ва насрый ихчам ҳикоялари ўрин олган. Ҳикоялар сўнгига “хисса” – хулоса берилади ва бу хулосалар тарбиявий-маърифий аҳамияти жиҳатидан бекиёсdir. Ҳикоялар мавзу жиҳатдан ҳам ранг-баранг бўлиб, кўпчилиги тарихий мавзудалиги билан ҳам дикқатни торгади. Профессор Б.Қосимов щундай дейди: “Йўл-йўналишига кўра ибратомуз пандлардан ташкил топган, тили содда, ўқилиши кизиқарли. Ҳикоялари орасида XX аср бошидаги тарихий воқеалар, ижтимоий-маший турмуш манзаралари ҳакида ёзилганлари ҳам анчагина”.<sup>139</sup>

1910-1911 йилларда Тошкент, Кўкон, Фарғона, Наманганда кўплаб усули жадид мактаблари фаолият олиб борган. Бу мактабларни Мунаввар қорининг акалари Аъзамхон ва Муслимхон, шунингдек, Ҳасан қори Хоний, Эшонхўжа Хоний, Низомиддин Ҳусаинов, Рустамбек Юсуфбеков, Саъдулла қори Абдуллаевлар ташкил этишган. Бу мактабларда А.Ибодов ва А.Шукurov яратган китоблардан фойдаланилган. Мунаввар қорининг яратган иккита дарслиги ҳам мактабларни ўкув манбалари билан кўпроқ таъминлашга ёрдам берган. Ҳатто Мунаввар қори 1-4 синфлар учун ўкув дастури тузиб, мактаблар фаолиятига жорий этилган. Даствлабки усули жадид мактабларида ўқитиш қуйидаги дарслардан иборат бўлган:

Мактабларнинг 1-синфида “Адибус-соний”, “Ҳавоийижи диния” ҳисоб (юздан юқори сон ва барча амаллар), 3-синфда Сўфи Оллоёр китоби, ўқиш ва ёзиш, Қуръон(тажвид билан танишиш), “Ҳавоийижи диния”(II кисм), “Тарихи анбиё”, Шапочников ва Вольцовнинг “Арифметика”си, “Насиҳати атфол”, “Тажвид”, 4-синфда Қуръон, “Тарихи анбиё”, “Даҳр ун-нажот”(Мунавварқори асари), Р.Фахриддиновнинг “Насиҳат”, “Ҳисоб масаласи”, араб тили, “Дур-ул-шифохия”, Абдушукуровнинг “Форс тили” китоблари ўқитилган. Мунаввар қори педагогик фаолиятида мактабларнинг дунёвийлигини ошириб бориш, уларда ижтимоий фанларни кўпроқ ўқитилишига эришишга ҳаракат қилди. Унинг илмий

<sup>139</sup> Бегали Қосимов, Миллий уйғониши: жасорат, маърифат, фидойилик, Тошкент, “Маънавият”, 2002 й. Б.239.

педагогик фаолияти серқирра истеъдодининг алоҳида саҳифаларини ташкил этади. Матбуотдаги чикишларида, театр ишларини ташкил этишда кўрсатган ёрдамларида ҳам у ўзининг тарбияхакидаги қарашларини илгари сурди, мактаблар фаолиятини намунали йўлга қўйиш миллатнинг уйғониши ва тараққиётнинг тўгри ва нурли йўлига тушиб олишида муҳим аҳамиятга эга бўлишини катъийлик билан уқтиришга ҳаракат қилди. Тарихнинг ғоят мураккаб, ҳалқ ва миллат учун ниҳоятда кийин бўлган долғали бир даврда, фожеалар гирдобида яшаган буюк маърифатпарвар Мунаввар қори Абдурашидхонов бугуиги кунда том маънода миллий мактаб асосчиси деган шарафга лойиқ сиймодир.

*Абдуавли ЙЎЛДАШЕВ  
кичик илмий ходими  
Эркин РАЖАПОВ  
воиз –экскурсоводлар раҳбари*

## МУНАВВАР ҚОРИ АБДУАШИДХОНОВ ФАОЛИЯТИНИНГ ЎРГАНИЛИШИ

XX асрнинг 30-йилларигача бўлган Туркистон маърифатпарварлиги тараққиёти ўлка тарихининг муҳим даврларидан бири ҳисобланади. Бу даврда Туркистонда кўплаб сиёсий арбоблар, маданият ва санъат намоёндалари, матбуот ва маориф етакчилари етишиб чиқди. Афсуслар бўлсинки, совет ҳокимиятининг ўтган аср 30-йилларидаги қатағон сиёсати маърифатпарвар зиёлиларнинг катта қисмини турли айловлар билан жисмонан маҳв этди. Улар амалга оширган ишлар ва яратган моддий, маънавий бойликларини ҳалқ истеъмолидан чиқариш ишларини амалга оширди. Номларини тарих саҳифаларидан ўчиришга уринидилар. Мунаввар қори Абдурашидхонов ҳам 30-йиллар қатағони исканжасига сохта айловлар билан тушган ўзбек миллий зиёлиларининг йирик вакили ҳисобланади.

Мунаввар қори Туркистондан етишиб чиқсан буюк ислоҳотчилардан бири эди. У Туркистоннинг миллий озодликка эришини йўлида фаолият кўрсатган педагог, матбуотчи ва жамоат арбобидир. Мунаввар қори “усули жадид” мактабларини очди, ўқи-

түвчилик қилди, дарсликлар яратди, дастлабки миллий газеталарни нашр эттириди.

ХХ асрнинг 30-йилларигача бўлган фаолияти давомида Туркистонда бошлангич таълимдан токи олий таълимнинг шаклланиши ва ривожланишигача иштирок этди. Матбуот ва миллий театр санъатининг тараққий этиши, ўлкада турли жамиятлар тузиш ҳамда унинг фаолиятини олиб бориш, қолаверса, Туркистонни ижтимоий-иктисодий, маданий жиҳатдан тараққий этиши, миллий кадрлар билан таъминлаш мақсадида хорижда ёшлиарни ўқитиш ишларига бош-қош бўлди. “Адиби аввал”, “Адиби соний”, “Ўзбекча тил сабоқлиги”, “Ер юзи”, “Ҳавойижи диния”, китобларини, кўплаб публицистик мақолаларни<sup>140</sup> яратди-ки, бугунги кунда унинг асарлари миллий маънавий меросимизнинг бир кисмига айланди.

ХХ асрнинг 20-йиллари охирига келиб, Мунаввар қори фаолияти таъқиб остига олинди. Ҳукмрон мафқуранинг сиёсати Туркистонда мавжуд бўлган “Миллий иттиҳод” ташкилоти ва унинг аъзоларини аксилинқиlobчилик ҳаракатида айлади. “Мунаввар қори Абдурашидхонов ва Салимхон Тиллахоновлар иши” номли иш очилиб, 1929 йилда гумон қилинган шахслар хибсга олиниб, терговга тортилди. ОГПУнинг карори билан 1931 йил апрелида 15 киши отувга, 19 киши 10 йил, 19 киши 5 йил, 14 киши 3 йил камоқка, 1 киши бир йилга Омскка сургунга, 3 киши юртидан бадарға қилинди<sup>141</sup>.

Мунаввар қори Абдурашидхоновнинг тақдири 1931 йил 23 майда Москвада бўлиб ўтган суд хуносасига кўра, отувга ҳукм этилди. Лекин жамиятнинг Мунаввар қори фаолияти ва шахсига бўлган қизиқиш уни тарих саҳнасидан бутунлай ўчириб ташлай олмади. Мунаввар қори Абдурашидхоновнинг шахси, фаолияти, ижоди ва унга алокадор масалалар унинг замондошлари ҳам кейинги авлодлар томонидан хорижда ўрганилди, у ҳақида туркум мақо-

<sup>140</sup> Абдурашидхонов М. Никоҳ тўтрасида. // Ўрта Азиянинг умргузаронлиги Тараккий 1906 йил 3,9 февраль, 7 март.; Бизни жаҳолат – жаҳоли мураккаб. // Тараккий. 1906 йил 14 июнь.; Тошкент Мусулмон жамияти. // Самарканд. 1913 йил 20 август.; Жамият қандай очилур. // Садойи Туркистон. 1914 йил 27 июнь.; Хужумми мунозарами. // Кизил ўзбекистон. 1922 йил 2 феврал, 7 март. Ўзбекистонда вакф. // Кизил ўзбекистон. 1924 йил 11 декабрь.

<sup>141</sup> Косимов Б. Миллий уйғониш: жасорат, маърифат, фидоийлик. – Т., Маънавият, 2002. – Б.235.

лалар эълон қилинди. Филюология фанлари доктори, профессор Бегали Қосимовнинг ёзишича, Мустафо Чўқай ўғли муҳаррирлигига 1934 йилда Парижда фаолият олиб бораётган “Ёш Туркистон” журналида Мунаввар қорига бағишлиланган илк хорижий мақола чоп этилади.

“Миллий Туркистон” журналиниң 1952 йил 76-сонидаги Боймирза Ҳайит томонидан “Мунаввар кори – ватанпарвар ва ислоҳотчи”<sup>142</sup> номли мақола эълон қилинди. Мақолада Мунаввар қорининг Туркистондаги педагогик ва ижтимоий фаолиятига катта эътибор қаратилган.

Мунаввар қорининг “Намуна” мактабини тамомлаб (1913-1915 й.й.), 1921-1922 йилларда Туркистон Давлат Университетининг мұхандислик факультетини, 1922-1923 йилда Москва қаласының кишлоқ-хұјалығи академиясинан уқыган, кейинги илмий фаолиятини Германияда давом эттириб, зироат профессори даражасига эриштап Иброҳим Ёрқиннинг “Түрк күлтүри арашытірмалари” түпласында Мунаввар кори фаолиятига аталған мақола<sup>143</sup> си чоп этилған. Мақолада мұаллиф Туркистонда XX аср бошларыда рўй берган миллий уйғониш, маънавий-маърифий жараба-намалдардың үзгаришлар ҳақида маълумот беради. Туркистонда ташкил этилған янги усул мактаблари, уларниң фаолиятида Мунаввар қорининг ўрни, мактабларниң моддий таъминоти ҳамда Тошкентда ташкил этилған “Жамият имдодия” жамияті ёрдамида четта чиқиб таълим олишга муваффақ бўлган туркистонлик ёшлар ҳақида маълумот беради. Мұаллиф мақолада шунингдек, Туркистон жадидчилик ҳаракатида Мунаввар қорининг ўрни бекиёс эканлигини кўрсатиб берди.

Совет ҳокимиятининг ҳукмрон мағкураси Ўзбекистонда Мунаввар кори Абдурашидхоновнинг на фаолиятини, на унинг асарларини тилга олишга йўл қўйиб берди. Шу боис ҳам мустақиллик йилларигача бўлган даврда Мунаввар кори фаолияти ёки унинг асарлари ҳеч бир манбада кўзга ташланмади.

1989 йил 16 январда СССР Министрлар Олий Совети томонидан 30-40 ва 50-йиллар бошларидаги қатағонлар ишини ўрганиб чиқиши қайта очилади ва Мунаввар қорининг иши ҳам киритилди.

<sup>142</sup> Boymırza Hayit. Munavvar korı bir vatansever ve reformcu // Milli Türkistan. 1952. № 76(8). – S. 14-17.

<sup>143</sup> Yarkın İbrahim. Türkistan'da uyanış-Milli hareketler ve Münevver Kari, Türk Kültürü, sayı 1946. – S.78-86.

Россия матбуотининг “Вечерняя Москва” газетаси 1990 йил 6 декабрдан бошлаб 1930-40 йилларда отилиб, маҳфий дағи этилган Сталин қатағон курбонлари рўйхатини эълон кила бошлади. Газета Вагонъково қабристонига кўмилган 600 дан ортиқ, Донской қабристонига кўмилган 250 дан ортиқ қатағон курбонларнинг рўйхатини эълон килди. Газетанинг 1992 йилдаги май сонида 9 та қатағон қурбонининг суратлари ва қисқача маълумот келтирилган холда мақола чоп этилди. Келтирилган тўқиз киши орасида 5 нафари – Саид Аҳорий, Мунаввар кори, Салимхон Тиллахонов, Мақсуд Тангриқулхожи ва Нажмиддин Шермуҳаммедовлар эди<sup>144</sup>.

Мустакилликнинг дастлабки йилларидан Мунаввар кори хақидаги мақолалар ва уларнинг асарларидан намуналар ўзбек матбуот саҳифаларида эълон қилина бошланди. “Шарқ юлдузи” журналининг 1992 йилги сонида Сирожиддин Аҳмаднинг “Мунаввар кори”<sup>145</sup> мақоласи чоп этилди. Мақола муаллифи шу пайтгача номи тилга олинмаган Мунаввар кори шахсияти ва фаолияти, асарлари ҳақида ишончли илмий манбалар асосида маълумот беради. Буни албаттда тарих фанида янги бир илмий истеъмол неъмати дейиши мумкин. Мақола қатағон курбонларидан бўлган Тўлаган Хўжамёров (Тавалло)нинг Мунаввар корига бағишланган шеъри билан бошланган.

Нормурод Авазов томонидан Мунаввар корига бағишланган “Миллат фахри” номли мақолада адаб фаолиятига қисқача дебоча қилиниб, бугунги кунда ҳам долзарблигини йўқотмаган “Шўрайи Исломия” ташкилотининг қарорномасини китобхонга ҳавола этади<sup>146</sup>. Муаллиф яна бир “Тарақкийпарвар”<sup>147</sup> сарлавҳали мақоласида XX аср бошларидаги Туркистон маърифатпарварлик ҳаракатига мурожаат қилиб, Мунаввар кори шахси орқали жадидчилик ҳаракати аҳамиятини очиб беришга ҳаракат қилган. “Машхур маърифатпарвар”<sup>148</sup> номи билан “Бошлангич таълим” журналида чоп этилган Йўлдош Абдуллаевнинг мақоласида Мунаввар кори Абдурашидхоновнинг таълим тизимидаги амалга оширган ишларига тўхталиб ўтилган. Мақолада муаллиф М.Абдурашидхонов

<sup>144</sup> Вечерняя Москва. 1992 йил 25 май.

<sup>145</sup> Ахмедов С. Мунаввар кори. // Шарқ юлдузи. 1992 йил. № 5. –Б.105-119.

<sup>146</sup> Авазов Н. Миллат фахри. // Гудистон. 1992 йил № 5-6. –Б.11.

<sup>147</sup> Авазов Н. Тараккийпарвар. // Маърифат. 1995 йил. 23 август.

<sup>148</sup> Абдуллаев Й. Машхур маърифатпарвар. // Бошлангич таълим. 1992 йил. №11-12. –

Б.52.

ҳаёт йўлининг маълум даврини “ёзувчи Ойбекнинг “Улуғ йўл” романидаги Умарали тимсолининг ҳаётий мукобили прототипи бўлган”, – дея таъкидлайди. Шунингдек журналинг муковаси ички қисмида Мунаввар кори Абдурашидхоновнинг рассом Қаҳрамон Қурбонов томонидан чизилган портрети акс этган.

Професор Иброҳим Алимов “Эски мактаб ислоҳоти ташаббускори”<sup>149</sup> номли мақоласида Туркистонда 1920 йил июнь ойида Туркистон жумхурияти халқ маорифи бўлими мудирларининг курултойида биринчи марта диний мактаблар, мадрасалар, эски усуздаги мактаблар масаласи кўтарилгани ва бу жараёнда М.Абдурашидхоновнинг фаолиятига тўхталиб ўтилган. Шунингдек мақолада Туркистондаги янги усул мактабларига тўхталиб, “1917 йил Февраль инқилобидан аввал Тошкентнинг эски шаҳар қисмидаги 11 та янги усул мактабининг энг каттаси Мунаввар кори Абдурашидхоновнинг мактаби эди. Унда 160 нафар бола ўқиб 3 нафар домла болаларга дарс берган”<sup>150</sup> – деган маълумотни келтириб ўтади.

Мунаввар кори Абдурашидхонов ва “Миллий истиқбол” ташкилоти аъзоларининг хибсга олиниши ва бу иш бўйича олиб борилган тергов жараёни юзасидан ёзувчи Нуруллоҳ Мухаммад Рауфхоннинг “Бир сотқин ва унинг чакувларида жўмарларнинг тарифлари”<sup>151</sup> номли мақоласи кенг камровни ўз ичига олади. Мақолада Мунаввар кори ва “Миллий истиқбол” ташкилотига аъзо бўлган бир қатор зиёлиларнинг кўлга олиниши, уларни тергов килиш жараёнида ГПУ хуфиялари етказган маълумотлар, ҳамда миллий зиёлиларимиз Мунаввар кори, Эшон Хўжа Хоний, Ҳасан Хўжа Хоний, Муродхўжа домла, Юсуф Иноғомов каби бир канча шахслар устидан амалга оширилган чакув баёни акс этган.

Жадидчилик харакатида Мунаввар корининг педагогик фаолияти масаласини Нурхон Иргашеванинг мақоласида хам кўришимиз мумкин. У “Жадидчилик харакати ва Мунаввар кори”<sup>152</sup> ва

<sup>149</sup> Алимов И. Эски мактаб ислоҳоти ташаббускори. // Халқ таълими. 1993 йил. 10-сон. – Б.5-8.

<sup>150</sup> Алимов И. –Б.6.

<sup>151</sup> Нуруллоҳ Мухаммад Рауфхон. Бир сотқин ва унинг чакувларида жўмарларнинг тарифлари // [http://kh-davron.uz/\\_kutubxona/\\_uzbek/tarix/\\_munavvar-qori-ustidan-chaquv-yozgan-sotqin.html](http://kh-davron.uz/_kutubxona/_uzbek/tarix/_munavvar-qori-ustidan-chaquv-yozgan-sotqin.html).

<sup>152</sup> Иргашева Н.А. Жадидчилик харакати ва Мунаввар кори. // Халқ таълими. 1996 йил №5. – Б. 67-71.

“Буюк тараққийпарвар”,<sup>153</sup> номли мақолаларида М.Абдурашидхоновнинг Туркистон ўлкасини тараққий этишдаги хизматлари, педагогик фаолияти тарихий материаллар ва ўзининг муроҳазалари асосида очиб берган. Нурхон Иргашева адибнинг педагогик қарашларини тадқиқ қилиб, 1997 йилда “Мунаввар қори Абдурашидхоновнинг маърифий-педагогик қарашлари (1878-1931)”<sup>154</sup> мавзусида педагогика фанлари номзоди илмий даражасини ёқлади. Тадқиқот ишида Туркистон жадидларининг ижтимоий-маърифий фаолиятида Мунаввар қорининг етакчилик ўрни ва М.Абдурашидхоновнинг янги усул мактабларида таълим-тарбиянинг такомиллашувидағи педагогик ғояларига алоҳида эътибор қаратилған.

Тарихчи Сотимжон Холбоевнинг “Мунаввар қори”<sup>155</sup>, “Фидойи”<sup>156</sup>, каби мақолалари маърифатпарварнинг фаолияти ва асарлари таҳлилига мурожат қилинган ҳолда чоп этилған. Хусусан, “Фидойи” мақоласида муаллиф Мунаввар қорини маданий-маърифий, ижтимоий-сиёсий ташкилот ва уюшмалар асосчиси сифатида кўрсатиб, адаб иштироки, етакчилигидаги ташкилот ва уюшмалар рўйхатини келтиради. Мунаввар қорини ўзбек миллий матбуотининг асосчиси дея у иштирокидаги газета ва журналлар номини санаб ўтади. Туркистонда олий таълим асосчиларидан бири сифатида кўрсатиб муаллиф “ўлкамиз тарихида унинг раҳбарлигига 1918 йили Туркистон мусулмон дорулфунуни ташкил топди”,<sup>157</sup> – деб ёзади. Мақола давоми сифатида журналда Мунаввар қорининг “Хотираларимдан” асаридан парча ҳавола этилади<sup>158</sup>. 2001 йилда шу муаллиф томонидан нашрга тайёрланган “Хотираларимдан”,<sup>159</sup> китоби “Шарқ” нашриёти томонидан чоп этилди. Дастрлаб ушбу

<sup>153</sup> Иргашева Н.А. Буюк тараққийпарвар // Ёшлиқ. 1996 йил 4-сон. – Б.22-23.

<sup>154</sup> Иргашева Н.А. Мунаввар кори Абдурашидхоновнинг маърифий-педагогик қарашлари (1978-1931). Педагогика фанлари номзодини олиш учун ёзилган диссертация. –Тошкент, 1997. 169 бет.

<sup>155</sup> Холбоев С. Мунаввар кори. // Мулокот. 1997 йил №1. –Б.24-25.

<sup>156</sup> Холбоев С. Фидойи // Жамият ва бошқарув журнали. 1998 йил. №2. –Б.64-66.

<sup>157</sup> Холбоев С. – Б. 65.

<sup>158</sup> Холбоев С. – Б. 67-68.

<sup>159</sup> Абдурашидхонов Мунаввар кори. Хотираларимдан. Нашрга тайёрловчи Холбоев С. – Тошкент, Шарқ. 2001. 128 бет.

асар муаллиф томонидан “Турон тарихи” номли журналнинг 1993 ва 1994 йиллардаги сонларида эълон қилинган эди<sup>160</sup>.

Маърифатпарвар адабнинг фожиали тақдири ҳақидағи маълумотларга эга яна бир макола 1997 йил “Шарқ ўлдузи” журналида чоп этилди. Унда Алиназар Эгамназаров муаллифлигида “Истиқлолчилар қатл этилган жой”<sup>161</sup> номли макола эълон қилинади. Мақолада Саид Ахрорий, Мунаввар кори, Салимхон Тиллахонов авлодлари хотиралари ҳам жой олган. Мунаввар корининг жияни Мухаммадхон Абдурашидхонов хотирасида уни кизил аскарларга карши ташвиқот олиб борганилиликда айблаб, 10 йилга қамашгани, аслида эса Мунаввар кори тарбиясида катта бўлгани учун қамалганилигини келтиради. Мухаммадхон Абдурашидхонов Мунаввар коридан қолган ягона суратга тўхталиб, уни Тошкент шахридаги “Ёш гвардия” театри рўпарида кўчанинг ўнг томонида озарбайжонлик суратчи дўконида олинганилигини ҳикоя қиласди.

Олимларнинг илмий тадқиқотлари натижасида Мунаввар корининг XIX аср охири – XX аср бошларидаги маориф, матбуот соҳасидаги ҳизматлари, ижтимоий-сиёсий жараёнларидаги фаолиятига оид хужжатлар, материаллар ва матбуот манбалари жамланди. Ушбу маълумотлар 2000 йилда чоп этилган “Ўзбекистоннинг янги тарихи” номли томлик китобнинг биринчи ва иккинчи жилдларига ҳам киритилди.

“Қадрият” газетасининг 2001 йил сентябрь сонида ““Миллий иттиҳод” тақдири” номли макола чоп этилди. Мақолада Мунаввар корининг ташкилотдаги фаолиятига тўхталиниб “Икки чопарнинг ГПУ томонидан қамоққа олиниши “Миллий иттиҳод”га катта зарар келтирди. Шунга қарамай Мунаввар кори Абдурашидхонов 1922-1923 йилларда ташкилотни қайта оёққа турғиза олди”<sup>162</sup> – деб ёзади мауаллиф.

Нашрга тайёрловчи ва сўз боши муаллифи – санъатшунослик фанлари номзоди Сироҗиддин Ахмедов Мунаввар кори Абдурашидхоновнинг фаолияти устида узоқ йиллар изланишилари натижасида 2003 йилда адабнинг бадиий асарлари, рисолалари,

<sup>160</sup> Абдурашидхонов Мунаввар кори. Хотираларимдан // Турон тарихи журнали. 1994 йил август. – Б.13-14.

<sup>161</sup> Эгамназаров А. Истиқлолчилар қатл этилган жой // Шарқ ўлдузи. 1997 йил. 1-сон. – Б.193-211.

<sup>162</sup> Каримов Н. “Миллий иттиҳод” тақдири. // Қадрият. 2001 йил 1 сентябрь.

нутқлари ва маколалари, ҳамда хотираларини ўзида жамлаган истиқлол қаҳрамонлари туркуми остида “Мунаввар қори Абдурашидхонов”<sup>163</sup> номли танланган асарлар тўплами чоп этилди.

Яқин йизларда Мунаввар қори Абдурашидхонов шахси хориж олимлари тадқиқотларида ҳам тадқиқ этила бошланди. Жумладан: Америкалик тарихчи Эдвард Олвэрд ўзининг “Замонавий ўзбеклар”<sup>164</sup> (Modern uzbeks) номли китобида Мунаввар қори ва унинг мактабдорлик фаолияти, у томонидан янги усул мактаблари учун нашир этилган дарслклар борасида батафсил маълумотлар беради. Адид Холиднинг “Munavvar qori’s ‘Memories’: An Uzbek Confession-Testimony from the Files of the Secret Police”<sup>165</sup> (Мунаввар Корининг “Хотиралари”: Ўзбек махфий полиция хужжатларидағи тасдиқи – гувоҳликлар) номли иши ҳам бевосита Мунаввар қорига оид маълумотлар, фактлар ва манбалардан фойдаланилган ҳолда инглиз тилида баён этилган.

Муҳтасар қилиб айтганда Мунаввар қори Абдурашидхонов фаолияти ва илмий меросини ўрганиш Ўзбекистон тарихининг XX аср бошларидағи ижтимоий-сиёсий, маданий маърифий жараёнларидағи воқеа ҳодисотлар билан чамбарчас боғлиқлиги билан аҳамиятлидир. Қолаверса унинг илмий мероси келажак авлод қалбida миllat, ватан таушунчаларини англашда, ахлоқан ва маънан тарбияли, ватанпарвар шахс бўлиб камол топишлари учун зарур манба бўлиб хизмат килади.

*Абдували ЙЎЛДАШЕВ  
Қатагон қурбонлари хотираси  
давлат музейи кичик илмий ходими*

## МУНАВVAR ҚОРИ АБДУРАШИДХОНОВ ЗАМОНДОШЛАРИ НИГОҲИДА

XIX аср охири – XX аср бошларида Туркистон ўлкасида вужудга келган жадидчилик ҳаракати ўзининг олдига биринчи

<sup>163</sup> Мунаввар қори Абдурашидхонов. Танланган асарлар. Таҳир ҳайъати: О.Шарафиддинов, Н.Аминов, Н.Каримов ва бошқалар. –Т., Маънавият 2003 й. – 304 б.

<sup>164</sup> Edward Allworth. The modern Uzbeks: from the fourteenth century to the present : a cultural history Hoover Institution, 1990.

<sup>165</sup> Adeeb Khalid. Munavvar qori’s “Memories”: An Uzbek Confession-Testimony from the Files of the Secret Police vol. 47, Presses de l’Inalco, 2016. S.195-213.

навбатда миллатнинг ўзлигини танитиш, бидъатлардан қутулиш, Миллат ва Ватан истиқолини қўлга киритишни асосий мақсад килиб қўйди. Бу йўлни ўлка зиёлилари маориф, илм-фан, матбуот ва маданият соҳаларини ривожлантиришда деб билдишар ҳамда шу соҳаларга катта эътибор қаратдилар. Улар матбуот билан ҳалқни фафлатдан уйғотиш, маорифни тараққий эттириш йўли билан буюк мақсадларини амалга оширишга умид бөгладилар. Бунинг учун тараққий этган миллатлар билан ҳамқадам авлодни тарбиялаб етиштириш керак эди.

Туркистон ўлкасининг ўша даврдаги ижтимоий, иқтисодий, сиёсий ва маданий тараққиётини ўз ғами деб билувчи кишилар ҳаммаслаклигида, ана шу гояларни амалга оширишга катта эътибор қаратди. Уларнинг орасида Мунаввар қори Абдурашидхоновдек маърифатпарвар ҳам бўлиб, у кенг камровли фаолияти, амалга оширган хайрли ишлари билан миллат тарихида ўзига хос ўринга эга.

У Туркистондан етишиб чиққан буюк ислоҳотчилардан бири эди. Мунаввар кори “усули жадид” мактабларини очди, ўқитувчилик қилди, дарсликлар яратди. Янги усуздаги мактаблар учун кадрлар тайёрлади. Бола тарбиясига жиддий эътибор қаратди. “Тарбияли бола улуғларни иззат ва хурмат килур. Ўзи баробариға яхши муомала килур. Ва ўзидан кичикларға шафқат ва марҳамат килур. Ҳар кимнинг қадрини билур. Ўзидан рози қилмоқға ҳаракат килур. Қўлидан келганича бошқа инсонларға ёрдам берур. Инсонликға ярашған ишлардан ўзини тортмас.... Қўлидан келмаган ишни устиға олмас. Устиға олган хизматини қилмай қолдирмас. “Миллат” деган сўзни жонидан ортиқ суря<sup>166</sup>, – деб ёзди “Адибуссоний”<sup>167</sup> китобида Мунаввар қори Абдурашидхонов.

Замонасининг қўп илм эгалари уни ўзларига устоз сифатида билишган. Ўзбек адабиётида Тошқин таҳаллуси билан ижод қилган ёзувчи Мўминжон Муҳаммаджоновнинг Мунаввар корига хурмати баланд бўлган. У ўзининг “Турмуш уринишлари” китобида Мунаввар қори билан учрашувлари ва унинг фаолиятига доир маълумотларни келтириб ўтади. Мунаввар қори кўмагидан фойдалан-

<sup>166</sup> Адибус-соний. Ахлоқ дарслари: тарбияли бола. Мунаввар қори Аблурашидхонов. Танланган асарлари.–Т.: Машнавият, 2003. –Б.50

<sup>167</sup> Адибус-соний- Мунаввар корининг бу асари 1907 йилда чоп этилган. Боймирза Хайитнинг ёзишича бу асар 1965 йилда Туркистонли муҳожир Мавлоно Аъзам Хошимий томонидан Карочи (Покистон)да кайта нашр этилган.

ган, маслаҳат олиб турғанлигини баён қиласи. Тошқин Мунаввар кори билан танишиш шарафини қуидаги тасвирлайди. “Миробод маҳалласининг имоми Мунаввар кори деган бир шоир билан танишиб қолдим. Бурун неча кишидан бу одамнинг таърифи ва тавсифини эшитиб юрган бўлсан ҳам сұхбатини кўрмаган эдим. Унинг юмшоқ табиат ва сўзга усталиги, бир-икки соатнинг ичидаги Навоий, Умархон<sup>168</sup>, Фазлий<sup>169</sup> каби шоирларнинг шеърлариdek шеърларни ёзиб ташлани билан бошқа муллабаччалардан кўбина айрмаси (фарки) бор эди<sup>170</sup>”. М.Муҳаммаджонов учрашувларида Мунаввар кори фаолиятини кузатиб бориб “Ул “Таржимон” деган мен тушунмайдирган бир газет ўқиб юрганини кўб кўраман. Бироқ менинг олдимда янгиликдан сира оғиз очқони йўқ. Қавмларининг орасида бир оз фикрлироғи Фозил Абзи дейдирган бир нўғай бўлиб, Мунаввар қори билан “Таржумон”да ёзилғон мақолалари устида фикр юргизишар эдилар<sup>171</sup>”, – деб ёзади. Мунаввар кори ҳар жиҳатдан эҳтиёт чораларини эътиборга олиб юрган. Чунки ўша пайтдаги империя охранкалари учун мустамлакадаги бундай зиёлилар фаолияти ҳавфли ҳисобланган. Ҳар хил айловлар учун баҳона излашгани табиийдир.

Мунаввар кори ўз фаолиятида ёшларга замонавий таълим ва дунё илмини ўргатиши, янги авлодни тарбиялаш масаласига ўта долзарб масала сифатида қараган. У Тошкентда 1901 йилда усули савтия мактабини очади ва бундай мактабларни очиш ва уни оммалаштириш йўлида ўзи тузган ўқув дастурлари асосида жамоат олдида очиқ имтиҳонлар ташкил қиласи. “Ҳар миллатнинг мактаб ва мадрасаси ўлдиғи каби, бизни ҳам мактаб-мадрасаларимиз гарчи бенизом ва беусул ўлса ҳам, йўқ демак даражада оз эмас. Ҳар миллат авлодини тарбиялаш ва таълими улумда кўрсатган ҳиммат ва ғайрати каби бизларда ҳам ўз маъсум авлодларини жаҳолат ва ғафлат зулматида қолмоқиға ҳеч бир ризолари ўлмай, қўлларидан келганча таълим ва тарбияти авлодда кусурлик кўрсатмакчи зотлар

<sup>168</sup> Умархон – Кўкон хони (1810-1822) “Амирӣ” таҳаллуси билан ижод қиласи.

<sup>169</sup> Фазлий Наманганий – асл исми Абдукарим. XVIII асрнинг 2-ярми XIX асрнинг 1 – ярмида яшаган. Умархон хукмронлиги йилларида Кўконга келади. Шеърий истебоди туфайли сарой шоирларнинг бошлиги - “Малик шуаро” номини олган. У 1921 йилда “Мажмуаи шоирон” (Шоирлар мажмуаси) тазкирасини тузган.

<sup>170</sup> Муҳаммаджонов М. Турмуш уринишлари. (Бир муллабаччанинг хотира дафтари). Т. 2015. –Б. 92.

<sup>171</sup> Ўша китоб. 94 бет.

мавжуддирлар<sup>172</sup>, – деб ёзади “Бизни жаҳолат – жаҳли мураккаб” номли мақоласида.

ХХ аср бошларида Тошкентда кўплаб янги усул мактаблари ташкил этилиб, улардаги жиҳозлар ва ўкув қуроллари янги тусга кирди. “Бу янги тартиб мактабларнинг Тошкент шаҳрида жорий бўлиб кетишига биринчи сабаб Мунаввар кори бўлиб, барчасининг прўграмини шул тузиб берган бўлса ҳам ўқитувчиларкинг кўплари ўқитиш тартиби – йўли (усули таълим) қандай эканини билмаганларидан ва прўграмдаги фанларнинг отини энди эшигтанларидан хозирға анча қийналур эмишлар<sup>173</sup>, – деб ёзади замондошларидан бири.

Мунаввар кори мактабини ўқиб ХХ аср бошларида турли соҳаларда анчагина унинг шогирдлари стишиб чиқди. Унинг йўлини тутган шогирдлари Мунаввар кори мактаби андозасида мактаблар ташкил этиб ёшларга сабоқ бера бошладилар. Ўзи ва шогирдлари томонидан ташкил қилинган янги усул мактабларида таълим жараёнида вужудга келаётган муаммоларни ҳам этиш учун зарурий чора тадбириларни таҳлил этиб, “Маориф ва маданият боғчасининг биринчи дарвозаси мактабдир. Ер юзиндаги маорифли миллатларнинг ҳар бирлари маданият боғчасина шул дарвозадангина кирмишлар, яъни маориф ва маданият йўлина сафар прогроми ясалганда, биринчи моддасини шул “Мактаб очмак” масаласини кўймишлар. Ишларини шул “мактаб”дангина бошлайлар. Мактаб очуб, билғеъл иш бошлағонларидин сўнгра ҳар тарафдин турли турли нуқсонлар ва эҳтиёжлар кўрила бошламишдир” – деган холосага келади<sup>174</sup>.

Ташкил этилган мактаблар, ундаги дарс жараёнич таркибини тузиб чикиш, янгиликлар киритиш масалаларига ҳам катта эътибор берган. Хадранинг юқорисидаги бир маҳаллада Мунаввар корининг шогирдларидан бўлган Низом кори деган домланинг имтихонида иштирок этган Мунаввар кори бошчилигидаги бир гурух зиёлилар имтиҳон якунида ўз фикрларини билдиришгач, Девонабўрк самоварида тўпланиб, “Мунаввар корининг кенгаши билан бурунги прўграмманини бошқа қилмок, ўзгартирмак бўлди-

<sup>172</sup> Мунаввар кори. Бизни жаҳолат – жаҳли мураккаб. // Тараккий. 1906 йил 14 июн.

<sup>173</sup> Муҳаммаджонов М. Тумуш уринишлари. (Бир муллабаччанинг хотири дафтари). – Т. 2015. –Б. 205.

<sup>174</sup> Мунаввар кори. Жамиятлар қандай очилур? // Садойи Туркистон. 1914 йил, 14 июн.

лар. Бошлангич мактабларнинг З-синфида ўкуладирган “Фавзул нажот” китобини прўғрамдан чиқариш-чиқармаслик тўғрисида анчагина тортишув бўлди. Мен (яъни Мўминжон Муҳаммаджонов - муаллиф) уни чиқариб, ўрига Сўфи Оллохёр тўранинг “Саботу-л-ожизийн”<sup>175</sup> китобини киргизиш ёгида бўлдим. Чунки “Фавзул нажот”нинг байтларининг ўлчов (вазн)лари бузук бўлиши ила бирга хурофот ҳам ўкувчиларнинг қиликларини бузувчи сўзлари кўб эди. “Саботу-л-ожизийн” сўфиёна бўлса ҳам ўлчовлари келишган ҳам қилиқ (хулқ) бузувчи гаплари оз эди<sup>176</sup>. ”

М. Абдурашидхонов таълим тараққиётида узоқни кўзлаб иш кўрар эди. Болалар ўқишилари, илмий дунёкараши ўсишлиги учун дарслик ва ўкув қўлланмаларни дастлабки йилларда Истанбул, Қозон ва Қrimдан диний ва дунёвий ўкув рисолалар, алифбо ва ўқиши китоблари олади. У 5 синфли илк усули жадид мактаби қошида икки синфли “Рушдия” (юқори синф) синфини очади. “Намуна мактаби”ни биринчи бўлиб битирган собиқ шогирдларидан Афанэзизода унинг бу фаолияти ҳақида қуйидагиларни ёзди: “Мунаввар кори Туркистонни истило этганларга карши курашнинг ягона йўли таълим деб билди. Халқни исёнга чорламади. “Бизнинг галабамизнинг биринчи шарти ва асоси билим ва техникадир”, - деган фикрлари билан биз ёшларга таҳсилни Истанбулда давом этириш кераклигини таъкидлар эди”<sup>177</sup>.

Доктор Иброҳим Ёркиннинг “Хур Туркистон учун”\* газетасининг З-4 сонида “Эшон хўжа” номли мақоласи чоп этилади. Унда Эшонхўжа Хонийнинг шахси ҳақида сўз битилиб, бу киши маърифатпарвар Мунаввар кори билан ҳаммаслак киши эканлигини қайд этади. Мунаввар кори мактаби каби Эшонхўжа Хоний ҳам жадид мактаби очганилигини, Эшонхўжанинг Куйи Девонбеги-

<sup>175</sup> Сўфи Оллохёр – 1630-1650 йиллар оралигига Самарканддаги Каттақўргон беклигига карашли Минглар кишилогига таваллуд топган. Унинг “Саботу-л ожизийн” асари сўзларининг киска ва лўйдалиги хамда кўплаб маъноларга далолат килиши билан ажralиб туради. Асарда ахли сунна вал жамоанинг эътиқодий карашлари ўзбек тилида назмий услубда баён этилган. Шу сабабли далиллар келтирилмасдан улардан келиб чиккан хуносалтар назмга терилган.

<sup>176</sup> Муҳаммаджонов М. Турмуш уринишлари. (Бир муллабаччанинг хотира дафтари). –Т. 2015. –Б. 206-207.

<sup>177</sup> Долимов У. Жадид педагогикаси. – Тошкент. 2007. – Б.47. Манбавий асоси: //Ёш Туркистон. 1934 й. январь.

\* Хур Туркистон учун газетаси – 1975-1977 йилларда Истанбулда чиқарилган. Ташкилотчиси Зиёвуддин Бобоқурбон.

даги мактабида ўқиб, икки йиллик рушдий таълимини Мунаввар корининг “Намуна мактаби”да ўқиганлигини ёзди<sup>178</sup>. Ватан миллат озодлик ва хурлик тушунчаларини унинг мактабида ўрганланлигини такидлайди.

Мунаввар қори етиштирган шогирдлар таълимини олган янги усул мактабида олти йиллик таълимни олган Абдулваҳоб Ўқтой (Исҳоқ ўғли) ва Тоҳир Чигатой (Шокирзода) ўрта маълумотни эгаллаш учун 1917 йилда Озарбайжонга боради. Ёзда қайтган Тоҳир Чигатой “Туркистон Миллий бирлиги”га аъзо бўлади. 1921 йил Тоҳир Чигатой, 1922 йилда эса Абдулваҳоб Ўқтой Озарбайжондан Туркистонга қайтиб олий таълим олиш учун Германияга йўл олади<sup>179</sup>. Мунаввар қори бошлаб берган йўлдан етишиб чиқаётган авлодларнинг фаолиятини мана шу маълумотлардан ҳам хуроса килиш мумкин. Лекин совет хокимиятининг срли халклар зиёлиларига муносабати салбий эди. Уларни ҳам жисмонан, ҳам маънан маҳв этиш учун таъкиб этди. Ва ниҳоят “Миллий иттиҳод” ташкилотининг фаолиятида айблаб дастлаб Мунаввар қори ва у билан бирга 37 киши хибсга олинди. Кейинчалик ташкилотга алоқадор яна 41 киши қамоққа олинниб, жами 87 киши “Миллий иттиҳод” ташкилоти доирасида айблачди. Уларни “Халқ душмани”га айлантириш учун ОГПУ идораси турли йўллардан фойдаландилар.

Хужжатларда “студент” деб кайд килинган 19 ёшлик Мадхиддин Солиҳович Муҳаммедининг ана шу иш юзасидан берган гувоҳлик Мунаввар қори, унинг сафдошлари ва шогирдларини айборга айлантиришдаги Ички Ишлар Халқ Комиссарлигининг бир йўли эди.

Мадхиддин Муҳаммев берган гувоҳлик ҳужжатига кўра: “Мунаввар қори, Мурод Хўжа Домулла, Шорасул Зуннун ва Эсон Афанди бошчилигидаги кишилар эски нуктаи назарда турардилар. Эшон Хўжа Хоний, Ҳасан Кори, Салимхон, Мир Гейди ва Ваҳоб Муродий бошчилигидаги бошқалари эса ўз ғоя-мақсадларини

<sup>178</sup> Тоҳир Қаҳҳор Ҳур Туркистон учун. –Т. 1992. –Б.20.

<sup>179</sup> Ryosuke Ono. Muhaceratki bir o'zbek Turku'nun mektuplarina gore Turk dunyasi – Abdulvahap Oktay ve mektupları. Ankara Üniversitesi Dil ve Tarih-Coğrafya Fakultesi Dergisi. 53, 2 (2013) - Б.565

совет ҳукуматидан фойдаланиб амалга ошириш йўлига ўтдилар”<sup>180</sup> – дейилади.

У Эшон Хўжа Хонийни шахсига тўхталиб, собик жадид, Туркистонда жадидлик ҳаракатида фаол иштирок этган, мафкура жиҳатидан ёт унсур. Совет ҳокимиятининг паҳтачилик соҳасини кенгайтириш кампаниясидан ва бугдой етишмовчилиги каби тадбирларидан норози бўлган. У менга дердики, Ўзбекистонда ун тақчиллиги қаттиқ сезилиб турган бир маҳалда Масков дехқонларни паҳта экишга мажбур киляпти, боз устига, Масковнинг ўзи вавъдасига хилоф равишда Ўрта Осиёга буғдой етказиб бермаяпти, натижада дехқонларни ун билан таъминашда мана шунака қийинчиликлар юзага келмоқда. Бир сўз билан айтганда, паҳтачилик тармоғини кенгайтириш ахолининг бошига битган бало, бундан фақат дехқонлар зарар кўрадилар. Бундан ташқари, биз Масковни паҳта билан таъминлаяпмиз-у, ўзимиз етарли микдорда саноат молларини, жумладан, мануфактура олмаяпмиз...

У жадид мактабларида сабок берарди, инқиlobдан кейин 1926 йилгача совет мактабларида ўқитувчилик қилди, мактабларнинг мудири бўлиб ишлади. Эшон Хўжа Хоний мудирлик қилган “Ҳаёт” номли мактаб ўқувчиларининг менга айтишларича, у ўқувчиларга миллий ғояларини ўқитган, мактаб жамоат ташкилотлари ва комсомол ишларига тўсқинлик қилган. “Ўқувчилар мактабда фақат ўқиш билан банд бўлсинлар, ҳар хил жамоат ишлари, таълимтарбия ишларига ҳалақит беради”, дерди.

Ҳасан кори Хоний ҳақида маълумот бериб, уни мафкура жиҳатдан Эшон Хўжа Хонга яқин. Узоқ йиллар жадидларнинг китоб дўконига мудирлик қилган. 1926-1927 йиллари ўзбек давлат нашриётининг дўконида ишлаган. Ўздавнашрда ишлаган чоги ўрислар билан чиқишимаган ва шунинг учун ҳам уни ишдан ҳайдашган.

Наримонов техникумida ўқиган Фулом Қодир Ҳикмат ва Фулом Қодир Каримий Мунаввар кори ва Шорасул Зуниуннинг таъсирида бўлган. Фулом Қодир Ҳикмат адабиётга кизиқади, ўзининг асарлари ҳам бор. Бир куни бир расм чизган, унда думли куёш бўлиб, у илонга ўхшаб бўғаётгани тасвиirlанган. Ўзининг тушунтиришича, куёш – Октябрь инқилоби, илон бошли дум эса –

<sup>180</sup> Ўзбекистон Республикаси Вазирлар Махкамаси хузуридаги “Катагон қурбонлари хотираси” давлат музейи жорий архиви

руслар. Расмда: “Миллат, эҳ, менинг миллатим”, деган ёзув битилган. Бу ходиса муҳокама килинганди, у ўз ўқитувчилари Мунаввар Қори билан Шорасулнинг таъсирида бўлгани учун шунаقا расмлар чизганини айтган.

Ғулом Қодир Каримий ҳақида маълумот бериб, у Шариф Носир Хўжаевнинг (Каримийнинг курсдоши) альбомига икки дараҳтнинг расмини чизган. Биттаси катта, иккинчиси кичик. Каттаси кичигидан куёш нурларини тўсив турибди. Ўзининг тушунтиришича, катта дараҳт – руслар, кичиги эса – ўзбеклар. Бу фикрларни миллатчилик сифатида баҳолаб кўрсатма берган гувоҳ 1929 йил 15 ноябрдаги ёзилган ҳужжатда<sup>181\*</sup>.

Мунаввар қори Абдурашидхонов миллат тараққиёти йўлида ношир ва маорифчи, серқирав олим, адабиётшунос шоир, узокни кўра олган сиёсатчи, миллатпарвар сиймо сифатида ўз миллати учун кўплаб ишларни амалга оширди. У аслида миллатчи ҳам, исломпараст ҳам, туркпараст ҳам эмасди. Ўз халқининг озод миллат сифатида шаклланишини, ижтимоий-сиёсий жиҳатдан баркамол бўлиши истагида харакат килди. Шунинг учун ҳам хайрли амаллари билан замондошлиари эътиборини қозона олди ҳамда миллатпарварлик фаолияти сабаб хукмрон синф учун хавфли шахсга айланди. Шўро ҳукумати унинг бу эзгу истагига тузок ташлаб, мана шунинг учун ҳам курбон қилишиди.

<sup>181</sup> Ўзбекистон Республикаси Вазирлар Маҳкамаси ҳузуридаги “Қатагон курбонлари хотираси” давлат музейи жорий архиви

\* Мунаввар қори ва “Миллий истиқтол” ташкилоти аъзолари устидан амалга оширилган Мадхиддин Мухаммедининг чакув ишини Нуруллоҳ Мухаммад Рауфхон муалифлигига 1993 йилда матбуотда “Бир сотқин ва унинг чакувларида жўмардларнинг тарифлари” номи билан зълон килинган. Макола ҳудди шу ном остида <http://kh-davron.uz/kuubxonan/uzbek/tarix/munavvar-qori-ustidan-chaquv-yozgan-sotqin.html> сайтида ҳам мавжуд.

## МУНДАРИЖА

|                                                                                                                                                              |     |
|--------------------------------------------------------------------------------------------------------------------------------------------------------------|-----|
| <i>Нашим Каримов.</i> Мунаввар қори Абдурашидхонов миллий мустақиллик учун кураш йўлбошчиси сифатида.....                                                    | 3   |
| <i>Бахтиёр Хасанов.</i> Мунаввар қорининг сиёсий фаолиятига доир... <i>Дилором Алимова.</i> “Чин экан айтган сўзи” – Мунаввар қорининг тарихий башорати..... | 15  |
| <i>Сайдакбар Аззамходжаев.</i> Мунаввар қорининг ёшлиги ўтган маҳалла.....                                                                                   | 24  |
| <i>Нурбой Жабборов.</i> Мунаввар қори ва миллий маърифат.....                                                                                                | 29  |
| <i>Сироғиддин Аҳмад.</i> Мунаввар қори Абдурашидхоновнинг Ўрта Осиё маданиятидаги тутган ўрни ва роли.....                                                   | 35  |
| <i>Нодира Мустафаева.</i> Туркистон жамиятининг маданий.....                                                                                                 | 44  |
| <i>Сотимжон Холбоев.</i> Миллат фидойиси ва раҳнамоси тараққиётида Мунаввар қори Абдурашидхоновнинг тутган ўрни.....                                         | 52  |
| <i>Абдуҳамид Холмуродов.</i> Миллатнинг буюк фидойиси.....                                                                                                   | 62  |
| <i>Баҳром Ирзаев.</i> Мунаввар қори Абдурашидхонов ва унинг педагогик мактаби тарихидан.....                                                                 | 75  |
| <i>Бахтиёр Эгамов.</i> Мунавваркори Абдурашидхонов – замонавий география дарслклари муаллифи ва моҳир педагог.....                                           | 83  |
| <i>Дилноза Жамолова.</i> Мунаввар қори Абдурашидхонов: вақф мулклари ҳақида.....                                                                             | 110 |
| <i>И.Кулджонов, Д.Саибов.</i> Нурли инсоннинг порлок хотираси мангу қалбимизда яшайди.....                                                                   | 122 |
| <i>Насиба Турсунова.</i> Миллий мактаб асосчиси.....                                                                                                         | 131 |
| <i>А.Йўлдошев, Э.Раджапов.</i> Мунаввар қори Абдурашидхонов фаолиятининг ўрганилиши.....                                                                     | 136 |
| <i>Абдували Йўлдошев.</i> Мунаввар қори Абдурашидхонов замондошлари нигоҳида.....                                                                            | 141 |
|                                                                                                                                                              | 148 |

«MUMTOZ SO'Z»  
масъулияти чекланган жамиятининг  
матбая бўлимида чоп этилди.  
Манзил: Тошкент, Навоий кўчаси, 69.  
Тел.: 241-81-20

**МУНАВVAR ҚORI АБДУРАШИДХОНОВ ТУРКИСТОН  
ТАРАҚҚИЙПАРВАРЛАРИНИНГ САРДОРИ**

*“Мунаввар қори Абдурашидхоновнинг илмий-педагогик мероси  
ҳамда Ўзбекистонда таълим тизимини янгилаш ва  
ривожжлантириш муаммолари” мавзуидаги Республика илмий-  
амалий анжумани материаллари,  
2018 йил 26 апрель*

Нашриёт мухаррири: Махкам Махмудов  
Мусаххих: Хилола Болтабоева  
Техник мухаррiri: Беҳзод Болтабоев

«MUMTOZ SO‘Z»  
масъулияти чекланган жамияти  
нашриёти

Манзил: Тошкент, Навоий кўчаси, 69.  
Тел.: (998 71) 241-60-33 E-mail: [mumtoz\\_soz@mail.ru](mailto:mumtoz_soz@mail.ru)

Нашриёт лицензияси AI № 103, 15.07.2008  
Босишга руҳсат этилди 09.10.2018  
Коғоз бичими 60x84 1/16. Офсет коғози  
Times New Roman гарнитураси. Ҳисоб-нашриёт табори 8,0  
Шартли босма табори 8,75. Алади 50  
Бахоси келишилган нархда

«MUMTOZ SO‘Z»  
масъулияти чекланган жамиятининг  
матбаа бўлимида чоп этилди.  
Манзил: Тошкент, Навоий кўчаси, 69.  
Тел.: 241-81-20

*Илмий-бадиий нашр*

**МУНАВVAR ҚОРИ АБДУРАШИДХОНОВ ТУРКИСТОН  
ТАРАҚҚИЙПАРVARЛАРИНИНГ САРДОРИ**

*“Мунаввар қори Абдурашидхоновнинг илмий-педагогик мероси  
ҳамда Ўзбекистонда таълим тизимини янгилаш ва  
ривожлантириши муаммолари” мавзуидаги Республика илмий-  
амалий анжумани материаллари,*

*2018 йил 26 апрель*

Нашриёт мухаррири: Маҳкам Маҳмудов  
Мусаххих: Хилола Болтабоева  
Техник мухаррир: Бехзод Болтабоев

«MUMTOZ SO‘Z»  
масъулияти чекланган жамияти  
нашриёти

Манзил: Тошкент, Навоий кўчаси, 69.  
Тел.: (998 71) 241-60-33 E-mail: mumtoz\_soz@mail.ru

Нашриёт лицензияси А1 № 103. 15.07.2008  
Босишига руҳсат этилди 09.10.2018  
Қозоғ бичими 60x84 1/16. Офсет көгози  
Times New Roman гарнитураси. Ҳисоб-нашриёт табоги 8,0  
Шартли босма табоги 8,75. Адади 50  
Баҳоси келишилган нархда





ISBN 978-9943-4548-3-2

9 789943 455832